

মধ্য-লীলা ।

একবিংশ পরিচ্ছেদ

অগত্যেকগতিং নত্বা হীনার্থাধিকসাধকম্ ।
শ্রীচৈতন্যং লিখাম্যশ্রু মাধুর্যৈশ্বর্যশীকরম্ ॥ ১
জয়জয় শ্রীচৈতন্য জয় নিত্যানন্দ ।
জয়দ্বৈতচন্দ্র জয় গৌরভক্তবৃন্দ ॥ ১
সর্বস্বরূপের ধাম পরব্যোমধামে ।

পৃথক পৃথক বৈকুণ্ঠ সব—নাহিক গণনে ॥ ২
শতসহস্রাযুতলক্ষকোটি যোজন ।
একেক বৈকুণ্ঠের বিস্তার বর্ণন ॥ ৩
সব বৈকুণ্ঠ—ব্যাপক আনন্দচিন্ময় ।
পারিষদ—ষড়ৈশ্বর্যপূর্ণ সব হয় ॥ ৪

শ্লোকের সংস্কৃত টীকা ।

অগতীনামেকামদ্বিতীয়াং গতিং শরণং ; হীনানাং অতিনীচজাতীনাং যেহর্থাঃ প্রয়োজনানি ধর্মাদয়ঃ তেষামধিকং
যথা শ্রুতং তথা সাধকমিতি । অশ্রু কৃষ্ণশ্রু । চক্রবর্তী । ১

গৌর-কৃপা-তরঙ্গিনী টীকা ।

মধ্যলীলার একবিংশ পরিচ্ছেদে পূর্বপরিচ্ছেদোক্ত সম্বন্ধতত্ত্ব বিচারপ্রসঙ্গে শ্রীকৃষ্ণের ঐশ্বর্য-মাধুর্যাদি বর্ণিত
হইয়াছে ।

শ্লো । ১ । অর্থ । অগত্যেকগতিং (গতিহীনের একমাত্রগতি) হীনার্থাধিকসাধকং (হীনজনের অত্যধিক-
পরিমাণে ধর্মাদিসিদ্ধি প্রদাতা) শ্রীচৈতন্যঃ (শ্রীচৈতন্যদেবকে) নত্বা (প্রণাম করিয়া) অশ্রু (ইহার—শ্রীকৃষ্ণের)
মাধুর্যৈশ্বর্যশীকরং (মাধুর্য ও ঐশ্বর্যের কণামাত্র) লিখামি (লিখিতেছি) ।

অনুবাদ । গতিহীনের একমাত্র গতি ও হীনজনের অত্যধিক পরিমাণে ধর্মাদি সিদ্ধি প্রদাতা, শ্রীচৈতন্যদেবকে
প্রণাম করিয়া তাঁহার (শ্রীকৃষ্ণের বা শ্রীকৃষ্ণচৈতন্যের) ঐশ্বর্য ও মাধুর্যের কণামাত্র লিখিতেছি । ১

এই পরিচ্ছেদে যে শ্রীকৃষ্ণের ঐশ্বর্য ও মাধুর্য বর্ণিত হইবে, গ্রন্থকার এই শ্লোকে তাহারই ইঙ্গিত দিতেছেন
এবং তদুদ্দেশ্যে শ্রীমন্মহাপ্রভুর কৃপা প্রার্থনা করিতেছেন ।

১ । সর্বস্বরূপের ধাম ইত্যাদি—পূর্বপরিচ্ছেদে শ্রীকৃষ্ণের যে বিলাসাদিরূপে অনন্ত স্বরূপের উল্লেখ করা
হইয়াছে, সেই সকল স্বরূপের প্রত্যেকেরই পরব্যোমে এক একটি নিজস্ব ধাম আছে । এইরূপে পরব্যোমে অসংখ্য
ধাম আছে ; ইহাদের প্রত্যেক ধামই এক একটি বৈকুণ্ঠ (অর্থাৎ মায়াতীত চিন্ময় ও আনন্দময় ধাম) । স্বরূপের
—বিলাস ও অবতারাতির । নাহিক গণন—অবতারের সংখ্যার অন্ত নাই বলিয়া তাঁহাদের ধামের সংখ্যাও
অনন্ত ।

৩ । এই পয়ায়ে বলা হইয়াছে—এক এক বৈকুণ্ঠের পরিমাণ শতসহস্র-অযুত-লক্ষ কোটীযোজন । পরবর্তী
পয়ায়ে বলা হইয়াছে “সব বৈকুণ্ঠ ব্যাপক—অর্থাৎ বিহু ।” সমাধান পরবর্তী পয়ায়ের টীকায় দ্রষ্টব্য ।

৪ । সব বৈকুণ্ঠ ইত্যাদি—পূর্ব পয়ায়ে “শত সহস্র অযুত লক্ষ কোটী যোজন” রূপে ঐ বৈকুণ্ঠ-সমূহের
বিস্তার বর্ণনা করিয়াছেন । এই পয়ায়ে আবার বলিতেছেন “সব বৈকুণ্ঠ ব্যাপক” অর্থাৎ বিহু । ইহার তাৎপর্য

অনন্ত বৈকুণ্ঠ এক-এক দেশে যার।

সেই পরব্যোমধামের কে করু বিস্তার ? ॥ ৫

অনন্ত বৈকুণ্ঠ-পরব্যোম যার 'দলশ্রেণী'।

সর্বোপরি কৃষ্ণলোক 'কর্ণিকার' গণি ॥ ৬

এইমত ষড়ৈশ্বর্য—স্থান, অবতার।

ব্রহ্মা শিব অন্ত না পায়, জীব কোন্ ছায় ॥ ৭

তথাহি (ভাঃ ১০।১৪২১)—

কো বেত্তি ভূমন্ ভগবন্ পরাশ্রন্

যোগেশ্বরোত্তীর্ভরতপ্রিলোক্যাম্।

কাহো কথং বা কতি বা কদেতি

বিস্তারয়ন্ ক্রীড়সি যোগমায়া ॥ ২ ॥

শ্লোকের সংস্কৃত টীকা

নমু চ স্বাতন্ত্র্যে কথং কুংসিতেষু মংস্তাদিষু জন্ম কথং বা বামনাগবতারে যাচ্ঞাদিকার্পণ্যং কথং বা অশ্মিন্নেব কদাচিদ্বয়পলায়নাদি অন্ত আহ কো বেত্তীতি। অনর্থঃ সম্বোধনৈঃ দুজ্জৈয়স্বমেবাহ ভূমন্নিত্যাদিভিঃ। ভবত উত্তীর্ণালাপ্রিলোক্যং কো বেত্তি ক বা কথং বা কদা কতি বেতি। অচিন্ত্যং তব যোগমায়াবৈভবমিতি ভাবঃ। স্বামী। ২

গৌর-কৃপা-ভরদ্বীপী টীকা।

এই :—পূর্বে কৃত বৈকুণ্ঠসমূহের কোনটী শতযোজন, কোনটী সহস্রযোজন, কোনটী কোটিযোজন বিস্তারযুক্ত বলিয়া পরিচ্ছিন্ন ও সীমাবদ্ধ বলিয়া আপাতঃদৃষ্টিতে মনে হইলেও বস্তুতঃ পরিচ্ছিন্ন ও সীমাবদ্ধ নহে; তাহাদের প্রত্যেক বৈকুণ্ঠেই ব্যাপকত্ব আছে; প্রত্যেক বৈকুণ্ঠই “সর্গ, অনন্ত, বিভূ।” অচিন্ত্যশক্তির প্রভাবে, এই ধাম-সমূহের পরিচ্ছিন্নত্ব ও ব্যাপকত্ব যুগপৎ-বর্তমান। প্রত্যেক বৈকুণ্ঠই আনন্দময়, প্রত্যেক বৈকুণ্ঠই চিন্ময়; প্রত্যেক বৈকুণ্ঠই তত্ত্ব-ধামাধিপতির পারিষদে পরিপূর্ণ এবং প্রত্যেক বৈকুণ্ঠই ষড়ৈশ্বর্য-পূর্ণ এবং ব্যাপক।

৫। অনন্ত বৈকুণ্ঠ—প্রত্যেক বৈকুণ্ঠই সর্গ, অনন্ত, বিভূ; এইরূপ অনন্ত-সংখ্যক বৈকুণ্ঠ যে পরব্যোমের এক অংশে বর্তমান, সেই পরব্যোমের বিস্তার বর্ণন করা অসম্ভব। একদেশে—এক অংশে।

৬। অনন্ত বৈকুণ্ঠ পরব্যোম ইত্যাদি—পৃথক্ পৃথক্ বৈকুণ্ঠ ও পরব্যোমের সংক্ষিপ্ত বিবরণ উল্লেখ করিয়া কৃষ্ণলোকের বর্ণনা করিতেছেন। দ্বারকা, মথুরা ও গোলোক এই তিনরূপে কৃষ্ণলোকের অবস্থিতি। অনন্ত-বৈকুণ্ঠময় পরব্যোম ও কৃষ্ণলোক—এই সমুদয়ের মিলিত আকার একটী পদ্মের মত; কৃষ্ণলোক এই পদ্মের কর্ণিকার-স্থানীয় এবং পরব্যোমস্থ বৈকুণ্ঠ-সমূহ উহার দলশ্রেণী-স্থানীয়। বলা বাহুল্য, পদ্মাকার বা কর্ণিকার ও দলশ্রেণী-স্থানীয় বলাতে পরিচ্ছিন্ন বলিয়া মনে হইলেও স্বরূপতঃ এই সকল ভগবদ্ধাম “সর্গ, অনন্ত, বিভূ।”

৭। এইমত ষড়ৈশ্বর্য ইত্যাদি—ষড়ৈশ্বর্যপূর্ণ শ্রীভগবানের অবতারাдиও ষড়ৈশ্বর্যময়, তাহাদের ধামাদিও ষড়ৈশ্বর্যময়, পারিষদাদিও ষড়ৈশ্বর্যময়, অচিন্ত্য-শক্তিশূক্ত।

ব্রহ্মাশিব অন্ত না পায়—ঐহিক স্থান ও অবতারাди ষড়ৈশ্বর্যময়, ব্রহ্মাশিবাдиও সেই ভগবানের গুণ, লীলা, মাধুর্য্য ও ঐশ্বর্য্যাদির অন্ত পায়েন না। ব্রহ্মাদি যে ঐহিক লীলার অন্ত পায়েন না, পরবর্তী শ্লোকে তাহা দেখাইয়াছেন এবং তৎপরবর্তী শ্লোকে, ব্রহ্মাদি যে ঐহিক গুণের অন্ত পায়েন না, তাহা দেখাইয়াছেন।

শ্লো। ২। অশ্রয়। ভূমন্ (হে বিশ্বব্যাপক—হে অপরিচ্ছিন্ন)। ভগবন্ (হে ষড়ৈশ্বর্যপূর্ণ ভগবন্)। পরাশ্রন্ (হে সর্বাধ্বর্য্যামিন্)। যোগেশ্বর (হে যোগেশ্বর)। অহো (অহো—কি আশ্চর্য্য)। যোগমায়াং (যোগমায়াকে) বিস্তারয়ন্ (বিস্তার করিয়া) [যদা] (যখন) ক্রীড়সি (তুমি ক্রীড়া কর), [তদা] (তখন) ভবতঃ (তোমার) উত্তীঃ (লীলাসকল) ক (কোথায়) কথং (কি প্রকারে) কতি (কত সংখ্যক) কদা (কোন সময়ে—সম্পাদিত হইতেছে, তৎসমস্ত) ত্রিলোক্যং (ত্রিভুবন মধ্যে) কঃ (কোন ব্যক্তি) বেত্তি (জানে)।

এইমত কৃষ্ণের দিব্য সদগুণ অনন্ত

ব্রহ্মা-শিব সনকাদি না পায় যার অন্ত ॥ ৮

তথাহি (ভাঃ ১০, ১৪৭)—

গুণানন্তেহপি গুণান্ বিমাতুং

হিতাবতীর্ণশ্চ ক ঈশিরেহশ্চ ।

কালেন যৈকী বিমিতাঃ স্ককল্পৈ-

ভূপাংশবঃ খে মিহিকা দ্যভাসঃ ॥ ৩

শ্লোকের সংস্কৃত টীকা ।

গুণান্ননো গুণানামান্ননো গুণাধিষ্ঠাতুস্তে তব পুনর্গুণান্ বিমাতুং এতাবশ্চ ইতি গণয়িতুমপি কে ঈশিরে সমর্থ্য বভূবুঃ দূরতন্ত বিশেষবার্তা । কথন্তু তব অন্ত বিখ্যাত হিতায় পালনায় বহুগুণাবিকারেণাবতীর্ণশ্চ । নহু কালেন

গৌর-কৃপা-ভরদ্বীপী টীকা ।

অনুবাদ । ব্রহ্মা শ্রীকৃষ্ণকে বলিলেন—হে ভূমন্ (অপরিচ্ছিন্ন—সর্বব্যাপক) ! হে বড়ৈশ্বর্য্য-পরিপূর্ণ ভগবন্ ! হে সর্বান্তর্য্যামিন্ ! হে যোগেশ্বর ! কি আশ্চর্য্য ! তুমি যখন তোমার স্বরূপশক্তি যোগমায়াকে বিস্তার করিয়া ক্রীড়া করিতে থাক, তখন তোমার লীলা—কোথায়, কি প্রকারে, কত সংখ্যায় এবং কোন সময়ে যে সম্পাদিত হইতেছে, তাহা—ত্রিভুবনের মধ্যে কোন্ জন জানিতে পারে ? অর্থাৎ কেহই জানিতে পারে না । ১২

এই শ্লোক ব্রহ্মার উক্তি । শ্রীকৃষ্ণ তখন শিশু ; গোপ-শিশুদের সঙ্গে বৎসমাত্র চরাইয়া থাকেন । একদিন তিনি সখাদের লইয়া বৎস চরাইতে গিয়াছেন,—ব্রহ্মা তাঁহার সমস্ত বৎস এবং সমস্ত সখাদের হরণ করিয়া লুকাইয়া রাখিলেন ; কিন্তু পরে শ্রীকৃষ্ণের মহিমা-দর্শনে বিস্মিত হইয়া (পরবর্তী ১২ পয়ারের টীকা দ্রষ্টব্য) করষোড়ে শ্রীকৃষ্ণকে স্তুতি করিতে লাগিলেন ; উক্ত শ্লোকটি এই স্তবেরই অন্তর্গত একটি শ্লোক । ব্রহ্মা বলিলেন :—হে ভূমন্—হে বিশ্বব্যাপক ! তুমি দেশ-কালাদি দ্বারা অপরিচ্ছিন্ন, তুমি সর্বব্যাপক—বিভূ বস্ত্র ; ক্ষুদ্র আমি তোমার মহিমা কি বুঝিব ? হে ভগবন্—তুমি পরমৈশ্বর্য্যশালী, অচিন্ত্যশক্তিসম্পন্ন—তোমার ঐশ্বর্য্যের, তোমার শক্তির ও শক্তিক্রিয়ার ইয়ত্তা ক্ষুদ্র আমি কিরূপে বুঝিব ? হে পরাত্মন্—তুমি সকলের অন্তর্য্যামী ; আমার মনে যে গর্ষ ছিল—যাহার প্রভাবে আমি তোমার বৎসাদি হরণ করিয়া তোমার চরণে অপরাধী হইয়াছি—তাহাও সর্বাত্মেই তুমি জানিয়াছ, তাই আমাকে শিক্ষা দেওয়ার নিমিত্ত, আমার গর্ষ খর্ব্ব করার নিমিত্ত কৃপা করিয়া তুমি তোমার অতুলনীয় ঐশ্বর্য্যের খেলা আমার সাক্ষাতে প্রকটিত করিয়াছ । হে যোগেশ্বর—তোমার কৃপায় যোগমার্গের সাধনে যাহারা সিদ্ধি লাভ করিয়া থাকেন, তাঁহাদের বিভূতিই জনগণকে বিস্মিত ও স্তুতিত করিয়া ফেলে ; আর যোগেশ্বর তোমার বিভূতির মহিমা মাদৃশ ক্ষুদ্রব্যক্তি কিরূপে অবধারণ করিবে ? তাই তুমি তোমার অষ্টটন-ষটন-পটীয়াসী যোগমায়াকে বিস্তার করিয়া—যোগমায়ার অচিন্ত্য-শক্তির মহিমা লোকে প্রদর্শন করাইবার উদ্দেশ্যে—যোগমায়ার সহায়তায় তুমি যখন ক্রীড়াসি—ক্রীড়া—লীলা—করিতে থাক, তখন তোমার লীলা—কোথায়, কখন, কি প্রকারে সম্পাদিত হইয়া থাকে—কতগুলি লীলাই বা সম্পাদিত হইয়া থাকে, তাহা নির্ণয় করিতে পারে—এমন লোক ত্রিজগতে কেহ নাই ।

এই শ্লোকের তাৎপর্য্য এই যে—শ্রীকৃষ্ণের ঐশ্বর্য্য এবং ঐশ্বর্য্যের অতিব্যক্তি নির্ণয় করিবার ক্ষমতা স্বয়ং ব্রহ্মারও নাই । এইরূপে এই শ্লোক পূর্ববর্তী ৭ পয়ারের প্রমাণ ।

৮ । এই মত কৃষ্ণের—ব্রহ্মাদিও যে লীলার অন্ত পায়েন না, এইরূপ লীলাকারী কৃষ্ণের । অথবা “এইমত” শব্দ “সদগুণের” সঙ্গে যোগ করিয়াও অর্থ করা যায় :—এইমত সদগুণ ; শ্রীকৃষ্ণের “সদগুণও এইমত” অর্থাৎ শ্রীকৃষ্ণের লীলার মত অনন্ত, অচিন্ত্য, দুর্নির্ণয় । দিব্য—অপ্রাকৃত । শ্রীকৃষ্ণের কোনও প্রাকৃত গুণ নাই বটে ; কিন্তু তাঁহার অনন্ত অপ্রাকৃত গুণ আছে । ব্রহ্মা শিব ইত্যাদি—ব্রহ্মা, শিব ও সনকাদিও শ্রীকৃষ্ণের গুণসমূহের অন্ত পায়েন না ; সামান্য জীবের কথা আর কি বলিব ?

এই পয়ারের প্রমাণরূপে নিম্নে একটি শ্লোক উদ্ধৃত হইয়াছে ।

শ্লোঃ ৩ । অম্বয় । গুণান্ননঃ (স্বরূপভূত-গুণে গুণী) অন্ত (এই বিশ্বের) হিতাবতীর্ণশ্চ (হিতের নিমিত্ত

ব্রহ্মাদিক রহ, অনন্ত সহস্রবদন ।

| নিরন্তর গায়, গুণের অন্ত নাহি পান ॥ ৯

শ্লোকের সংস্কৃত টীকা ।

নিপুণৈঃ কিমশকামত আহ কালেনেতি । বা শব্দো বিতর্কে । স্বকল্পৈরতিনিপুণৈর্বহুভাষ্যনা কালেন ভূপরমাণবঃ
বিমিতা বিশেষণ গণিতা ভবেয়ুঃ তথা খে মিহিকা হিমকণা অপি । তথা দ্ব্যভাসো দিবিনক্ষত্রাদিকিরণপরমাণবোহপি ॥
স্বামী ॥ ৩

গৌর-কৃপা-তরঙ্গিণী টীকা ।

অবতীর্ণ) তে (তোমার) গুণান্ (গুণসমূহকে) বিমাতুং (গণনা করিতে) কে বা (কে ই-বা) ঈশিরে (সমর্থ
হয়) ? স্বকল্পৈঃ যৈঃ (যে সমস্ত সুনিপুণ ব্যক্তিগণ কর্তৃক) কালেন (যথোপযুক্ত সময়ে) ভূ-পাংশবঃ (পৃথিবীর
পরমাণুসমূহ) খে (আকাশে) মিহিকাঃ (হিমকণাসমূহ) দ্ব্যভাসঃ (কিরণ-পরমাণুসমূহও) বিমিতাঃ (গণিত
হইতে পারে) [তেহপি তে গুণান্ বিমাতুং ন ঈশিরে] (তঁাহারাও তোমার গুণসমূহ গণনা করিতে অসমর্থ) ।

অনুবাদ । ব্রহ্মা শ্রীকৃষ্ণকে বলিলেন :—“স্বরূপভূত-গুণে গুণী তোমার এবং বিশ্বের হিতের নিমিত্ত অবতীর্ণ
তোমার গুণসমূহ কে-ই বা গণনা করিতে সমর্থ ? (অর্থাৎ কেহই সমর্থ নহে) । যথোপযুক্ত সময় পাইলে যে
সমস্ত সুনিপুণ ব্যক্তি পৃথিবীর পরমাণু-সমূহ, (কিছা তদপেক্ষা অধিক-সংখ্যক) আকাশের হিমকণা, (কিছা
তদপেক্ষাও অধিক-সংখ্যক আকাশস্থ সূর্য্যাদির) কিরণ-কণা সমূহও গণনা করিতে পারেন, (তঁাহারাও তোমার
গুণসমূহ গণনা করিতে অসমর্থ) ।” ৩

শ্রীভগবানের অসংখ্য-অপ্রাকৃত গুণ আছে; কোনও কোনও স্থলে যে তাঁহাকে নিগূর্ণ বলা হইয়াছে,
তাহার তাৎপৰ্য্য এই যে—শ্রীভগবানে প্রাকৃত গুণ—যে গুণ প্রকৃতির কার্য্য, তাহা—নাই; তাই পদ্মপুরাণ উত্তর
খণ্ডে দেখিতে পাওয়া যায় “যোহসৌ নিগূর্ণ ইত্যুক্তঃ শাস্ত্রেষু জগদীশ্বরঃ । প্রাকৃতৈর্হেতুসংযুক্তৈর্গুণৈর্হীনস্বমুচ্যতে ॥
২৫।৩৯ ॥” জ্ঞান, শক্তি, বল, ঐশ্বর্য্য, বীৰ্য্য এবং তেজঃ—এ সমস্তই ভগবৎ-শব্দের বাচ্য এবং এই সমস্তই ভগবানের
অপ্রাকৃত গুণ—প্রাকৃত হেয়গুণ তাঁহাতে নাই । “জ্ঞানশক্তি-বলৈশ্বর্য্য-বীৰ্য্য-তেজাংশুশেষতঃ । ভগবচ্ছবদ্ব্যচ্যানি
বিনা হেয়ৈর্গুণাদিভিঃ ॥ বি, পু, ৬।৫।১৯ ॥” ভগবানের সমস্ত গুণই তাঁহার স্বরূপভূতগুণ । “গুণৈঃ স্বরূপভূতৈস্ত
গুণাসৌ হরিরীশ্বরঃ ॥ ল, ভা, কৃ, ২।১০ ॥” এসমস্ত স্বরূপভূত অপ্রাকৃত গুণের প্রতি লক্ষ্য করিয়াই শ্রীকৃষ্ণকে
“গুণাত্মা” বলা হইয়াছে । গুণাত্মনঃ—গুণাঃ আত্মনঃ স্বরূপভূতাঃ যন্ত (শ্রীকৃষ্ণ) —গুণসমূহ স্বরূপভূত তাঁহার, যিনি
স্বরূপভূত গুণেই গুণী (প্রাকৃত গুণে যিনি গুণী নহেন), সেই শ্রীকৃষ্ণের । তাঁহার গুণসমূহ সংখ্যায় অনন্ত, বৈচিত্র্যে
অনন্ত, মাহাত্ম্যে অনন্ত; তাই কেহই এই গুণসমূহের ইয়ত্তা করিতে সমর্থ নহে । অতএব কথ্য তো দূরে, যথোপযুক্ত
সময় পাইলে যৈঃ স্বকল্পৈঃ—অতিনিপুণ যে সমস্ত ব্যক্তিকর্তৃক (চক্রবর্ত্তিপাদ বলেন—এস্থলে স্বকল্প শব্দে
শ্রীসঙ্কর্ষণাদিকে বুঝাইতেছে) পৃথিবীর পরমাণু, আকাশের হিমকণা, এমন কি সূর্য্যাদির কিরণ-কণাও গণিত হইতে
পারে, তঁাহারাও শ্রীকৃষ্ণের গুণের ইয়ত্তা নির্ণয় করিতে সমর্থ নহেন ।

পৃথিবীর বায়ুকা-কণার পরিমাণ নির্ণয় করাও অসম্ভব; প্রত্যেকটী বায়ুকণার মধ্যে আবার বহুসংখ্যক পরমাণু
(পদার্থের ক্ষুদ্রতম অবিভাজ্য অংশ) আছে; সুতরাং পৃথিবীর পরমাণুর পরিমাণ নির্ণয় করা আরও অসম্ভব ।
আবার ইহা অপেক্ষাও অসম্ভব আকাশের হিমকণার পরিমাণ নির্ণয় করা এবং তাহা অপেক্ষাও অসম্ভব আকাশস্থ
সূর্য্যাদি তেজোময় জ্যোতিষ্কমণ্ডলীর কিরণ-কণাসমূহের পরিমাণ নির্ণয় করা । যাহা হউক, এসমস্ত অসম্ভব-ব্যাপারও
যদি কখনও সম্ভব হয়, তথাপি কিন্তু শ্রীকৃষ্ণের গুণ-সমূহের ইয়ত্তা নির্ণয় করা সম্ভব হইতে পারে না । ইহাই এই
শ্লোকের তাৎপৰ্য্য ।

শ্লোকস্থ “স্বকল্প” শব্দেই ব্রহ্মা-শিব-সনকাদি স্মৃতি হইতেছে । এইরূপে এই শ্লোক পূর্ববর্ত্তী ৮ পয়ারের প্রমাণ ।

৯। ব্রহ্মার চারি মুখ, শিবের পাঁচ মুখ; আর সনকাদির প্রত্যেকের মাত্র একখানা মুখ; চারিমুখে বা

তথাহি (ভাঃ ২।৭।৪২)—

নাস্তং বিদাম্যহমমী মুনয়োহগ্রজাশ্চ

মায়াবলশ্চ পুরুষশ্চ কুতোহবরা যে ।

গায়ন্ গুণান্ দশশতানন আদিদেবঃ

শেষোহধুনাপি সমবশ্চতি নাস্ত পারম্ ॥ ৪

সেহো রহু, সর্বজ্ঞ-শিরোমণি কৃষ্ণ ।

নিজ গুণের অন্ত না পায়, হয়ে ত সতৃষ্ণ ॥ ১০

তথাহি (ভাঃ ১০।৮।৪১)—

দ্যুপত্য এব তে ন যযুরহমন্ততয়া

ত্বমপি যদন্তরাণিচয়া নহু সাবরণাঃ ।

থ ইব রজাংসি বাস্তি বয়সা সহ যৎ শ্রুতয়-

ত্বমি হি ফলন্ত্যতন্নিসনেন ভবদ্বিধনাঃ ॥ ৫

শ্লোকের সংস্কৃত টীকা ।

এতৎ প্রপঞ্চয়তি নাস্তমিতি । পুরুষশ্চ মায়াবলং তস্ত অন্তং ন বিদামি ন বেদ্মি । দশশতাছাননানি যশ্চ স শেষোহপি অশ্চ গুণান্ গায়ন্ অধুনাপি পারং ন সমবশ্চতি ন প্রাপ্নোতি । স্বামী । ৪

তদবগমী ন বেত্তি স্বত্বদুঃখে ন চ বিশিনিষেধাবিত্যুক্ত তত্র নহু কথমবগম্যং শক্যতে দুর্ধগমত্বস্তোক্তত্বাৎ ইত্যেবমাশঙ্ক্য সত্যমেবম্ অনবগাহমহিম্নো বাধ্যনসাগোচরত্বাৎ অবিষয়ত্বেনৈব জ্ঞানমিতি দর্শয়ন্ যদুর্দ্ধং গার্গি দিবো যদক্ষাক্ পৃথিব্যা যদন্তরা ভ্রাবা পৃথিবী ইমে যদভূতং চ ভবচ্চ ভবিষ্যেত্যাদি শ্রুতিপ্রতিপাদিতমপরিমিতং মহিমানমাহ দ্যুপত্য এবতি । হে ভগবন্ তে অন্তং দ্যুপত্যঃ স্বর্গাদিলোকপত্যো ব্রহ্মাদয়োহপি ন যযুঃ ন প্রাপুঃ । তৎ কুতঃ ।

গোর-কৃপা-তরঙ্গিণী টীকা ।

পাঁচমুখে ব্রহ্মা-শিবাদির পক্ষে শ্রীকৃষ্ণের গুণ কীর্তন করা তো দূরের কথা—সহস্রবদন অনন্তদেব অনাদি কাল হইতে অনবরত সহস্রবদনে কীর্তন করিয়াও শ্রীকৃষ্ণগুণের অন্ত পাইতেছেন না ।

এই পরারোক্তির প্রমাণরূপে নিম্নে একটি শ্লোক উদ্ধৃত হইয়াছে ।

শ্লো। ৪। অম্বয়। তে (তোমার—নারদের) অগ্রজাঃ (অগ্রজ) অমী (এসমস্ত—সনকাদি) মুনয়ঃ (মুনিগণ) অহং (আমি—ব্রহ্মা) অপি (ও) পুরুষশ্চ (ভগবান্ শ্রীকৃষ্ণের) মায়াবলশ্চ (মায়াবলের) অন্তং (অন্ত) ন বিদামি (জানিনা), যে (বাহারা) অবরাঃ (অন্ত) কুতঃ (তাহাদের কথা আর কি বলি যাইবে), দশশতাননঃ (সহস্র-বদন) আদিদেবঃ (আদিদেব) শেষঃ (অনন্ত দেব) অশ্চ (ইঁহার—শ্রীকৃষ্ণের) গুণান্ (গুণসমূহ) গায়ন্ (গান করিয়া) অধুনা অপি (এখনও) পারং (শেষ) ন সমবশ্চতি (পায়েন নাই) ।

অনুবাদ । ব্রহ্মা বলিলেন—“হে নারদ! তোমার অগ্রজ সনকাদি মুনিগণও পরম-পুরুষ-শ্রীকৃষ্ণের মায়াবলের অন্ত পান নাই; এমন কি আমিও পাই নাই; তখন অস্ত্রের কথা আর কি বলিব? (আমাদের কথা দূরে থাকুক) সহস্রবদন-অনন্তদেব (সহস্রবদনে অনাদিকাল হইতে) তাঁহার গুণ গান করিতেছেন, এখনও শেষ করিতে পারেন নাই । ৪”

এই শ্লোক পূর্ববর্তী পরারোক্তির প্রমাণ ।

১০। সেহো রহু—সহস্রবদন অনন্তের কথা দূরে থাকুক, সর্বজ্ঞ-শিরোমণি শ্রীকৃষ্ণও নিজগুণের অন্ত জানেন না । প্রশ্ন হইতে পারে, যিনি নিজ গুণের অন্ত জানেন না, তিনি সর্বজ্ঞ হইলেন কিরূপে? উত্তরঃ—যে বস্তুর অস্তিত্বই নাই, তাহা জানিতে না পারিলে কাহারও অজ্ঞতা প্রকাশ পায় না । মানুষের শৃঙ্গ থাকার কথা যিনি জানেন না, তাঁহাকে কেহ অজ্ঞ বলিতে পারেন না; যেহেতু মানুষের শৃঙ্গ নাইই; এইরূপ, শ্রীকৃষ্ণের গুণের অন্তও নাই; সুতরাং তাহা জানিতে না পারায় শ্রীকৃষ্ণের সর্বজ্ঞত্বের নাহি হয় না । সতৃষ্ণ—স্বীয় গুণের অন্ত নিরূপণের নিমিত্ত উৎকণ্ঠিত ।

এই পরারোক্তির প্রমাণরূপে নিম্নে একটি শ্লোক উদ্ধৃত হইয়াছে ।

শ্লো। ৫। অম্বয়। নহু (হে ভগবন্)! দ্যুপত্যঃ (স্বর্গাদিলোকাধিপতি শ্রীব্রহ্মাদি) এব (ও) তে (তোমার—শ্রীকৃষ্ণের) অন্তং (অন্ত) ন যযুঃ (প্রাপ্ত করেন নাই); ত্বং (তুমি—শ্রীকৃষ্ণ) অপি (ও) অনন্ততয়া

মোকের সংস্কৃত টীকা ।

যদন্তবদবস্ত তৎকিমপি স্বং ন ভবসি । আন্তাং হ্যপত্যো ন যমুরিতি । যদ্ যস্মাৎ ভ্রমপি আন্তনোহন্তং ন যাসি । কুতন্তুর্হি সর্বজ্ঞতা সর্বশক্তিতা বা অত আহ । অনন্ততয়া অস্ত্যভাবেন ন হি শশ বিধাগাজ্ঞানং সার্বজ্ঞ্যং তদপ্রাপ্তিবিশক্তিবৈভবং বিহন্তি । অনন্তস্বমেবাহ যদন্তরেতি । যন্ত তব অন্তরা মধ্যে । নহু অহো সাবরণা উত্তরোত্তরদশগুণ-সপ্তাবরণযুতা অণুনিচয়া ব্রহ্মাণ্ড-সমূহা বাস্তি পরিভ্রমন্তি বয়সা কালচক্রেণ খে রজাংসীব সহ একদৈব ন তু পর্য্যায়েন । হি যস্মাদেবং অতঃ শ্রুতয় স্বয়ি হি ফলন্তি তাৎপর্য্যবৃত্ত্যা পর্য্যবস্ত্তি । ন তু সাক্ষাদ্ বদন্তি অয়মেতাবানিতি । সপ্তগুণ গুণানন্ত্যাং নির্ভগন্ত চাগোচরত্যাং কথং তর্হি অপদার্থে তাৎপর্য্যমিতি তত্র বিধিমুখে বাক্যে ভবেদয়ং নিয়মঃ পদার্থশ্চৈব বাক্যার্থস্বমিতি । নিষেধমুখেতু নায়ং নিয়ম ইত্যাহ অতন্নিসনেনেতি অস্তদেব তদ্বিদিবাদেখো অবিদিবাদধ্যবিদিবাদনুত্রে ধ্বন্দ্বাদনুত্রেত্যাং কৃতাকৃত্যং । অস্থূলমনগু ইত্যাদি প্রকারেণ লক্ষণয়া চ তদ্ব্যমসীত্যাদয়ঃ পর্য্যবস্ত্তি । ন চ বাচ্যং নিষেধে: শূন্যমেব জ্ঞাপ্যত ইতি । যতো ভবন্নিধনা: ভবতি স্বয়ি নিধনং সমাপ্তির্ধাসাং তাস্তথা । ন হি নিরবধিনিষেধঃ সন্তবতি অতোহবধিভূতে স্বয়ি ফলন্তীত্যর্থঃ । হ্যপত্যো বিদূরন্তমনস্ত তে ন চ ভবান্ ন গিরঃ শ্রুতিমৌলয়ঃ । স্বয়ি ফলন্তি যতো নম ইত্যতো জয় জয়েতি ভঞ্জে তব তৎপাদম্ ॥ স্বামী ॥ ৫

গৌর-কৃপা-তরঙ্গিণী টীকা ।

(অন্তহীন বলিয়া—অন্ত নাই বলিয়া—জানিতে পার না)—যদন্তরা (যে তোমার মধ্যে) সাবরণা: (উত্তরোত্তর দশগুণ সপ্তাবরণযুক্ত) অণুনিচয়া: (ব্রহ্মাণ্ডসমূহ) সহ (একই সঙ্গে—যুগপৎ) বয়সা (কালচক্রেণ দ্বারা) খে (আকাশে) রজাংসি ইব (রজঃকণার ছায়) বাস্তি হি (পরিভ্রমণ করিতেছে) ; ভবন্নিধনা: (তোমাতেই সমাপ্তি যাহাদের তাদৃশ) শ্রুতয়: (শ্রুতিসকল) অতন্নিসনেন (অতদবস্ত নিরসন পূর্ব্বক) স্বয়ি (তোমা-বিষয়েই—তোমাকে বিষয়ীভূত করিয়াই, তোমার বিষয় আলোচনা করিয়াই) ফলন্তি (সফলতা—সার্থকতা লাভ করে) ।

অনুবাদ । শ্রীকৃষ্ণকে লক্ষ্য করিয়া শ্রুতিগণ বলিলেন :—“হে ভগবন্ ! স্বর্গাদি-লোকাধিপতি ব্রহ্মাদি দেবগণও তোমার অন্ত পাবেন না ; এমন কি, নিজে অনন্ত বলিয়া তুমি নিজেও নিজের অন্ত পাও না । (তোমার অনন্তত্বের প্রমাণ এই যে), আকাশে ধূলিকণাসমূহ যেরূপ ঘুরিয়া বেড়ায়, তদ্রূপ তোমার মধ্যে (তোমার রোমবিবরে) সাবরণ (উত্তরোত্তর দশগুণ সপ্তাবরণযুক্ত) ব্রহ্মাণ্ডসমূহ কালচক্রেণ দ্বারা (প্রবর্ত্তিত হইয়া) যুগপৎ পরিভ্রমণ করিতেছে । তাই, তোমাতেই সমাপ্তিপ্রাপ্ত শ্রুতিসকল অতদবস্ত নিরসনপূর্ব্বক তোমাকে বিষয়ীভূত করিয়াই সফলতা লাভ করিয়া থাকে । ৫ ।

হ্যপত্যয়ঃ—হ্যপতিগণ ; স্বর্গাদি-লোকপালগণ ; ব্রহ্মাদি । ইহারা অদ্ভুত শক্তিসম্পন্ন হইয়াও ভগবান্ শ্রীকৃষ্ণের অন্ত পাবেন না , ইহাদের কথা তো দূরে, স্বয়ং শ্রীকৃষ্ণও—তিনি সর্বজ্ঞ হইয়াও—স্বীয় অন্ত জানিতে পারেন না ; যেহেতু, তাঁহার অন্তই নাই ; অনন্ততয়া—শ্রীকৃষ্ণ স্বরূপে অনন্ত বলিয়া—অন্তের কথা তো দূরে—স্বয়ং শ্রীকৃষ্ণও নিজের অন্ত জানিতে পারেন না । যাহা নাই, তাহা কিরূপে জানিবেন ? শ্রীকৃষ্ণ যে অনন্ত, তাহার একটা মাত্র প্রমাণ উল্লিখিত হইতেছে । খে—আকাশে রজাংসি ইব—বালুকাকণার ছায় - দিগন্তবিস্তৃত আকাশে ক্ষুদ্র ক্ষুদ্র বালুকাকণা যে ভাবে বিচরণ করিয়া থাকে, যদন্তরা—যাহার—যে শ্রীকৃষ্ণের মধ্যে—তাহার রোমরূপে অণুনিচয়া:—অনন্ত কোটি বিংশব্রহ্মাণ্ড কালচক্রদ্বারা প্রবর্ত্তিত হইয়া ঠিক সেই ভাবেই পরিভ্রমণ করিতেছে—একটির পর একটি করিয়া নয়—অনন্ত-কোটি ব্রহ্মাণ্ড সকলে একই সময়ে একই সঙ্গে ভগবানের রোমরূপে অনায়াসে বিচরণ করিতেছে । আকাশে বালুকাকণা গুলি যেরূপ অনায়াসে ঘুরিয়া বেড়ায়, ভগবানের রোমরূপে ব্রহ্মাণ্ডসমূহও সেইরূপ অনায়াসেই ঘুরিয়া বেড়ায় ; আকাশের তুলনায় বালুকাকণাগুলি যেমন নিতান্ত ক্ষুদ্র, ভগবানের প্রতি রোমরূপের তুলনায় ব্রহ্মাণ্ডসমূহও তদ্রূপ নিতান্ত ক্ষুদ্র । ইহা হইতেই বুঝা যায়—কত বৃহৎ তিনি ! তিনি অনন্ত । তাহার রোমরূপের ভিতর দিয়া শুধু ব্রহ্মাণ্ডগুলিই যে বিচরণ করিতেছে, তাহা নহে—প্রত্যেক ব্রহ্মাণ্ড তাহার আবরণের সহিতই বিচরণ করিতেছে—সাবরণা:—আবরণের সহিত

সেহো রহু, ব্রজে যবে কৃষ্ণ-অবতার ।

তঁার চরিত্র-বিচারেতে মন না পায় পায় ॥ ১১

প্রাকৃতাপ্রাকৃত-সৃষ্টি কৈল একক্ষণে ।

অশেষ বৈকুণ্ঠাজাগু স্বপ্ননাথসনে ॥ ১২

গৌর-কৃপা-তরঙ্গিণী চীকা ॥

ব্রহ্মাণ্ড-সমূহ । প্রত্যেক ব্রহ্মাণ্ডের ক্ষিতি-ভাগের বাহিরে পর-পর সাতটি আবরণ আছে ; ক্ষিতি (বা মাটি)-অংশের অব্যবহিত বাহিরের আবরণ জল ; তাহার পরের আবরণ তেজঃ, তাহার পরে বায়ু (মরুৎ), তাহার পরে ব্যোম (আকাশ বা শূন্য), তাহার পরে অহঙ্কার, তাহার পরে মহত্ত্ব এবং তাহার পরে অব্যক্ত প্রকৃতি । এই সমস্ত আবরণের পরিমাণ উত্তরোত্তর দশগুণ করিয়া বদ্ধিত হইয়াছে । এসমস্ত আবরণের সহিত প্রত্যেক ব্রহ্মাণ্ডের আয়তন মূল ব্রহ্মাণ্ডটি অপেক্ষা অনেক বড় হইয়া থাকে ; এইরূপ আবরণের সহিতই অনন্তকোটি ব্রহ্মাণ্ড ভগবানের রোমকূপে যুগপৎ—একই সময়ে একই সঙ্গে—অনায়াসে বিচরণ করিতেছে ! এতাদৃশ বিভূ—অনন্ত—যে ভগবান্, কে-ই বা তাঁহার অন্ত পাইবে ? তিনি অনন্ত বলিয়া তাঁহার তত্ত্ব নিরূপণে শ্রুতিসমূহেরও সামর্থ্য নাই । যিনি যে কার্য্য আরম্ভ করেন, তিনি যদি তাহা সমাধা করিতে পারেন, তাহা হইলেই তাঁহার সফলতা । শ্রুতিসমূহে ভগবত্ত্ব-নিরূপণের চেষ্টা করা হইয়াছে বটে ; কিন্তু তাঁহার তত্ত্ব অনন্ত বলিয়া সম্যক্ তত্ত্ব নিরূপণ অসম্ভব হইয়াছে—তত্ত্বনিরূপণের কার্য্য সম্যক্-সফলতা লাভ করে নাই । তাই ভগবত্ত্ব-নিরূপক-শাস্ত্রহিসাবে শ্রুতিসমূহের বিশেষ সফলতা থাকিতে পারে না । যাহা হউক, সম্যক্-ভগবত্ত্ব-নিরূপণ করিতে না পারিলেও শ্রুতিসমূহ ভগবান্কেই নিজেদের বিষয়ীভূত করিয়াছে—শ্রুতির আলোচ্যবিষয় একমাত্র শ্রীভগবান্ই । তাহাতেই শ্রুতির কিছু সার্থকতা—সফলতা—জন্মিয়াছে । যদি ভগবদ্বিষয় শ্রুতিতে আলোচিত না হইত, তাহা হইলে সমস্ত শ্রুতিই নিরর্থক হইত ; অসার্থক হইয়া যাইত । তাই শ্রীকৃষ্ণকে লক্ষ্য করিয়া শ্রুতির অধিষ্ঠাত্রী দেবতাগণ বলিয়াছেন—হে ভগবন্ ! তোমার তত্ত্ব শ্রুতিসমূহ নিরূপণ করিতে অসমর্থ ; তুমি যে কি, বা কিরূপ, তাহা তাহারা সম্যক্ৰূপে বলিতে পারে না ; তবে তুমি যে কি নহ, কিরূপ নহ—তাহা কিছু কিছু তাহারা বলিয়াছে—“নেতি নেতি”, “অস্থূলমনু অস্থূলমদীর্ঘমলোহিতমিত্যা দি”—“ইহা নয়, ইহা নয়—স্থূল নহে, স্থল নহে, হ্রস্ব নহে, দীর্ঘ নহে, লোহিত নহে ইত্যাদি”—বাক্যে তাহা দেখিতে পাওয়া যায় । এইরূপে শ্রুতিসমূহ অন্তর্নিহন—যাহা তৎ-পদার্থ নহে, তাহার নিরসন পূর্ব্বক ; তুমি যাহা যাহা নহ, তাহা তাহা নির্দেশ করিয়া ত্রয়ি—(এইভাবে কেবল) তোমাকেই নিজেদের বিষয়ীভূত করিয়া, কেবল ভগবদ্বিষয়েরই আলোচনা করিয়া ফলন্তি—সফলতা বা সার্থকতা লাভ করিয়া থাকে । শ্রুতিসমূহ ভবম্লিখনাঃ—তোমাতেই নিধন বা সমাপ্তি যাহাদের তাদৃশ ; তুমিই তাহাদের আলোচ্য বিষয় এবং তাহাদের আলোচনার সমাপ্তিও তোমাতেই ; তোমার আলোচনা ব্যতীত অত্র কোনও আলোচনা শ্রুতিসমূহের অতিশ্রেতও নহে, তোমাতেই তাহাদের আলোচনার পর্য্যবসান ; ইহাতেই শ্রুতিসমূহ সফলতা লাভ করিয়াছে । অবশ্য শ্রুতিতে ভগবদালোচনাও যে সম্পূর্ণতা লাভ করিয়াছে, তাহা নহে ; কারণ, ভগবান্ যখন অনন্ত—অসীম, তাঁহার সম্বন্ধীয় আলোচনা কখনও সসীম হইতে পারে না । তথাপি ভগবদ্বিষয়ের অল্পমাত্র সম্বন্ধও যখন কোনও বস্তুকে কৃতার্থতা দান করিতে সমর্থ, তখন শ্রুতিসমূহে ভগবদ্বিষয়ে যাহা কিছু আলোচনা আছে, তাহাই শ্রুতিসমূহকে সার্থকতা—সফলতা—দান করিবার পক্ষে যথেষ্ট ।

শ্রীকৃষ্ণও যে স্বীয় অন্ত নির্ণয় করিতে পারেন না, তাহা এই শ্লোকে “ত্বং অপি অনন্ততয়া”-বাক্যে উক্ত হইয়াছে ; এইরূপে এই শ্লোক পূর্ব্ববর্ত্তী ১০ পয়ারের প্রমাণ ।

১১। সেহো রহু ইত্যাদি—শ্রীকৃষ্ণের সমস্ত লীলা ও গুণাদির কথা দূরে থাকুক, ব্রজে প্রকট হইয়া তিনি যে সকল লীলা করিয়াছেন, তাহাদের মধ্যে নিম্ন পয়ার-সমূহে বর্ণিত, ব্রহ্মাকর্ত্তৃক গোবৎস-হরণের পরে একই সময়ে অসংখ্য প্রাকৃতাপ্রাকৃত ব্রহ্মাণ্ডের সৃষ্টিকল্পলীলার কথাও মনোবুদ্ধির অগোচর ।

১২। প্রাকৃতাপ্রাকৃত সৃষ্টি—প্রাকৃত ব্রহ্মাণ্ড ও অপ্রাকৃত ব্রহ্মাণ্ড (বৈকুণ্ঠাদি) এই সমুদয়ের সৃষ্টি বা

এমত অগ্ৰ নাহি শুনিযে অদ্ভুত ।

যাহার শ্রবণে চিত্ত হয় অবধূত ॥ ১৩

“কৃষ্ণবৎসৈরসংখ্যাতৈঃ”—শুকদেব বাণী ।

কৃষ্ণসঙ্গে কত গোপ—সংখ্যা নাহি জানি ॥ ১৪

এক এক গোপ—করে যে বৎস চারণ ।

কোটী-অর্বুদ-পদ্ম-শঙ্খ তাহার গণন ॥ ১৫

গৌর-কৃপা-তরঙ্গিণী চীকা ।

প্রকটন । স্ব-স্ব-নাথ সনে—প্রাকৃত-ব্রহ্মাণ্ডের নাথ ব্রহ্মা এবং অপ্রাকৃত-ব্রহ্মাণ্ড বৈকুণ্ঠের নাথ বিষ্ণু—ইহাদিগকেও প্রকটিত করিলেন । অশেষ বৈকুণ্ঠ-অজাণ্ড—অনন্তকোটি ব্রহ্মাণ্ড ও অনন্তকোটি বৈকুণ্ঠ । অজাণ্ড—ব্রহ্মাণ্ড ।

ব্রহ্মমোহনলীলায় (নিম্নলিখিত বর্ণনা দ্রষ্টব্য) অসংখ্য নারায়ণ ও বৈকুণ্ঠাদির সহিত ব্রহ্মা যে অসংখ্য ব্রহ্মাণ্ডও দেখিয়াছিলেন, সেই সমস্ত ব্রহ্মাণ্ডকেই এই পরারে “প্রাকৃত সৃষ্টি” এবং “অজাণ্ড” বলা হইয়াছে । বস্তুতঃ এই সকল ব্রহ্মাণ্ড প্রাকৃত ছিল না—বহিরঙ্গা মায়া হইতে সৃষ্ট হইলেই প্রাকৃত হইত ; ব্রহ্মার নিকটে শ্রীকৃষ্ণের মহিমা প্রকটনের উদ্দেশ্যে যোগমায়াই অসংখ্য নারায়ণ ও বৈকুণ্ঠের সহিত এই সকল ব্রহ্মাণ্ডকেও প্রকটিত করিয়াছেন ; সুতরাং এইসকল ব্রহ্মাণ্ডও স্বরূপতঃ চিন্ময় অপ্রাকৃত ছিল—প্রাকৃত ব্রহ্মাণ্ডবৎ প্রতীয়মান হইয়াছিল মাত্র ; শ্রীভা, ১০।১৪।১৮ শ্লোকের চীকায় শ্রীপাদ বিশ্বনাথ চক্রবর্তী ব্রহ্মার কথায় এইরূপই লিখিয়াছেন :—“স্বরূপশক্ত্যৈব ব্রহ্মসুহৃদা বালাঃ বৎসাঃ সমস্তা অপি স্বমেবাত্মঃ, ততো যোগমায়ায়ৈব তানাচ্ছাত্ত প্রকাশিতাঃ স্বরূপশক্তিময়াশ্চতুর্ভুজাশ্চমভুঃ ; কীদৃশাঃ অখিলৈরাশ্বা-দিদৃশ্যপদ্যৈশ্চিন্ময়ৈরেব ময়া মাদৃশেন ব্রহ্মণাপি চিন্ময়েনৈবোপাসিতাস্ততঃ তাবন্ত্যেব জগন্তি চিন্ময়ব্রহ্মাণ্ডাচ্ছভুঃ ।”

বর্ণনীয় ঘটনাটী এই :—এক সময়ে ব্রহ্মা শ্রীকৃষ্ণের সখা সমস্ত রাখালগণকে এবং সমস্ত গো-বৎসাদিকে হরণ করিয়া নিভূতে লুকাইয়াছিলেন । শ্রীকৃষ্ণ যখন দেখিলেন, গোবৎস বা রাখালগণ কেহই নাই, তখন তিনি নিজেই তাঁহার অচিন্ত্য ঐশ্বর্যশক্তির প্রভাবে ঐ ঐ রাখালও গো-বৎসাদিরূপে আশ্ব-প্রকট করিলেন । এই সব প্রকটিত গোবৎসাদিকেই কৃষ্ণ-বলরাম নব প্রকটিত সখাগণ সহ গোচারণে লইয়া যান, আবার অপরাহ্নে গৃহে ফিরাইয়া আনেন । এইরূপে এক বৎসর কাটিয়া গেল । বর্ষান্তরে ব্রহ্মা আসিয়া বিশ্বয়ের সহিত দেখিলেন যে, তাঁহার লুক্কায়িত গোবৎস ও রাখালগণ সেই নিভূত স্থানেই লুক্কায়িত আছে ; অথচ তাহারা আবার কৃষ্ণ-বলরামের সঙ্গেও আছে, তাঁহার আরও বিশ্বয়ের কারণ হইল—তিনি দেখিলেন, কৃষ্ণের সঙ্গে যে রাখালগণ আছেন, যে গোবৎসাদি আছে, রাখালগণের যে বেত্র-বেণু-শিলাদি ও বস্ত্রালঙ্কারাদি আছে, তাহাদের প্রত্যেকেই শঙ্খ-চক্র-গদা-পদ্ম ধারণ করিয়া চতুর্ভুজ বিষ্ণুরূপ হইলেন ; ইহাদের প্রত্যেক বিষ্ণুই এক এক বৈকুণ্ঠের অধীশ্বর, প্রত্যেকেই বহুসংখ্যক পার্শ্বদ ও ভক্ত দ্বারা পূজিত ও স্তুত হইতেছেন ; প্রত্যেকের তত্ত্বাবধানেই আবার প্রাকৃতবৎ প্রতীয়মান ব্রহ্মাণ্ড এবং ঐ ব্রহ্মাণ্ডনাথ ব্রহ্মাদিও আছেন । শ্রীকৃষ্ণের অসংখ্য গোবৎস ; তাঁহার সখাও অসংখ্য ; তাহাদের প্রত্যেকেরই আবার অসংখ্য গোবৎস ; সখাদের প্রত্যেকেরই বেত্র, বেণু, দল শৃঙ্গ, বস্ত্র, কেয়ুর, কুণ্ডলাদি অলঙ্কার আছে ; সুতরাং এই সকল বেত্র-বেণুদলাদির সংখ্যাও অনন্ত । ইহাদের প্রত্যেকেই এক এক বিষ্ণু হইলেন ; সুতরাং অসংখ্য বিষ্ণু, অসংখ্য বৈকুণ্ঠ, অসংখ্য পার্শ্বদ, অসংখ্য ব্রহ্মাণ্ড ও ব্রহ্মাদিকে গোবৎসহারী ব্রহ্মা একই সময়ে গো-বৎস-চারণ-স্থানে দর্শন করিলেন । গোবৎস-চারণের স্থানটী কিন্তু এই ভূমণ্ডলের অন্তর্গত, বৃন্দাবনস্থ ক্ষুদ্র একটী স্থান মাত্র—এই ক্ষুদ্র স্থানটির মধ্যেই অনন্তকোটি বিষ্ণু, অনন্তকোটি ব্রহ্মাণ্ড ও ব্রহ্মার স্থান হইল ॥ ইহাই শ্রীবৃন্দাবনের অপূর্ণ মহিমা—ইহাই এই স্থানের অপূর্ণ বিভূতা বা ব্যাপকতা । বিশেষ বিবরণ শ্রীমদ্ ভাগবতের ১০ স্কন্ধে ১৩শ অধ্যায়ে দ্রষ্টব্য ।

১৩। অবধূত—বিক্ষিপ্ত ।

১৪। কৃষ্ণবৎসৈরসংখ্যাতৈঃ—শ্রীমদ্ভাগবতের ১০ম স্কন্ধে ১২শ অধ্যায়ের ৩য় শ্লোকের কিছু অংশ । ইহার অর্থ—অসংখ্যাতৈঃ (অসংখ্য) কৃষ্ণবৎসৈঃ (কৃষ্ণের গোবৎসহারী) । কৃষ্ণের সঙ্গে অসংখ্য গোবৎস ছিল ; তাহাদের দ্বারা । শুকদেববাণী—ইহা শুকদেবের কথা, সুতরাং ঐক্যসত্য । কৃষ্ণসঙ্গে কত ইত্যাদি—কৃষ্ণের সঙ্গে বৎসপাল-গোপশিশুও অসংখ্য ছিলেন ।

বেত্র বেণু দল শৃঙ্গ বস্ত্র অলঙ্কার ।
 গোপগণের যত—তার নাহি লেখা পার ॥ ১৬
 সন্ভে হৈল চতুর্ভূজ বৈকুণ্ঠের পতি ।
 পৃথক্ পৃথক্ ব্রহ্মাণ্ডের ব্রহ্মা করে স্তুতি ॥ ১৭
 এক কৃষ্ণদেহ হৈতে সভার প্রকাশে ।
 ক্রণেকে সভার সেই শরীরে প্রবেশে ॥ ১৮
 ইহা দেখি ব্রহ্মা হৈলা মোহিত বিস্মিত ।
 স্তুতি করি এই পাছে করিল নিশ্চিত—॥ ১৯

যে কহে—কৃষ্ণের বৈভব মুণ্ডি সব জানো ।
 সে জানুক, কায়মনে মুণ্ডি এই মানো ॥ ২০

এই তোমার অনন্ত বৈভবামৃতসিন্ধু ।
 মোর বাঙ্গানোগম্য নহে এক বিন্দু ॥ ২১

তথাহি (ভাঃ ১০।১৪।৩৮)

জানন্তু এব জানন্তু কিং বহুভ্য ন মে প্রভো ।
 মনসো বপুষো বাচো বৈভবং তব গোচরঃ ॥ ৬

শ্লোকের সংস্কৃত টকা।

তদেবমাদিত আরভ্য অচিন্ত্যনন্তগুণশ্চেন স্বয়ং হৃজের্যন্তমুক্তম্ । কেচিত্তু জানীম ইতি স্থিতাস্তামুপহসন্নিবাহ
 জানন্তু ইতি । ন তু মে মন আদীনাং তব বৈভবং বিষয় ইতি । স্বামী । ৬

গৌর-কৃপা-তরঙ্গিণী টকা।

১৬। বেত্র—যষ্টি ; গরু ফিরাইবার পাঁচনি । বেণু—বার আঙ্গুল লম্বা, অঙ্গুষ্ঠের মত স্থূল, ছয়টি ছিদ্রযুক্ত
 বাঁশীকে বেণু বলে । দল—পত্রনির্মিত বাঁশী । শৃঙ্গ—একরূপ বাণযন্ত্র ; ইহাতে বাঁশীর মত শব্দ হয় ; মহিষের শিঙ্গে
 প্রস্তুত ; শিঙ্গের দুই প্রান্ত স্বর্ণমণ্ডিত ; মধ্যস্থল রত্নমণ্ডিত । গোপগণের যত ইত্যাদি—গোপশিঙদের বেত্র-বেণু
 আদিও অসংখ্য ছিল ।

১৭। সন্ভে—প্রত্যেক সখা, প্রত্যেক বৎস, প্রত্যেক বেণু, প্রত্যেক বেত্র, প্রত্যেক দল, প্রত্যেক শৃঙ্গ, প্রত্যেক
 বস্ত্র, প্রত্যেক অলঙ্কারই—চতুর্ভূজ বিষ্ণু হইলেন, প্রত্যেক বিষ্ণুর অধীনস্থ ব্রহ্মাণ্ড-সমূহের ব্রহ্মাগণ প্রত্যেকে তাঁহাকে
 স্তুতি করিতেছিলেন ।

১৮। এক শ্রীকৃষ্ণের দেহ হইতেই এই সকল বিষ্ণু-আদির প্রকটন হইল এবং কিছুকাল পরে এক কৃষ্ণের
 দেহেই তাঁহারা প্রবেশ করিলেন । ইহাতে শ্রীকৃষ্ণের দেহের বিভূতা বা সর্বব্যাপকতা প্রকাশ পাইতেছে ।

১৯। ইহা দেখি—শ্রীকৃষ্ণের এই ঐশ্বর্যের বিকাশ দেখিয়া । ব্রহ্মা—যিনি শ্রীকৃষ্ণের বৎসাদি হরণ
 করিয়াছিলেন, তিনি । আমাদের এই ব্রহ্মাণ্ডের ব্রহ্মা । করিল নিশ্চিত—ব্রহ্মা যাহা নিশ্চিত করিলেন, পরবর্তী
 দুই পয়ারে তাহা বলা হইয়াছে ।

২০-২১। এই দুই পয়ার ব্রহ্মার উক্তি । ব্রহ্মা মনে নিশ্চয় করিলেন—“যিনি বলেন, তিনি কৃষ্ণের
 মহিমা জানেন—তিনি জানুন ; কিন্তু আমার দৃঢ় বিশ্বাস এই যে, শ্রীকৃষ্ণের মহিমার এক বিন্দুও আমার বাক্য ও মনের
 গোচর নহে ।”

বৈভবামৃতসিন্ধু—বৈভব (মহিমা) রূপ অমৃতের সিন্ধু (মহাসমুদ্র) ; অনন্ত অপার মহিমা । বাঙ্গানোগম্য
 —বাঙ্ মনঃ+গম্য ; বাক্য ও মনের গোচর । একবিন্দু—সেই অনন্ত অপার মহিমার এক কণিকা ।

এই উক্তির প্রমাণরূপে নিম্নে একটি শ্লোক উদ্ধৃত হইয়াছে ।

শ্লো। ৬। অম্বয় । প্রভো (হে প্রভো) ! জানন্তুঃ (আমরা ভগবন্তকে জানি—একরূপ অভিমান যাহাদের
 আছে, তাঁহারা) এব (ই) জানন্তু (জানুক) বহুভ্য (বহু উক্তিগারা—বেশী কথা বলিয়া) কিং (কি হইবে) ; তব
 (তোমার) বৈভবং (মহিমা) মে (আমার) মনসঃ (মনের) বপুষঃ (দেহের) বাচঃ (বাক্যের) ন গোচরঃ (বিষয়
 নহে) ।

কৃষ্ণের মহিমা রত্ন, কেবা তার জ্ঞাতা ।
বৃন্দাবনস্থানের দেখ আশ্চর্য্য বিভূতা ॥ ২২
ষোলকোশ বৃন্দাবন—শাস্ত্রে পরকাশে ।
তার এক দেশে বৈকুণ্ঠাজাগুগণ ভাসে ॥ ২৩
অপার ঐশ্বর্য্য কৃষ্ণের—নহিক গণন ।

শাখাচন্দ্রায়্য করি দিগ্‌দর্শন ॥ ২৪
ঐশ্বর্য্য কহিতে ক্ষুরিল কৃষ্ণের ঐশ্বর্য্য সাগর ।
মনেন্দ্রিয় ডুবিল প্রভুর, হইলা ফাঁকর ॥ ২৫
ভাগবতের এই শ্লোক পঢ়িলা আপনে ।
অর্থ আশ্বাদিতে সুখে করেন ব্যাখ্যানে ॥ ২৬

গৌর-কৃপা-তরঙ্গিনী ঢাকা ।

অনুবাদ । ব্রহ্মা শ্রীকৃষ্ণকে বলিয়াছিলেন—যাহারা বলে, আমরা শ্রীকৃষ্ণের মহিমা জানি, তাহারা জাহ্নুক । অধিক বলিবার প্রয়োজন নাই, হে প্রভো ! তোমার মহিমা আমার মনের, দেহের বা বাক্যের গোচর নহে । ৬

পূর্ব্বোক্ত ১৪-১৮ পয়ারে উল্লিখিত ঐশ্বর্য্যের বিকাশ দেখিয়া বিশ্বয়ে ব্রহ্মা এই শ্লোকোক্ত কথাগুলি বলিয়াছেন । শ্রীকৃষ্ণের মহিমা অনন্ত ও অচিন্ত্য—তাই বাক্য, মন ও দেহের বিষয়ীভূত হইতে পারে না । শ্রীকৃষ্ণের মহিমা অনন্ত বলিয়া মনে তাহার সমাক্ষারণা করা যায় না ; চিন্তা করা যায় না ; তাই ইহা মনের বিষয়ীভূত হইতে পারে না ; ইহা অবর্ণনীয় বলিয়া—উপযুক্ত ভাষার অভাবে শ্রীকৃষ্ণমহিমার সমস্ত বৈচিত্র্য বর্ণন করা যায় না, অনন্ত বলিয়া বর্ণন করিয়াও শেষ করা যায় না ; তাই ইহা বাক্যের অগোচর ; আর অনন্ত বলিয়া দেহের দ্বারা—হস্তাদি দ্বারা—এই মহিমার কথা লিখিয়াও শেষ করা যায় না ; তাই ইহা দেহেরও অগোচর । অথবা, শ্রীকৃষ্ণ ও তাঁহার মহিমার বিকাশসমূহ অনন্ত বলিয়া চক্ষুরাদি ইন্দ্রিয়ের বিষয়ীভূতও হইতে পারে না ।

ব্রহ্মা হহলেন বেদগর্ভ ; জগতে তাঁহা অপেক্ষা অধিক জ্ঞানী কেহ নাই ; ব্রহ্মে শ্রীকৃষ্ণের মহিমা দর্শন করিয়া তিনিই যখন বলিতেছেন—এই মহিমা তাঁহারই বাক্য-মনের অগোচর, তখন ইহা যে আর কাহারও অধিগম্য নহে, তাহা সহজেই বুঝা হইতেছে ।

২০-২১ পয়ারোক্তের প্রমাণ এই শ্লোক ।

২২ । কৃষ্ণের মহিমার কথা দূরে থাকুক, তাহা কেহই জানে না । ভূমণ্ডলের যে স্থানে তাঁহার লীলা প্রকটিত হইয়াছে, সেই বৃন্দাবনের ব্যাপকত্বও আশ্চর্য্য । বিভূতা—সকলব্যাপকত্ব ।

২৩ । বৃন্দাবনের আশ্চর্য্য বিভূতা দেখাইতেছেন । শাস্ত্রানুসারে বৃন্দাবনের বিস্তার ষোল কোশ মাত্র ; সুতরাং বৃন্দাবন একটি সীমাবদ্ধ ক্ষুদ্র স্থান ; শ্রীকৃষ্ণের বৎস-চারণের স্থান, ঐ বৃন্দাবনের এক অংশে ; সুতরাং তাহা আরও ক্ষুদ্র ; কিন্তু তথাপি এই অতি ক্ষুদ্ররূপে প্রতীয়মান গোবৎস-চারণের স্থানেই, অনন্তকোটি বৈকুণ্ঠ ও অনন্তকোটি ব্রহ্মাণ্ডের স্থান হইল—ইহা হইতে স্পষ্টই প্রতীয়মান হইতেছে যে, ক্ষুদ্র—সীমাবদ্ধরূপে প্রতীয়মান গোচারণ-স্থানটি বাস্তবিক সীমাবদ্ধ নহে ; ইহা অসীম, অনন্ত, সমব্যাপক, বিভূ ; নচেৎ এই স্থানের মধ্যে অনন্তকোটি বৈকুণ্ঠ ও অনন্তকোটি ব্রহ্মাণ্ডের সমাবেশ হইত না । বৈকুণ্ঠাজাগুগণ—বৈকুণ্ঠ ও অঙ্কাণ্ড (ব্রহ্মাণ্ড) গণ ।

২৪ । শাখাচন্দ্র ঞ্চায় ইত্যাদি—অতি সংক্ষেপে সামান্য কিঞ্চিৎ উল্লেখ করি । ২১২-২১৬ পয়ারের ঢাকা স্তব্য ।

২৫ । ঐশ্বর্য্যের কথা বলিতে বলিতে শ্রীমন্মহাপ্রভুর চিত্তে শ্রীকৃষ্ণের সমুদ্রতুল্য অগাধ ও অপার ঐশ্বর্য্যের কথা ক্ষুরিত হইল ; কোনও লোক সমুদ্রে পতিত হইলে তাহার অবস্থা যে রূপ হয়, শ্রীকৃষ্ণের ঐশ্বর্য্যের স্বাতিতে প্রভুর অবস্থাও তদ্রূপ হইল ; প্রভুর চিত্ত-মন সমস্তই যেন সেই ঐশ্বর্য্যের সমুদ্রে নিমগ্ন হইয়া হাবুডুবু খাইতে লাগিল ।

২৬ । এই শ্লোক—নিম্নোদ্ধৃত “স্বয়ংসাম্যাতিশয়-” ইত্যাদি শ্লোক । অর্থ আশ্বাদিতে—শ্লোকটির অর্থ আশ্বাদন করিবার নিমিত্ত ।

তথাহি (ভাঃ ৩২।২১)—
 স্বয়ম্ভুসাম্যাতিশয়ত্বাধীশঃ
 স্বারাজ্যলক্ষ্মাপ্তসমস্তকামঃ ।

বলিং হরতিচিরলোকপাতৈঃ
 কিরীটকোটাড়িতপাদপীঠঃ ॥ ৭
 পরম ঈশ্বর কৃষ্ণ স্বয়ংভগবান্ ।
 তাতে বড়, তার সম, কেহো নাহি আন ॥ ২৭

শ্লোকের সংস্কৃত টীকা ।

তবেদং পরমৈশ্বৰ্য্যে সত্যপি যদুগ্রসেনানুভবিত্বং তৎপুনরস্মানতাস্তঃ ব্যাখ্যতীত্যাহ । স্বয়ম্ভু য এবংভূত স্তম্ভ তৎকৈকর্ধ্যং নোহস্মান্ বিম্বাপন্নতীত্যন্তরেণাশ্রয়ঃ । ন সাম্যাতিশয়ৌ যন্ত যমপেক্ষান্তস্ত সাম্যমতিশয়শ্চ নাস্তীত্যর্থঃ । তত্র হেতবঃ ত্রাধীশঃ ত্রয়াণাং পুরুষাণাং লোকানাং গুণানাং দীশঃ । স্বারাজ্যলক্ষ্ম্যা পরমানন্দ-স্বরূপ-সম্পত্তৌব প্রাপ্তসমস্তভোগঃ । বলিং করং অর্হণং বা হরতিঃ সমর্পয়তিঃ চিরকালীনৈ লোকপাতৈঃ কিরীটাক্ষেণ ঈড়িতং স্ততঃ পাদপীঠং যন্ত সঃ প্রথম তাং কিরীটসংজ্ঞাধরনিরেব স্ততিত্বেনোৎপ্রেক্ষতে । স্বামী । ৭

গৌর-কৃপা তরঙ্গিণী টীকা ।

শ্লো। ৭। অশ্রয় । স্বয়ং ভূ (যিনি নিজে—স্বয়ংভগবান্) অসাম্যাতিশয়ঃ (অসমোর্দ্ধ—যাঁহার সমান কেহ নাই, যাঁহা অপেক্ষা অধিকও কেহ নাই, তাদৃশ) ত্রাধীশঃ (ত্রিলোকের বা তিনের দীশ্বর), স্বারাজ্যলক্ষ্ম্যাপ্ত-সমস্তকামঃ (যিনি পরমানন্দস্বরূপ সম্পত্তিদ্বারা সমস্ত কাম্য বস্তু প্রাপ্ত হইয়াছেন, তাদৃশ) বলিং (পূজোপহার) হরতিঃ (সমর্পণকারী) চিরলোকপাতৈঃ (ব্রহ্মাদি চিরকালীন-লোকপালগণ কর্তৃক) কিরীটকোটাড়িত-পাদপীঠঃ (কোটিসংখ্যক কিরীটের অগ্রভাগদ্বারা যাঁহার পাদপীঠ পূজিত হইয়া থাকে, তাদৃশ) [তস্ত কৈকর্ধ্যং অস্মান্ অত্যন্তং বিম্বাপন্নতি] (উগ্রসেনাদির নিকটে তাঁহার কৈকর্ধ্য আমাদিগের পক্ষে অত্যন্ত দুঃখের বিষয় হয়) ।

অনুবাদ । বিহুরের নিকটে উদ্ধব বলিয়াছিলেন—যিনি নিজে স্বয়ংভগবান্, যাঁহার সমান বা যাঁহা অপেক্ষা বড় কেহ নাই, যিনি ত্রিলোকের (অথবা তিন গুণের, বা তিন পুরুষের) অধীশ্বর, পরমানন্দস্বরূপ সম্পত্তিদ্বারা যিনি সমস্ত কাম্যবস্তু প্রাপ্ত হইয়াছেন, পূজোপহার সমর্পণ পূর্বক ব্রহ্মাদি চিরলোকপালগণ কোটি-কোটি কিরীটের অগ্রভাগদ্বারা যাঁহার পাদপীঠের পূজা করিতেছেন, (সেই শ্রীকৃষ্ণ যে উগ্রসেনের অনুবর্তী হইয়া চলিবেন, ইহাই তাঁহার ভৃত্য-আমাদের পক্ষে অত্যন্ত দুঃখের বিষয়) । ৭

শ্রীকৃষ্ণ নিজ বাহুবলে কংসকে নিহত করিলেন ; নিহত করিয়া তিনি নিজেই মথুরার রাজা হইতে পারিতেন । কিন্তু তিনি নিজে রাজা না হইয়া কংসের পিতা—স্বীয় মাতামহ—উগ্রসেনকে রাজা করিলেন এবং নিজে উগ্রসেনের আজ্ঞানুবর্তী হইয়া কাজ করিতে লাগিলেন । ইহাতে—উদ্ধবাদি শ্রীকৃষ্ণের প্রিয়-ভক্ত যাঁহারা ছিলেন, তাঁহাদের মনে অত্যন্ত দুঃখ হইত ; তাই উদ্ধব বিহুরের নিকটে বলিয়াছিলেন—যিনি স্বয়ংভগবান্, ব্রহ্মাদি দেবগণ যাঁহার পাদপীঠের পূজা করিয়া থাকেন, তিনি কেন উগ্রসেনের আজ্ঞানুবর্তী হইয়া চলিবেন ?

এই শ্লোকটি শ্রীকৃষ্ণের ঐশ্বৰ্য্যের পরিচায়ক । স্বয়ং মহাপ্রভু এই শ্লোকের যে ব্যাখ্যা করিয়াছেন, পরবর্তী পয়ার-সমূহে তাহা উল্লিখিত হইয়াছে ।

২৭। শ্রীকৃষ্ণের ঐশ্বৰ্য্য বর্ণনা করিতে যাইয়া ঐশ্বৰ্য্যজ্ঞাপক “স্বয়ম্ভুসাম্যাতিশয়”-ইত্যাদি শ্লোক বলিয়া এই শ্লোকের অর্থ করিতেছেন । এই পয়ারে ঐ শ্লোকোক্ত “স্বয়ং” শব্দের অর্থ করিতেছেন । পরম ঈশ্বর কৃষ্ণ স্বয়ংভগবান্—ইহাই শ্লোকোক্ত “স্বয়ং”-শব্দের অর্থ । শ্রীকৃষ্ণ স্বয়ং ভগবান্ অর্থাৎ তাঁহার ভগবত্তা অস্ত্র কাহারও উপর নির্ভর করে না, বরং অস্ত্রের ভগবত্তা তাঁহার ভগবত্তার উপর নির্ভর করে ।

তাতে বড়, তার সম, কেহো নাহি আন—শ্রীকৃষ্ণ অপেক্ষা বড়, কিম্বা শ্রীকৃষ্ণের সমান আর অস্ত্র কেহ নাই । ইহা শ্লোকোক্ত “অসাম্যাতিশয়”-শব্দের অর্থ । সাম্য—সমান ; অতিশয়—অধিক ; যাঁহার সমান, বা যাঁহা হইতে অধিক কেহ নাই, তিনি অসাম্যাতিশয় । নিম্নোক্ত শ্লোকে এইরূপ অর্থের প্রমাণ দিতেছেন ।

তথাহি ব্রহ্মসংহিতায়াম্ (৫.১)—

ঈশ্বরঃ পরমঃ কৃষ্ণঃ সচ্চিদানন্দবিগ্রহঃ ।

অনাদিরাদির্গোবিন্দঃ সর্বকারণকারণম্ ॥ ৮

ব্রহ্মা বিষ্ণু হর—এই সৃষ্টিাদি-ঈশ্বর ।

তিনে আজ্ঞাকারী কৃষ্ণের, কৃষ্ণ অধীশ্বর ॥ ২৮

তথাহি (ভাঃ ২।৬।৩০)—

সৃজামি তন্নিযুক্তোহং হরো হরতি তদ্বশঃ ।

বিষ্ণু পুরুষরূপেণ পরিপাতি ত্রিশক্তিধ্বক্ ॥ ৯

এ সামান্য, ‘ত্র্যধীশ্বরের’ শুন অর্থ আর—।

জগৎকারণ তিন পুরুষাবতার—॥ ২৯

মহাবিষ্ণু, পদ্মনাভ, ক্ষীরোদকন্যামী ।

এই তিন—স্থূল-সূক্ষ্ম-সর্ব-অন্তর্যামী ॥ ৩০

এই তিন—সর্ববিশ্রয় জগৎ-ঈশ্বর ।

এহো সব কলা-অংশ, কৃষ্ণ অধীশ্বর ॥ ৩১

তথাহি ব্রহ্মসংহিতায়াম্ (৫।৪৪)—

যষ্টৈকনিশ্বসিতকালমথাবলম্ব্য

জীবন্তি লোমবিলজা জগদগুনাথাঃ ।

বিষ্ণুর্মহান্ স ইহ যন্ত কলাবিশেষো

গোবিন্দমাদিপুরুষং তমহং ভজামি ॥ ১০

এহো অর্থ মধ্যম, আর অর্থ শুন সার—।

তিন আবাসস্থান কৃষ্ণের শাস্ত্রে খ্যাতি বার ॥ ৩২

গৌর-কৃপা-তরঙ্গিণী টীকা

শ্লো। ৮। অবয়ব। অবয়বাদি ১২।১৭ শ্লোকে দ্রষ্টব্য। ২৭ পরারোক্তির প্রমাণ এই শ্লোক।

২৮। এই পরারে শ্লোকোক্ত ‘ত্র্যধীশঃ’-শব্দের অর্থ করিতেছেন। ত্র্যধীশ—ত্রি—(তিন)—এর অধীশ (অধীশ্বর), যিনি তিনের অধীশ্বর, তিনিই ত্র্যধীশ। অধীশ—অধি+ঈশ, অধি-অর্থ ঈশ্বর (যেদিনী), অধির বা ঈশ্বরের ঈশ্বর যিনি, তিনি অধীশ্বর। তাহা হইলে ত্র্যধীশ-শব্দের অর্থ হইল, তিন-ঈশ্বরের ঈশ্বর। কোন্ তিন ঈশ্বরের ঈশ্বর তাহা বলিতেছেন। ব্রহ্মা বিষ্ণু হর ইত্যাদি—ব্রহ্মা, বিষ্ণু ও শিব, এই তিনজন সৃষ্টি, স্থিতি ও প্রলয়ের ঈশ্বর বা নিয়ন্তা। এই তিন জনই স্বয়ংভগবান্ শ্রীকৃষ্ণের আজ্ঞাচুবর্তী অর্থাৎ শ্রীকৃষ্ণের আজ্ঞাতেই তাহারা সৃষ্টি, স্থিতি ও সংহার করেন; সুতরাং শ্রীকৃষ্ণ এই তিন জনের নিয়ন্তা বলিয়া তিনি এই তিনের অধীশ্বর বা ত্র্যধীশ। ব্রহ্মা, বিষ্ণু ও শিব যে শ্রীকৃষ্ণের আদেশেই সৃষ্টিাদি কার্য্য করেন, তাহার প্রমাণ নিম্নোক্ত শ্লোকে দেখাইয়াছেন।

শ্লো। ৯। অবয়ব। অবয়বাদি ২২-৩১ শ্লোকে দ্রষ্টব্য। ২৮-পরারোক্তির প্রমাণ এই শ্লোক।

২৯-৩১। এ সামান্য—পূর্ববর্তী পরারে ত্র্যধীশের যে অর্থ করা হইয়াছে (ব্রহ্মা, বিষ্ণু ও শিবের ঈশ্বর) তাহা সামান্য অর্থ; তাহা অপেক্ষা আরও গূঢ় অর্থ আছে, তাহাই বলা হইতেছে। শ্লোকস্থ ‘ত্র্যধীশঃ’-শব্দের অত্মরূপ অর্থ করিতেছেন। কারণার্ণবশায়ী বিষ্ণু সমষ্টিব্রহ্মাণ্ডের ঈশ্বর বা অন্তর্যামী, গন্তোদশায়ী ব্যষ্টিব্রহ্মাণ্ডের অন্তর্যামী বা ঈশ্বর, আর ক্ষীরোদকন্যামী ব্যষ্টিজীবের অন্তর্যামী বা ঈশ্বর। এই তিন ঈশ্বরই স্বয়ংভগবানের অংশ বা কলা, স্বয়ং ভগবান্ এই তিন ঈশ্বরেরই অংশী, নিয়ন্তা বা ঈশ্বর; সুতরাং তিনি এই তিনের অধীশ্বর বা ত্র্যধীশ। মহাবিষ্ণু—কারণার্ণবশায়ী। পদ্মনাভ—গর্ভোদকশায়ী, ইহার নাভি হইতে এক পদ্ম উদ্ভূত হয়, যাহাতে ব্রহ্মার জন্ম হয়; এজগৎ ইহাকে পদ্মনাভ বলে। স্থূল-সূক্ষ্মসর্ব-অন্তর্যামী—স্থূলজীবের অন্তর্যামী ক্ষীরোদকন্যামী, স্থূলব্রহ্মাণ্ডের অন্তর্যামী গর্ভোদকশায়ী, আর সূক্ষ্মব্রহ্মাণ্ড বা মহত্ত্বের অন্তর্যামী মহাবিষ্ণু। এহো সব কলা-অংশ—ইহারা সকলে শ্রীকৃষ্ণের অংশ-কলা। “কলা-অংশ”-স্থলে “অংশ বার”-পাঠও দৃষ্ট হয়। এই উক্তির প্রমাণরূপে নিম্নে একটি শ্লোক উদ্ধৃত হইয়াছে।

শ্লো। ১০। অবয়ব। অবয়বাদি ১৫।৮ শ্লোকে দ্রষ্টব্য। ৩১ পরারোক্তির প্রমাণ এই শ্লোক।

৩২। ত্র্যধীশের তৃতীয় রকম অর্থ করিতেছেন (৩২-৪০ পরারে)। এখন, শ্রীকৃষ্ণ তিনটি লোকের অধীশ্বর—এই অর্থে তিনি ত্র্যধীশ—এই অর্থ করিতেছেন। তিনটি লোক এই :—প্রথমতঃ, শ্রীকৃষ্ণলোক, যে স্থানে শ্রীকৃষ্ণ পিতামাতা-কাস্তাদি অন্তরঙ্গ-পরিকরদিগের সহিত যোগমায়ার সাহায্যে নানাবিধ মধুর লীলারস আনন্দন করিতেছেন। এই স্থানকে

অন্তঃপুর গোলোক, শ্রীবৃন্দাবন ।

যাঁহা নিত্য স্থিতি মাতা-পিতা-বন্ধুগণ ॥ ৩৩

মধুরৈশ্বর্য মাধুর্য্য কৃপাদিভাণ্ডার ।

যোগমায়া দাসী যাঁহা—রাসাদি লীলাসার ॥ ৩৪

গৌর-কৃপা-ভরঙ্গিণী টীকা ।

শ্রীকৃষ্ণের অন্তঃপুর বলা হইয়াছে । দ্বিতীয়তঃ, পরব্যোম বা বিষ্ণুলোক ; এই ধামে শ্রীকৃষ্ণের বিবিধ স্বরূপের আবাস-স্থান ; ইহাও যদৈশ্বর্য-পূর্ণ ; এই স্থানকে শ্রীকৃষ্ণের মধ্যম আবাস বলা হইয়াছে । তৃতীয়তঃ, দেবীধাম, বা মায়িক ব্রহ্মাণ্ড ; তাঁহার বহিরঙ্গা শক্তি মায়ার এই স্থানে অধিকার ; প্রাকৃত জীব ইহার অধিবাসী ; ইহা শ্রীকৃষ্ণের বাহ্যাবাসভূমি । শ্রীকৃষ্ণ এই তিন ধামের অধীশ্বর ; সুতরাং তিনি ত্র্যধীশ ।

৩৩। গোলোক—১।:৩ পয়ারের টীকা দ্রষ্টব্য ।

শ্রীবৃন্দাবন—স্বরূপ-ব্রজেন্দ্র-নন্দনের নিত্যমাধুর্য্যময় লীলাস্থান । ১।:১৪ পয়ারের টীকা দ্রষ্টব্য । **যাঁহা নিত্যস্থিতি** ইত্যাদি—মাতা (যশোদা), পিতা (নন্দমহারাজ), বন্ধু (সুবলাদি-সখা, শ্রীরাধিকাদি-কান্তা) আদি শ্রীকৃষ্ণ-পরিকরগণ লীলারসের পুষ্টির জন্ত যে স্থানে নিত্যই অবস্থান করিতেছেন ।

৩৪। **মধুরৈশ্বর্য মাধুর্য্য** কৃপাদিভাণ্ডার—শ্রীবৃন্দাবন শ্রীকৃষ্ণের মধুর-ঐশ্বর্য্য, মাধুর্য্য ও কৃপাদির ভাণ্ডার ; ভাণ্ডার হইতেই অল্পস্থানে জিনিষ পত্র যায় ; শ্রীবৃন্দাবনকে ঐশ্বর্য্যাদির ভাণ্ডার বলাতে ইহা ধ্বনিত হইতেছে যে, অল্পধামে যে মাধুর্য্য, ঐশ্বর্য্য বা কৃপাদি আছে, তৎসমস্তের মূল শ্রীবৃন্দাবনে । **মধুরৈশ্বর্য্য**—মধুর বা অত্যন্ত আশ্বাদনযোগ্য ঐশ্বর্য্য, শ্রীবৃন্দাবনের ঐশ্বর্য্য (কুরুক্ষেত্রে বিশ্বরূপ দর্শনের ঞ্চাম্র, অথবা দ্বারকায় কল্লিণী-পরিহাসের সময়ের ঞ্চাম্র) ভীতিপ্রদ বা সঙ্কোচ-উৎপাদক নহে ; বরং শ্রীকৃষ্ণের প্রতি মদীয়তাময়ী প্রীতির বর্দ্ধক এবং তজ্জন্ত অত্যন্ত আশ্বাদনীয় । অথবা, মধুরৈশ্বর্য্য শব্দের অর্থ—মাধুর্য্যের প্রভাবে বা মাধুর্য্যের অনুগত বলিয়া, পরম-সুমধুর-ঐশ্বর্য্য ।

কৃপা—জীবের প্রতি কৃপা । জীব দুই রকম ; নিত্যমুক্ত ও অনাদিকাল হইতে মায়াবদ্ধ । রসস্বরূপ শ্রীকৃষ্ণের পরম-মধুর-লীলারস ও তদীয় অসমোর্দ্ধ মাধুর্য্য আশ্বাদনের যোগ্যতা এবং তত্ত্ব-লীলোপযোগিণী সেবার যোগ্যতা-প্রদানরূপ কৃপা নিত্যমুক্ত জীবের প্রতি । এবং মায়াবদ্ধ জীবের লোভ জন্মাইবার উদ্দেশ্যে শ্রীকৃষ্ণের প্রকট-লীলায় তদীয় লীলার মাধুর্য্য ও অপরূপ প্রকটন-রূপ কৃপা—ঐ অপরূপ মাধুর্য্যময় লীলারস আশ্বাদনের ও তত্ত্বলীলোপযোগিণী সেবা করিবার অধিকার যে তাহাদেরও আছে, এই তথ্য প্রচার রূপ কৃপা এবং কিরূপে ঐ সেবার যোগ্যতা এবং ঐ মাধুর্য্যাদি আশ্বাদনের যোগ্যতা লাভ করা যাইতে পারে, তাহা প্রদর্শনরূপ কৃপা—মায়াবদ্ধ জীবের প্রতি । এই কৃপারও পূর্ণ প্রকটন বৃন্দাবনলীলায় এবং বৃন্দাবনলীলার পরিশিষ্টরূপ শ্রীনবদ্বীপলীলায় । “অমুহায় তজ্জনাং মাধুবাং দেহমাপ্রিতঃ । ভজতে তাদৃশীঃ ক্রীড়া যাঃ ক্ষুদ্রা তৎপরো ভবেৎ ॥ শ্রীভা ১০, ৩৩, ৩৬ ॥”

যোগমায়া—শ্রীকৃষ্ণের অন্তরঙ্গা চিহ্নিত ; ইনি শক্তিমান্ শ্রীকৃষ্ণের শক্তি বলিয়া ইঁহাকে শ্রীকৃষ্ণের দাসী বলা হইয়াছে ; অথবা শ্রীকৃষ্ণেরই আদেশে তাঁহার লীলারসের পুষ্টিমূলক কার্য্য নির্বাহ করেন বলিয়া ইঁহাকে দাসী বলা হইয়াছে । যিনি সেবা করেন, তাঁহাকে দাস বা দাসী বলে । সেবা বলিতে প্রীতিজনক-কার্য্যকরণ বুঝায় । যোগমায়া তাহা করেন, এজন্ত তিনি শ্রীকৃষ্ণের দাসী ।

শ্রীবৃন্দাবনকে শ্রীকৃষ্ণের অন্তঃপুর বলার তাৎপর্য্য এই :—পিতা, মাতা, ভাই, ভগিনী, কান্তা প্রভৃতিই লোকের অন্তঃপুরের পরিকর ; ইহাদের সঙ্গেই লোক প্রাণ খুলিয়া নিঃসঙ্কোচভাবে মিলামিশা ও কোতুকাদি করিয়া থাকেন । বাহিরের লোকের সঙ্গে যেরূপ ক্ষমতা ও প্রতিপত্তি আদি ব্যবহৃত হয়, ইহাদের সঙ্গে সে সব কিছুই প্রধান ভাবে প্রযুক্ত হয় না । শ্রীকৃষ্ণের পক্ষেও তাহাই । তাঁহার ব্রজ-পরিকরগণ তাঁহার ঐশ্বর্য্য ভুলিয়া মদীয়তার আধিক্যবশতঃ অনন্ত কোটি বিশ্ব-ব্রহ্মাণ্ডের একমাত্র অধীশ্বর হইলেও তাঁহাকে নিজেদের সমান, কেহ কেহ (মাতাপিতা) বা নিজেদের অপেক্ষা হীন (লাল্য) মনে করিয়া তাঁহার সহিত নিঃসঙ্কোচ ভাবে ব্যবহার করিয়া থাকেন । শ্রীকৃষ্ণও তাঁহাদের প্রেমে বশীভূত হইয়া তাঁহাদিগকে সর্ববিধ অন্তরঙ্গ সেবার অধিকার দিয়া থাকেন ।

তথাহি গোস্বামিপাদোক্তশ্লোকঃ—

করুণানিকুরঙ্গকোমলে

মধুরৈশ্বর্যবিশেষশালিনি ।

জয়তি ব্রজরাজনন্দনে

ন হি চিন্তাকণিকাভ্যাদেতি নঃ ॥ ১১

তার তলে পরব্যোম—বিষ্ণুলোক নাম ।

নারায়ণ আদি অনন্ত স্বরূপের ধাম ॥ ৩৫

মধ্যম আবাস কৃষ্ণের—ষড়ৈশ্বর্যভাণ্ডার ।

অনন্ত স্বরূপ ঘাই করেন বিহার ॥ ৩৬

অনন্ত বৈকুণ্ঠ ঘাই ভাণ্ডার কোঠরি ।

পারিষদগণ ষড়ৈশ্বর্যে আছে ভরি ॥ ৩৭

শ্লোকের সংস্কৃত টীকা ।

ব্রজরাজনন্দনে শ্রীকৃষ্ণে জয়তি সতি নোহস্মাকং চিন্তাকণিকাপি চিন্তালেশোহপি ন অভ্যাদেতি । কিন্তুতে করুণাসমূহেন কোমলে পুনঃ কিন্তুতে মাধুর্যৈশ্বর্যবিশেষ-বিশিষ্টে । ইতি । চক্রবর্তী । ১১

গৌর-কৃপা-তরঙ্গিণী টীকা ।

রাসাদি লীলা সার—সমস্ত লীলার সার রাসাদি লীলা শ্রীকৃন্দাবনেই ঘটয়া থাকে । “সন্তি যতপি মে প্রাজ্ঞা লীলাস্তাস্তা মনোহরাঃ । নহি জানে স্মৃতে রাসে মনো মে কদৃশং ভবেৎ ॥”—ল. ভা. কৃষ্ণ. ৫৩১ শ্লোকধৃত বৃহদ্বামন-বচনানুসারে জানা যায়, শ্রীকৃষ্ণের সর্ববিধ লীলার মধ্যে রাসলীলাই তাঁহার সর্বাধিক মনোহারিণী ; তাই রাসলীলাকে এই পয়ারে “লীলাসার” বলা হইয়াছে ।

৩৩-৩৪ পয়ারে শ্রীকৃষ্ণের অন্তঃপুরের বিবরণ দেওয়া হইয়াছে ।

শ্লো. ১১ । অর্থঃ । করুণানিকুরঙ্গকোমলে (করুণাসমূহে কোমল) মধুরৈশ্বর্য-বিশেষশালিনি (মাধুর্য ও ঐশ্বর্য বিশেষ বিশিষ্ট) ব্রজরাজ-নন্দনে (ব্রজরাজ-নন্দন শ্রীকৃষ্ণ) জয়তি (জয়যুক্ত হইলে) নঃ (আমাদের) চিন্তাকণিকা (চিন্তার লেশমাও) ন অভ্যাদেতি (উপস্থিত হয় না) ।

অনুবাদ । যিনি স্বীয়-করুণাসমূহের দ্বারা কোমল-চিত্ত এবং যিনি মাধুর্য ও ঐশ্বর্য বিশেষ বিশিষ্ট, সেই ব্রজরাজ নন্দন-শ্রীকৃষ্ণ ও যুক্ত হইতে থাকিলে আমাদের চিন্তার লেশমাও উপস্থিত হইতে পারে না । ১১

করুণানিকুরঙ্গ-কোমলে—করুণার (কৃপার) নিকুরঙ্গ (সমূহ) করুণানিকুরঙ্গ ; তদ্বারা কোমল (কোমলচিত্ত) হইয়াছেন যিনি, তাদৃশ শ্রীকৃষ্ণ ; করুণার ধর্মই এই যে, ইহা যাহার মধ্যে থাকে, তাহার চিত্তকে কোমল করিয়া ফেলে ; শ্রীকৃষ্ণ করুণাসমূহের আধার—সর্ববিধ করুণার যত রকম বৈচিত্রী আছে, বিভিন্ন অবস্থায় যে যে বিভিন্ন প্রকারে বা বিভিন্ন রূপে করুণা প্রকাশ পাইতে পারে, শ্রীকৃষ্ণ তৎসমূহের আধার ; তাই তাঁহার চিত্ত গলিয়া কোমল হইয়া গিয়াছে ; তাহার ফলে তিনি সর্বদাই জীবের প্রতি—তাঁহার ভক্তদের প্রতি—কৃপা বিতরণ করিতে উৎকণ্ঠিত । মধুরৈশ্বর্যবিশেষশালিনি—মধুর (স্নমধুর, অত্যন্ত আশ্রয়) ঐশ্বর্যবিশেষযুক্ত ; মাধুর্য ও ঐশ্বর্যবিশেষযুক্ত । করুণানিকুরঙ্গকোমল-শব্দের অব্যবহিত পরেই মধুরৈশ্বর্যবিশেষশালী শব্দ প্রয়োগের তাৎপর্য এই যে—ব্রজে শ্রীকৃষ্ণের যে অপরিদীপ মাধুর্য আছে—যাহা তাঁহার ঐশ্বর্যকেও মাধুর্যমণ্ডিত করিয়া তুলিয়াছে,—জীবকে তাহার আশ্বাদন পাওয়াইবার নিমিত্ত তাঁহার করুণা-কোমল হৃদয় সর্বদাই ব্যাকুল ; তাই “লোক নিস্তারিব এই দৈব-স্বভাব” হইয়াছে (৩.২৮) । এতাদৃশ শ্রীকৃষ্ণ জয়যুক্ত হইতে থাকিলে—তাঁহার করুণা সর্বদা অভিব্যক্ত হইতে থাকিলে—আমাদের—জীবের—চিন্তার লেশও থাকিতে পারে না ; তাঁহার করুণার স্রোতে চিন্তার সমস্ত কারণই কোন্ দূরদেশে ভাসিয়া যাইতে পারে ।

৩৪-পয়ারোক্তির প্রমাণ এই শ্লোক ।

৩৫-৩৭ । এক্ষণে তিন পয়ারে শ্রীকৃষ্ণের মধ্যম আবাসের কথা বলিতেছেন । তার তলে—গোলোক-কৃন্দাবনের নীচে । বিষ্ণুলোক—পরব্যোমের অপর নাম বিষ্ণুলোক । নারায়ণাদি—এহলে “নারায়ণ” বলিতে

তথাহি ব্রহ্মসংহিতায়াম্ (৫।৪৩)—

গোলোকনাম্নি নিজধাম্নি তলে চ তন্তু

দেবীমহেশহরিধামন্তু তেষু তেষু ।

তে তে প্রভাবনিচয়া বিহিতাশ্চ যেন

গোবিন্দমাদিপুরুষং তমহং ভজামি ॥ ১২

শ্লোকের সংস্কৃত টীকা ।

তদিদং প্রপঞ্চগতং মাহাত্ম্যমুক্তা নিজধামগতমাহাত্ম্যমাহ গোলোকেতি । দেবীমহেশেত্যাদিগণনং ব্যুৎক্রমেণ জ্ঞেয়ম্ দেব্যাদীনাং যথোক্তরম্ উল্লেখ্যপ্রভাবভাঙ্গলোকানামূল্লেখ্যপ্রভাবভাঙ্গমিতি । গোলোকস্ত সর্কোদ্ধগামিত্বং সর্কোভ্যো ব্যাপকত্বঞ্চ ব্যবস্থাপিতমস্তি ভুবি প্রকাশমানস্ত বৃন্দাবনস্ত তু তেনাভেদঃ পূর্বত্র দর্শিতঃ । স তু লোকত্বয়া কৃষ্ণ সীদমানঃ কৃতাত্মনা । ধ্বতো ধ্বতিমতা বীর নিয়তোপদ্রবান্ গবামিত্যেনানাভেদেনৈব হি । গোলোক এব নিবসতীত্যেবকার সংঘটতে যতো ভুবি প্রকাশমানেনৈশ্বিন্ বৃন্দাবনে তন্তু নিত্যবিহারিত্বং শ্রয়তে যথাদিবরাহে । বৃন্দাবনং দ্বাদশমং বৃন্দয়া পরিরক্ষিতম্ । হরিণাধিষ্ঠিতং তচ্চ ব্রহ্মরূপাদিসেবিতম্ ॥ তত্র চ বিশেষঃ । কৃষ্ণঃ ক্রীড়াসেতুবন্ধং মহাপাতকনাশনম্ । বল্লভীভিঃ ক্রীড়নার্থং কৃষ্ণা দেবো গদাধরঃ ॥ গোপকৈঃ সহিতস্তত্র ক্ষণমেকং দিনে দিনে । তত্রৈব-রমণাৎ হি নিত্যকালং স গচ্ছতীতি । অতএব গৌতমীয়ে শ্রীনারদ উবাচ । কিমিদং দ্বাত্রিংশদ্বনং বৃন্দারণ্যং বিশাম্পতে । শ্রোতুমিচ্ছামি ভগবন্ যদি যোগ্যাহস্মি মে বদ ॥ শ্রীকৃষ্ণ উবাচ । ইদং বৃন্দাবনং নাম মম ধামৈব কেবলম্ । অত্র যে পশবঃ পক্ষিমৃগাঃ কীটা নরাধমাঃ ॥ যে বসন্তি মমারিষ্টে মৃতা বাস্তি মমালয়ম্ । অত্র যা গোপকত্যাশ্চ নিবসন্তি মমালয়ে । গোপিতস্তা ময়া নিত্যং মম সেবাপরায়ণাঃ । পঞ্চযোজনমেবাস্তি বনং মে দেহরূপকম্ । কালিন্দীয়ং সুসুস্বাদ্যং পরমামৃত-বাহিনী । অত্র দেবাশ্চ ভূতানি বর্তন্তে হস্তরূপতঃ । সর্কদেবময়শ্চাহং ন ত্যজামি বনং কচিৎ । আবির্ভাবস্তিরোভাবো ভবেম্মেহ যুগে যুগে । তেজোময়মিদং রম্যমদৃশ্যং চক্ষুশ্চ ইতি । এতদ্রূপমেবাস্তিত্য বারাহাদৌ তে নিত্যকদম্বাদয়ো দর্শিতা বর্ণিতাশ্চ । তস্মাদনন্দদৃশ্যমানৈশ্চৈব বৃন্দাবনস্ত অনন্দদৃশ্যতাদৃশ-প্রকাশবিশেষ এব গোলোক ইতি লক্ষ্যম্ । যদা চানন্দ-দৃশ্যমানে প্রকাশে সপরিষ্করঃ শ্রীকৃষ্ণ আবির্ভবতি তদৈব তত্ত্বাবতার উচ্যতে তদেব চ রসবিশেষপোষায় সংযোগবিরহঃ পুনঃ সংযোগাদিময়বিচিত্রলীলয়া তয়া পারদার্যাদিব্যবহারাস্ত গম্যতে । যদাতু যথাত্ত যথা বাত্স কল্প-তন্ত্র-যামলসংহিতা পঞ্চরাত্রাদিষু তথা দিগৃদর্শনেন বিশেষা জ্ঞেয়াঃ । তথাচ শ্রীদশমে । জয়তি জননিবাসো দেবকীজন্মবাদ ইত্যাদি । তথাচ পান্নে নিক্সাগথগে শ্রীভগবদ্ব্যাসবাক্যে । পশু স্বং দশয়িষ্যামি স্বরূপং বেদগোপিতম্ । ততো পশ্যাম্যহং ভূপ বালং কালাধুদপ্রভম্ । গোপকত্যাভূতং গোপং হসন্তং গোপবালকৈরিতি । অনেনালঙ্ক-ক্রীধর্ম্মবয়স্কতাদিবোধকেন কতাপদেন তাসামদৃশ্যং নিরাক্রিয়তে । তথাচ গৌতমীয়তন্ত্রে চতুর্থাধ্যায়ে । অথ বৃন্দাবনং ধ্যায়ৈদিত্যরভ্য তদ্ব্যনম্ । সর্গাদিব পরিভ্রষ্টককশতমণ্ডিতম্ । গোপবৎসগণাকীর্ণং বৃক্ষবটৈশ্চ মণ্ডিতম্ । গোপকত্যাশ্চৈশ্চ পদ্মপত্রায়তৈশ্চৈঃ । অচ্চিতং

গৌর-রূপা-তরঙ্গিণী টীকা ।

শ্রীকৃষ্ণের বিলাসমুষ্টি পরব্যোমাধিপত্যকে বুঝায় ; আর ‘আদি’ শব্দে লীলাবতার, মহন্তরাবতারাди পূর্বপরিচ্ছেদোক্ত বিভিন্ন ভগবৎ-স্বরূপকে বুঝাইতেছে । পরব্যোমে সকল স্বরূপেরই পৃথক পৃথক (বৈকুণ্ঠ) ধাম আছে । মধ্যম আবাস—অন্তঃপুররূপ শ্রীবৃন্দাবন এবং ব্যাহাবাসরূপ প্রাকৃত ব্রহ্মাণ্ডের মধ্যবর্তী (মহিমায় মধ্যবর্তী) বলিয়া পরব্যোমকে মধ্যমাবাস বলা হইয়াছে । ইহা বটৈশ্বর্যের ভাণ্ডার । এই স্থানে ঐশ্বর্যের প্রাধান্য আছে ; শ্রীবৃন্দাবনের ছায় এই স্থানের ঐশ্বর্য, মাধুর্যের অল্পগত নহে ; এজন্ত বৃন্দাবনের ঐশ্বর্যের ছায় এই স্থানের ঐশ্বর্যকে “মধুরৈশ্বর্য” বলা হয় নাই । শ্রীকৃষ্ণের বিভিন্ন স্বরূপের বিভিন্ন ধামকে এই মধ্যমাবাসের বিভিন্ন কুঠরী-স্বরূপ বলা হইয়াছে । এই স্থানের বিভিন্ন স্বরূপের পার্শ্বদেয়াও বটৈশ্বর্যপূর্ণ ।

এই কয়টি পরায়ের প্রমাণরূপে নিম্নে কয়েকটি শ্লোক উদ্ধৃত হইয়াছে ।

শ্লো। ১২ । অম্বয় । গোলোকনাম্নি (গোলোক-নামক) নিজধাম্নি (স্বীয় ধামে) তন্তু তলে চ (এবং তাহার নীচে) তেষু তেষু (সেই সেই) দেবীমহেশহরিধামন্তু (দেবী ধাম, মহেশ ধাম এবং হরি ধামে) তে তে (সেই

শ্লোকের সংস্কৃত টীকা ।

ভাবকুন্তলৈলোকে কৈক্যকপুরুষ পরমিত্যাদি । তদর্শনকারী চ দর্শিতস্তত্বেব সদাচার-প্রসঙ্গে । অহর্নিশং জপেন্মন্ত্রং মন্ত্রী নিয়তমানসঃ । স পশুতি ন সন্দেহো গোপরূপধরং হরিমিতি । তত্রৈবাত্তত্ৰ । বৃন্দাবনে বসেচ্ছীমান্ যাবৎ কৃষ্ণশ্চ দর্শনমিতি । ২১-লোক্যসম্মোহনতন্ত্রে চাষ্টাদশাক্ষরপ্রসঙ্গে । অহর্নিশং জপেদ্ যন্ত মন্ত্রী নিয়তমানসঃ । স পশুতি ন সন্দেহো গোপবেশধরং হরিমিতি । অতএব তাপত্যাং ব্রহ্মবাক্যম্ । তদ্ব্যহোবাং ব্রহ্মসবনং চরতো মে ধ্যাতঃ স্তুতঃ পরাক্রান্তে সোহবুধ্যত গোপবেশো মে পুরুষঃ পুরস্তাদাবির্ভূবেতি তস্মাৎ ক্ষীরোদশাখ্যাগ্নবতারতয়া তন্ত্ৰ যৎ কথনং তত্ত্ব তদংশানাং তত্র প্রবেশাপেক্ষয়া । তদলমিতি বিস্তরেণ শ্রীকৃষ্ণসন্দর্ভে দর্শিতচরণে । শ্রীজীব । ১২

গৌর-কৃপা-তরঙ্গিণী টীকা ।

সেই) প্রভাবনিচয়াঃ (প্রভাবনিচয়) যেন (বাহ্য কর্তৃক) বিহিতাঃ (বিহিত হইয়াছে) তং (সেই) আদিপুরুষং (আদিপুরুষ) গোবিন্দঃ (গোবিন্দকে) অহং (আমি) ভজামি (ভজন করি) ।

অনুবাদ । ব্রহ্মা বলিলেন :—শ্রীকৃষ্ণের নিজধাম গোলোকে (অর্থাৎ শ্রীবৃন্দাবনে) এবং সেই গোলোকের নীচে যথাক্রমে হরিধাম, মহেশধাম এবং দেবী-ধামে যিনি যথাযোগ্যভাবে স্বীয় প্রভাব সকলকে বিস্তার করিয়াছেন সেই আদিপুরুষ গোবিন্দকে আমি ভজনা করি । ১২

এই শ্লোকে গোলোক ব্যতীতও আরও তিনটি ধামের উল্লেখ করা হইয়াছে—দেবী-মহেশ-হরিধামসু—দেবী-ধাম, মহেশ-ধাম এবং হরিধাম । উদ্ধৃত শ্লোকের অব্যবহিত পরবর্তী—“সৃষ্টি-স্থিতি-প্রলয়সাধনশক্তিরেকা ছায়েব যন্ত ভুবনানি বিভর্তি দুর্গা । ইচ্ছামুরূপমপি যন্ত চ চেষ্টতে সা গোবিন্দমাদিপুরুষং তমহং ভজামি । ব্র, স, ৫।৪৪ ॥”—শ্লোকে উল্লিখিত দুর্গাদেবীর ধামকেই দেবীধাম বলা হইয়াছে ; ইনি সৃষ্টি-স্থিতি-প্রলয়-সাধিকা শক্তি ; সূতরাং ইনি গুণময়ী ; যেহেতু, গুণের সহায়তাতেই সৃষ্টি-স্থিতি-প্রলয় সাধিত হয় । ভগবদ্ধামে ভগবানের আবরণ-দেবতারূপে এক দুর্গা আছেন ; তিনি গুণাতীত ; যেহেতু, ভগবদ্ধামে গুণময়ী মায়াই স্থান নাই ; এই গুণাতীত দুর্গা অষ্টাদশাক্ষরাদি মন্ত্রের অধিষ্ঠাত্রী দেবতা ; এই দুর্গা ভগবানের স্বরূপ-শক্তির বৃত্তিবিশেষ । “শ্রীকৃষ্ণস্বরূপভূতে শ্রীমদষ্টাক্ষরাদিমন্ত্রগণেহপি দুর্গানামো ভগবদ্ভক্ত্যাক্ষক-স্বরূপভূত-শক্তিবৃত্তিবিশেষত্যাধিষ্ঠাতৃত্বং শ্রুতিতত্ত্বাদিষ্যপি দৃশ্যতে ॥ ভক্তিসন্দর্ভঃ । ২৮৫ ॥” সূতরাং ব্রহ্মসংহিতার শ্লোকে যে দুর্গার কথা বলা হইয়াছে, তিনি আবরণ-দেবতা দুর্গা নহেন । ইনি হইতেছেন—গুণময়ী মায়াশক্তির অংশরূপা ; ইনি প্রাকৃত ব্রহ্মাণ্ডে মন্ত্র-রক্ষণ-সেবার নিমিত্ত বিরাজিত ; এবং চিচ্ছক্ত্যাশ্রিত দুর্গার দাসীরূপা । “সা হি মায়াংশরূপা তদধীনে প্রাকৃতেহস্মিন্ লোকে মন্ত্ররক্ষা-লক্ষণ-সেবাধ্বং নিযুক্তা চিচ্ছক্ত্যাশ্রিতদুর্গায়া দাসীয়েত ন তু সেবাধিষ্ঠাত্রী ॥ ভক্তিসন্দর্ভঃ । ২৮৫ ॥” বাহ্য হউক, উদ্ধৃত ব্রহ্মসংহিতার শ্লোকে যে মহেশের কথা বলা হইয়াছে, ব্রহ্মসংহিতার ৫।৪৫-শ্লোকে তাহারও পরিচয় দেওয়া হইয়াছে—“ক্ষীরং যথা দধি বিকারবিশেষযোগাৎ”—ইত্যাদি রূপে । এই শ্লোক হইতে জানা যায়, এই মহেশও জগতের প্রলয়-সাধক শব্দ বা রক্ত ; সূতরাং গুণময় ; ইনি পরব্যোমাস্তর্গত সদাশিব নহেন । গুণময়ী দেবী দুর্গা হইলেন গুণময় মহেশেরই কাস্তাশক্তি ; একই ধামে উভয়ের স্থিতি । তাহাই যদি হয়, তাহা হইলে দেবী-মহেশ-ধাম বলিতে একই ধামকে বুঝাইবে । একই ধাম বুঝাইলে, বাহ্য দেবী-ধাম, তাহাই হইবে মহেশ-ধাম, অথবা বাহ্য মহেশ-ধাম, তাহাই হইবে দেবী-ধাম ; তাহা হইলে শ্লোকোক্ত গোলোক ব্যতীত ধাম হইবে মাত্র দুইটি—দেবী-মহেশ-ধাম এবং হরিধাম ; দেবীমহেশহরিধাম-শব্দে কেবল দুইটি মাত্র ধাম বুঝাইলে শব্দটি হইত দ্বিবচনান্ত, কিন্তু শ্লোকে শব্দটিকে বহু বচনান্ত করা হইয়াছে—দেবী-মহেশ-হরিধামসু । ইহাতেই বুঝা যায়—দেবীধাম একটি এবং মহেশ-ধাম অপর একটি, ইহাই শ্লোকের অভিপ্রায় । পরবর্তী ২।২।১৩৯ পয়ার হইতেও বুঝা যায়, দেবীধাম একটি, পৃথক্ ধাম—মায়িক ব্রহ্মাণ্ড । উদ্ধৃত শ্লোকের টীকায় শ্রীজীব গোপামিচরণ লিখিয়াছেন—দেবীমহেশেত্যাদিগণনং ব্যুৎক্রমেণ জ্ঞেয়ম্—অর্থাৎ গোলোকের নীচে হরিধাম, তাহার নীচে মহেশ-ধাম এবং তাহার নীচে দেবীধাম । মাহাত্ম্যের তারতম্যানুসারেই উপর-নীচ বিচার ।

তথা হি লঘুভাগবতায়ুতে পূৰ্ব্বখণ্ডে
(৫।২৪৭, ২৪৮) পদ্মপুরাণবচনে —
প্রধানপরমব্যোমোরন্তরে বিরজা নদী।

বেদাঙ্গশ্বেদজনিতৈস্তোমৈঃ প্রস্রাবিতা শুভা ॥ ১৩
তস্তাঃ পারে পরব্যোম ত্রিপাদভূতং সনাতনম্।
অমৃতং শাস্বতং নিত্যমনন্তং পরমং পদম্ ॥ ১৪

শ্লোকের সংস্কৃত টীকা।

প্রধানেতি। প্রধানং প্রকৃতিঃ পরব্যোম মহাবৈকুণ্ঠলোকশ্চ তয়ো রন্তরে মধ্যে বিরজানাম্নী নদী বিদ্যতে ইতি।
কা সা তদাহ বেদাঙ্গশ্বেদেতি। বেদাঙ্গশ্চ বেদা অঙ্গানি যন্ত তন্ত ভগবতঃ শ্বেদজনিতৈঃ ঘর্ষজনিতৈস্তোমৈর্জ্বলৈঃ
প্রস্রাবিতা প্রবাহিতা শুভা ত্রিলোক-পাবনী চেতি। তস্তাঃ বিরজায়াঃ পারে পরব্যোম বর্ততে ॥ কিন্তু তং পরব্যোম
তদাহ ত্রিপাদভূতমিত্যাदिना। মায়িকী বিভূতিরেকপাদাঙ্গিকা উক্তা; অতো মায়াতীতা ত্রিপাদাঙ্গিকৈব। পরব্যোম্নি
মায়িকবিভূতের ভাবোহতত্ত্ব ত্রিপাদাঙ্গিকা মায়াতীতা বিভূতিরের বিদ্যতে; তন্মাং ত্রিপাদভূতং তদ্ধাম। ইতি। ১৩-১৪।

গৌর-কৃপা-তরঙ্গিনী টীকা।

হরিধাম-শব্দে পরব্যোমকে বুঝাইতেছে; পরব্যোমই গোলোকের নিম্নে অবস্থিত। দেবী-ধাম-শব্দে যে
প্রাকৃত-ব্রহ্মাণ্ডকেই বুঝায়, তাহা পরবর্তী ২।২।৩৯-পয়ার হইতে জানা যায়। কিন্তু মহেশ-ধাম বলিতে কোন ধামকে
বুঝায়? উক্ত ব্রহ্মসংহিতার শ্লোকের টীকায় শ্রীজীবগোষামিচরণ এ সম্বন্ধে কিছু লেখেন নাই। ইহা যে পরব্যোমস্থিত
সদাশিবের ধাম নহে, তাহা স্পষ্টতঃই বুঝা যায়; যেহেতু, সদাশিবের ধাম হইল পরব্যোমের অন্তর্ভুক্ত; আর, এই
মহেশধাম হইল পরব্যোমের (হরিধামের) নিম্নদেশে—বাহিরে। ত্র্যধীশ-শব্দের অর্থপ্রসঙ্গে ২।২।৩২-পয়ারে
শ্রীকৃষ্ণের তিন আবাস-স্থানের কথা বলিয়া ২।২।৩৩-পয়ারে গোলোককে তাঁহার অন্তঃপুর, ২।২।৩৫-৭ পয়ারে
পরব্যোমকে তাঁহার মধ্যম-আবাস এবং পরবর্তী ২।২।৩৮ পয়ারে প্রাকৃত-ব্রহ্মাণ্ডকে তাঁহার বাহ্যাবাস বলা হইয়াছে।
উক্ত ব্রহ্মসংহিতা-শ্লোকেও এই তিন আবাসের কথাই যদি বলা হইয়া থাকে, তাহা হইলে দেবীধাম ও মহেশ-ধাম
তাঁহার বাহ্যাবাস বা প্রাকৃত ব্রহ্মাণ্ডের মধ্যে বলিয়াই মনে হয়। বস্তুতঃ, সবিশেষ পরব্যোমের বাহিরে নির্বিশেষ
সিদ্ধলোক, তাহার বাহিরে হইল কারণার্ঘব। ইহার মধ্যে কোনও মহেশ-ধাম আছে বলিয়া জানা যায় না। বৃহদ্-
ভাগবতায়ুত হইতে প্রাকৃত ব্রহ্মাণ্ডে অবস্থিত দুইটি মহেশ-ধাম বা শিবলোকের পরিচয় পাওয়া যায়। তন্মধ্যে একটি
হইল ব্রহ্মাণ্ডের অভ্যন্তরস্থিত কৈলাস; কুবেরের আরাধনায় বশীভূত হইয়া ঈশান-কোণের দিক্‌পাল রূপে পরিকরবর্গের
সহিত উমাপতি এই স্থানে বাস করিতেছেন। এই স্থানে তাঁহার প্রপঞ্চাতীত বৈভব সম্যক্রূপে প্রকটিত না হইলেও
তদপেক্ষা স্বল্প বৈভব প্রকটিত আছে। “কুবেরেণ পুরারাদ্য ভক্ত্যা বদ্রো বশীকৃতঃ। ব্রহ্মাণ্ডাভ্যন্তরে তন্ত্ৰ কৈলাসেহধি-
বৃতে গিরৌ ॥ তদ্বিদিদিক্‌পালরূপেণ তদ্যোগ্যপরিবারকঃ। বসত্যবিকৃতস্বল্পবৈভবঃ সন্নুমাপতিঃ ॥ বৃ, ভা,
১।২।৩৩-৪ ॥ বায়ুপুরাণের মতে আর একটি শিবলোক হইল ব্রহ্মাণ্ডকটাহের পৃথিব্যাদি সাতটি আবরণের বহির্ভাগে
(প্রকৃতিরূপ অষ্টম আবরণে)। এই শিবলোকও মায়াতীত, নিত্য, সুখময়, সত্য; মহাদেব এই স্থানেও সপরিকরে
বিরাজ করিতেছেন। “অথ বায়ুপুরাণশ্চ মতমেতদব্রবীম্যহম্। শ্রীমহাদেবলোকস্ত সপ্তাবরণতো বহিঃ ॥ নিত্যঃ
সুখময়ঃ সত্যো লভ্যস্তংসেবকোত্তমৈঃ। সমানমহিমশ্রীমৎ-পরিবারগণাবৃতঃ ॥ বৃ, ভা, ১।২।৩৫-৭ ॥” ব্রহ্মসংহিতার
শ্লোকে উক্ত মহেশ-ধাম সম্ভবতঃ উল্লিখিত দুইটি শিবলোকই, বা তাহাদের কোনও একটিই।

যাহা হউক—গোলোকে, পরব্যোমে, শিবলোকে এবং মায়িকব্রহ্মাণ্ডে যথোপযুক্তভাবে শ্রীকৃষ্ণ তাঁহার প্রভাব—
বিভূতি বিস্তার করিয়াছেন।

গোলোক-বৃন্দাবনের নীচে যে পরব্যোম, এইরূপ ৩৫ পয়ারোক্তির প্রমাণ এই শ্লোক।

শ্লো। ১৩-১৪। অর্থঃ। বেদাঙ্গ-শ্বেদজনিতৈঃ (বেদাঙ্গ-শ্রীভগবানের অঙ্গ-নিঃসৃত ঘর্ষ হইতে জাত) তোমৈঃ
(জলসমূহদ্বারা) প্রস্রাবিতা (প্রবাহিতা) শুভা (পবিত্রা) বিরজা নদী (বিরজানদী—কারণার্ঘব) প্রধান-পরব্যোমোঃ

তার তলে বাহ্যবাস—বিরজার পার ।

অনন্ত ব্রহ্মাণ্ড যাহা কোঠরি অপার ॥ ৩৮

‘দেবীধাম’ নাম তার, জীব যার বাসী ।

জগল্লক্ষী রাখি রহে যাহাঁ মায়া দাসী ॥ ৩৯

এই তিন ধামের হয়ে কৃষ্ণ অধীশ্বর ।

গোলোক পরব্যোম—প্রকৃতির পর ॥ ৪০

চিহ্নস্তি-বিভূতি ধাম—‘ত্রিপাদৈশ্বর্য্য’ নাম ।

মায়িক বিভূতি—‘একপাদ’-অভিধান ॥ ৪১

গৌর কৃপা-তরঙ্গিণী টীকা

(প্রধান এবং পরব্যোমের) অন্তরে (মধ্যে) [স্থিতা] (অবস্থিতা) । তন্ত্ৰাঃ (তাহার সেই বিরজার) পারে (তীরে)
ত্রিপাদভূতং (ত্রিপাদ-বিভূতিযুক্ত) সনাতনং (সনাতন) অমৃতং (অমৃত—অতিশয় মধুর) শাস্তং (শাস্ত—নবায়মান)
নিত্যং (নিত্য—অনাদিকাল হইতে অবস্থিত) অনন্তং (অনন্ত—বৃদ্ধির অবকাশশূন্য) পরং (পরম) পদং (স্থান)
পরব্যোম (পরব্যোম) [অস্তি] (আছে) ।

অনুবাদ । প্রধান (প্রকৃতি) ও পরব্যোমের মধ্যে বিরজানামী নদী ; এই নদী বেদাঙ্গ-শ্রীভগবানের
ঘর্ম্মজল হইতে প্রবাহিতা (প্রবৃতা) এবং ইহা শুভা (ত্রিলোক-পাবনী) । সেই বিরজার (একতীরে প্রাকৃত-ব্রহ্মাণ্ড
এবং অপর) তীরে ত্রিপাদ-বিভূতিযুক্ত পরব্যোম নামে পরম ধাম বিরাজিত ; এই পরব্যোম সনাতন (যাহা অনন্তকাল
পর্যন্ত বিদ্যমান থাকিবে), অমৃত (অমৃতের ছায় পরম মধুর), শাস্ত (নবায়মান—যাহা নিত্য নূতন বলিয়া প্রতিভাত
হয়) নিত্য (অনাদিকাল হইতে বর্তমান) এবং অনন্ত (বিভূ—বৃদ্ধির অবকাশ যাহার নাই, তাদৃশ) । ১৩-১৪

ত্রিপাদভূতং—ত্রিপাদ-বিভূতিযুক্ত ; পরবর্তী ৪১ পয়ারের টীকা এবং ১৫শ শ্লোক দ্রষ্টব্য ।

পরব্যোম যে ষড়ৈশ্বর্য্য-ভাণ্ডার—এইরূপ ৩৬-পয়ারোক্তির প্রমাণ উক্ত শ্লোকস্থ “ত্রিপাদভূতং” শব্দ ।

৩৮-৩৯ । এক্ষণে দুই পয়ারে শ্রীকৃষ্ণের বাহ্যবাসের কথা বলা হইয়াছে । প্রাকৃত জগতই বাহ্যবাস (বা
বাহির বাটী) ; অনন্তকোটি প্রাকৃত-ব্রহ্মাণ্ডই এই বাহ্যবাসের অনন্ত-কুঠরীসদৃশ । তার তলে—পরব্যোমের নীচে ।
বিরজা—কারণ-সমুদ্র । বিরজার পার—বিরজার এক দিকে পরব্যোম, অপরদিকে প্রাকৃত জগৎ ।

দেবীধাম—মায়াদেবীর ধাম ; প্রাকৃত-ব্রহ্মাণ্ডের নামই দেবীধাম (পূর্ববর্তী ১২শ শ্লোকের টীকা দ্রষ্টব্য) ।
জীব যার বাসী—জীব যে দেবীধামের অধিবাসী ; মায়াবদ্ধ জীব এই দেবীধামে বাস করে । জগল্লক্ষ্মী—
“মায়ারূপ জগৎ-সম্পত্তি” (চক্রবর্তিপাদ) । প্রাকৃত-ব্রহ্মাণ্ডই মায়ার কার্যস্থল বলিয়া ইহাই হইল তাঁহার সম্পত্তিতুল্য ;
মায়া এই সম্পত্তি রক্ষণাবেক্ষণ করিতেছেন—কৃষ্ণ-বহিঃস্থতার শাস্তিস্বরূপে জীবের স্বরূপের স্বতিকে আবৃত করিয়া,
জীবকে মায়ামোহে মুগ্ধ করিয়া, জীবের সাক্ষাতে মায়িক ভোগ-সন্তার উপস্থিত করিয়া মায়া মায়িক-ব্রহ্মাণ্ডের সৌষ্ঠব,
রক্ষা করিতেছেন । যাহাঁ—যে দেবীধামে । রাখি—রক্ষা করিয়া । মায়াদাসী—মায়ারূপা (শ্রীকৃষ্ণের) দাসী ;
মায়া শ্রীকৃষ্ণের (বহিরঙ্গ) শক্তি বলিয়া এবং শ্রীকৃষ্ণেরই আজ্ঞাপালনকারিণী বলিয়া তাঁহাকে শ্রীকৃষ্ণের দাসী বলা
হইয়াছে । শ্রীকৃষ্ণেরই আদেশে এই মায়া প্রাকৃত-জগৎকে রক্ষা করিতেছেন ।

৪০ । এই তিন ধাম—গোলোক, পরব্যোম ও দেবীধাম । ইহাদের মধ্যে গোলোক ও পরব্যোম অপ্রাকৃত,
চিন্ময় । প্রকৃতির পর—প্রকৃতির (বা মায়ার) অতীত ; অপ্রাকৃত, চিন্ময় ।

৪১ । চিহ্নস্তি-বিভূতি ধাম—গোলোক ও পরব্যোম—এই দুইটি ধাম চিহ্নস্তির বিভূতি (বা বিলাস),
সন্ধিনীপ্রধান শুদ্ধসত্ত্বের পরিণতি । “সন্ধিনীর সার অংশ শুদ্ধসত্ত্ব নাম । ভগবানের সত্ত্ব হয় যাহাতে বিশ্রাম ॥
১।৪।৫৬ ॥ অহঙ্কারের অধিষ্ঠাতা কৃষ্ণের ইচ্ছায় । গোলোক বৈকুণ্ঠ স্বর্জে চিহ্নস্তিধারায় ॥ ২।২.০।২২২ ॥” ত্রিপাদ-ঐশ্বর্য্য
নাম—গোলোক ও পরব্যোম এই দুইটি ধামের নাম ত্রিপাদ-ঐশ্বর্য্য অর্থাৎ এই দুইটি ধাম ত্রিপাদ-ঐশ্বর্য্যাত্মক ; এই
দুইটি ধামে ভগবানের ত্রিপাদ-ঐশ্বর্য্য (চিন্ময় ঐশ্বর্য্য) বিরাজিত । মায়িক-বিভূতি ইত্যাদি—মায়িক-বিভূতির
(বা মায়িক ঐশ্বর্য্যের) নাম একপাদ ।

তথাহি লঘুভাগবতামৃতে পূৰ্ব্বখণ্ডে (৫১২৮৬)—
 ত্রিপাদবিভূতে ধামত্বাং ত্রিপাদভূতং হি তৎপদম্ ।
 বিভূতির্মায়িকী সৰ্ব্বা প্রোক্তা পাদাঙ্গিকা যতঃ ॥ ১৫
 ত্রিপাদ-বিভূতি কৃষ্ণের—বাক্য অগোচর ।
 এক পাদ-বিভূতির গুণহ বিস্তার—॥ ৪২

অনন্তব্রহ্মাণ্ডের যত ব্রহ্মা-রুদ্রগণ ।
 ‘চিরলোকপাল’ শব্দে তাহার গণন ॥ ৪৩
 একদিন দ্বারকাতে কৃষ্ণ দেখিবারে ।
 ব্রহ্মা আইলা, দ্বারপাল জানাইল কৃষ্ণেরে ॥ ৪৪

শ্লোকের সংস্কৃত টীকা

ত্রিপাদবিভূতেরিতি । একপাদমায়িকী বিভূতি শুদ্ধ নাস্ত্যাবেত্যর্থঃ । বিভূত্যাভূষণ । ১৫

গৌর-কৃপা-ভরঙ্গিনী টীকা ।

শ্রীকৃষ্ণের চিন্ময় ও মায়িক উভয়বিধ ঐশ্বর্যের সম্মিলিত পরিমাণের তুলনায় মায়িক-ঐশ্বর্যের পরিমাণ যদি একপাদ হয়, তাহা হইলে চিন্ময় ঐশ্বর্যের পরিমাণ হইবে তিনপাদ ; কেবল পরিমাণের দিক্ দিয়া বিবেচনা করিলে দেখা যায় (চিহ্নান্তির বিলাসরূপ) চিন্ময়-ঐশ্বর্যের পরিমাণ বহিরঙ্গা মায়িক-ঐশ্বর্যের তিনগুণ । তাই গোলোক ও পরব্যোম চিন্ময়-ঐশ্বর্যের বিলাস বলিয়া এই দুইটা ধামকে ত্রিপাদ ঐশ্বর্যাত্মক ধাম বলে এবং প্রাকৃত জগৎ মায়িক-ঐশ্বর্যের বিলাস বলিয়া তাহাকে বলে একপাদ-ঐশ্বর্যাত্মক দেবীধাম ।

এই পর্যায়োক্তির প্রমাণরূপে নিম্নে একটি শ্লোক উদ্ধৃত হইয়াছে ।

অনন্তকোটি প্রাকৃত-ব্রহ্মাণ্ড, তত্রত্য মনুষ্য-পশু-পক্ষি-কীট-পতঙ্গাদি এবং যক্ষ-রক্ষ-কিন্নরাদি ও দেবগন্ধৰ্ব্বাদি জঙ্গমসমূহ, তৃণশূন্য-বৃক্ষ-লতাাদি নদ-নদী-সমুদ্রাদি, গিরি-পর্বতাদি স্থাবরসমূহ, চন্দ্র-সূর্য্য-গ্রহ-নক্ষত্রাদি জ্যোতিষ্ক-সমূহ এসমস্তের অনন্তবৈচিত্রী, এবং অনন্তকোটি ব্রহ্মাণ্ডের অনন্তকোটি ব্রহ্মারুদ্রাদি লোকপালগণ—এই সমস্তই শ্রীকৃষ্ণের মায়িক বিভূতির অভিব্যক্তি ; কিন্তু এতাদৃশী মায়িকী বিভূতিও তাঁহার একপাদমাত্র বিভূতিরই বিকাশ । প্রাকৃত ব্রহ্মাণ্ডের ব্যাপারে একপাদের অধিক বিভূতির প্রকাশ আবশ্যক হয় না ।

শ্লো। ১৫। অম্বয় । ত্রিপাদবিভূতে: (ত্রিপাদ ঐশ্বর্যের) ধামত্বাং (ধাম বলিয়া) তৎপদং (সেই ধাম—পরব্যোম) ত্রিপাদভূতং হি (ত্রিপাদভূত) । যতঃ (যেহেতু) সৰ্ব্বা (সমস্ত) মায়িকী (মায়িকী—মায়িক-ব্রহ্মাণ্ড সম্বন্ধিনী) বিভূতি: (ঐশ্বর্য) পাদাঙ্গিকা (পাদাঙ্গিকা—একপাদমাত্র) প্রোক্তা (কথিত হয়) ।

অনুবাদ । ত্রিপাদবিভূতির (ঐশ্বর্যের) আশ্রয় বলিয়া সেই পরব্যোম-ধাম ত্রিপাদভূত ; যেহেতু সমগ্র মায়িক ঐশ্বর্যকে একপাদ বলে । (এই একপাদ মায়িক ঐশ্বর্য পরব্যোমাদি ভগবদ্ধামে নাই বলিয়াই ভগদ্ধামকে ত্রিপাদ বিভূতি বলে ।) ১৫

পূর্ববর্তী ৪১-পর্যায়োক্তির প্রমাণ এই শ্লোক ।

৪২। শ্রীকৃষ্ণের ত্রিপাদভূত চিন্ময় ঐশ্বর্য অনন্ত বলিয়া বাক্যের অগোচর । একপাদভূত মায়িক ঐশ্বর্যও অপূৰ্ণ । নিম্নে একপাদ মায়িক ঐশ্বর্যের মহিমার কথা বলিতেছেন ।

৪৩। প্রত্যেক ব্রহ্মাণ্ডে একজন ব্রহ্মা, একজন রুদ্র আছেন । এইরূপ অনন্তকোটি ব্রহ্মাণ্ডে অনন্তকোটি ব্রহ্মা ও অনন্তকোটি রুদ্র আছেন । এই ব্রহ্মা ও রুদ্রগণকে “চিরলোকপাল” বলে । এম্বলে, অনন্তকোটি ব্রহ্মা ও অনন্তকোটি রুদ্রের উল্লেখে তাঁহাদের অধিকারস্থ অনন্তকোটি ব্রহ্মাণ্ড এবং অনন্তকোটি ব্রহ্মাণ্ডস্থ অসংখ্য প্রকারের স্থাবর, অসংখ্য প্রকারের জঙ্গমবস্তু, তাহাদের অনন্তবৈচিত্রী-আদিই সূচিত হইতেছে । এসমস্তের মধ্যেই শ্রীকৃষ্ণের মায়িকী বিভূতির যে অনির্বচনীয় বিকাশ দেখিতে পাওয়া যায়, তাহারই ইয়ত্তা নির্ণয় করা দুৰূহ—ইহাই ধ্বংসার্থ ।

৪৪। দ্বারকাতে—এই মায়িক-ব্রহ্মাণ্ডের অন্তর্গত দ্বারকায়, যে স্থানে শ্রীকৃষ্ণ দ্বাপরে দ্বারকালীলা প্রকট করিয়াছিলেন । দ্বারপাল—দ্বার-রক্ষক, গ্রহরী ।

কৃষ্ণ বোলেন—কোন্ ব্রহ্মা, কি নাম তাহার ?
 দ্বারী আসি ব্রহ্মাকে পুছিল আর বার ॥ ৪৫
 বিস্মিত হইয়া ব্রহ্মা দ্বারীকে কহিল ।
 কহ গিয়া, সনকপিতা চতুর্মুখ আইলা ॥ ৪৬
 কৃষ্ণে জানাইয়া দ্বারী ব্রহ্মা লঞা গেল ।
 কৃষ্ণের চরণে ব্রহ্মা দণ্ডবৎ হৈলা ॥ ৪৭
 কৃষ্ণ মাণ্ড পূজা করি তারে প্রশ্ন কৈল—
 কি লাগি তোমার ইহা আগমন হৈল ? ॥ ৪৮
 ব্রহ্মা কহে—তাহা পাছে করিব নিবেদন ।
 এক সংশয় মনে, তাহা করহ ছেদন ॥ ৪৯

‘কোন্ ব্রহ্মা’ পুছিলে তুমি কোন্ অভিপ্রায়ে ।
 আমা বই জগতে আর কোন্ ব্রহ্মা হয়ে ? ॥ ৫০
 শূনি হাসি কৃষ্ণ তবে করিলেন ধ্যানে ।
 অসংখ্য ব্রহ্মার গণ আইল তৎক্ষণে ॥ ৫১
 শত-বিশ-সহস্রায়ুত-লক্ষ-বদন ।
 কোটির্বদ-মুখ, কারো নাহিক গণন ॥ ৫২
 রুদ্রগণ আইলা লক্ষকোটি-বদন ।
 ইন্দ্রগণ আইলা লক্ষকোটি-নয়ন ॥ ৫৩
 দেখি চতুর্মুখ ব্রহ্মা ফাঁফর হইলা ।
 হস্তিগণমধ্যে যেন শশক রহিল ॥ ৫৪

গৌর-কৃপা-তরঙ্গিণী টীকা ।

৪৫ । কোন্ ব্রহ্মা—সর্বভূতান্তর্যামী স্বয়ং ভগবান্ শ্রীকৃষ্ণ ব্রহ্মাকে যে বাস্তবিকই চিনিতে পারেন নাই, তাহা নহে ; স্বীয় ঐশ্বর্যের মাহাত্ম্যজ্ঞাপন, ব্রহ্মার গর্ভ-খর্ষ-করণ এবং ভক্তের প্রাধাত্য-খ্যাপনের উদ্দেশ্যেই ভঙ্গী করিয়া দ্বারপালকে জিজ্ঞাসা করিলেন—কোন্ ব্রহ্মা আসিয়াছেন ।

৪৬ । বিস্মিত হইয়া—ব্রহ্মার বিস্ময়ের কারণ এই :—ব্রহ্মার ধারণা ছিল যে, তিনিই একমাত্র ব্রহ্মা, আর কেহ ব্রহ্মা নাই ; সুতরাং কৃষ্ণ যখন জিজ্ঞাসা করিলেন, কোন্ ব্রহ্মা আসিয়াছেন, তখন ব্রহ্মা বিস্ময়ের সহিত চিন্তা করিলেন,—আমাব্যতীত আর যে কেহ ব্রহ্মা নাই, সর্বজ্ঞ ভগবান্ ইহাও কি জানেন না ?

সনক-পিতা চতুর্মুখ—ব্রহ্মা দ্বারপালকে বলিলেন—“প্রভুর চরণে জ্ঞাপন কর যে, চতুর্মুখ ব্রহ্মা আসিয়াছেন ।” এই পরিচয়েও নিঃসন্দেহ হইত না পারিয়া বলিলেন—“আমি সনকের পিতা ।” পুত্রের নামে পিতার পরিচয় !! ব্রহ্মা ভাবিলেন, “আমি ব্রহ্মা, আমাকে ত প্রভু চিনিতেই পারিলেন না ; চতুর্মুখ বলিলেও না চিনিতে পারেন । কিন্তু তাঁহার প্রিয়-ভক্ত সনককে অবশ্যই চিনিবেন ; কেননা, তিনি সর্বদাই সনকের হৃদয়ে আছেন । “ভক্তের হৃদয়ে কৃষ্ণের সতত বিশ্রাম । ১।১।৩০ ॥” তিনি ভক্ত ছাড়া অত্মকে জানেন না । “সাধবো হৃদয়ং মহং সাধুনাং হৃদয়বৃহৎ । মদন্ততে ন আনন্তি নাহং তেভ্যোমমাগপি ॥ শ্রীভা, ২।৪।৬৮ ॥” ব্রহ্মাও অবশ্য শ্রীকৃষ্ণভক্ত, তিনি সৃষ্টাদিকার্যের জ্ঞাত শ্রীকৃষ্ণের আজ্ঞাপালনরূপ সেবামাত্র করেন ; সনক কিন্তু অন্তরঙ্গ-ভজনে নিরত ; এজ্জাই ব্রহ্মা হইতেও তাঁহার প্রাধাত্য । বিশেষতঃ, ব্রহ্মা মায়াসংশ্লিষ্ট, সনক শ্রীকৃষ্ণকৃপায় মায়াতীত ; ইহাতেও ব্রহ্মা অপেক্ষা সনকের বিশেষত্ব ।

কোন কোন গ্রন্থে “সনকপিতা”-স্থলে “সনকাদিপিতা” পাঠ আছে । সনকাদি—সনক, সনাতন, সনন্দন ও সনৎকুমার ।

৪৮ । মাণ্ড পূজা করি—যথোচিত সম্বর্দ্ধনা করিয়া তাহার পরে শ্রীকৃষ্ণ ব্রহ্মাকে প্রশ্ন করিলেন—“ব্রহ্মা, তুমি কি জ্ঞাত আসিয়াছ ?”

৫১ । বাক্যদ্বারা শ্রীকৃষ্ণ ব্রহ্মার কথার উত্তর দিলেন না ; আরও যে কত অসংখ্য ব্রহ্মা আছেন, তাহা এই ব্রহ্মাকেও দেখাইবার জ্ঞাত সমস্ত ব্রহ্মাকে স্মরণ করিলেন । স্মরণ-মাত্রেই অসংখ্য ব্রহ্মা ও রুদ্রগণ আসিয়া উপস্থিত হইলেন ।

৫৪ । যে সকল ব্রহ্মা ও রুদ্রগণ আসিয়া উপস্থিত হইলেন, তাঁহাদের মস্তকের সংখ্যা ও তদনুরূপ দেহের আকার দেখিয়া চতুর্মুখ ব্রহ্মার বিস্ময়ে যেন খাসবন্ধ (ফাঁফর) হওয়ার মতন হইল । হস্তিগণের মধ্যে একটা

আসি সব ব্রহ্মা কৃষ্ণপাদপীঠ-আগে ।
 দণ্ডবৎ করি পড়ে, মুকুট পাদপীঠে লাগে ॥ ৫৫
 কৃষ্ণের অচিন্ত্যশক্তি লখিতে কেহো নারে ।
 যত ব্রহ্মা, তত মূর্তি, একই শরীরে ॥ ৫৬
 পাদপীঠ মুকুটগ্রন্থজ্যেষ্ঠে উঠে ধ্বনি ।
 ‘পাদপীঠকে স্তুতি করে মুকুট’ হেন জানি ॥ ৫৭
 ঘোড়হাথে ব্রহ্মা-রুদ্রাদি করেন স্তবন—।
 বড় কৃপা কৈলে প্রভু ! দেখাইলে চরণ ॥ ৫৮

ভাগ্য আমার—বোলাইলা ‘দাম’ অঙ্গীকরি ।
 কোন্ আজ্ঞা হয়, তাহা করি শিরে ধরি ॥ ৫৯
 কৃষ্ণ কহে—তোমাসভা দেখিতে চিত্ত হৈল ।
 তাহা-লাগি একত্র সভারে বোলাইল ॥ ৬০
 সুখী হও মনে—কিছু নাহি দৈত্যভয় ? ।
 তারা কহে তোমার প্রসাদে সর্বত্র জয় ॥ ৬১
 সম্প্রতি যেবা হৈত পৃথিবীতে ভার ।
 অবতীর্ণ হঞা তাহা করিলে সংহার ॥ ৬২

গৌর-কৃপা-তরঙ্গিণীটীকা।

খরগোশকে (শশককে) যত ছোট দেখায়, সেই সমস্ত ব্রহ্মারূপগণের মধ্যে চতুর্মুখ-ব্রহ্মাকেও তদ্রূপ অতি ক্ষুদ্র বলিয়া মনে হইল ।

৫৫। পাদপীঠ—চরণ রাখিবার আসন ।

দণ্ডবৎ—দণ্ডের মতন ভূমিতে পতিত হইয়া অষ্টাঙ্গ প্রণাম । পাদপীঠের সাক্ষাতে কিঞ্চিদূরে থাকিয়া তাঁহারা শ্রীকৃষ্ণকে দণ্ডবৎ প্রণাম করিতেছেন ; তাঁহাদের মুকুট পাদপীঠকে স্পর্শ করিতেছে ।

৫৬। চতুর্মুখ-ব্রহ্মার গর্ভ নাশ করার জন্ত শ্রীকৃষ্ণ এখানে এক অচিন্ত্যশক্তি প্রকাশ করিলেন । শ্রীকৃষ্ণের দেহ একটিই ; কিন্তু যত ব্রহ্মা আসিয়া উপস্থিত হইয়াছিলেন, শ্রীকৃষ্ণ এই একই দেহেতেই তত মূর্তি হইয়া, স্বতন্ত্র-স্বতন্ত্র ব্রহ্মাদের সহিত আলাপ করিয়াছিলেন ; ইহা কেহই লক্ষ্য করিতে পারেন নাই ; প্রত্যেক ব্রহ্মাই মনে করিলেন, তিনি একাই শ্রীকৃষ্ণের চরণ সমীপে অবস্থিত, শ্রীকৃষ্ণ তাঁহারই ব্রহ্মাণ্ডে একট হইয়াছেন । অপরাপর ব্রহ্মাগণও যে উপস্থিত আছেন এবং শ্রীকৃষ্ণ যে তাঁহাদের সহিতও আলাপ করিতেছেন, তাহা তিনি লক্ষ্য করিতে পারেন নাই । চতুর্মুখ-ব্রহ্মা বোধ হয় সমস্তই লক্ষ্য করিতে পারিতেছেন ; নিজ ঐশ্বর্যের উপলব্ধি করাইবার জন্ত শ্রীকৃষ্ণ বোধ হয় তাঁহাকে লক্ষ্য করিবার শক্তি দিয়াছিলেন ।

অচিন্ত্যশক্তি—চিন্তা বা বুদ্ধিমূলক বিচারের দ্বারা যে শক্তির ক্রিয়াদির কার্য-কারণ-সম্বন্ধ স্থির করা যায় না । একই দেহে একই সময়ে বহুমূর্তি ধারণ করা—একই স্থানে বহু ব্রহ্মার উপস্থিতি সন্দেহও পরস্পরকে দেখিতে না পাওয়া, ইত্যাদির কার্য-কারণ-সম্বন্ধ আমরা বিচার-বুদ্ধি দ্বারা স্থির করিতে পারি না । এই সমস্তই শ্রীকৃষ্ণের অচিন্ত্য-শক্তির ক্রিয়া । পরব্রহ্ম শ্রীকৃষ্ণের অচিন্ত্যশক্তির কথা ঋষিও বলিয়াছেন । “বিচিত্রশক্তিঃ পুরুষঃ পুরাণঃ ন চাচ্ছেষাং শক্তয়স্তাদৃশাঃ স্মরিতি ॥ শ্বেতাশ্বতরশ্রুতি ॥” ব্রহ্মহৃদেও ব্রহ্মের অচিন্ত্য শক্তির কথা জানা যায় । “আত্মনি চৈবং বিচিত্রাশ্চ হি ॥ ২।১।২৮॥”

লখিতে—লক্ষ্য করিতে ।

৫৭। পাদপীঠ ইত্যাদি—প্রণাম-সময়ে ব্রহ্মরূপাদির মুকুটের অগ্রভাগের সহিত পাদপীঠের সংঘর্ষ হওয়াতে শব্দ হইতেছিল । ঐ শব্দ শুনিয়া মনে হয় যেন, মুকুট পাদপীঠকে স্তুতি করিতেছে,—স্তুতির শব্দই যেন শুনা যাইতেছে ।

৬২। অবতীর্ণ হঞা—প্রত্যেক ব্রহ্মা মনে করিতেছেন, শ্রীকৃষ্ণ তাঁহারই ব্রহ্মাণ্ডে অবতীর্ণ হইয়াছেন । শ্রীকৃষ্ণ কিন্তু তখন আমাদের এই ব্রহ্মাণ্ডের দ্বারকায়, একটি গৃহের মধ্যে অবস্থিত ; এই ক্ষুদ্র গৃহটির মধ্যেই অনন্ত-কোটি ব্রহ্মাণ্ডের অনন্ত কোটি ব্রহ্মার ও অনন্ত কোটি রুদ্রের এবং অনন্ত কোটি ইন্দ্রের স্থান হইল এবং কেবল ইহাই নহে,

দ্বারকাদি বিভূ—তার এই ত প্রমাণ—।

‘আমারি ব্রহ্মাণ্ডে কৃষ্ণ’ সভার হৈল জ্ঞান ৬৩
কৃষ্ণ-সহ দ্বারকা-বৈভব অনুভব হৈল ।

একত্র-মিলনে কেহো কাহো না দেখিল ॥ ৬৪

তবে কৃষ্ণ সর্বব্রহ্মাগণে বিদায় দিলা ।

দণ্ডবৎ হঞা সভে নিজঘরে গেলা ॥ ৬৫

দেখি চতুর্মুখ-ব্রহ্মার হৈল চমৎকার ।

কৃষ্ণের চরণে আসি কৈল নমস্কার ॥ ৬৬

ব্রহ্মা বোলে পূর্বের আমি যে নিশ্চয় কৈল ।

তার উদাহরণ আমি আজি সে দেখিল ॥ ৬৭

তথাহি (ভাঃ ১০।১।১৩৮)—

জানন্তু এব জানন্তু কিং বহুজ্ঞা ন মে প্রভো ।

মনসো বপুষো বাচো বৈভবং তব গোচরঃ ॥ ১৬

কৃষ্ণ কহে—এই ব্রহ্মাণ্ড পঞ্চাশৎকোটিযোজন ।

অতি ক্ষুদ্র তাতে তোমার চারি বদন ॥ ৬৮

কোন ব্রহ্মাণ্ড শতকোটি, কোন লক্ষকোটি ।

কোন নিযুতকোটি, কোন কোটি-কোটি ॥ ৬৯

ব্রহ্মাণ্ডানুরূপ ব্রহ্মার শরীর-বদন ।

এইরূপে পালি আমি ব্রহ্মাণ্ডের গণ ॥ ৭০

‘একপাদ বিভূতি’ ইহার নাহি পরিমাণ ।

ত্রিপাদবিভূতি-পরব্যোমের কে করে পরিমাণ ৭১

তথাহি লঘুভাগবতামৃতে পূর্বখণ্ডে

পদ্মপুরাণবচনম্ (৫।২৪৮)

তস্তাঃ পারো পরব্যোম্নি ত্রিপাদুতং সনাতনম্ ।

অমৃতং শাশ্বতং নিত্যমনন্তং পরমং পদম্ ॥ ১৭

তবে কৃষ্ণ ব্রহ্মারে দিলেন বিদায় ।

কৃষ্ণের বিভূতি স্বরূপ জানিল না যায় ॥ ৭২

গৌর-কৃপা-তরঙ্গিণী টীকা ।

প্রত্যেক ব্রহ্মাই মনে করিতেছেন, কৃষ্ণ তাঁহারই ব্রহ্মাণ্ডে । দ্বারকাদি শ্রীকৃষ্ণধাম এবং কৃষ্ণ-তত্ত্ব যে সর্বগ, অনন্ত, বিভূ (সর্বব্যাপক) এই দৃষ্টান্ত দ্বারা তাহাই প্রমাণিত হইতেছে ।

শ্লো। ১৬। অম্বয় । অম্বয়াদি এই পরিচ্ছেদের পূর্ববর্তী ৬ষ্ঠ শ্লোকে দ্রষ্টব্য ।

৬৮-৭০ । এইক্ষেণে তিন পরারে বলিতেছেন যে, ব্রহ্মাণ্ডের আয়তনের পরিমাণাহুসারেই ব্রহ্মাদির শরীরের আয়তন, চক্ষু ও মুখের সংখ্যা হইয়া থাকে ।

৭১ । একপাদবিভূতি ইত্যাদি—আমাদের এই ব্রহ্মাণ্ডের ব্রহ্মার মাত্র চারিটি মুখ, ব্রহ্মের মাত্র পাঁচটি মুখ এবং ইন্দ্রেরও মাত্র এক হাজার চক্ষু । শ্রীকৃষ্ণের ইচ্ছায় দ্বারকাতে যে সকল ব্রহ্মরূপাদি একত্রিত হইয়াছিলেন—তাঁহাদের মস্তকের, চক্ষুর এবং বৈভবের তুলনায় আমাদের চতুর্মুখ ব্রহ্মা, পঞ্চমুখ ব্রহ্ম, সহস্র-নয়ন ইন্দ্র—আকাশস্থ জ্যোতিষ্কমণ্ডলীর তুলনায় ক্ষুদ্র বালুকাকণা হইতেও যেন ক্ষুদ্র ; আর, তাঁহাদের অধিকারস্থ ব্রহ্মাণ্ড-সমূহের আয়তনাদির তুলনায়ও আমাদের ব্রহ্মাণ্ড নিতান্ত নগণ্য । আমরা কিন্তু আমাদের এই ক্ষুদ্রতম ব্রহ্মাণ্ডের অন্তর্গত বস্তুসমূহে এবং এই ব্রহ্মাণ্ডের ব্রহ্মা, ব্রহ্ম ও ইন্দ্রের শক্তিতে, সামর্থ্যে ও বৈভবে ভগবানের যে বিভূতির বিকাশ দেখিতে পাই, তাহাতেই স্তম্ভিত হইয়া পড়ি । আর, দ্বারকায় সমবেত ব্রহ্মা, ব্রহ্ম ও ইন্দ্রাদির বৈভবাদিতে, তাঁহাদের অধিকারস্থ ব্রহ্মাণ্ডাদিতে—ভগবানের ঐশ্বর্যের যে কত বিকাশ—তাহার একটা সামান্য ধারণাও আমাদের আয়ত্তের বাহিরে । অর্থাৎ, এসমস্ত অনন্ত কোটি ব্রহ্মাণ্ডে ভগবানের যে বিভূতি প্রকাশ পাইয়াছে—যাহার কল্পনা করাও আমাদের পক্ষে অসম্ভব—তাহা—তাঁহার একপাদ মাত্র বিভূতির বিকাশ !!

ত্রিপাদবিভূতি ইত্যাদি—ব্রহ্মাণ্ডের একপাদ বিভূতিই যখন জীবের ধারণার অতীত, তখন পরব্যোমের ত্রিপাদ বিভূতির কথা আর কি বলা যাইতে পারে ?

শ্লো। ১৭। অম্বয় । অম্বয়াদি এই পরিচ্ছেদের পূর্ববর্তী ১৪শ শ্লোকে দ্রষ্টব্য ।

পরব্যোমে যে ত্রিপাদবিভূতি একরূপ পূর্ববর্তী ৭১-পর্যায়ের প্রমাণ এই শ্লোক ।

৭২ । বিভূতি স্বরূপ—বিভূতির স্বরূপ ; ঐশ্বর্যের তত্ত্ব । জানিল না যায়—জানিবার উপায় নাই ।

‘অধীশ্বর’-শব্দের অর্থ গুট আরো হয়।

‘ত্রি’-শব্দে—কৃষ্ণের তিনলোক কহয় ॥ ৭৩

গোলোকাখ্য—গোকুল, মথুরা, দ্বারাবতী।

এই তিন লোকে কৃষ্ণের সহজ নিত্যস্থিতি ॥ ৭৪

অন্তরঙ্গ পূর্ণস্বরূপ তিন ধাম।

তিনের অধীশ্বর—কৃষ্ণ স্বয়ং ভগবান্ ॥ ৭৫

পূর্ব-উক্ত ব্রহ্মাণ্ডের যত দিকপাল।

অনন্ত-বৈকুণ্ঠাবরণ—‘চিরলোকপাল’ ॥ ৭৬

তা-সভার মুকুট কৃষ্ণপাদপীঠ-আগে।

দণ্ডবৎকালে তার মণি পীঠে লাগে ॥ ৭৭

মণি-পীঠে ঠেকাঠেকি—উঠে বানবানি।

‘পীঠে স্তুতি করে মুকুট’ হেন অনুমানি ॥ ৭৮

গৌর-রূপা-তরঙ্গিণী টীকা।

৭৩-৭৪। “ত্র্যধীশ”-শব্দের চতুর্থ রকম অর্থ করিতেছেন। “ত্রি”-শব্দে গোকুল, মথুরা ও দ্বারকা এই তিনটি ধামকে বুঝায়, শ্রীকৃষ্ণ এই তিন লোকের অধীশ্বর; এজ্ঞা তিনি “ত্র্যধীশ”। ইহাই ‘ত্র্যধীশ’-শব্দের অত্যন্তম (গুট) অর্থ।

গোলোকাখ্য-গোকুল—গোকুলের প্রকাশই গোলোক; এজ্ঞা গোলোকাখ্য-গোকুল বলা হইয়াছে; (প্রকাশরূপে) গোলোক আখ্যা প্রাপ্ত হইয়াছে যে গোকুল, তাহাই গোলোকাখ্য গোকুল। ১।৩৩ পয়ারে টীকা দ্রষ্টব্য।

সহজ—অনাদিকাল হইতেই।

৭৬। পূর্ববর্তী ৪৩ পয়ারে “স্বয়ংসাম্যাতিশয়” ইত্যাদি শ্লোকের অন্তর্গত “লোকপালৈঃ” শব্দের যে অর্থ করা হইয়াছে, তাহা একপাদ-বিভূতির অন্তর্ভুক্ত। এক্ষণে তিন পয়ারে ত্র্যধীশ-শব্দের চতুর্থ রকম অর্থের সঙ্গে সামঞ্জস্য রাখিয়া “লোকপাল” শব্দের অর্থ করিতেছেন। এস্থলে “লোকপাল”-শব্দদ্বারা মায়িক-ব্রহ্মাণ্ডের দিকপালগণ এবং বৈকুণ্ঠের আবরণ-দেবতাগণকে বুঝাইতেছে; ইহারা সকলেই গোকুল-মথুরা-দ্বারাবতীর অধীশ্বর শ্রীকৃষ্ণকে দণ্ডবৎ প্রণাম করেন।

পূর্ব-উক্ত-ব্রহ্মাণ্ডের—দ্বারকার বিভূত বর্ণনা-সময়ে যে অনন্তকোটি প্রাকৃত ব্রহ্মাণ্ডের কথা বলা হইয়াছে, তাহাদের যত দিকপাল—দশটি দিকের পালন-কর্তা। দিকপালগণের নাম এই :—পূর্বে ইন্দ্র, অগ্নিকোণে বহু, দক্ষিণে যম, নৈঋতে নিঋত, পশ্চিমে বরুণ, বায়ুকোণে মরুৎ, উত্তরে কুবের, ঈশানে শঙ্কর, উর্দ্ধে ব্রহ্মা, অধোদিকে অনন্ত।

বৈকুণ্ঠাবরণ—পরব্যোমের বা মহাবৈকুণ্ঠের সাতটি আবরণ ও চ্যুন্তরটি আবরণ-দেবতা। প্রথম আবরণে আট জন :—চতুর্কুহাস্তর্গত বাসুদেব পূর্বাধিকে, সঙ্কর্ষণ দক্ষিণে, প্রহ্লাদ পশ্চিমে এবং অনিরুদ্ধ উত্তরে; অগ্নিকোণে লক্ষ্মী, নৈঋতকোণে সরস্বতী, বায়ুকোণে রতি এবং ঈশানকোণে কান্তি। দ্বিতীয় আবরণে কেশব, নারায়ণ, মাধব, গোবিন্দ, বিষ্ণু, মধুহৃদন, ত্রিবিক্রম, বামন, শ্রীধর, হৃষীকেশ, পদ্মনাভ, দামোদর, বাসুদেব, সঙ্কর্ষণ, প্রহ্লাদ, অনিরুদ্ধ, পুরুষোত্তম, অধোক্ষজ, নৃসিংহ, অচ্যুত, জনার্দন, উপেন্দ্র, হরি ও কৃষ্ণ এই চক্ষিণ জনের তিন তিন জন করিয়া পূর্বাদি অষ্ট দিকে। তৃতীয় আবরণে পূর্বাদি দশদিকে যথাক্রমে মংগু, কুর্খ, বরাহ, নৃসিংহ, বামন, পরশুরাম, রাম, হলধর, বুদ্ধ, কঙ্কি এই দশ জন। চতুর্থ আবরণে, পূর্বাদি অষ্টদিকে সত্য, অচ্যুত, অনন্ত, দুর্গা, বিশ্বকর্ষেন, গজানন, শঙ্কিনিধি ও পদ্মনিধি, এই আটজন। পঞ্চম আবরণে, পূর্বাদি অষ্টদিকে ঋগ্বেদ, যজুর্বেদ, সামবেদ, অথর্ববেদ, সাবিত্রী, গরুড়, ধর্ম ও যজ্ঞ এই আটজন। ষষ্ঠ আবরণে পূর্বাদি অষ্টদিকে শঙ্খ, চক্র, গদা, পদ্ম, খড়্গ, শাঙ্গ, হল ও মুখল এই আট জন। সপ্তম আবরণে পূর্বাদি অষ্টদিকে ইন্দ্র, বহু, যম, নিঋতি, বরুণ, বায়ু, কুবের ও ঈশান এই আটজন; সর্বশুদ্ধ ৭৪ জন আবরণ-দেবতা। এস্থলে স্মরণ রাখিতে হইবে যে, পরব্যোমস্থিত সাধ্যগণ, মরুৎগণ, বিশ্বদেবগণ এবং ইন্দ্রাদিদেবগণ নিত্য ও অপ্রাকৃত—প্রাকৃত স্বর্গাদির ইন্দ্রাদি দেবগণের মত অনিত্য ও প্রাকৃত নহে।

৭৭। মণি—মুকুটস্থিত মণি।

৭৮। মুকুটস্থিত মণি ও পাদপীঠে ঠোকা-ঠোকি করার যে শব্দ উঠিতেছিল, তাহা শুনিয়া মনে হইতেছিল যেন মুকুট সকল শ্রীকৃষ্ণের পাদপীঠকে স্তুতি করিতেছিল,—সেই স্তুতির শব্দই যেন শুনা যাইতেছিল।

নিজ চিহ্নভ্যে কৃষ্ণ নিত্য বিরাজমান ।
 চিহ্নভ্যে-সম্পত্ত্যে 'বড়ৈশ্বর্য' নাম ॥ ৭৯
 সেই 'স্বারাজ্যলক্ষ্মী' করে নিত্য পূর্ণ-কাম ।
 অতএব বেদে কহে—স্বয়ংভগবান্ ॥ ৮০
 কৃষ্ণের ঐশ্বর্য অপার—অমৃতের সিন্ধু ।
 অবগাহিতে নারিল, তার ছুঁইল এক বিন্দু ॥ ৮১

ঐশ্বর্য্য কহিতে প্রভুর কৃষ্ণক্ষুতি হৈল ।
 মাধুর্য্যে মজিল মন, এক শ্লোক পড়িল ॥ ৮২
 তথাহি (ভাঃ ৩২।১২)
 যমর্ত্যালীলোপয়িকং স্বযোগ-
 মায়াবলং দর্শয়তা গৃহীতম্ ।
 বিশ্বাপনং স্বশ্র চ সৌভগর্কে:
 পরং পদং ভূষণ-ভূষণাম্ ॥ ১৮ ॥

শ্লোকের সংস্কৃত টীকা

তত্র হরাবুপ্তাঅনাং নিশ্চয়মাহ যমর্ত্যোতি । স্বযোগমায়াবলং স্বচিহ্নভ্যেবীর্ষ্যং এতাদৃশসৌভাগ্যস্তাপি প্রকাশিকেশ্বয়ং
 ভবতীত্যেবং বিধং দর্শয়তাবিস্কৃতম্ । সকলস্ববৈভববিদগণবিশ্বাপনায়ৈতি-ভাবঃ । ন কেবলমেতাবং তত্ত্বৈব রূপান্তরে
 তাদৃশস্থানমুভবাং তত্রাপি প্রতিক্ষণমপ্যপূর্ব্বপ্রকাশ্যং স্বস্তাপি বিশ্বাপনং যত সৌভগর্কে: পরং পদং পরা প্রতিষ্ঠা । নমু

গৌর-কৃপা-তরঙ্গিণী টীকা ।

৭৯। এক্ষণে দুই পয়ারে মূল শ্লোকের “স্বারাজ্যলক্ষ্মীপ্তসমস্তকামঃ”—এই অংশের অর্থ করিতেছেন । ইহার
 মোটামোটি অর্থ এই :—স্বারাজ্যলক্ষ্মী দ্বারা যাহার সমস্ত কামনা পূর্ণ হইয়াছে, তিনি । “স্বারাজ্য”-শব্দের অর্থ এস্থলে
 “নিজ-চিহ্নভ্যে” করা হইয়াছে । স্বরাটের ভাব স্বারাজ্য । শ্রীমদ্ভাগবতের প্রথম শ্লোকের টীকায় চক্রবর্তিপাদ
 “স্বরাট্”-শব্দের অর্থ করিয়াছেন—“স্বেনৈব রাজতে ইতি সং । সম্রাট্‌ই স্বতন্ত্রো ন কস্তাপি অধীনঃ ।” যিনি কাহারও
 অধীন নহেন, যিনি স্বতন্ত্র, যাহাকে কোনও বিষয়েই অস্ত্রের অপেক্ষা করিতে হয় না, তিনি স্বরাট্ । এইরূপ স্বরাটের
 ভাবই স্বারাজ্য ; যিনি অস্ত্রের অপেক্ষা না করিয়া নিজের শক্তি দ্বারাই নিজে তন্ত্রিত হইয়া, তাহার ভাব বা শক্তিই
 স্বারাজ্য ; তিনি (শ্রীকৃষ্ণ) চিদেকরূপ, তাহার শক্তিই চিহ্নভ্যে ; সুতরাং স্বারাজ্য-শব্দে চিহ্নভ্যেই বুঝায় । পূর্ব্বোক্ত
 শ্রীভা, ৩২।১২ ॥-শ্লোকের টীকায় চক্রবর্তিপাদও স্বারাজ্য-শব্দের অর্থ এইরূপই করিয়াছেন :—“স্বৈরংশৈঃ তত্ত্বৈঃ শক্তিভিঃ
 লীলাভিঃ ঐশ্বর্য্যৈঃ মাধুর্য্যৈঃ রাজত ইতি তত্ত্ব ভাবঃ স্বারাজ্যম্ ।” তিনি “স্বরূপ-ভূত্যা নিত্যশক্ত্যা মায়াধ্যয়া যুতঃ”—
 নিত্য স্ব-স্বরূপভূত চিহ্নভ্যেযুক্ত । “নিজ চিহ্নভ্যে কৃষ্ণ নিত্য বিরাজমান ।” চিহ্নভ্যে-সম্পত্তি—ইহা “স্বারাজ্যলক্ষ্মী”
 শব্দের অর্থ, স্বারাজ্যরূপ-লক্ষ্মী—চিহ্নভ্যে সম্পত্তি । শ্রীকৃষ্ণের বড়-বিধ ঐশ্বর্য্যই চিহ্নভ্যে-সম্পত্তি । ইহা চিহ্নভ্যেই
 বিহুতি ।

৮০। সেই স্বারাজ্যলক্ষ্মী ইত্যাদি—শ্রীকৃষ্ণের বড়ৈশ্বর্য্যরূপ স্বারাজ্যলক্ষ্মীই তাহার সমস্ত কামনা পূর্ণ
 করেন । তাহার কামনা পূরণের জন্ত তাহাকে অস্ত্রের অপেক্ষা করিতে হয় না—স্বীয় শক্তি দ্বারাই স্বীয় কামনা
 তিনি পূরণ করেন ; এজ্জাই বেদে তাহাকে স্বয়ং ভগবান্ বলা হইয়াছে । এই পয়ারের প্রথম চরণে “স্বারাজ্যলক্ষ্মীপ্ত-
 সমস্তকামঃ” ইহার অর্থ করা হইয়াছে । কাম—রস-আস্বাদন, ভক্ত-বাসনা-পূর্ণকরণ, জীবের প্রতি অমুগ্রহ-প্রদর্শনাদির
 বাসনাদি । ভগবান্—ভগ আছে যাহার । বড়-বিধ ঐশ্বর্য্যকে “ভগ” বলে । এই বড়-বিধ ঐশ্বর্য্য যাহার আছে,
 তিনি ভগবান্ । যিনি এই বড়-বিধ ঐশ্বর্য্যের মূল আধার, তিনি স্বয়ং ভগবান্—তিনি শ্রীকৃষ্ণ ।

৮১। অবগাহিতে—অবগাহন করিতে, ডুব দিতে ।

৮২। ঐশ্বর্য্যের কথা বলিতে বলিতে শ্রীকৃষ্ণের মাধুর্য্যের কথা প্রভুর মনে উদ্ভিত হইল । একশ্লোক—নিম্নে
 উদ্ধৃত শ্লোকটি ; ইহা শ্রীকৃষ্ণের মাধুর্য্য-প্রকাশক ।

শ্লো। ১৮। অম্বয় । স্বযোগমায়াবলং (স্বীয় যোগমায়ার শক্তি) দর্শয়তা (প্রদর্শনেচ্ছুক) [শ্রীকৃষ্ণেন]
 (শ্রীকৃষ্ণকর্তৃক) মর্ত্যালীলোপয়িকং (মর্ত্যালীলার উপযোগী) স্বশ্র চ (এবং কৃষ্ণের নিজেরও) বিশ্বাপনং (বিশ্বয়জনক)

যথারাগঃ—

কৃষ্ণের যতক খেলা, সর্বোত্তম নরলীলা
নরবপু তাহার স্বরূপ ।

গোপবেশ বেণুকর, নবকিশোর নটবর,
নরলীলার হয় অনুরূপ ॥ ৮৩

শ্লোকের সংস্কৃত টীকা ।

তস্মা ভূষণং সৃষ্টি সৌভগহেতুরিত্যত আহ ভূষণেতি । কীদৃশং মর্ত্যলীলৌপয়িকং নরাকৃতীত্যর্থঃ । তস্মাৎ স্মতরামেব যুক্তযুক্তং শ্রীমহাকালপুরাধিপেনাপি বিজ্ঞাতজ্ঞা মে যুবয়োর্দিদৃক্ষুণা ময়োপনীতা ইতি । শ্রীহরিবংশে শ্রীকৃষ্ণেন চ । মদর্শনার্থং তে বাল। হতাস্তেন মহাত্মনেতি । শ্রীজীব । ১৮

গৌর-কৃপা-তরঙ্গিণী টীকা ।

সৌভগক্ৰোধঃ (সৌভাগ্যলক্ষ্মীর) পরং পদং (পরাকাষ্ঠা) ভূষণ-ভূষণাঙ্গং (ভূষণেরও ভূষণ-স্বরূপ অঙ্গবিশিষ্ট) যং (যে) [রূপং] (রূপ) গৃহীতং (গৃহীত—প্রকটিত হইয়াছে) ।

অনুবাদ । উদ্ধব বিহরের নিকট বলিলেন :—শ্রীকৃষ্ণ স্বীয় যোগমায়ার শক্তি প্রদর্শন করিবার নিমিত্ত মর্ত্যলীলার উপযোগী, সৌভাগ্যাতিশয়ের পরাকাষ্ঠাপ্রাপ্ত এবং (সৌন্দর্য্য-মাধুর্য্যাদিতে শ্রীকৃষ্ণের) নিজেরও বিস্ময়জনক ভূষণ-সমূহেরও ভূষণস্বরূপ অঙ্গবিশিষ্ট যে রূপ প্রকটিত করিয়াছেন (তাহা দেখিলে মনে হয়, সমস্ত সৃষ্টি-কৌশলই এই রূপের নিম্নাণে নিয়োজিত হইয়াছে) । ১৮

শ্রীমদভাগবতের পরবর্তী শ্লোকের সঙ্গে অম্বয় করিলে অনুবাদের সঙ্গে বন্ধনীর অন্তর্গত অংশও যোগ করিতে হয় । শ্রীকৃষ্ণের বিগ্রহ নিত্য ; তথাপি লৌকিক দৃষ্টিতে সৃষ্টি ও নিম্নাণ শব্দদ্বয় ব্যবহৃত হইয়াছে ।

শ্রীমন্মহাপ্রভুই এই শ্লোকের ব্যাখ্যা করিয়াছেন ; নিম্নবর্তী ত্রিপদীসমূহে সেই ব্যাখ্যা উল্লিখিত হইয়াছে ।

৮৩ । পূর্বোক্ত শ্লোকের অর্থ আশ্বাদন করিতে আরম্ভ করিয়া, শ্লোকোক্ত “মর্ত্যলীলৌপয়িকং” শব্দের অর্থ করিতেছেন । মর্ত্যলীলৌপয়িকং—মর্ত্যলীলার উপযোগী ; মনুষ্যলীলার উপযোগী ; নরাকৃতি । মর্ত্য অর্থ—মানুষ ।

খেলা—লীলা, ক্রীড়া, কেলি । যতক খেলা—বৈকুণ্ঠাদি-ধামে ভিন্ন ভিন্ন স্বরূপে শ্রীকৃষ্ণ যে সকল লীলা করিয়া থাকেন, তাহাদের মধ্যে শ্রীকৃষ্ণের নরলীলাই সৌন্দর্য্য-মাধুর্য্য-বৈদগ্ধ্যাদিগুণে সর্বশ্রেষ্ঠ । সর্বোত্তম—সর্বশ্রেষ্ঠ ; সৌন্দর্য্য-মাধুর্য্যাদির পূর্ণতম বিকাশ বলিয়া এবং যোগমায়াকর্তৃক শ্রীকৃষ্ণের পূর্ণতম মূর্ত্ত্ব বলিয়া ।

নরলীলা—নরবৎলীলা ; নর-অভিமான লীলা । ব্রজে শ্রীকৃষ্ণ সাধারণতঃ নিজের ভগবতা প্রচ্ছন্ন করিয়া নিজেকে সাধারণ নর বলিয়া মনে করেন ; এই নরাভিমান লইয়া তিনি যে লীলা করিয়া থাকেন, তাহাই তাহার নরলীলা ।

অথবা, নরলীলা—নরোপযোগিনী লীলা ; নরের (মানুষের) ধ্যান-ধারণাদির উপযোগিনী লীলা । ব্রজেন্দ্রনন্দন শ্রীকৃষ্ণ দাস্ত-সখ্য-বাৎসল্য-মধুরাদিভাবের রস আশ্বাদনের জন্ত তন্তু-ভাবোপযোগী পরিকরদের সহিত ব্রজে লীলা করিতেছেন । তাহার পরিকরেরাও দাস্ত-সখ্যাди ভাবে তাঁহাকে সেবা করিতেছেন । মানুষের মধ্যেও এই জাতীয় ভাবগুলির আভাস আছে, অবশ্য বিকৃত অবস্থায় । এই ভাবগুলির ছায়া মানুষের মায়ামলিন চিত্তে অবস্থিত ; এবং মায়িক জীবে প্রয়োজ্য হইয়া থাকে বলিয়াই মানুষের মধ্যে বিকৃত অবস্থায় আছে ; বিকৃত অবস্থায় থাকিলেও, মানুষ এই কয়টা ভাবের মধুরতা, হৃদয়গ্রাহিতা ও বিষয়-আশ্রয়ের অন্তরঙ্গ-অনিষ্টতা-সম্পাদন-যোগ্যতার কিঞ্চিৎ ধারণা করিতে পারে । এইজন্যই শ্রীকৃষ্ণের ব্রজলীলা দাস্ত-সখ্য-বাৎসল্যাदि ভাবযুক্ত মানুষ সহজে হৃদয়ঙ্গম করিতে পারে ; ইহা মানুষের সহজ ভাবের অনুরূপ ; তাই এই লীলা ধ্যান-ধারণার উপযোগী । মানুষের ধ্যান-ধারণার অচকুল হইবে মনে করিয়াই যে শ্রীকৃষ্ণ ঐ ঐ ভাবে ব্রজ-লীলা করিতেছেন, তাহা নহে ; শ্রীকৃষ্ণ অনাদি কাল হইতেই সহজভাবে ঐ ঐ

গৌর-রূপা-তরঙ্গিণী টীকা ।

লীলা করিতেছেন । তবে জীবের প্রতি রূপা করিয়া জীবের মধ্যেও ঐ ঐ ভাবগুলির আভাস দিয়াছেন, অতঃ সাকল জীব অপেক্ষা মানুষের মধ্যে ঐ ভাবগুলির বিকাশ বেশী ; তাই মানুষ সহজে তাঁহার লীলার কথা শুনিয়া ভগবৎ-পরায়ণ হইতে পারে (ভজতে তাদৃশীঃ ক্রীড়া যাঃ চ্ছুত্বা তৎপরো ভবেৎ । শ্রীভা, ১০।৩৩।৩৬॥”

শ্রীকৃষ্ণের ব্রজলীলা মানুষের ধ্যান-ধারণাদির বিষয়মাত্র, মনের দ্বারাও অনুকরণের বিষয় নহে, ইহা লক্ষ্য রাখিতে হইবে । (১।৪।৪ শ্লোকের টীকা দ্রষ্টব্য) ।

শ্রীকৃষ্ণের ব্রজলীলা নরলীলা হইলেও গূঢ়ভাবে তাহাতে অশেষ ঐশ্বর্যের খেলা বিদ্যমান আছে ; কিন্তু আপাতদৃষ্টিতে এই লীলাকে মানুষ-লীলা বলিয়াই মনে হয় ; তাঁহার কারণ এই যে, মানুষের সংসার-যাত্রা-সম্বন্ধীয় কার্যে এবং শ্রীকৃষ্ণের ব্রজলীলায় কিঞ্চিৎ সামঞ্জস্য আছে ; যথা :—(১) মানুষ যেমন যথাক্রমে জন্ম-বাল্য-পৌগণ্ডাদি অবস্থায় থাকিয়া তত্তৎ-বয়সোপযোগী সংসার-সুখ ভোগ করে, শ্রীকৃষ্ণও যথাক্রমে জন্ম-বাল্য-পৌগণ্ডাদি অবস্থার প্রকটন করিয়া তত্তৎ-বয়সোপযোগী লীলারস আশ্বাদন করেন । পার্থক্য এই যে, মানুষের জন্ম পিতা-মাতার শুক্লশোণিতে ; শ্রীকৃষ্ণের জন্ম তদ্রূপ নহে । তিনি জননীর গর্ভ হইতে আগ্ন-প্রকটন করেন মাত্র । মানুষের বার্কক্য আছে, শ্রীকৃষ্ণের তাহা নাই, তিনি নিত্যকিশোর ; সখা-বাৎসল্য-রস আশ্বাদনের নিমিত্ত বাল্য ও পৌগণ্ডকে অঙ্গীকার করিয়াছেন মাত্র । (২) মানুষ যেমন দাস, সখা, মাতা, পিতা ও কান্তাগণ লইয়া সংসার-যাত্রা নির্বাহ করে, শ্রীকৃষ্ণও দাস, সখা, মাতা, পিতা ও কান্তাগণ লইয়া লীলারস আশ্বাদন করেন । পার্থক্য এই যে, মানুষের দাস, সখা, পিতামাতাদি প্রাকৃত, অনিত্য, স্বরূপতঃ তত্তৎসম্বন্ধগুণ এবং স্বস্থবাসনাপূর্ণ ; আর শ্রীকৃষ্ণের দাস-সখাদি অপ্রাকৃত, নিত্য, শ্রীকৃষ্ণেরই কায়ব্যূহ, স্তবরাং নিত্যতত্তৎ সম্বন্ধযুক্ত এবং কৃষ্ণরূপৈক-বাসনাময় । (৩) মানুষ যেমন স্বীয়-স্বরূপ ভুলিয়া শ্রীকৃষ্ণের বহিরঙ্গা-মায়ায় শক্তিতে মুগ্ধ হইয়া সংসারসুখে ডুবিয়া আছে, শ্রীকৃষ্ণও তেমনি স্বীয় যোগমায়ায় শক্তিতে স্বীয় স্বরূপের জ্ঞান (নিজের স্বয়ং ভগবত্তা) ভুলিয়া নিজেকে জীব মনে করিয়া তথাবস্থ স্বীয় পরিকরদের সঙ্গে লীলারসে ডুবিয়া আছেন । পার্থক্য এই যে, মানুষ শ্রীকৃষ্ণের বহিরঙ্গাশক্তি মায়াকর্তৃক মুগ্ধ ; আর শ্রীকৃষ্ণ স্বীয় অন্তরঙ্গা চিহ্নিত যোগমায়াকর্তৃক মুগ্ধ । মায়া নিজের শক্তিতে মানুষকে বশীভূত করিয়া মুগ্ধ করিয়াছে ; আর লীলারস-আশ্বাদনের আনন্দকূল্যার্থ শ্রীকৃষ্ণ নিজের ইচ্ছাতেই যোগমায়াকৃত মুগ্ধতা অঙ্গীকার করিয়াছেন । মানুষের ইচ্ছাতেই মায়া তাহাকে মুগ্ধ করেন নাই ; শ্রীকৃষ্ণের ইচ্ছাতেই যোগমায়া তাঁহার মুগ্ধতা আনয়ন করিয়াছেন । মানুষ মায়ায় অধীন, শ্রীকৃষ্ণ মায়ায় অধীশ্বর । মায়ায় প্রভাবে মানুষের স্বরূপের ধর্মলোপ পাইয়াছে ; শ্রীকৃষ্ণের কিন্তু স্বরূপের ধর্মলোপ পায় নাই—যোগমায়াকর্তৃক মুগ্ধ অবস্থাতেও তাঁহার স্বরূপধর্ম (স্বয়ং ভগবন্তার ধর্ম) প্রকটিত হইতেছে । (৪) সংসারে মানুষের যেমন সুখের সঙ্গে দুঃখ বিজড়িত, সুখের অমুসন্ধান মানুষকে যেমন অনেক বাধাবিল্লের সম্মুখীন হইতে হয়, শ্রীকৃষ্ণের নরলীলায়ও সুখের সঙ্গে দুঃখ বিজড়িত, সুখের অমুসন্ধান তাঁহাকেও বাধাবিল্লের সম্মুখীন হইতে হয় । পার্থক্য এই যে, মানুষের দুঃখ সকল সময়ে তাহার সুখের পুষ্টিসাধক হয় না; শ্রীকৃষ্ণের দুঃখ, তাঁহার লীলাসুখের নিত্যপরিপোষক, স্তবরাং তাঁহার দুঃখও সুখেরই অঙ্গবিশেষ—তাঁহার সুখ-তরঙ্গের অবস্থা-বিশেষ । মানুষের সুখ এবং দুঃখ উভয়ই তাহার স্বীয় স্বরূপধর্ম-বিশ্বস্তির জ্ঞান মায়াপ্রদত্ত শান্তিবিশেষ ; শ্রীকৃষ্ণের সুখ এবং দুঃখ তাঁহার প্রতি প্রযুক্ত শান্তি নহে, তাঁহার সুখ-স্বরূপের একটি নিত্যধর্ম—তাঁহার স্বরূপশক্তিরই একটি বিলাস-বৈচিত্র্য । মানুষের সুখ অনিত্য ; শ্রীকৃষ্ণের সুখ তাঁহার স্বরূপানুবন্ধী এবং নিত্য । মানুষের সাংসারিক সুখ তাহাকে স্বীয় স্বরূপ ও স্বরূপের ধর্ম হইতে সরাইয়া রাখে ; শ্রীকৃষ্ণের সুখ তাঁহাকে স্বীয় স্বরূপেই ধরিয়া রাখে । মানুষ সুখের অমুসন্ধান সকল সময়ে বাধাবিল্লাদি অতিক্রম করিতে পারে না, শ্রীকৃষ্ণ স্বীয় ঐশ্বর্যশক্তির প্রভাবে সকল বাধাই অতিক্রম করিতে পারেন ।

নরবপু—নরদেহ, নরবৎদেহ—মানুষের দেহের মত দেহ বাহ্যার । “যত্রাবতীর্ণ কৃষ্ণাখ্যং পরব্রহ্ম নরাকৃতি—বিশুপূরণ । ৪।১১।২ ॥” এই শ্লোকোক্ত “নরাকৃতি”-শব্দই এই স্থলে “নরবপু”-শব্দদ্বারা স্থিতি হইয়াছে । আকৃতি-

গোর-কৃপা-ভরঙ্গিণী টীকা ।

শব্দে অঙ্গসন্নিবেশ বুঝায় ; সুতরাং শ্রীকৃষ্ণের দেহ নরদেহ-তুলা বলিতে দুই হাত, দুই পা, দুই চক্ষু, দুই কাণ, এক নাসা ইত্যাদিই সূচিত হইতেছে। মানুষকে বুঝাইবার জন্যই শাস্ত্র ; অপ্রাকৃত চিন্ময় জগতের কোনও বস্তুর ধারণাই মানুষের নাই ; এজন্য প্রাকৃত জড় দৃষ্টান্ত দ্বারা শাস্ত্রকারগণ প্রাকৃত মানুষের মনে অপ্রাকৃত বস্তু-আদির ধারণা জন্মাইতে চেষ্টা করিয়াছেন। এতলেও প্রাকৃত মানুষের দেহের দৃষ্টান্তদ্বারা স্বয়ং ভগবান্ শ্রীকৃষ্ণের দেহের একটা মোটামোটি ধারণা জন্মাইতে চেষ্টা করিয়াছেন। শ্রীকৃষ্ণের অঙ্গ-সন্নিবেশ মানুষের অঙ্গ-সন্নিবেশের তুলা নহে ; মানুষদেহকে আদর্শ করিয়া শ্রীকৃষ্ণের অঙ্গসন্নিবেশ করা হয় নাই ; বরং শ্রীকৃষ্ণের অঙ্গ-সন্নিবেশের তুল্যই মানুষের অঙ্গ-সন্নিবেশ ; শ্রীকৃষ্ণের অঙ্গ-সন্নিবেশকে আদর্শ করিয়াই যেন মানুষের অঙ্গ-সন্নিবেশ করা হইয়াছে। এই ভাবে নরের বপু বাহার বপু তুলা, এই অর্থেই নরবপু-শব্দ ব্যবহৃত হইতে পারে।

স্বরূপ—অনাদি-সিদ্ধ নিজস্ব নিত্যরূপ। **নরবপু কৃষ্ণের স্বরূপ**—শ্রীকৃষ্ণের অনাদিসিদ্ধ নিজস্ব রূপই নরাকৃতি। সৌন্দর্য্য-মাধুর্য্য-বৈদগ্ধ্যাদি স্বয়ংরূপে পূর্ণতমরূপে বিকশিত হয় বলিয়া এবং নরবপুই শ্রীকৃষ্ণের স্বয়ংরূপ বলিয়া নরলীলাতেই তাঁহার সৌন্দর্য্য-মাধুর্য্যাদির পূর্ণতম বিকাশ ; সুতরাং নরলীলাই সর্ব্বশ্রেষ্ঠ। তাঁহার ব্রজলীলার মাধুর্য্য আশ্বাদনের নিমিত্ত লক্ষ্মী-আদির, নারায়ণাদি স্বরূপের, এমন কি স্বয়ং বাসুদেবেরও এবং ব্রজেন্দ্র-নন্দনেরও লোভ জন্মিয়া থাকে। ইহাই তাঁহার ব্রজলীলার শ্রেষ্ঠত্বের পরিচায়ক।

“নরবপু কৃষ্ণের স্বরূপ” বলাতে ইহাও সূচিত হইল যে, মানুষের মধ্যে লীলা করিবেন বলিয়াই যে তিনি স্বীয় রূপের পরিবর্তে, মানুষের রূপ ধরিয়া আসিয়াছেন, তাহা নহে। অনাদিকাল হইতেই তাঁহার এই বিভূতরূপ।

যদি কেহ মনে করেন, “নরবপু কৃষ্ণের স্বরূপ” অর্থ এই যে, মানুষের দেহই কৃষ্ণের স্বরূপ—তবে ইহা সঙ্গত হইবে না। এই ত্রিপদীর শেষার্ধ্বেই এই জাতীয় অর্থের নিরসন করিয়াছেন। “গোপবেশ বেণুকর, নবকিশোর নটবর” ইহাই শ্রীকৃষ্ণের স্বরূপ। মানুষ কিশোর হইতে পারে, কিন্তু নিত্যই কিশোর অবস্থায় থাকিতে পারে না ; শ্রীকৃষ্ণের “কিশোরে নিত্যস্থিতি।” আবার মানুষের দেহ মাত্রই যদি কৃষ্ণের স্বরূপ হয়, তাহা হইলে স্বয়ংরূপের অনেক স্বরূপ হইয়া পড়ে, কিন্তু “স্বয়ং রূপ এক কৃষ্ণ ব্রজে গোপমূর্ত্তি। ২।২০।১৪০।”

গোপবেশ বেণুকর ইত্যাদি—শ্রীকৃষ্ণের শ্রীরামচন্দ্রাদি স্বরূপও নরবপু, তাঁহাদের লীলাও নরবৎ-লীলা। কিন্তু তাঁহারা স্বয়ংরূপ নহেন ; সুতরাং তাঁহাদের লীলায় সৌন্দর্য্য-মাধুর্য্য-বৈদগ্ধ্যাদির পূর্ণতম বিকাশ নাই, এজন্য তাঁহাদের লীলাও সর্ব্বোত্তম নহেন। কোন্ নররূপের লীলা সর্ব্বোত্তম তাহা বলিতেছেন—“গোপবেশ, বেণুকর” ইত্যাদি দ্বারা। গোপবেশ-বেণুকর ইত্যাদি দ্বারা অভিহিত ব্রজেন্দ্রনন্দনই স্বয়ংরূপ, তাঁহার লীলাই সর্ব্বোত্তম।

গোপবেশ—গো-পালকের বা রাখালের বেশ ; হাতে পাঁচনী, মাথায় পাগড়ী, কাঁধে গরু বাঁধার দড়ি, গোদোহন-কালে হাতে গোদোহন-ভাণ্ড, ছাঁদন-দড়ি প্রভৃতি যুক্ত বেশ।

বেণুকর—বেণু দ্বাদশ-আঙ্গুলি দীর্ঘ, অঙ্গুষ্ঠপরিমিত-স্থূল ও ছয়টী ছিদ্রযুক্ত। “পাবিকাথ্যো ভবেৎ বেণু দ্বাদশাঙ্গুল-দৈর্ঘ্যভাক্। শ্বোল্যেহঙ্গুষ্ঠমিতঃ ষড়্ভিরেষ-রন্ধৈঃ সমন্বিতঃ ॥ ভ, র, সি, ২।১।৮৮ ॥” **নবকিশোর**—নিত্য নূতন কিশোর (পনর বৎসর) বয়স্ক। বাহ্যকে দেখিলে কোনও সময়েই পনর-বৎসরের অধিক বয়স্ক বলিয়া মনে হয় না।

নটবর—চূড়াম শিখিপুচ্ছ, বক্ষে গুঞ্জা-মালা ও বনফুলের বৈজয়ন্ত্যাদিমালা, গায়ে গৈরিকমাটির রং, গণ্ডে ও কপালে কস্তুরী-আদি মিশ্রিত-চন্দন-নির্ম্মিত মকরী-চিত্রভঙ্গী ও অলকা-তিলকাদি, ফুলের কেয়ুর, ফুলের অবতংশ, ফুল ও রমণীয় লতাদির চূড়া, পরিধান-যোগ্য রক্ত, পীত ও নীল বসনের বিচিত্র বেশ ইত্যাদি দ্বারা সজ্জিত হইয়া যিনি নৃত্য-বিদ্যাকৌশলে সর্ব্বশ্রেষ্ঠত্ব প্রকটিত করেন, তিনি নটবর।

নরলীলার হয় অনুরূপ—নরলীলার যোগ্য ; ইহা “মর্ত্তালীলোপয়িকং”-শব্দের অর্থ। সৌন্দর্য্য, মাধুর্য্য, বৈদগ্ধ্য ও যোগমায়াকর্ত্ত্বক মুগ্ধবাদিই এই যোগ্যতার হেতু। **অনুরূপ**—যোগ্য। **অনুরূপ**—অনু+রূপ। “অনু” অর্থ

কৃষ্ণের মধুর রূপ শুন সনাতন ।।

যে রূপের এক কণ, ডুবায় সব ত্রিভুবন,
সর্বপ্রাণী করে আকর্ষণ ॥ ৮৪

যোগমায়া চিহ্নিত, বিমুক্তস্ব-পরিণতি,
তায় শক্তি লোকে দেখাইতে ।
এই রূপ-রতন, ভক্তগণের গুঢ়ধন,
প্রকট কৈল নিত্যলীলা হৈতে ॥ ৮৫

গৌর-রূপা-তরঙ্গিণী টীকা ।

“লক্ষণ”; তাহা হইলে অনুরূপ অর্থ হইল—অনু (লক্ষণ)-বিশিষ্টরূপ; লক্ষণাক্রান্ত রূপ । শব্দকল্পদ্রুমে অনু-শব্দের এইরূপ অর্থ লিখিত আছে ; অনু ; অন্তর্থা :—পশ্যাৎ, সাদৃশ্যম্, লক্ষণম্, বীজা, ইত্যাভ্যঃ, ভাগঃ, হীনঃ, সহায়ঃ, আয়ামঃ, সমীপম্, পরিপাটি । ইতি মেদিনী ॥ “পরিপাটি” অর্থেও এস্থলে “অনু”-শব্দ ব্যবহৃত হইতে পারে । **অনুরূপ**—পরিপাটীযুক্ত রূপ । নরলীলার অনুরূপ—নরলীলার লক্ষণাক্রান্ত, বা নরলীলার পরিপাটী-বিশিষ্ট রূপ । ‘গোপবেশ বেণুকর, নবকিশোর নটবর’ রূপই সর্বোত্তম নরলীলার লক্ষণযুক্ত বা সঙ্কোচম নরলীলার পরিপাটীবিশিষ্ট রূপ । অথবা, অনু-ধাতুর উত্তর কর্তৃবাচ্যে উ-প্রত্যয় করিয়া অনু-শব্দ সিদ্ধ হয় ; অনু-ধাতু প্রাণনে বা জীবনে । তাহা হইলে অনুশব্দের অর্থ হইল “প্রাণ আছে যার, প্রাণী ।” আর “অনুরূপ” শব্দের অর্থ হইল ‘প্রাণীরূপ’ । এখন, এই “প্রাণীরূপ” শব্দের দুইটি অর্থ হইতে পারে—প্রাণীতুল্য এবং প্রাণীর রূপ । নরলীলার অনুরূপ অর্থ নরলীলার (প্রাণ আছে বাহার নিকটে, সেই) প্রাণীতুল্য, অথবা নরলীলার (প্রাণ আছে বাহার নিকটে, সেই) প্রাণীর রূপ । সৌন্দর্য্য-মাধুর্য্য-বৈদগ্ধ্যাদি এবং যোগমায়া-কর্তৃক মুগ্ধতাই নরলীলার প্রাণ—ইহা যেই রূপের আছে, সেই রূপই নরলীলার প্রাণী । গোপবেশ বেণুকর, নবকিশোর নটবর রূপই এই রূপ । ধ্বংস এই যে—ব্রজেন্দ্রনন্দনরূপ ব্যতীত অষ্ট স্বরূপে নরলীলার প্রাণস্বরূপ সৌন্দর্য্য-মাধুর্য্য-বৈদগ্ধ্যাদির পূর্ণতম বিকাশ নাই । ইহার প্রমাণও আছে । নারায়ণের বঙ্কোবিলাসিনী লক্ষ্মীরও ব্রজেন্দ্রনন্দনের নরলীলার মাধুর্য্য আশ্বাদনের লোভ হইয়াছিল । আবার স্বয়ং ব্রজেন্দ্র-নন্দনই পরিহাসার্থে যখন চতুর্ভুজ নারায়ণের রূপ ধারণ করিয়া কুঞ্জে বসিয়াছিলেন, তখন গোপীদিগের প্রেম সঙ্কুচিত হইয়াছিল (গোপীনাং পশুপেজ্জনন্দনযুযামিত্যাदि ॥ ললিত মাধব । ৬। ১৪ ॥) ; ইহাতে বুঝা যায়, নারায়ণ অপেক্ষা নরবপু-ব্রজেন্দ্রনন্দনের মাধুর্য্য বেশী । আবার দ্বিভুজ ব্রজেন্দ্রনন্দনই যখন নটবর-বেশের পরিবর্তে কুরুক্ষেত্রে রাজবেশ ধারণ করিয়াছিলেন, তখন তাঁহার নিত্যকাস্তা গোপীদিগের মন তাঁহার “গোপবেশ বেণুকর, নবকিশোর নটবর” বেশের জগুই লালায়িত হইয়াছিল । আবার দ্বারকায় মায়া-বৃন্দাবনে বলদেবকর্তৃক শ্রীকৃষ্ণ যখন “গোপবেশ বেণুকর, নবকিশোর নটবর-বেশে” সজ্জিত হইয়াছিলেন, তখন তাঁহাকে দেখিয়া বৃদ্ধা হইলেও এবং রাজবেশে শ্রীকৃষ্ণকে সর্বদা দেখিলেও, স্নেহভারাক্রান্ত দেবকীর শুন হইতে দুগ্ধ ক্ষরিত হইতেছিল, ক্লিষ্টা ও জাঘবতী প্রভৃতি কতিপয় মহিষী অভূতপূর্ব মহাপ্রেমের অভ্যুদয়-বশতঃ ধৈর্য্যচ্যুত ও মূর্ছিত হইয়া ভূপতিত হইয়াছিলেন ; সত্যভামার সহিত, বৃদ্ধা ও মস্তা পদ্মাবতী কামবেগ-বশতঃ বারংবার বাহুপ্রসারণাদি দ্বারা আলিঙ্গনাদির অভিনয় করিয়াছিলেন । (বৃহদ্ ভাগবতামৃত ১ম খণ্ড, ৭ম অধ্যায়) ।

৮৪ । **কৃষ্ণের মধুর রূপ**—কৃষ্ণের রূপের মধুরতা বা মাধুর্য্য । রূপের অপূর্ণ ও অনির্কচনীয় স্বাদ-বিশেষের নাম মাধুর্য্য । কোনও কোনও গ্রন্থে “কৃষ্ণের স্বরূপ এবে শুন সনাতন” এইরূপ পাঠ আছে । **ডুবায় সব ত্রিভুবন**—ইহা দ্বারা রূপের সমুদ্র—অপরিমিতত্ব সূচিত হইতেছে ।

সর্বপ্রাণী করে আকর্ষণ—শ্রীকৃষ্ণরূপের এমনি মাধুর্য্য যে, তাহার এক কণিকা সমস্ত প্রাণীকে আকর্ষণ করে—ঐ মাধুর্য্য আশ্বাদনের জগু লোভ জন্মাইয়া সকলের চিত্ত চঞ্চল করে । কৃষ্ণ-ধাতু হইতে কৃষ্ণ-শব্দ নিঃসৃত হইয়াছে ; কৃষ্ণ-ধাতুর একটি অর্থ আকর্ষণ ; যিনি (সৌন্দর্য্য-মাধুর্য্যাদি দ্বারা) আকর্ষণ করেন, তিনি কৃষ্ণ ।

৮৫ । এখানে “যোগমায়াবলং দর্শয়তা” এই শ্লোকাংশের অর্থ করিতেছেন ।

গৌর-রূপা-তরঙ্গিণী টীকা।

যোগমায়া—“যোগমায়া পরাখ্যাচিন্ত্যশক্তিঃ ॥ শ্রীভা, ১০।২০।১-শ্লোকের বৈষ্ণবতোষণী টীকা ॥-অচিন্ত্য পরাশক্তি।” শ্রীকৃষ্ণের লীলা-সহায়কারিণী অঘটন-ঘটন-পটীয়সী শক্তি। এই শক্তি লীলারস-পুষ্টির নিমিত্ত শ্রীকৃষ্ণের এবং শ্রীকৃষ্ণ-পরিকরদের মুগ্ধত্বও জন্মাইয়া থাকে। শ্রীকৃষ্ণের যে শক্তি জীবের মুগ্ধত্ব সম্পাদন করে, তাহাকে বলে গুণমায়া; আর তাঁহার যে শক্তি লীলারস-পুষ্টির অল্প শ্রীকৃষ্ণের এবং তদীয় পরিকরদের মুগ্ধত্ব জন্মায়, তাহাকে বলে যোগমায়া। গুণমায়া হইল বহিরঙ্গা। প্রাকৃত ব্রহ্মাণ্ডই তাহার কার্যস্থল। আর যোগমায়া হইল অন্তরঙ্গা, ভগবদ্ধামই তাহার কার্যস্থল—যে স্থানে বহিরঙ্গা গুণমায়ার প্রবেশাধিকার নাই। **চিচ্ছক্তি**—অন্তরঙ্গা স্বরূপ-শক্তিরই অপর নাম চিচ্ছক্তি বা পরা শক্তি। **যোগমায়া চিচ্ছক্তি**—যোগমায়া হইল স্বরূপতঃ শ্রীকৃষ্ণের চিচ্ছক্তি বা স্বরূপ-শক্তি; তাই বৈষ্ণবতোষণী যোগমায়াকে পরাশক্তি বলিয়াছেন। যোগমায়া পরাখ্যাচিন্ত্যশক্তিঃ। ইহা যে বহিরঙ্গা গুণময়ী মায়াশক্তি নহে, তাহাই স্থচিত হইল। **বিগুহসত্ত্ব**—চিচ্ছক্তির তিনটি বৃত্তি—হ্লাদিনী, সন্ধিনী ও সংবিং। হ্লাদিনী-সন্ধিনী-সম্বিত্ত্বিকা চিচ্ছক্তির যে স্বপ্রকাশ-লক্ষণ-বৃত্তিবিশেষের দ্বারা ভগবান্, তাঁহার স্বরূপ বা স্বরূপশক্তির পরিণতি পরিকরাদি বিশেষরূপে প্রকাশিত বা আবির্ভূত হন, সেই বৃত্তিবিশেষকে বিগুহসত্ত্ব বলে। বহিরঙ্গা মায়ায় সহিত ইহার স্পর্শ নাই বলিয়া ইহাকে বিগুহ বলা হয়। “তদেবং তত্ত্বা মূলশক্তে ত্র্যায়কণ্ঠে সিদ্ধে যেন স্বপ্রকাশতা-লক্ষণেন তদ্বৃত্তিবিশেষণ স্বরূপং স্বয়ং স্বরূপশক্তিকা বিশিষ্টং বা আবির্ভবতি তদ্বিগুহসত্ত্বম্। অস্ত মায়া স্পর্শাতাবাং বিগুহসত্ত্বম্। ভগবৎসন্দর্ভঃ ॥১১৮॥” ইহা স্বরূপ-শক্তিরই বৃত্তিবিশেষ এবং স্বপ্রকাশ ॥১০৪।৫৫-পর্যায়ের টীকা দ্রষ্টব্য। **বিগুহ-সত্ত্ব-পরিণতি**—বিগুহ সত্ত্ব হইতেছে যাহার পরিণতি বা বৃত্তিবিশেষ (বহুব্রীহি সমাস)। ইহা চিচ্ছক্তির বিশেষণ। বিগুহ-সত্ত্ব হইতেছে যাহার পরিণতি বা বৃত্তিবিশেষ, সেই চিচ্ছক্তিই হইতেছে যোগমায়া। যোগমায়া স্বরূপ বলা হইল। ভগবৎসন্দর্ভের প্রমাণ উদ্ধৃত করিয়া পূর্বেই দেখান হইয়াছে—যাহা দ্বারা ভগবান্ বা তাঁহার স্বরূপ-শক্তি-আদি বিশেষরূপে প্রকাশিত বা আবির্ভূত হন, সেই বিগুহসত্ত্ব হইতেছে স্বরূপশক্তির বৃত্তিবিশেষ (বা পরিণতি)। একথাই “বিগুহসত্ত্ব-পরিণতি”-শব্দে ব্যক্ত করা হইয়াছে। এই বিশেষণটির উল্লেখের তাৎপর্য এই যে—এই ত্রিপদীর শেষভাগে বলা হইয়াছে, শ্রীকৃষ্ণ স্বীয় রূপ-রতনটী প্রকট করেন। কিসের দ্বারা প্রকট করেন? স্বীয় চিচ্ছক্তির বৃত্তিবিশেষ বিগুহ-সত্ত্বদ্বারা।

তঁারশক্তি—সেই যোগমায়া শক্তি। অর্দ্ধত্রিপদীর অর্থ এই—বিগুহ-সত্ত্ব যাহার পরিণতি, সেই চিচ্ছক্তিরূপা যোগমায়া শক্তি লোকদিগকে দেখাইবার নিমিত্ত।

এই রূপ-রতন—শ্রীকৃষ্ণের অসমোদ্ধ-মাধুর্য্যময় এবং সর্বচিন্তাকার্যক রূপ-রত্ন। **ভক্তগণের গূঢ়ধন**—গূঢ় অর্থ অতি গোপনীয়। শ্রীকৃষ্ণের এই রূপটী অত্যন্ত মধুর, অত্যন্ত প্রাণারাম এবং অত্যন্ত আদরের বস্তু বলিয়া অতি মূল্যবান্ রত্নের ছায় ভক্তগণ অতি যত্নে, অতি সংগোপনে, হৃদয়ের অন্তস্তলে লুক্কায়িত রাখেন এবং মানস-নেত্রে অতি সতর্কতার সহিত যেন সর্বদা পাহারা দিয়া রক্ষা করিয়া থাকেন। **প্রকট কৈল**—শ্রীকৃষ্ণের এই রূপ-রতনটী শ্রীকৃষ্ণ স্বীয় চিচ্ছক্তির বৃত্তিবিশেষ বিগুহ-সত্ত্বদ্বারা জগতে প্রকটিত (প্রকাশিত) করিলেন। কোথা হইতে প্রকটিত করিলেন? **নিত্যলীলা হৈতে**—শ্রীকৃষ্ণের এই রূপ-রতনটী অনাদি কাল হইতেই নিত্য-লীলায় নিত্য বিরাজিত, কিন্তু ব্রহ্মাণ্ডের লোকগণের নয়নের গোচরীভূত নহে। এক্ষণে তাহা লোক-নয়নের গোচরীভূত করিলেন। কিন্তু এস্থলে নিত্যলীলা বলিতে কোন্ লীলাকে বুঝাইতেছে? প্রকট লীলাকে? না কি অপ্রকট লীলাকে? উভয় লীলাই তো নিত্য। উত্তর—উভয় লীলাকেই বুঝাইতে পারে; কিন্তু পূর্ববর্তী বিংশ পরিচ্ছেদে প্রকটলীলার নিত্যত্ব সম্বন্ধে যাহা বলা হইয়াছে, তাহাতে মনে হয়, এই ত্রিপদীতে “নিত্যলীলা”-শব্দে “নিত্য প্রকটলীলাই” যেন অভিপ্রেত। যে প্রকট নিত্যলীলা অল্প ব্রহ্মাণ্ডে প্রকট ছিল, এই ব্রহ্মাণ্ডে প্রকট ছিলনা, সেই প্রকট নিত্যলীলা হইতে

রূপ দেখি আপনার, কৃষ্ণের হয় চমৎকার
আস্বাদিতে মনে উঠে কাম ।
'স্বসৌভাগ্য' যার নাম, সৌন্দর্য্যাদি গুণগ্রাম
এই রূপ তার নিত্যধাম ॥ ৮৬

ভূষণের ভূষণ অঙ্গ, তাহে ললিত ত্রিভঙ্গ,
তার উপর আধনু-নর্তন ।
তেরহ-নেত্রাস্ত বাণ তার দৃঢ় সন্ধান,
বিস্ফে রাধা-গোপীগণের মন ॥ ৮৭

গৌর-কৃপা-তরঙ্গিণী টীকা ।

শ্রীকৃষ্ণ এই রূপ-রতনটিকে (অবশ্য তাঁহার লীলাকেও) এই ব্রহ্মাণ্ডে প্রকটিত করিলেন—ইহাই তাৎপর্য্য । “নিত্যলীলা হৈতে”-বাক্যদ্বারা ইহাও সূচিত হইতেছে যে, যে রূপ-রতনটী এই ব্রহ্মাণ্ডেও প্রকটিত হইল, তাহা নিত্য, অনাদি ।

প্রশ্ন হইতে পারে, এই রূপটার প্রকটনের দ্বারা কিরূপে যোগমায়ার শক্তি প্রদর্শিত হইল ? উত্তর—২২.০১.৩২ পয়ারের “অদ্বয়জ্ঞান তত্ত্ব”-শব্দের টীকায় বলা হইয়াছে যে, পরব্রহ্ম তাঁহার চিহ্নজ্ঞির ক্রিয়াতেই সর্বিষয়ত্বলাভ করিয়াছেন; সুতরাং তাঁহার সর্বিষেয় স্বরূপ—তাঁহার এই অসমোর্ক-সৌন্দর্য্য-মাধুর্য্য-বৈদগ্ধ্যীয় নরাকার রূপ, যাহার এক কণিকাই সমগ্র-ব্রহ্মাণ্ডকে ডুবাইতে সমর্থ, যাহা ভক্তগণের অত্যন্ত গুঢ়ধন, যাহা সর্ব্ব চিন্তাকর্ষক, আত্ম-পর্য্যন্ত সর্বাচিন্ত হর—শ্রীকৃষ্ণের সেই অপরূপ রূপটী চিহ্নজ্ঞিরূপা যোগমায়ারই শক্তির পরিচায়ক । আবার শ্রীকৃষ্ণ লীলাময়, রসিকশেখর, অনাদিকাল হইতেই লীলা-পরিকরদের সহিত লীলারস আস্বাদন করিতেছেন ; যোগমায়ার শক্তিতেই তিনি লীলা-পরিকরাদিরূপে আত্ম প্রকট—স্বীয়কায়বাহ প্রকট—করিয়াছেন ; এই লীলা-পরিকরেরাও যোগমায়ার শক্তির পরিচায়ক ; শ্রীকৃষ্ণরূপের প্রকটনের সঙ্গে সঙ্গে তাঁহাদেরও প্রকটন হইয়াছে ; এই প্রকটনও যোগমায়ার শক্তির পরিচায়ক । তাঁহার রূপের প্রকটনের সঙ্গে সঙ্গে তাঁহার মাতাপিতা, ধাম, গৃহ, আসনাদিরও প্রকটন হইয়াছে, এই সমস্তও যোগমায়ারই শক্তির পরিচায়ক । লীলারস আস্বাদনের জন্ত যোগমায়া শ্রীকৃষ্ণের ঐশ্বর্য্যকে মাধুর্য্যের অন্তরালে, তাঁহার সর্ব্বজ্ঞতাকে মুগ্ধত্বের অন্তরালে প্রচ্ছন্ন করিয়া রাখিয়াছেন ; লীলা-প্রাকট্যের সঙ্গে সঙ্গে যোগমায়ার এই শক্তিটী লোক-নয়নের গোচরীভূত হইয়া থাকে । আবার চিহ্নজ্ঞির বৃত্তি বিশেষই প্রেম (শুদ্ধসত্ত্ববিশেষাত্মা ইত্যাদি) ; ভগবান্ স্বতন্ত্র, অল্প-নিরপেক্ষ হইলেও তিনি প্রেম-বশ ; প্রকট লীলায় ইহাও প্রদর্শিত হইয়াছে ; ভক্তবশুতা-গুণে তিনি বিভূ-পদার্থ হইয়াও বন্ধন পর্য্যন্ত স্বীকার করিয়াছেন । ইহাও যোগমায়ার শক্তি । রাসাদি-লীলায়ও যোগমায়ার অচিন্ত্যশক্তির পরিচয় পাওয়া যায় ।

৮৬ । রূপ দেখি আপনার—ইত্যাদি অর্ক-ত্রিপদীতে “স্বস্ত চ বিস্মাপনং” এই শ্লোকাংশের অর্থ করিতেছেন । কৃষ্ণের হয় চমৎকার—শ্রীকৃষ্ণ নিজের রূপ নিজে দেখিয়া বিস্মিত হইলেন । এত রূপ আমার ! এত সৌন্দর্য্য !! এত মাধুর্য্য !!! আস্বাদিতে—নিজের রূপ-মাধুর্য্য আস্বাদন করার জন্ত নিজেরই লোভ জন্মে । অপরিকলতপূকঃ কশ্চমৎকারকারী” ইত্যাদি শ্লোক ইহার প্রমাণ (ললিতমাধব ৮.৩২ ।)

“স্বসৌভাগ্য যার নাম” ইত্যাদি অর্ক-ত্রিপদীতে “সৌভাগ্যঃ পরং পদং” ইহার অর্থ করিতেছেন । সৌন্দর্য্য-মাধুর্য্যাদি-গুণ-সমূহের নামই স্ব-সৌভাগ্য ; এই গুণসমূহের মূল আশ্রয়ই শ্রীকৃষ্ণ-রূপ । যে সমস্ত সদৃশ্য থাকিলে জীবের ভাগ্যের উদয় হয়, কিম্বা জীব আপনাকে ভাগ্যবান্ বলিয়া মনে করে, সেই সমস্ত গুণের মূল-আধারই শ্রীকৃষ্ণ ; জীব এই সমস্ত গুণের আভাস পাইয়াই নিজেকে সৌভাগ্যবান্ মনে করে ।

অথবা, পতিকর্তৃক পত্নীর অত্যধিক আদরকে পত্নীর সৌভাগ্য বলে । পত্নীর সৌন্দর্য্য, মাধুর্য্য, বৈদগ্ধ্য, অমুরাগ প্রভৃতিই ঐরূপ আদর লাভের হেতু ; সুতরাং এই গুণগুলিকেই তাহার সৌভাগ্য বলা যায় । এই স্ব-সৌভাগ্যস্বরূপ গুণ-সমূহের মূল আশ্রয়ই শ্রীকৃষ্ণ । নিত্যধাম—নিত্য-আশ্রয় । কোনও গ্রন্থে “স্বসৌভাগ্য” পাঠ আছে । এই রূপ—শ্রীকৃষ্ণের এই মধুর রূপ ।

৮৭ । “ভূষণের ভূষণ অঙ্গ” ইত্যাদি দ্বারা “ভূষণ-ভূষণাঙ্গ” পদের অর্থ করিতেছেন ।

কোটিব্রহ্মাণ্ড পরব্যোম, তাহাঁ যে স্বরূপগণ,
তা-সভার বলে হরে মন ।

পতিব্রতা-শিরোমণি, যারে কহে বেদবাণী,
আকর্ষয়ে সেই লক্ষ্মীগণ ॥ ৮৮

গোর-কৃপা-তরঙ্গিণী টীকা ।

ভূষণের ভূষণ অঙ্গ—শ্রীকৃষ্ণের অঙ্গ ভূষণেরও ভূষণস্বরূপ । ভূষণ-অর্থ অলঙ্কার । দেহের সৌন্দর্য্য-বৃদ্ধির জন্তই লোকে অলঙ্কার ধারণ করে । কিন্তু শ্রীকৃষ্ণ কেয়ুর-কুণ্ডল-নুপুরাদি যে সমস্ত অলঙ্কার ধারণ করেন, তদ্বারা তাঁহার দেহের শোভা বৃদ্ধি প্রাপ্ত হয় না, বরং দেহের শোভাদ্বারা ই ঐ সমস্ত অলঙ্কারের শোভা বৃদ্ধি প্রাপ্ত হয়—এতই শ্রীকৃষ্ণ-রূপের সৌন্দর্য্য । তাঁহার অঙ্গ, অলঙ্কারের পক্ষেও অলঙ্কার-স্বরূপ ।

ললিত ত্রিভঙ্গ—যাহাতে অঙ্গ-সকলের বিছাদ-ভঙ্গী, সৌকুমার্য্য ও ক্র-বিক্ষেপের মনোহারিত্ব প্রকাশ পায়, তাহাকে ললিত বলে । **ত্রিভঙ্গ**—দাঁড়াইবার ভঙ্গী ; কটী, গ্রীবা ও চরণ এই তিন অঙ্গকে ঈষদ্বক্ৰ করিয়া দাঁড়াইলে ত্রিভঙ্গ-ভঙ্গীতে দাঁড়ান বলা হয় । শ্রীকৃষ্ণ যখন ত্রিভঙ্গ হইয়া দাঁড়ান, তখন তাঁহার মনোহর রূপকে আরও মনোহর দেখায় ।

ক্র-ধনু-নর্তন—ক্রমুগলকে মুহুমধুর ভাবে কম্পিত করিতেছেন । ধনু-শব্দ এস্থলে কামদেবের ধনু-অর্থে ব্যবহৃত হইয়াছে । শ্রীকৃষ্ণের মনোহর ক্র-লতাকে কামদেবের ধনুর সঙ্গে উপমা দেওয়া হইয়াছে । শ্রীকৃষ্ণের কটাক্ষই এই ধনুতে যোজনা করিবার বাণ-সদৃশ । ধনুকধারী ধনুতে বাণ সংলগ্ন করিয়া নিজের শীকারের প্রতি লক্ষ্য রাখিয়া যখন খুব জোরে নিক্ষেপ করিবার উদ্দেশ্যে অঙ্গ-সংলগ্ন বাণটির মূলদেশকে বার বার আকর্ষণ করে, তখন ধনুটি ঈষৎ কম্পিত হয় ; এই কম্পনকেই ধনু-নর্তন বলা যায় । শ্রীকৃষ্ণও গোপীদিগের চিত্তরূপ শীকারকে লক্ষ্য করিয়া, তাঁহার কটাক্ষরূপ বাণকে ক্র-রূপ ধনুতে যোজনা করিয়া ধনুকে ঈষৎ আন্দোলিত করিতেছেন । নর্তন শব্দের ধ্বনি এই :— আনন্দ না হইলে কেহ নৃত্য করে না ; লক্ষ্যবস্তুকে সে নিশ্চয়ই বিদ্ধ করিতে পারিবে, এই দৃঢ়-বিশ্বাস-জনিত যে আনন্দ, তাহাই ধনুর নৃত্যের হেতু ।

তেরছ-নেত্রান্ত-বাণ—আড়-নয়নের যে কটাক্ষ, তাহাই যেন বাণ বা শর । **নেত্রান্ত**—নেত্রের অন্ত, চক্ষুর কোণ । **তার দৃঢ় সন্ধান**—সেই বাণের অব্যর্থ নিক্ষেপ । **রাধা-গোপীগণ মন**—রাধা-আদি গোপীদিগের মন ।

এই ত্রিপদীর স্থলার্থ এই :—একেই তো শ্রীকৃষ্ণরূপের সৌন্দর্য্য এত অধিক যে, কোনও অলঙ্কারই আর তাঁহার শোভা বৃদ্ধি করিতে পারে না, বরং তাঁহার অঙ্গের শোভাদ্বারা অলঙ্কারের শোভাই বৃদ্ধি হয় ; তাহার উপরে আবার তিনি অতি মধুর, অতি মনোহর ভঙ্গীতে কটী, গ্রীবা ও চরণ ঈষদ্বক্ৰ করিয়া ত্রিভঙ্গ্যামে দাঁড়াইয়াছেন ; কেবল ইহাও নহে, ইহার উপরেও আবার মনোহর ক্র-মুগলকে ঈষৎ আন্দোলিত করিতেছেন । তাঁহার অপরূপ রূপের এই অপরূপ ভঙ্গীতে এবং অপরূপ ক্র-বিলাসে, যে অপরূপ মধুরিমা স্ফুরিত হয়, তাহা দেখিয়া শ্রীরাধিকাদি কৃষ্ণগত-প্রাণা গোপীগণ শত-চেষ্টা-সদ্বৈ ও তাঁহাদের মনকে আর নিজেদের বশে রাখিতে পারিতেছেন না, মন উধাও হইয়া শ্রীকৃষ্ণের রূপ-সমুদ্রে ঝাঁপ দিয়া তাহাতেই নিমগ্ন হইয়া থাকে । ইহাও যোগমায়ার শক্তির একটা পরিচয় ।

৮৮ । কোটি ব্রহ্মাণ্ড ইত্যাদি ত্রিপদীতে শ্লোকোক্ত “বিশ্বাপনং স্বশ্চ” অংশের “চ”-শব্দের অর্থ করিতেছেন । “চ”-শব্দের সার্থকতা এই যে, শ্রীকৃষ্ণের রূপ-মাধুর্য্যে শ্রীকৃষ্ণ নিজে পর্য্যন্ত বিস্তৃত হন, এবং (চ) অনন্তকোটি ব্রহ্মাণ্ডের মংস্তাদি-অবতারগণ, পরব্যোমের নারায়ণাদি স্বরূপগণ (বিজায়জামে যুবয়োর্দিদৃক্ষুণা ইত্যাদি দশমস্কন্ধ ৮৯ অঃ ৫৮ শ্লোক), এমন কি বৈকুণ্ঠের লক্ষ্মীগণ-পর্য্যন্ত (যদ্বাঙ্কুয়া শ্রীর্ললনাচরন্তপ-ইত্যাদি শ্রীভা,) ঐ রূপের দ্বারা আকৃষ্ট হন ।

কোটিব্রহ্মাণ্ড পরব্যোম—অনন্তকোটি প্রাকৃত ব্রহ্মাণ্ড এবং পরব্যোম । **তাহাঁ**—ঐ ব্রহ্মাণ্ডে এবং পরব্যোমে । **স্বরূপগণ**—ভগবৎ-স্বরূপগণ ; ব্রহ্মাণ্ডে মংস্ত-কুণ্ডাদি-অবতারগণ এবং পরব্যোমে নারায়ণাদি । **বলে হরে মন**—বলপূর্ব্বক মনকে হরণ করে ; স্ববশে রাখার জন্ত শত চেষ্টা করিলেও নারায়ণাদি নিজ মনকে স্ববশে রাখিতে পারেন না, তাঁহাদের মন শ্রীকৃষ্ণ-রূপেই আকৃষ্ট হইয়া যায়, এমনি তাঁহার রূপমাধুর্য্য ।

চড়ি গোপী-মনোরথে, মন্থথের মন মথে,
নাম ধরে 'মদনমোহন' ।

জিনি পঞ্চশরদর্প, স্বয়ং নব কন্দর্প,
রাস করে লঞা গোপীগণ ॥ ৮৯

গৌর-রূপা-তরঙ্গিণী টীকা ।

পতিব্রতা-শিরোমণি—পতিই ব্রত যে রমণীর, তিনি পতিব্রতা । ব্রত যেমন সর্বাবস্থায় সর্বতোভাবে অবশ্যপালনীয়, একনিষ্ঠভাবে পতিসেবাও তদ্রূপ বাঁহার সর্বাবস্থায় সর্বতোভাবে কর্তব্য, এক মুহূর্তের জন্তও যিনি এই পতিসেবা-ব্রত হইতে চ্যুত হন না, দৈবদুর্বিপাকে সেবাব্রত হইতে মুহূর্তের জন্ত চ্যুতির কল্পনাও ব্রতভঙ্গ-পাপের তুল্য বাঁহার চিত্তকে শতবৃশ্চিকদংশনবৎ যাতনাগ্রস্ত করে, তিনিই পতিব্রতা ; এইরূপ পতিব্রতাদিগের শিরোমণি—এইরূপ পতিব্রতাগণও বাঁহার পতিব্রত্যগুণে মুগ্ধ হইয়া তাঁহাকে নিজেদের গৌরব ও আদর্শের বস্তুরূপে মস্তকে ধারণ করিয়া ধন্য হইতে বাসনা করেন, তিনিই পতিব্রতা-শিরোমণি । বৈকুণ্ঠের লক্ষ্মীগণই এইরূপ পতিব্রতা-শিরোমণি—তাঁহারা স্বীয় পতি নারায়ণের বক্ষাবিলাসিনী, নিয়ত তাঁহার চরণসেবায় রত ; অথ কোনও বিষয়ই তাঁহাদের চিত্তকে আকর্ষণ করিতে পারে না ; ইহা ঞ্জবসতা, যেহেতু ইহা শ্রুতির উক্তি । কিন্তু এমন যে লক্ষ্মীগণ, তাঁহারাও শ্রীকৃষ্ণের রূপে মুগ্ধ হইয়া তাঁহার মাধুর্য্য আশ্বাদনের জন্ত ব্যাকুল হইয়াছিলেন—এমনি শ্রীকৃষ্ণের মাধুর্য্য । ইহাও যোগমায়ার শক্তির একটা পরিচয় ।

বেদ-বাণী—শ্রুতির উক্তি ; সূত্রাং অদ্রাস্ত এবং সর্বতোভাবে বিশ্বাসযোগ্য ।

৮৯ । গোপীগণের কামগন্ধহীন নিম্নল প্রেমের বশীভূত হইয়া তাঁহাদের সঙ্গে রাসকীড়ায় কন্দর্পের মনকে মথিত করেন বলিয়া তাঁহার নাম মদনমোহন ।

চড়ি গোপী-মনোরথে—গোপীদিগের মনোরূপ রথে চড়িয়া । রথের যে দিকে গতি হয়, রথের আরোহীকেও সেই দিকেই যাইতে হয়, রথের গতির বিপরীত দিকে যাওয়ার তাঁহার কোনও শক্তিই থাকে না, এ বিষয়ে তাঁহাকে রথের অধীন হইয়াই থাকিতে হয় । শ্রীকৃষ্ণ গোপীদিগের মনোরূপ রথে আরোহণ করিয়াছেন, গোপীদিগের মনের যে দিকে গতি হয়, তাঁহাকেও সেই দিকেই যাইতে হইবে । স্বতন্ত্র-ভগবান্ শ্রীকৃষ্ণ এইরূপে গোপীদিগের বশ্যতা স্বীকার করিলেন কেন ? তাঁহাদের অকৈতব নিম্নল প্রেমের প্রভাবেই তিনি এই বশ্যতা স্বীকার করিয়াছেন । যাহা হউক, রথ নিজের ইচ্ছায় চলে না, সারথি রথকে চালাইয়া নিয়া যায় ; আরোহী যাহাতে গন্তব্যস্থানে যাইতে পারেন, সেই ভাবেই সারথি রথকে চালিত করে । এস্থলে গোপীরাই তাঁহাদের মনোরূপ রথের সারথি, আর রাস-লীলারসই আরোহী শ্রীকৃষ্ণের কাম্য বস্তু, বা গন্তব্য স্থান (সম্যক বাসনা কৃষ্ণের হয় রাসলীলা । রাসলীলা-বাসনাতে রাধিকা শৃঙ্খলা । ২।৮.৮৫ ॥) । আরোহী গন্তব্যস্থানটী মাত্র বলিয়া দেন, সারথি অনেক সময় নিজের ইচ্ছামত অল্পকূল পথে রথকে নিয়া যায় । সারথিরূপা গোপীগণও রাসলীলার অল্পকূল ও লীলারসের পরিপোষক বিবিধ বৈচিত্র্যময় অমুষ্ঠানের দ্বারা শ্রীকৃষ্ণের বাসনাপূর্ত্তি করিতেছেন । রাসবিহারী শ্রীকৃষ্ণ যেন রসের শ্রোতে গা ঢালিয়া দিয়াছেন, গোপীদিগের প্রেমের তরঙ্গে তিনি ভাসিয়া চলিয়াছেন, চলিতে চলিতে রাসেশ্বরী শ্রীমতী রাধিকার প্রেমসমুদ্রে গিয়া ডুবিয়া পড়িতেছেন ।

রাধাপ্রেম ও কৃষ্ণমাধুর্য্য এই দুইটি অপূর্ব বস্তুর স্বভাবও বড় অপূর্ব । মাধুর্য্য-সিন্ধুর দর্শনে প্রেমসিন্ধু উথলিয়া উঠে, আবার প্রেমসিন্ধুর দর্শনেও মাধুর্য্যসিন্ধু উথলিয়া উঠে । “যতপি নিম্নল রাধার সংপ্রেমদর্পণ । তথাপি স্বচ্ছতা তার বাঢ়ে অক্ষুণ্ণ । আমার মাধুর্য্যের নাহি বাঢ়িতে অবকাশে । এ দর্পণের আগে নব নব রূপে ভাসে ॥ মন্যমাধুর্য্য রাধাপ্রেম দৌহে হোড় করি । ক্ষণে ক্ষণে বাঢ়ে দৌহে—কেহ নাহি হারি । ১।৮।১২২-১২৪ ॥” শ্রীরাধার প্রেম দেখিয়া শ্রীকৃষ্ণ-মাধুর্য্য বর্দ্ধিত হয়, শ্রীকৃষ্ণের এই বর্দ্ধিত মাধুর্য্য দেখিয়া, শ্রীরাধার প্রেম আরও বর্দ্ধিত হয়, তাহা দেখিয়া শ্রীকৃষ্ণের মাধুর্য্য আরও বর্দ্ধিত হয় । এইরূপে বাড়িতে বাড়িতে শ্রীকৃষ্ণ-মাধুর্য্য এত বৃদ্ধিপ্রাপ্ত হয় যে, তাহা দেখিয়া মদন—যে মদন, স্বীয় সৌন্দর্য্য-মাধুর্য্য দ্বারা সকলকে মুগ্ধ করে, যে মদন অপর কাহারও সৌন্দর্য্য-মাধুর্য্যাদিতে কখনও

নিজ সম সখাসঙ্গে, গোগণ-চারণ-রঙ্গে,
বৃন্দাবনে স্বচ্ছন্দ বিহার ।

যাঁর বেণুধ্বনি শুনি, স্বাবর জঙ্গম প্রাণী,
পুলক কম্প অশ্রু বহে ধার ॥ ৯০

গৌর-কৃপা-তরঙ্গিণী টীকা ॥

যুক্ত হয় না—সেই মদন পর্য্যন্ত মোহিত হইয়া যায় । এইরূপে মদনকে মোহিত করেন বলিয়া শ্রীকৃষ্ণের একটি নাম মদনমোহন ; এই মদনমোহনরূপটি কিন্তু বৃষভাসুহৃতা-বৃত্ত শ্যামসুন্দর-রূপ ; বৃষভাসুহৃতার সান্নিধ্য না পাইলে, মদনকে মোহিত করা ত দূরের কথা, বিশ্বমোহন-শ্যামসুন্দর নিজেই মদন কর্তৃক মোহিত হইয়া যান । “রাধাসঙ্গে যদা ভাতি তদা মদনমোহনঃ । অতথা বিশ্বমোহোহপি স্বয়ং মদন-মোহিতঃ ॥ গোবিন্দলীলামৃত । ৮৩২ ॥” প্রেমময়ী-শ্রীরাধার প্রেম-শশধর ব্যতীত, শ্রীকৃষ্ণের মাধুর্য্য-সিন্ধুকে আর কে এমন ভাবে উচ্ছ্বসিত করিতে পারে, যাতে মদন পর্য্যন্ত মোহিত হইবে ?

এই অর্ক-ত্ৰিপদীর মর্ম্ম এই—যে বাসনা-সিদ্ধির জন্ত গোপীগণ কত্যাযনীভূত করিয়াছিলেন, তাঁহাদিগের সেই বাসনাপূরণের জন্ত (সুতরাং তাঁহাদের বাসনা দ্বারা পরিচালিত হইয়া, অথবা তাঁহাদের মনোরথে চড়িয়া) শ্রীকৃষ্ণ রাসকেলিতে প্রবৃত্ত হইলেন ; রাসকেলিতে শ্রীরাধাপ্রমুখা গোপীগণের সঙ্গে প্রভাবে অসমোর্দ্ধমাধুর্য্যময় শ্রীকৃষ্ণের মাধুর্য্য এত বৃদ্ধি প্রাপ্ত হইল যে, তাহা দেখিয়া মদন মোহিত হইয়া গেলেন । “যাতাবলা ব্রজং সিদ্ধা ময়েমা র-শ্রুত রূপাঃ । যদুদ্ভিশ্চ ব্রতমিদং চেরুর্য্যার্চনং সতীঃ ॥ শ্রীভা, ১০।২২।২৭ ॥”

এস্থলে যে মদনের উল্লেখ করা হইয়াছে, তিনি অপ্রাকৃত মদন—প্রহ্লাদ ; (১০।২২ শ্লোকের টীকা দ্রষ্টব্য) । বৃন্দাবনে প্রাকৃত মদনের প্রবেশ নাই । মন্থার্থ—মনকে যে মণিত বা মোহিত করে ; মদন, কামদেব । পঞ্চশর—কামদেব । সন্মোহন, মাদন, শোষণ, তাপন ও স্তম্ভন এই পাঁচটি ইচ্ছার্য্যকে কামদেবের পাঁচটি শর বা বাণ বলে । জিনি পঞ্চশরদর্প—সমস্ত জগৎকে মোহিত করার দরুণ কামদেবের যে গর্ভ হইয়াছে, সেই গর্ভ খর্ব্ব করিয়া । স্বয়ং নবকন্দর্প—মদনমোহন নিজে নবকন্দর্প-(কামদেব)-রূপে গোপীদিগকে লইয়া রাস করিলেন । মদনমোহন বৃন্দাবনে অপ্রাকৃত নবীন-মদন । ইনিই গোপীগণকে লইয়া রাস করেন । ইহাতে ইহা হৃদিত হইতেছে যে, রাস-ক्रीড়ায় প্রাকৃত কামক্রিয়ার গন্ধমাত্রও নাই ; প্রাকৃতকাম গোপীদিগের চিত্তকে স্পর্গও করিতে পারে না । এই রাসক्रीড়াতে বরং মদন মোহিতই হইয়াছেন ; শ্রীকৃষ্ণের রাসলীলায় কামবিজয়ই ঘোষিত হইতেছে । “রাসক्रीড়াবিড়ম্বনং কামবিজয়খ্যাপনায়েত্যেব তত্ত্বম্ । শ্রীধর স্বামী ।”

৯০। নিজসম সখাসঙ্গে—বেশে, ভূষায়, বয়সে ও ব্যবহারাদিতে নিজের তুল্য সখাগণের সঙ্গে বৃন্দাবনে গোচারণ-রঙ্গে শ্রীকৃষ্ণ যথেষ্টভাবে বিহার করিতেছেন । যাঁর বেণুধ্বনি ইত্যাদি—শ্রীকৃষ্ণের বেণুধ্বনি শুনিয়া বৃন্দাবনের স্বাবর ও জঙ্গম উভয়বিধ প্রাণীরই প্রেমভরে অশ্রু-কম্প-পুলকাদি সাত্ত্বিক-বিকার উদ্ভিত হইত । স্বাবর—বৃক্ষ, লতা, নদী, পাহাড় প্রভৃতি ; শ্রীমদ্ভাগবতের ১০ম স্কন্ধে ২১শ অধ্যায়ে “গোপ্যঃ কিমাচরদিত্যাদি” (২ম) শ্লোকে হ্রুদিনী ও তরুগণের ; ৩৫শ অধ্যায়ে “বনলতাস্তরব আশ্রয়” ইত্যাদি ৯ম শ্লোকে বনলতা ও বৃক্ষ সমূহের, বেণুনাদশ্রবণে সাত্ত্বিক ভাবোদয়ের উল্লেখ দেখা যায় ।

জঙ্গম—পশু, পক্ষী, দেব, মনুষ্যাদি । শ্রীমদ্ভাগবতের ১০ম স্কন্ধে ২১শ অধ্যায়ে “বৃন্দাবনং সখি ভুবোবিতনোতি” ইত্যাদি (১০ম) শ্লোকে ময়ূরদিগের, ৩৫শ অধ্যায়ে “সরসিসারসহংসবিহঙ্গ” ইত্যাদি (১১শ) শ্লোকে এবং ২১শ অধ্যায়ে “প্রায়োবতাম্” ইত্যাদি (১৪শ) শ্লোকে, সারস-হংসাদি পক্ষিগণের ; ২১শ অধ্যায়ে “ধৃচ্চাঃ স্ম মূঢ়-গত্যোহপি” ইত্যাদি (১১শ) শ্লোকে এবং ৩৫শ অধ্যায়ে “বৃন্দশো ব্রজবৃষা” ইত্যাদি (৫ম) শ্লোকে ও “কণিথবেণুরব-” ইত্যাদি (১৯শ)-শ্লোকে গোবৎস-বৃষ-মৃগাদির, “ব্যোমবানবনিতা”-ইত্যাদি (৩য়)-শ্লোকে সিদ্ধাঙ্গনাদিগের, ২১শ অধ্যায়ে “কৃষ্ণং নিরীক্ষ্য” ইত্যাদি (১২শ) শ্লোকে বিমানচারিণী দেবীদিগের, ৩৫শ অধ্যায়ে “সবনশস্ত্রুপধা-”

মুক্তাহার বকপাঁতি, ইন্দ্রধনু পিঞ্জ ততি,
পীতাম্বর বিজুরীসঞ্চার ।
কৃষ্ণ নবজলধর, জগৎ-শস্য-উপর,
বরিষয়ে লীলামৃতধার ॥ ৯১

মাধুর্য্য ভগবত্তা-সার, ব্রজে কৈল পরচার,
তাহা শুক—ব্যাসের নন্দন ।
স্থানে-স্থানে ভাগবতে, বর্ণিয়াছে জানাইতে,
যাহা শুনি মাতে ভক্তগণ ॥ ৯২

গৌর-কৃপা-তরঙ্গিণী টীকা ।

সুরেশাঃ” ইত্যাদি (১৫শ) শ্লোকে ব্রহ্মা, শিব, ইন্দ্রাদি সুরেশ্বরগণের বেণুনাদশ্রবণে সাস্বিক ভাবোদয়ের উল্লেখ দেখা যায় । “চর-স্রাবরয়োঃ সান্দ্রপরমানন্দমগ্নয়োঃ । ভবেদ্ ধর্ম্মবিপর্য্যাসৌ যস্মিন্ ধ্বনিতে মোহনে ।” ল, ভা, ৫৩৩ ।”

৯১ । বকপাঁতি—বকের পংক্তি (শ্রেণী) তুল্য । ইন্দ্রধনু—আকাশে সময়ে সময়ে যে নানাবর্ণে রঞ্জিত রামধনু দেখা যায়, তাহা । পিঞ্জ—শিখিপুচ্ছ । বিজুরী—বিছাৎ । নবজলধর—নূতনমেঘ ।

শ্রীকৃষ্ণের বর্ণ নব-জলধরের মত স্নিগ্ধ গ্রামল ; এজন্ত নবজলধরের সঙ্গে তাঁহার উপমা দেওয়া হইয়াছে । শ্রীকৃষ্ণ হইলেন মেঘ ; মেঘ যেমন জল বর্ষণ করে, শ্রীকৃষ্ণও তেমনি লীলারূপ অমৃত বর্ষণ করেন । মেঘের বৃষ্টিধারা পাইয়া যেমন শস্তাদি সঞ্জীবিত ও বর্দ্ধিত হয়, শ্রীকৃষ্ণের লীলামৃতধারা পাইয়াও জগদ্বাসী জীবসমূহের শ্রদ্ধাভক্তি-প্রীতি সঞ্জীবিত ও বর্দ্ধিত হয় । মেঘ উদিত হইলে আকাশে খেত বকশ্রেণী উড়িয়া যাওয়ার সময় যেমন অতি রমণীয় দেখায়, শ্রীকৃষ্ণরূপ নবজলধরের বক্ষঃস্থলেও দোলায়মান খেতমুক্তার মালা অতি রমণীয় শোভা ধারণ করিয়া থাকে । নবমেঘের উদয়ে আকাশে ইন্দ্রধনু দেখা দেয় ; শ্রীকৃষ্ণরূপ নবমেঘেও নানাবর্ণে বিভূষিত তাঁহার চূড়াস্থিত শিখিপুচ্ছ ইন্দ্রধনুর ন্যায়ই শোভা পাইতেছে । নবমেঘে সৌদামিনী শোভা পায়, কৃষ্ণ নবজলধরেও তাঁহার পীতবসনরূপ সৌদামিনী (বিজুরী) শোভা পাইতেছে । নবজলধর—অভিনব, এক অতি নূতন-রকমের মেঘ । শ্রীকৃষ্ণরূপ জলধরের মধ্যে সাধারণ মেঘ অপেক্ষা একটা অপূর্ণ নূতনত্ব একটা বিশেষত্ব আছে ; তাহা এই :—জলধর জল বৃষ্টি করে ; কৃষ্ণ লীলারূপ মেঘ অমৃত বৃষ্টি করেন । পার্থক্য এই যে, অধিক সময় জলবৃষ্টি-ধারায় থাকিলে জীবের রোগ হয় ; কিন্তু লীলামৃতবৃষ্টিধারা যত বেশী ভোগ করা যায়, ততই জীবের শারীরিক ও মানসিক রোগ—এমন কি, ভব-যন্ত্রণা পর্য্যন্ত দূরীভূত হইতে থাকে । জলবৃষ্টি-ধারায় মৃতশস্য জীবিত হয় না, অমৃত-ধারায় জীবের মৃতপ্রায় স্বরূপ এবং ভক্তি ও প্রীতি সঞ্জীবিত-হইয়া থাকে । জলধারার অতিবৃষ্টিতে শস্য নষ্ট হয়, লীলামৃতধারার অতি বৃষ্টিতে জীবের স্বরূপ, ভক্তি, প্রীতি আরও পুষ্টলাভ করে । সাধারণ মেঘে, ইন্দ্রধনু ফণকালস্থায়ী ; কৃষ্ণরূপ-মেঘে শিখিপুচ্ছরূপ ইন্দ্রধনু নিত্য শোভা পায় । মেঘে বিজুরী চঞ্চলা, কৃষ্ণমেঘে পীতবসনরূপ স্থির বিজুরী নিত্য শোভা পায় । জগৎ-শস্য—জগদ্বাসী জীবরূপ শস্য ।

৯২ । মাধুর্য্য—মাধুর্য্য চারিপ্রকার ; ঐশ্বর্য্যামাধুর্য্য, লীলামাধুর্য্য, বেণুমাধুর্য্য ও রূপমাধুর্য্য বা বিগ্রহমাধুর্য্য । এই চতুর্বিধ মাধুর্য্য ব্রজেই বিরাজমান ।

ঐশ্বর্য্যামাধুর্য্য—শ্রীকৃষ্ণের যে প্রভাবের দ্বারা ব্রহ্মা-ইন্দ্রাদি অভিমানি-দেবতাগণের অভিমানও চূর্ণ হইয়া যায়, সেই প্রভাবের নামই ঐশ্বর্য্য ; “ব্রহ্মাভিমানিপরিভাবকঃ প্রভাবোহি ঐশ্বর্য্যম্—বলদেববিজ্ঞাভূষণ” । আর, সমস্ত অবস্থায় চেষ্টাসমূহের যে চাকরতা বা মনোহারিত্ব, তাহার নাম মাধুর্য্য ; মাধুর্য্য নাম চেষ্টানাং সর্ক্সাবস্থাসু চাকরতা—উজ্জল-নীলমণি অমৃতাবপ্রকরণ ৬৪ ॥” ব্রজে শ্রীকৃষ্ণের যে সমস্ত লীলায় ঐশ্বর্য্য প্রকাশিত হইয়াছে, সেই সমস্ত লীলাতেও তাঁহার কার্য্যের, ভঙ্গীর এবং রূপের মনোহারিত্ব অক্ষুণ্ণ ছিল । তিনি ঐশ্বর্য্যশক্তিদ্বারা পুতনার প্রাণ বিনাশ করিলেন ; কিন্তু কোনওরূপ অস্ত্রশস্ত্রাদি প্রয়োগ করিলেন না ; দুগ্ধপোষ্য শিশু মায়ের কোলে বসিয়া যে ভাবে স্তন পান করে, শ্রীকৃষ্ণও ঠিক সেই ভাবেই পুতনার কোলে বসিয়া স্তনপান করিতেছিলেন ; তখন তাঁহার মুখের ভঙ্গীদ্বারাও এমন কিছু বুঝা যায় নাই, যে তিনি পুতনার প্রাণবায়ু আকর্ষণ করিবার উদ্দেশ্যে তাঁহার স্তনযুগলে নিজের সমস্ত শক্তি প্রয়োগ করিতেছেন (ইহা চেষ্টার চাকরতারূপ মাধুর্য্য) ; তখনও তাঁহার মুখখানা মনপ্রাণাকর্ষি অপরূপ সৌন্দর্য্য ও কমণীয়তায় মণ্ডিত । ঐশ্বর্য্য-প্রকাশকালেও শ্রীকৃষ্ণের চেষ্টা ও রূপের অপূর্ণ চাকরতার—মাধুর্য্যের ইহা একটা দৃষ্টান্ত । পুতনার

গৌর-কৃপা তরঙ্গিনী টীকা ।

জীবনলীলা সাঙ্গ হইল, তাহার স্বরূপ প্রকাশ হইয়া পড়িল ; বিরাট ও বিকট মূর্তিতে পুতনা ধরাশায়িনী হইল ; কিন্তু তাহা দেখিয়াও শিশু-কৃষ্ণের ভয় নাই, তাঁহার শিশুদেহ-স্বলভ লাবণ্য, চপলতা, অকুতোভয়তা পূর্ববৎই রহিয়া গেল ; তিনি নির্ভয়ে পুতনার বিশাল বক্ষঃস্থলে খেলা করিতে লাগিলেন, যেন কোনও ঘটনাই ঘটে নাই, যেন তিনি যশোদামাতার অঙ্গনেই খেলা করিতেছেন । শ্রীকৃষ্ণের এই সময়ের চেষ্টা বড়ই মধুর ; আর তাঁহার এই মধুর চেষ্টা ও রূপ দেখিয়া এবং আসন্নবিপদ হইতে ভাগ্যক্রমে তিনি রক্ষা পাইয়াছেন দেখিয়া পিতামাতা এবং গুরুবর্গের মধুর বাৎসল্য-সমুদ্র উথলিয়া উঠিল । শ্রীকৃষ্ণের শক্তিতে যে পুতনারক্ষসী বিনষ্ট হইল, এই ভাব কাহারও মনে জাগ্রত হয় নাই—এবং তাঁহার এই ঐশ্বর্য দেখিয়া কাহারও প্রীতিও সঙ্কুচিত হয় নাই । বরং যশোদামাতা নরশিশুর তায় তাঁহার রক্ষাবন্ধন করিতে লাগিলেন । ব্রজেন্দ্রনন্দনের ঐশ্বর্য—কি ব্রজেন্দ্রনন্দন, কি তাঁহার অন্তরঙ্গ পরিকরবর্গ—সকলকেই মাধুর্য-মণ্ডিত করিয়া থাকে এবং তাঁহার নরলীলাকে অতিক্রম না করিয়াই ইহা প্রকটিত হয় ; নারদ বলিয়াছেন—“হে কৃষ্ণ ! তুমি দ্বারকানাথরূপে চক্রপাণি হইয়া চক্রদ্বারাও যে সকল দৈত্য বিনাশ করিতে পার নাই, তাহাদিগকে কিন্তু অভিনব বাল্যলীলায় নিহত করিয়াছ । হে হরে ! তুমি মিত্রবর্গের সহিত ক্রীড়া করিতে করিতে যদি একবার ভ্রভঙ্গী বিস্তার কর, তাহা হইলে আকাশস্থ ব্রহ্মরুদ্রাদি দেবগণ ভয়ে কম্পিত হইতে থাকেন—“যে দৈত্যা দুঃশকা হস্তং চক্রেণাপি রথাস্থিনা । তে স্ময়া নিহতাঃ কৃষ্ণ ! নব্যয়া বাল্যলীলয়া ॥ সার্কং মিত্রৈর্হরে ! ক্রীড়নু ভ্রভঙ্গং কুরুষে যদি । সশঙ্কা ব্রহ্মরুদ্রাষ্টাঃ কম্পতে খস্থিতাস্তদা ॥ ল, ভা, কৃ, ৫২৯ । ধৃত ব্রহ্মাওপুরাণ ।” শকটভঞ্জন, তৃণাবর্ত্তবধ, কালীয়দমন, অঘাসুর-বকাসুর-বধ, ইন্দ্রযজ্ঞ-ভঙ্গ, গোবর্দ্ধন-ধারণ, ব্রহ্মমোহন প্রভৃতি প্রত্যেক ব্রজলীলাতেই ঐশ্বর্য প্রকটিত হইয়াছে ; কিন্তু ঐশ্বর্য-প্রকটন-কালেও তিনি ঐশ্বর্য-প্রকাশক কোনও অদ্ভুত ভয়ঙ্কর রূপ বা ভাব অঙ্গীকার করেন নাই ; তাঁহার সহজ ভাবে, সহজ নরলীলা রক্ষা করিয়া, তিনি ঐ সকল লীলা করিয়াছেন ; তাঁহার পূর্ণ-মাধুর্যের অন্তরালে থাকিয়া, মাধুর্যদ্বারা যেন আত্মগোপন করিয়াই তাঁহার ঐশ্বর্যশক্তি ক্রিয়া করিয়াছে ; ইহা তাঁহার ঐশ্বর্যের মাধুর্য ; ইহা একমাত্র ব্রজেরই সম্পত্তি ।

ঐশ্বর্য সাধারণতঃ মধুর বা আশ্বাদনযোগ্য হয় না । কারণ, ঐশ্বর্যের সঙ্গে ভীতি, গৌরব, রূঢ়তা প্রভৃতি জড়িত থাকায় প্রীতি সঙ্কুচিত হইয়া যায়, আশ্বাদকের পক্ষে আশ্বাদন-যোগ্যতা নষ্ট হইয়া যায় ; প্রেমরসের নির্যাস-স্বরূপ সখ্য-বাৎসল্যাদি ভাব অন্তর্হিত হইয়া যায় । কুরুক্ষেত্রে অর্জুনকে শ্রীকৃষ্ণ বিশ্বরূপ দেখাইলেন, তাহাতে অর্জুনের সখ্যরস শুষ্ক হইয়া গেল, সখ্য ত্যাগ করিয়া গৌরব-বুদ্ধিতে, পরমেশ্বর-জ্ঞানে তিনি করযোড়ে শ্রীকৃষ্ণকে স্তুতি করিয়া পূর্নকৃত সখ্যমূলক কার্যাদির জগ্ন ক্ষমা প্রার্থনা করিতে লাগিলেন । মথুরায় কংস-কারাগারে শ্রীকৃষ্ণের ঐশ্বর্যাত্মক চতুর্ভুজ রূপ দেখিয়া দেবকী-বসুদেব তাঁহাদের নবজাত শিশুর স্তব করিতে লাগিলেন, তাঁহাদের বাৎসল্য অন্তর্হিত হইল ; কংসবধের পরে কৃষ্ণ-বলরাম যখন দেবকী-বসুদেবকে দণ্ডবৎ করিলেন, ঐশ্বর্যজ্ঞানে তাঁহাদের ভয় হইল ; পরমেশ্বর তাঁহাদিগকে দণ্ডবৎ করিতেছেন !! বাৎসল্য আর সেখানে টিকিতে পারিল না । ককিণীকে পরিহাস করিবার জগ্ন দ্বারকায় যখন শ্রীকৃষ্ণ নিজের পরমাত্মত্ব, নির্বিকারত্ব ও নির্মমত্ব ধ্যাপন করিলেন, তাঁহাকে ত্যাগ করিয়া যাইবেন ভাবিয়া ককিণী ভয়ে ব্যাকুল হইলেন, তৎক্ষণাৎ তিনি বিবর্ণা ও কুশা হইয়া গেলেন, তাঁহার হাত হইতে বলয়-কঙ্কণ খসিয়া পড়িল, তিনি মূচ্ছিতা হইয়া ভূমিতে পড়িলেন, তাঁহার মধুর কান্তাপ্রেম দূরে সরিয়া পড়িল । স্তবরাং দ্বারকার ঐশ্বর্য মধুর বা আশ্বাদন নহে । কিন্তু ব্রজে ইহার বিপরীত ; ব্রজে পূর্ণমাত্রায় ঐশ্বর্য আছে, ঐশ্বর্যের বিকাশ অল্প ধাম অপেক্ষা ব্রজে অনেক বেশী ; কিন্তু ব্রজের ঐশ্বর্যের সঙ্গে ভীতি, গৌরব-বুদ্ধি বা রূঢ়তাদি মিশ্রিত নাই ; এজগ্ন ব্রজের ঐশ্বর্যে প্রীতি সঙ্কুচিত হয় না ; বরং প্রীতি বর্দ্ধিত হইয়া, ভাবের পুষ্টিই সাধিত করে, তাতে আশ্বাদনযোগ্যতাও বৃদ্ধিপ্রাপ্ত হয় । ইহাই ব্রজের ঐশ্বর্যের মাধুর্য । অঘাসুর-বকাসুর-বধ, দাবানল-ভক্ষণাদি লীলায় সখ্যগণ শ্রীকৃষ্ণের ঐশ্বর্যের বিকাশ দেখিয়াছেন ; কিন্তু তাহাতে অর্জুনের তায় তাঁহাদের সখ্যভাব বিগ্ন হইয়া যায় নাই ; তাঁহারা স্বদ্ধারোহণাদি-

গৌর-কৃপা-ভরদ্বীপী টকা

ধৃষ্টতা-জনিত অপরাধ-খণ্ডনের জন্ত এক দিনও শ্রীকৃষ্ণের স্তবস্তুতি করেন নাই—শ্রীকৃষ্ণের কাঁধে চড়ার লোভও তাঁহারা বিসর্জন দেন নাই—এমন কি, ঐ সব যে তাঁহাদের সখা—নন্দ-মহারাজের হেলে গোপালের শক্তিতে হইয়াছে, তাহাও তাঁহারা মনে করিতে পারেন নাই; তাঁহারা ভাবিয়াছেন—শ্রীনারায়ণের অমুগ্ধহেই, অথবা অত কোনও অচিন্ত্য ও অজ্ঞাত শক্তির প্রভাবেই তাঁহারাও তাঁহাদের প্রাণ-কানাই নানাবিধ বিপদ হইতে উদ্ধার পাইয়াছেন। শঙ্খচূড়বধ দেখিয়া শ্রীকৃষ্ণ-কাস্তাদিগের শ্রীকৃষ্ণের প্রতি কাস্তাভাব সঙ্কুচিত হয় নাই—অমুর-সংহারাদি লীলাদর্শন করিয়াও কৃষ্ণপ্রেমসীদিগের শ্রীকৃষ্ণের প্রতি ভগবদ্ভাব ক্ষুরিত হয় নাই; বরং ঐ সব লীলায় শ্রীকৃষ্ণের শৌর্য্যবীর্য্যের পরিচয় পাইয়া শ্রীকৃষ্ণের প্রতি তাঁহাদের পূর্ব ভাব-সমুদ্র আরও উদ্বেলিত হইয়াছে মাত্র। এইরূপে ব্রজের প্রত্যেক লীলাতেই ঐশ্বর্য্য প্রকটিত হইয়াছে; কিন্তু সেই ঐশ্বর্য্যের ফলে শ্রীকৃষ্ণের ব্রজ-পরিকরদের মধ্যে কাহারও মনেই শ্রীকৃষ্ণের ভগবন্তার জ্ঞান উন্মেষিত হয় নাই; স্তবরাং কাহারও ভাব এবং শ্রীতি সঙ্কুচিত হয় নাই, বরং পরিপুষ্ট লাভই করিয়াছে। ইহাই ব্রজের ঐশ্বর্য্যের বিশেষত্ব, ইহাই ব্রজের ঐশ্বর্য্যের মাধুর্য্য। ব্রজের ঐশ্বর্য্যের প্রত্যেক অণু-পরমাণু মাধুর্য্যমণ্ডিত, প্রত্যেক অণু-পরমাণু মাধুর্য্যের সঙ্গে ওতপ্রোতভাবে মিশ্রিত। অল্প স্বতঃ আশ্রয় নহে; কিন্তু তাহার সঙ্গে প্রচুর পরিমাণে মিষ্ট যোগ হইলে যেমন অপূর্ব ও অনির্বচনীয় স্বাদুতা লাভ করে, ব্রজের ঐশ্বর্য্যও তদ্রূপ।

লীলামাধুর্য্য—শ্রীকৃষ্ণের লীলার মধুরতা বা আশ্রয়তা। ব্রজলীলার মাধুর্য্য সৰ্ব্বাপেক্ষা অধিক। শ্রীকৃষ্ণের ব্রজলীলা দর্শন করিবার জন্ত গন্ধর্ব্বগণ এবং দেবতাগণও লালায়িত (যং মন্তোহনু নভস্তাবদিত্যাদি, ততোহনুভয়োর্নৈ-
দুরিত্যাদি; শ্রীমদ্ভাগবত ১০।৩৩।৪।); নারায়ণের বঙ্কোবিলাসিনী লক্ষ্মী ব্রজলীলার মাধুর্য্য আশ্বাদনের নিমিত্ত বৈকুণ্ঠের সুখভোগ ত্যাগ করিয়া কঠোর তপস্তা করিয়াছিলেন (যদ্বাঙ্কয়া শ্রীললনাচরন্তপো বিহায় কামানু স্তচিরং
ধৃতব্রতা—শ্রীমদ্ভাগবত ১০।১৬।৩৬)। শ্রীকৃষ্ণের ব্রজলীলার কথা শ্রবণ করিয়া মথুরা-নাগরীগণ গোপীদিগের ভাগ্যের প্রশংসা করিয়াছেন; (পুণ্যা বত ব্রজভুবো ইত্যাদি; দোহনেহবহননে ইত্যাদি; প্রাতব্রজাদব্রজত ইত্যাদি; শ্রীমদ্ভাগবত ১০।৪৪।১৩—১৬)। শ্রীকৃষ্ণ-মহিবীগণও ব্রজের রাসাদিলীলার এবং তদন্তলীলা-পরিকরদের ভূয়সী প্রশংসা করিয়াছেন (বৃহদ্ভাগবত ১।৭।৭০-৭২); এমন কি, স্বয়ং শ্রীকৃষ্ণ দ্বারকায় অবস্থান-কালেও তাঁহার ব্রজলীলার কথা শ্রবণে স্বপনে-জাগরণে চিন্তা করিয়া ব্যাকুল হইতেন (বৃহদ্ভাগবত ১।৬।৩২, ৪০, ৪১, ৪৩); স্বয়ং শ্রীকৃষ্ণই বলিয়াছেন, ব্রজলীলার মত মধুর লীলা তাঁহার অত কোনও ধামে নাই, “বৈকুণ্ঠাশ্চে নহি যে যে লীলার প্রচার। করিমু সে সব লীলা যাতে মোর চমৎকার। ১।৪।২৫ ॥” এই লীলা-মাধুর্য্য আকৃষ্ট হইয়া ব্রজগোপীগণ ধর্ম্ম, কর্ম্ম, দেহ, গেহ, আত্মীয়, স্বজন সমস্ত ত্যাগ করিয়াছেন (যা হৃন্ত্যজং স্বজনমার্য্যপথঞ্চ হিহা ইত্যাদি। শ্রীভা, ১০।৮।৬১)। লীলাপুরুষোত্তম শ্রীভগবানের নানাবিধ মনোহারিণী লীলা থাকিলেও ব্রজের রাসাদিলীলার এত মাধুর্য্য যে, তাহার শ্রবণে তিনি নিজেই ব্যাকুল হইয়া পড়েন। “সন্তি যতপি মে প্রাজ্জা লীলাস্তান্তা মনোহরাঃ। নহি জ্ঞানে স্মৃতে রাসে মনো মে কীদৃশং
ভবেৎ। ল, ভা, কৃ, ৫৩। ॥” **বেণুমাধুর্য্য**—পূর্ববর্ত্তী ২০ ঐপদীতে “বেণুধ্বনি”-শব্দের টকা দ্রষ্টব্য। শ্রীমদ্ভাগবতের দশম স্কন্ধের ২১শ ও ৩৫শ অধ্যায়ে বেণুমাধুর্য্যের গুণকীর্ত্তন দ্রষ্টব্য।

রূপমাধুর্য্য—শ্রীকৃষ্ণের অপরূপ রূপ অপমোহন মাধুর্য্যময়; “যেক্রপের এক কণ, ভুবায় সব ত্রিভুবন, সর্ব্বপ্রাণী করে আকর্ষণ। কোটিব্রহ্মাও পরব্যোম, তাহাঁ যে স্বরূপগণ, তা লভার বলে হরে মন। ২।২।৮৪, ৮৮ ॥” শ্রীকৃষ্ণের রূপ দর্শন করিয়া পতিব্রতা-শিরোমণিগণ পর্যাস্তও আর্য্যপথ হইতে বিচলিত হইয়াছেন, পশুপক্ষী-তরলতা পর্যাস্ত সাস্তিক্যভাব ধারণ করিয়াছে; (কাস্ত্র্যজ তে কলপদামৃতবেণুগীত ইত্যাদি; ত্রৈলোক্যমৌত্তমগমিদঞ্চ নিরীক্ষ্যরূপং ইত্যাদি; শ্রীমদ্ভাগবত ১০।২৯।৪০)। নারায়ণের বঙ্কোবিলাসিনী লক্ষ্মী ঐ রূপ-মাধুর্য্য আশ্বাদনের যোগ্যতালাভের জন্ত তপস্তা করিয়াছিলেন (যদ্বাঙ্কয়া শ্রীললনাচরন্তপঃ ইত্যাদি শ্রীভা, ১০।১৬।৩৬)। শ্রীমদ্ভাগবতের “গোপ্যস্তপঃ কিমচরনু

গৌর-কৃপা-তরঙ্গিণী টীকা ।

ইত্যাদি ১০।৪৪।১৪,” “যন্তাননঃ মকরকুণ্ডলচাক্ষুর্কর্ণ-ভ্রাজংকপোলমুভগম্ ইত্যাদি ৯।২৪।৬৫,” “অটতি যন্তবানহিকাননং ইত্যাদি ১০।৩১।১৫,” “বীক্ষ্যলকাবৃতমুখং ইত্যাদি ১০।২৩।৩২ ॥” শ্রীগোবিন্দলীলামৃতের “সৌন্দর্য্যামৃতসিন্ধুভঙ্গ ইত্যাদি ৮।৩,” “নবাসুদলসদ্যুতিঃ ইত্যাদি ৮।৪,” “হরিন্মণি-কবাটিকা ইত্যাদি ৮।৭”-বহু শ্লোকে ও অন্যান্য গ্রন্থের বহুস্থানে শ্রীকৃষ্ণরূপের মাধুর্য্যের কথা বর্ণিত হইয়াছে । এই রূপের এমনি আকর্ষণী শক্তি যে, অস্ত্রের কথা দূরে থাকুক, স্বয়ং শ্রীকৃষ্ণ পর্য্যন্ত নিজের রূপ দেখিয়া বিম্মিত হইয়া থাকেন, এবং তাহা আশ্বাদনের জন্য প্রলুব্ধ হইয়েন । “রূপ দেখি আপনার, কৃষ্ণের হয় চমৎকার, আশ্বাদিতে সাধ উঠে মনে । ২।২।১৮৬ ॥”, “কৃষ্ণমাধুর্য্যের এক স্বাভাবিক বল । কৃষ্ণ আদি নরনারী করয়ে চঞ্চল । ১।৪।১২৮ ॥”

মাধুর্য্য ভগবত্তাসার—ভগবত্তার সার বা প্রাণই মাধুর্য্য, ঐশ্বর্য্য নহে । আধিপত্য, অস্ত্রের বশীকরণ-যোগ্যতা, কক্ষণা প্রভৃতি দ্বারাই ভগবত্তা স্থচিত হয় । এই সমস্ত বিষয়ে ঐশ্বর্য্য অপেক্ষা মাধুর্য্যেরই শক্তি বেশী । ঐশ্বর্য্যমূলক ক্ষমতাদি দ্বারাও অস্ত্রের উপর আধিপত্য করা চলে, অস্ত্রে ঐ আধিপত্য স্বীকার করিয়া লইতেও বাধ্য হয় ; কিন্তু ঐশ্বর্য্য লোকের দেহের উপরই আধিপত্য করিতে সমর্থ, সকল সময়ে মনের উপর আধিপত্য করিতে সমর্থ হয় না ; সুতরাং ঐশ্বর্য্যের আধিপত্য আংশিক ; কিন্তু মাধুর্য্যের আধিপত্য পূর্ণ ; দেহের ও মনের—উভয়ের উপরই মাধুর্য্যের পূর্ণ আধিপত্য । কক্ষণা ও মাধুর্য্য দেহ ও মন উভয়কেই বশীভূত করিতে পারে । মাধুর্য্যের এমনি শক্তি যে, জীব স্বতঃপ্রবৃত্ত হইয়াই মাধুর্য্যের চরণে আত্মসমর্পণ করিয়া থাকে এবং এই আত্মসমর্পণে নিজেকে ধন্য ও কৃতার্থ মনে করে । ঐশ্বর্য্যের এই মহিমা থাকিতে পারে না ; ঐশ্বর্য্যের সঙ্গে ভীতি ও সঙ্কোচ আছে, মাধুর্য্যে ভীতি নাই, আছে স্বতঃসিদ্ধ মমতাধিক্য ; সঙ্কোচ নাই, আছে উন্মুক্ত প্রাণের আনন্দ-লহরী । তাই জীব মাধুর্য্যের আধিপত্য ও বশুতা সানন্দ ও নিঃশঙ্ক চিত্তে শিরোধার্য্য করিয়া ধন্য হইতে বাসনা করে । আবার মাধুর্য্যের এমনি শক্তি যে, ঐশ্বর্য্য পর্য্যন্ত ইহার আধিপত্য শিরোধার্য্য করিয়া থাকে, মাধুর্য্যের সাক্ষাতে, ঐশ্বর্য্য সঙ্কুচিত হইয়া দূরে পলায়ন করে । দামবন্ধন-লীলায় ইহার প্রমাণ পাওয়া যায় । শ্রীকৃষ্ণের ঐশ্বর্য্যশক্তির প্রত্যাপে প্রতিবারেই দুই-অঙ্গুলি রজ্জু কম হইতে লাগিল ; যশোদা-মাতা কোনও মতেই আর গোপালকে বাঁধিতে পারিতেছেন না । পরে মায়ের শ্রাস্তি ও ক্লান্তি দেখিয়া গোপালের মনে যখন দুঃখ ও আক্ষেপের সঞ্চার হইল, তন্মুহূর্ত্তেই মাধুর্য্য (কক্ষণা)-শক্তির আবির্ভাবে ঐশ্বর্য্য দূরে—বহুদূরে—পলায়ন করিল ; তন্মুহূর্ত্তেই মায়ের হাতে গোপাল বাঁধা পড়িলেন । আবার কুঞ্জমধ্যে শ্রীকৃষ্ণ (ঐশ্বর্য্যায়ক) চতুর্ভুজ হইয়া যখন শ্রীমতী রাধিকার সঙ্গে রহস্ত করিতে কৌতুহলী হইয়াছিলেন, তখন শত চেষ্টা এবং ইচ্ছা সত্ত্বেও মহাভাব-স্বরূপিণী শুদ্ধ-মাধুর্য্যময়ী শ্রীরাধার সাক্ষাতে নিজের চতুর্ভুজ স্বরূপ করিতে পারিলেন না, দ্বিভুজ হইয়া গেলেন ; মাধুর্য্যের সাক্ষাতে ঐশ্বর্য্য এক মুহূর্ত্তও দাঁড়াইতে পারিল না । অপার ঐশ্বর্য্যের অধীশ্বর স্বয়ং ভগবান্ পর্য্যন্ত মাধুর্য্যের বশীভূত ; দামবন্ধনাদি-লীলা, কি রাই-রাজা-আদি লীলা, কিম্বা, “বাচা স্থচিত-শর্করী । ভ, র, সি, ২।১।২২৪ ।” ইত্যাদি, “কস্মাদব্রন্দে প্রিয়সখি হরেঃ পাদমূলাদিত্যাং ॥ গো, লী, ৮।৭ ॥” “অপরিকলিত-পূর্কঃ ॥ ললিত মা ॥ ৮।৩২ ॥” ইত্যাদি, “ন পারয়েহং ॥ শ্রীভা, ১০।৩২।২২ ॥” ইত্যাদি শ্লোকই ইহার প্রমাণ ।

বিষয়টির একটু বিস্তৃত ভাবে আলোচনা করা যাউক ।

শ্রীকৃষ্ণের অনন্ত ঐশ্বর্য্যের কথা পূর্বেই বলা হইয়াছে । এই ঐশ্বর্য্য হইল তাঁহার চিহ্নিত্বের বিলাস বা অভিব্যক্তি-বিশেষ । “ষড়্ বিধ ঐশ্বর্য্য কৃষ্ণের চিহ্নিত্ব-বিলাস ॥” এবং “চিহ্নিত্ব-সম্পত্ত্যের ষড়ৈশ্বর্য্য নাম ॥ ২।২।১৭৯ ॥” পরব্রহ্ম শ্রীকৃষ্ণের চিহ্নিত্ব তাঁহাতে অবিচ্ছেদ্যভাবে নিত্য বিরাজিত ; সুতরাং চিহ্নিত্বের বিলাস ঐশ্বর্য্যও তাঁহাতে নিত্য বিরাজিত । যে স্থলে সর্কশক্তির পূর্ণতম বিকাশ, ব্রহ্মত্বের বা ভগবত্তার পূর্ণতম বিকাশ, সে-স্থলে ঐশ্বর্য্যেরও পূর্ণতম বিকাশ । সুতরাং স্বয়ংভগবান্ শ্রীকৃষ্ণও ঐশ্বর্য্যের পূর্ণতম বিকাশ ।

গৌর-কৃপা-তরঙ্গিণী টীকা ।

আবার, শ্রুতি বলেন—ব্রহ্ম আনন্দ-স্বরূপ, রস-স্বরূপ । আনন্দ স্বতঃই মধুর । চিচ্ছক্তির প্রভাবেই মধুর আনন্দ আন্বাদন-চমৎকারিত্বময়-রসরূপে অনাদিকাল হইতেই বিরাজিত ; সুতরাং রস-স্বরূপ ব্রহ্ম পরম-মধুর । আবার চিচ্ছক্তির প্রভাবেই রস-স্বরূপ পরব্রহ্মের মাধুর্য উচ্ছসিত ও তরঙ্গায়িত হইয়া অপূর্ব চমৎকারিত্বময় আন্বাদিত ধারণ করে, মাধুর্যের পরাকাষ্ঠা প্রাপ্ত হয় । আনন্দরূপে ব্রহ্মের মাধুর্য যখন তাঁহার স্বরূপগত—সুতরাং নিত্য এবং অবিচ্ছেদ্য এবং যে চিচ্ছক্তির প্রভাবে সেই মাধুর্য পরম-আন্বাদন-চমৎকারিত্ব ধারণ করে, সেই চিচ্ছক্তিও যখন তাঁহার মধ্যে অবিচ্ছেদ্য ভাবে নিত্য বিরাজিত, তখন স্পষ্টতঃই বুঝা যাইতেছে, তাঁহার মাধুর্যও তাঁহাতে অবিচ্ছেদ্য-ভাবে নিত্য বিরাজিত । যেহলে সর্বশক্তির পূর্ণতম বিকাশে ব্রহ্মত্বের বা ভগবন্তার পূর্ণতম বিকাশ, সে-স্থলে মাধুর্যেরও পূর্ণতম বিকাশ । সুতরাং স্বয়ং ভগবান্ শ্রীকৃষ্ণে মাধুর্যের পূর্ণতম বিকাশ ।

এইরূপে দেখা গেল—স্বয়ংভগবান্ শ্রীকৃষ্ণে ঐশ্বর্যেরও পূর্ণতম বিকাশ এবং মাধুর্যেরও পূর্ণতম বিকাশ । এক্ষণে বিচার করিতে হইবে—পূর্ণতম-বিকাশময় ঐশ্বর্য এবং পূর্ণতম বিকাশময় মাধুর্য, এই দু'য়ের মধ্যে কাহার প্রাধান্য ? কাহার প্রভাব বেশী ?

এই প্রভাব বা প্রাধান্য নির্ণয় করিতে হইলে দেখিতে হইবে—কে কাহার আনুগত্য করে ? কে কাহার সেবা করে ? যদি দেখা যায়, মাধুর্যই ঐশ্বর্যের আনুগত্য করে—সেবা করে, তাহা হইলে বুঝিতে হইবে, ঐশ্বর্যের প্রভাবই বেশী । আর যদি দেখা যায়, ঐশ্বর্যই মাধুর্যের আনুগত্য করে—সেবা করে, তাহা হইলে বুঝিতে হইবে, মাধুর্যেরই প্রভাব বেশী । ব্রজলীলা-দ্বারাই ইহার বিচার করিতে হইবে ; যেহেতু, ব্রজলীলাতেই ঐশ্বর্য ও মাধুর্য অতদুভয়ের পূর্ণতম বিকাশ, ব্রজবিহারী শ্রীকৃষ্ণেই ভগবন্তার পূর্ণতম অভিব্যক্তি ।

ব্রজেন্দ্র-নন্দন শ্রীকৃষ্ণই শুদ্ধমাধুর্য-রস আন্বাদন করেন ; তাহাতেই তাঁহার রসিক-শেখরত্বের পরাকাষ্ঠা । নিবিড়ভাবে রস আন্বাদন করিতে হইলে, যাহারা রসের পাত্র, সম্যকরূপে তাঁহাদের বশুতা স্বীকার করিতে হয় ; নতুবা রস আন্বাদন সম্ভব নয় । ব্রজে শ্রীকৃষ্ণ চারি ভাবের রস আন্বাদন করেন—দাশ্য, সখ্য, বাৎসল্য ও মধুর । এই চারি ভাবের পরিকরগণই এই চারি রসের আধার ; শ্রীকৃষ্ণ তাঁহাদের প্রেমরস-নির্যাসই আন্বাদন করেন এবং এই চারিভাবের পরিকরদের নিকটেই তাঁহার বশুতা । এই বশুতা হইতেছে একমাত্র প্রেমবশুতা । “ভক্তিবশঃ পুরুষঃ । ভক্তিরেব ভূয়সী ॥ শ্রুতিঃ ॥” প্রেমবশুতা বলিয়া ইহা পীড়াদায়ক নয়, পরন্তু পরম লোভনীয়, পরম আনন্দ-দায়ক । পরিকরদের প্রেমের গাঢ়তার তারতম্য অনুসারে এই বশুতারও তারতম্য হইয়া থাকে ; ব্রজের সকল রকমের বশুতাই নিবিড় ; বশুতার তারতম্য হইতেছে কেবল নিবিড়তার তারতম্য । ঐশ্বর্যের জ্ঞান—অর্থাৎ সর্বশক্তিমন্তর, পূর্ণতার, সর্বজ্ঞত্বের জ্ঞান—অক্ষুণ্ণ থাকিলে বশুতা সম্ভব নয় । পরিকরদের নিকটে ব্রজেন্দ্র-নন্দনের প্রেমবশুতাই স্মৃতি করিতেছে যে, তাঁহার নিজের ঈশ্বরত্বের কথা তিনি ভুলিয়া আছেন । কোনও জিনিসকে যদি কেহ ভুলিয়া যান, তাহাতে ইহা বুঝা যায় না যে, সেই জিনিসটির অস্তিত্বই লোপ পাইয়াছে ; অস্তিত্বের জ্ঞান প্রচ্ছন্ন হইয়া আছে—ইহাই বুঝায় । ব্রজে শ্রীকৃষ্ণের পক্ষে তাঁহার ঈশ্বরত্বের বা ঐশ্বর্যের জ্ঞানও প্রচ্ছন্ন হইয়া আছে, তিনি যে ঈশ্বর, স্বয়ংভগবান্—ব্রজেন্দ্র-নন্দনের এই অহুভূতিটুকু নাই ; তিনি নিজেকে নর বলিয়া মনে করেন ; এজন্তই তাঁহার লীলাকে নরলীলা বলে । তিনি যে ঈশ্বর, তাঁহার ব্রজ-পরিকরগণের মধ্যেও এই জ্ঞানটুকু জাগ্রত নাই ; থাকিলে তাঁহাদের পক্ষে প্রাণচালা সেবা সম্ভব হইত না । নিজেদের সহজে তাঁহাদের যেমন নর-অভিমান, শ্রীকৃষ্ণ সহজেও তাঁহাদের নর-অভিমান ; শ্রীকৃষ্ণকে তাঁহারা নিজেদেরই একজন মনে করেন । তাই, শ্রীকৃষ্ণের ঐশ্বর্য দেখিলেও তাহাকে তাঁহারা কৃষ্ণের ঐশ্বর্য বলিয়া মনে করেন না ।

প্রশ্ন হইতেছে—সর্বশক্তিমান্ এবং সর্বজ্ঞ শ্রীকৃষ্ণের ঈশ্বরত্বের জ্ঞানকে কে প্রচ্ছন্ন করিয়া রাখিতে পারে ? পারে শ্রীকৃষ্ণেরই স্বরূপ-শক্তির বৃত্তি-বিশেষ প্রেম বা ভক্তি ; যেহেতু, “ভক্তিরেব ভূয়সী ।” শ্রীকৃষ্ণকে নিবিড়ভাবে

গৌর-রূপা-তরঙ্গিণী টীকা

রস আশ্বাদন করাইবার নিমিত্তই ভক্তিরূপা বা প্রেমরূপা তাঁহার স্বরূপ-শক্তি ইহা করিয়া থাকেন। প্রেমের প্রভাবেই শ্রীকৃষ্ণ এবং তাঁহার ব্রজ-পরিকুরগণ নিজেদের এবং পরম্পরের স্বরূপের কথা ভুলিয়া আছেন। তাঁহাদের এই প্রেম-মুগ্ধতাই রস-আশ্বাদনের মূল হেতু। ফ্লাদিনী-শক্তির বৃত্তি বলিয়া এই প্রেম পরম মধুর। প্রেম-মাধুর্য্যরূপ মহাবারিধিতে সম্যক্ রূপে নিমজ্জিত হইয়াই তাঁহারা শ্রীকৃষ্ণের ঐশ্বর্য্যের কথা ভুলিয়া আছেন। শ্রীকৃষ্ণের ঐশ্বর্য্য এই মাধুর্য্যের সমুদ্রে যেন আত্মগোপন করিয়া আছে। একটা বোলতা গাঢ় চিনির রসে নিমজ্জিত হইলে যেমন তাহার সমস্ত অঙ্গই চিনির রসে আবৃত হইয়া যায়, তাহার হলটীও যেমন গাঢ় চিনির রসে জড়াইয়া গিয়া হল-ফুটানের শক্তি হারাইয়া ফেলে; তদ্রূপ, মাধুর্য্য-সমুদ্রে নিমজ্জিত হইয়া শ্রীকৃষ্ণের ঐশ্বর্য্যও মাধুর্য্য-মণ্ডিত হইয়া মধুর হইয়া উঠে এবং তাহার ত্রাস-সঙ্কোচাদি জন্মাইবার স্বাভাবিক শক্তিকেও যেন হারাইয়া ফেলে। তাই, ব্রজের ঐশ্বর্য্যও পরম-মধুর এবং তাহা কাহারও প্রীতিকে সঙ্কোচিত করিতে পারে না। ঐশ্বর্য্যের এই অবস্থা আনয়ন করে মাধুর্য্য; তাই, এখানে ঐশ্বর্য্য অপেক্ষা মাধুর্য্যেরই বেশী প্রভাব হুচিত হইতেছে।

তিনি যে ঈশ্বর, ব্রজেন্দ্র-নন্দন তাহা মনে করেন না; সুতরাং তাঁহার যে ঐশ্বর্য্য আছে, ইহাও তিনি মনে করেন না; অর্থাৎ তাঁহার ঐশ্বর্য্যকে তিনি অঙ্গীকার করেন না। তিনি অঙ্গীকার না করিলেই যে তাঁহার ঐশ্বর্য্য লোপ পাইয়া যাইবে, তাহা নয়; কারণ, তাঁহার ঐশ্বর্য্য তাঁহার স্বরূপগত—অগ্নির দাহিকা শক্তির ছায় অবিচ্ছেদ্য। তাঁহার ঐশ্বর্য্য যখন নিত্য-অবিচ্ছেদ্য, তখন এই ঐশ্বর্য্য তাঁহার সেবা করিবেই; যেহেতু, ঐশ্বর্য্য হইল তাঁহার চিচ্ছক্তির বিলাস; চিচ্ছক্তির স্বরূপগত ধর্ম্মই হইল শক্তিমান্ শ্রীকৃষ্ণের সেবা করা। কিন্তু তিনি যখন ঐশ্বর্য্যকে অঙ্গীকার করেন না, তখন ঐশ্বর্য্য কিরূপে তাঁহার সেবা করিতে পারেন? শ্রীকৃষ্ণ যাহাতে টের না পান, এই ভাবে সেবা করেন। ব্রজের ঐশ্বর্য্য হইতেছে অনেকটা পতিকর্তৃক পরিত্যক্তা পতিগত-প্রাণা পত্নীর তুল্য। পত্নীকে পতি ত্যাগ করিয়াছেন, পতি তাঁহার মুখ দর্শন করিবেন না; তাঁহার কোনওরূপ সেবা অঙ্গীকার করিবেন না; কিন্তু পতিগত-প্রাণা পত্নীও পতির সেবা না করিয়া থাকিতে পারেন না; তাই তিনি সময় বুঝিয়া পতির অজ্ঞাতসারে সেবা করিয়া থাকেন; পতিও সেবা গ্রহণ করেন; কিন্তু বুঝিতে পারেন না—এই সেবা তাঁহার পরিত্যক্তা পত্নীর কৃত। ব্রজের ঐশ্বর্য্যও শ্রীকৃষ্ণের ইচ্ছার ইঙ্গিত বুঝিয়া শ্রীকৃষ্ণের সেবা করিয়া থাকেন, শ্রীকৃষ্ণ বুঝিতে পারেন না যে, ইহা তাঁহার ঐশ্বর্য্য-শক্তির সেবা। ঐশ্বর্য্য ব্রজে এইরূপ সেবা করিয়া থাকেন—সাধারণতঃ মাধুর্য্য-মণ্ডিত হইয়া, মাধুর্য্যের অন্তরালে নিজে লুক্কায়িত রাখিয়া।

শারদীয়-মহারাসে প্রত্যেক গোপীরই ইচ্ছা হইল শ্রীকৃষ্ণকে একান্তভাবে নিজের নিকটে পাইয়া সেবা করার নিমিত্ত; শ্রীকৃষ্ণেরও ইচ্ছা হইল প্রত্যেক গোপীর সেবা গ্রহণ করিয়া তাঁহার আনন্দ বিধানের নিমিত্ত। এই ইচ্ছার ইঙ্গিত পাইয়া ঐশ্বর্য্য-শক্তি প্রত্যেক গোপীর পার্শ্বে এক এক শ্রীকৃষ্ণরূপ আবিভূত করিলেন—ঐশ্বর্য্যের চরম বিকাশ; ইহা দ্বারা ঐশ্বর্য্য শ্রীকৃষ্ণের এবং গোপীদিগের মনোবাসনা পূর্ণ করিয়া রসের পুষ্টি-বিধান করিলেন, মাধুর্য্যের সেবা করিলেন। কিন্তু শ্রীকৃষ্ণকে একান্তভাবে নিজের নিকটে পাইয়া তাঁহার সঙ্গস্থে প্রত্যেক গোপীই এমনই তন্ময় হইয়া রহিলেন যে, অল্প দিকে দৃষ্টি নিক্ষেপের অবকাশই তাঁহার ছিল না; শ্রীকৃষ্ণের অবস্থাও তদ্রূপ। সুতরাং এক এক গোপীর পার্শ্বেই যে এক এক শ্রীকৃষ্ণ, ইহা তাঁহাদের কেহই জানিতে পারিলেন না; ঐশ্বর্য্যের বিকাশ কেহই লক্ষ্য করিতে পারিলেন না। এহলেই ঐশ্বর্য্যের আত্মগোপনতা। মাধুর্য্য-রসে নিমজ্জিত হওয়াতেই কেহ ঐশ্বর্য্যকে লক্ষ্য করিতে পারিলেন না। মাধুর্য্যের অন্তরালেই ঐশ্বর্য্য আত্মগোপন করিয়াছেন।

বসন্ত-রাসেও এক এক গোপীর পার্শ্বে এক এক শ্রীকৃষ্ণরূপ আবিভূত হইয়াছিলেন। লীলাশক্তির প্রেরণায় শ্রীরাধা এক গোপীর প্রতি দৃষ্টিপাত করিয়া দেখিলেন—শ্রীকৃষ্ণ সেই গোপীর নিকটে; আর এক গোপীর প্রতি দৃষ্টিপাত করিয়াও তিনি দেখিলেন—শ্রীকৃষ্ণ সেই গোপীর নিকটে; মনে করিলেন—পূর্ব্ব-গোপীর নিকট হইতেই

গৌর-কৃপা-ভরদ্বীপী টীকা ।

শ্রীকৃষ্ণ সেই গোপীর নিকটে আসিয়াছেন । তাঁহার নিজের নিকটেও যে শ্রীকৃষ্ণ আছেন, এই অমুসন্ধান শ্রীরাধার নাই । প্রত্যেক গোপীর নিকটেই যে শ্রীকৃষ্ণ আছেন, এই অমুসন্ধানও তাঁহার নাই । ঐশ্বর্য্য পূর্ণমাত্রায় বিকশিত হওয়া সত্ত্বেও শ্রীরাধা ঐশ্বর্য্যকে লক্ষ্য করিতে পারিতেছেন না । এত্বেও মাধুর্য্যের অন্তরালে থাকিয়া ঐশ্বর্য্যশক্তি মাধুর্য্যের সেবা করিয়াছেন ।

আর এক সময়ে শ্রীরাধাকে একাকিনী নিভৃত নিকুঞ্জে পাওয়ার অভিপ্রায়ে শ্রীরাধার প্রতি ইঙ্গিত করিয়া শ্রীকৃষ্ণ রাসস্থলী ত্যাগ করিয়া চলিয়া গেলেন, গিয়া এক নিভৃত নিকুঞ্জে শ্রীরাধার অপেক্ষায় বসিয়া রহিলেন । রাসস্থলীতে শ্রীকৃষ্ণকে না দেখিয়া তাঁহার অমুসন্ধানের জন্ত গোপসুন্দরীগণ বহির্গত হইলেন । পূর্ব্ব সঙ্কেত অমুসারে শ্রীরাধা তাঁহাদের সঙ্গে গেলেন না । কতক্ষণ পরে নিভৃত নিকুঞ্জ হইতে শ্রীকৃষ্ণ দেখিলেন—গোপসুন্দরীগণ তাঁহার দিকে আসিতেছেন এবং ইহাও লক্ষ্য করিলেন যে, তাঁহাদের সঙ্গে শ্রীরাধা নাই । শ্রীকৃষ্ণ মনে করিলেন—গোপসুন্দরীগণ যদি এই কুঞ্জে আসিয়া তাঁহাকে দেখেন, তাহা হইলে তাঁহারা কুঞ্জেই থাকিয়া যাইবেন, একাকিনী শ্রীরাধাকে পাওয়ার বাসনা পূর্ণ হইবে না । তাই তিনি ভাবিলেন—কিরূপে গোপীগণকে অগ্নত্র পাঠান যায় । ভাবিলেন—“যদি আমার চারিটা হাত হইত, তাহা হইলে গোপীগণ আমার নিকট হইতে চলিয়া যাইতেন; কারণ, আমিই যে চতুর্ভূজ হইয়াছি, ইহা তাঁহারা বিশ্বাস করিবেন না ।” এই ইচ্ছাটুকুর ইঙ্গিত পাইয়া ঐশ্বর্য্য-শক্তি তাঁহাকে চতুর্ভূজ করিয়া দিলেন । নিজের চারিটা হাত দেখিয়া গোপীগণ অগ্নত্র চলিয়া যাইবেন ভাবিয়া শ্রীকৃষ্ণ এতই উৎসুক হইয়া উঠিলেন যে, কিরূপে তাঁহার চারিটা হাত হইল, সে সম্বন্ধে তিনি আর কোনও অমুসন্ধানই করিলেন না । যাহা হউক, গোপীগণ আসিয়া দেখিলেন—ইনি তো কৃষ্ণ নহেন; ইনি যে আপন শ্রীবিগ্রহে নারায়ণ । তাঁহারা নারায়ণের স্তুতি-নতি করিয়া শ্রীকৃষ্ণপ্রাপ্তির অভিপ্রায় জ্ঞাপন পূর্ব্বক চলিয়া গেলেন । এত্বেও ঐশ্বর্য্যশক্তি শ্রীকৃষ্ণের বাসনা-পূরণরূপ সেবা করিয়া রসপুষ্টির আনুকূল্য করিলেন; অথচ ইহা যে শ্রীকৃষ্ণের ঐশ্বর্য্য, তাহা কেহ জানিতে পারিলেন না । যাহা হউক, শ্রীকৃষ্ণ চতুর্ভূজরূপেই একাকী কুঞ্জ-মধ্যে বসিয়া আছেন । কতক্ষণ পরে দেখিলেন—একাকিনী শ্রীরাধা আসিতেছেন । শ্রীকৃষ্ণের মনে এবার কৌতুকের বাসনা জাগিল । “আমার চতুর্ভূজ রূপ দেখিয়া শ্রীরাধা কি করিবেন ?” শ্রীরাধা কুঞ্জের দিকে আসিতেছেন, শ্রীকৃষ্ণের আগন্তুক দুইটি হাতও যেন অন্তর্হিত হওয়ার উপক্রম করিতেছে । শ্রীকৃষ্ণ খুব ইচ্ছা করিতেছেন—হাত দুইটি যেন থাকে । কিন্তু শ্রীরাধা যখন কুঞ্জের দ্বারদেশে আসিয়া উপনীত হইলেন, তখন হাত দুইটি অন্তর্হিত হইয়া গেল, শ্রীরাধা দেখিলেন—তাঁহার প্রাণবল্লভ নন্দ-নন্দন একাকী বসিয়া আছেন । এত্বেও ঐশ্বর্য্যশক্তি মাধুর্য্যের সেবা করিলেন, শ্রীরাধার সহিত শ্রীকৃষ্ণের নিভৃত-নিকুঞ্জ-মিলন-রসের পুষ্টি বিধান করিলেন । শ্রীকৃষ্ণের বলবতী ইচ্ছা সত্ত্বেও ঐশ্বর্য্য সে স্থানে আত্মশ্রকট করিলেন না, করিলে মাধুর্য্যের পুষ্টি হইত না, সেবা হইত না, শ্রীরাধাও গোপীদিগের চ্যায় চতুর্ভূজের স্তুতি-নতি করিয়া অগ্নত্র চলিয়া যাইতেন । এত্বেও শ্রীকৃষ্ণের বলবতী ইচ্ছা সত্ত্বেও যে তাঁহার ঐশ্বর্য্যশক্তি—মাধুর্য্যের পুষ্টি সাধনের নিমিত্ত—নিজেকে অপসারিত করিলেন, ইহাতে স্পষ্টভাবেই বুঝা যায়—মাধুর্য্যের সেবাই ঐশ্বর্য্যের একমাত্র কাম্য ।

উপরে উল্লিখিত দৃষ্টান্তগুলিতে দেখা যাইতেছে, ঐশ্বর্য্যশক্তি আত্মগোপন করিয়াই মাধুর্য্যের সেবা করিয়াছেন । আবার, ব্রজের কোনও কোনও লীলাতে ইহাও দৃষ্ট হয় যে, ঐশ্বর্য্যশক্তি সর্ব্বতোভাবে আত্মগোপন করেন নাই । যেমন, মৃদতক্ষণ-লীলায় । যশোদামাতা শ্রীকৃষ্ণের মুখে বিশ্ব-ব্রহ্মাণ্ডাদি দর্শন করিয়া মনে করিলেন—“ইহা বৃন্দ আমার এই বালকেরই কোনও এক স্বাভাবিক অচিন্ত্য ঐশ্বর্য্য । অথো অমুশ্রৈব সমার্ককন্ত যঃ কশ্চনোৎপত্তিকঃ আত্মযোগঃ ॥ শ্রীভা, ১০।৮।৪০ ॥” তিনি আরও মনে করিলেন—“হায়, আমি যশোদানাম্নী গোপী, আমার পতি এই নন্দ—ইনি ব্রজেশ্বর, আমি ইঁহার অখিল-বিস্তৃপ্তির অধিষ্ঠাত্রী সতী জায়া, এই বৃষ্ণ আমার সন্তান, এই সকল

গৌর-কৃপা-তরঙ্গিণী টকা।

গোপ, গোপী এবং গোপন আমার—এই প্রকার আমার কুমতি যাহার মায়া হইতে জন্মিয়াছে, সেই ভগবান্ আমার গতি হউক। অহং মমাসৌ পতিরেষ মে স্তুতো ব্রজেশ্বরস্তাখিলবিস্তপা সতী। গোপ্যশ্চ গোপাঃ সহ গোপনাশ্চ মে যন্মায়য়েথং কুমতিঃ স মে গতিঃ ॥ শ্রীভা, ১০।৮।৬২ ॥” কিন্তু যশোদামাতার এই জ্ঞান ছিল ক্ষণিক। এইরূপ জ্ঞান জন্মিবামাত্রই আবার তিনি এসমস্ত বিভূতির কথা ভুলিয়া গেলেন, প্রবুদ্ধ-স্নেহভরে তিনি গোপালকে পূর্ববৎ স্বীয় ক্রোড়ে স্থাপন করিলেন। “সন্তো নষ্টমুতির্গোপী সারোপ্যারোহমাত্মজম্। প্রবুদ্ধস্নেহকলিলহৃদয়াসীদ যথা পুরা ॥ শ্রীভা, ১০।৮।৪৩ ॥” ঐশ্বর্য-শক্তি যে প্রথমে যশোদামাতার নিকটে আত্মপ্রকট করিলেন, তাঁহার চিত্তে শ্রীকৃষ্ণের ঈশ্বরত্বের জ্ঞান জন্মাইলেন, তাহারও হেতু আছে। শ্রীকৃষ্ণ যে মাটি খাইয়াছিলেন, তাহা সত্য এবং তাঁহার মুখে যে মাটি ছিল, তাহাও সত্য; কিন্তু মা যেন তাঁহার মুখে মাটি না দেখেন, ইহাই ছিল তাঁহার ইচ্ছা। এই ইচ্ছার ইচ্ছিত পাইয়াই ঐশ্বর্য-শক্তি শ্রীকৃষ্ণের মুখে বিভূতি প্রকাশ করিলেন এবং শ্রীকৃষ্ণের ঈশ্বরত্বের জ্ঞান জন্মাইয়া মুখে মাটির অমুসন্ধানের চেষ্টা হইতে মায়ের মনকে অতৃপ্ত করিয়া দিলেন। এসমস্ত করিলেন শ্রীকৃষ্ণের অজ্ঞাতসারে, স্বীয় মুখে বিভূতি প্রকাশের কথা শ্রীকৃষ্ণ জানেন নাই। মুখে মাটি দেখিলে মা শাসন করিবেন, এই ভয়ে শ্রীকৃষ্ণ অত্যন্ত ভীত হইয়াছিলেন (এস্থলেই তাঁহার মাধুর্য্যসমুদ্রে নিমগ্নতা); ঐশ্বর্য-শক্তি মায়ের শাসন হইতে তাঁহাকে রক্ষা করিলেন, তাঁহার যশোদাস্তনক্লয়ত্বের ভাব রক্ষা করিলেন; সূতরাং ঐশ্বর্য-শক্তি এস্থলে শ্রীকৃষ্ণের প্রেমমুগ্ধত্বকে রক্ষা করিয়া মাধুর্য্যেরই সেবা করিলেন। কিন্তু তাহাতে যশোদামাতার প্রেমমুগ্ধত্ব ক্ষুণ্ণ হইতেছিল; তাঁহার চিত্তে শ্রীকৃষ্ণের ঈশ্বরত্বের জ্ঞান জাগ্রত থাকিলে তিনি আর শ্রীকৃষ্ণকে তাঁহার স্তম্ভ-লোলুপ সন্তান বলিয়া মনে করিতে পারিবেন না, তাঁহাকে স্তনপান করাইবার জ্ঞও উৎকণ্ঠিত হইবেন না; সূতরাং শ্রীকৃষ্ণের পক্ষে যশোদামাতার বাৎসল্য-রসের আশ্বাদনও সম্ভব হইবে না; ইহা ভাবিয়া—বাৎসল্য-প্ৰীতি আত্মপ্রকট করিলেন। যখনই বাৎসল্য-প্ৰীতি আত্মপ্রকট করিলেন, তখনই ঐশ্বর্য-শক্তি অগ্ৰহিত হইলেন। ইহা দ্বারাও ঐশ্বর্য-শক্তির পক্ষে মাধুর্য্যের সেবাই সূচিত হইতেছে এবং বাৎসল্য-প্ৰীতির আবির্ভাবেই ঐশ্বর্য-শক্তির অন্তর্ধান হওয়াতে ইহাও প্রমাণিত হইতেছে যে, ঐশ্বর্যই অপেক্ষা মাধুর্য্যেরই প্রভাব বেশী।

উল্লিখিত উদাহরণে দেখা যায়—ঐশ্বর্য-শক্তি যশোদামাতার (পরিকর ভক্তের) নিকটেই আত্মপ্রকট করিয়াছেন; কিন্তু কৃষ্ণের নিকটে নহে। দাবানল-ভক্ষণাদি লীলাতে আবার মনে হয়, ঐশ্বর্য-শক্তি শ্রীকৃষ্ণের নিকটেই আত্মপ্রকটন করিয়া তাঁহা দ্বারা দাবানল ভক্ষণ করাইয়াছেন; কৃষ্ণ-সখারা শ্রীকৃষ্ণের আদেশে চক্ষু বুজিয়া ছিলেন বলিয়া তাহা দেখেন নাই। এস্থলে ঐশ্বর্য-শক্তি দাবানল হইতে ভীত সখাদের রক্ষার নিমিত্ত বন্ধুবৎসল শ্রীকৃষ্ণের ইচ্ছা পূর্ণ করিয়া মাধুর্য্যেরই সেবা করিয়াছেন।

এইরূপে বিবেচনা করিলে দেখা যাইবে—ব্রজের প্রত্যেক লীলাতেই শ্রীকৃষ্ণের ঐশ্বর্য তাঁহার মাধুর্য্যেরই সেবা করিয়াছেন—কখনও বা আত্মগোপন করিয়া, কখনও বা আত্মপ্রকটন করিয়া। কিন্তু কখনও মাধুর্য্য ঐশ্বর্য্যের সেবা করিয়াছেন বলিয়া জানা যায় না। সূতরাং ঐশ্বর্য্য অপেক্ষা মাধুর্য্যেরই যে প্রাধান্য, মাধুর্য্যেরই যে প্রভাব বেশী, তাহাই প্রমাণিত হইতেছে।

এক্ষণে প্রশ্ন হইতে পারে—ব্রজে-ঐশ্বর্য্য অপেক্ষা মাধুর্য্যের প্রভাব বেশী—ইহা না হয় স্বীকার করা গেল; কিন্তু বৈকুণ্ঠে তো ঐশ্বর্য্যেরই প্রভাব বেশী; সূতরাং কেবল প্রভাবের আধিক্য দ্বারা যদি ভগবন্তার সার নির্ণয় করিতে হয়, তাহা হইলে একমাত্র মাধুর্য্যই যে ভগবন্তার সার, ঐশ্বর্য্য যে ভগবন্তার সার নহে, তাহাই বা কিরূপে বলা যায়?

উত্তর—রসবৈচিত্রী সম্পাদনার্থ বিভিন্ন ভগবদ্ধামে বিভিন্ন ভগবৎ-স্বরূপের মধ্যে ঐশ্বর্য্যের ও মাধুর্য্যের বিভিন্ন বৈচিত্রীর প্রকাশ। বৈকুণ্ঠে ঐশ্বর্য্যেরই সমধিক প্রকাশ, মাধুর্য্যের প্রকাশ কম; সূতরাং বৈকুণ্ঠের ঐশ্বর্য্যের প্রভাবাধিক্য দ্বারা ভগবন্তার সার নির্ণয় করিতে যাওয়া সমীচীন হইবে না। যে স্থলে ঐশ্বর্য্যের ও মাধুর্য্যের পূর্ণতম

গৌর-কৃপা-তরঙ্গিনী চাঁকা ।

বিকাশ, সেহলে যাহার প্রধাত্ত সৰ্ব্বাতিশায়ী, তাহার একটা অপূৰ্ণ বৈশিষ্ট্য স্বীকার করিতেই হইবে । আরও একটা কথা । বৈকুণ্ঠে যতটুকু মাধুর্য্য বিকশিত আছে, তত্রত্য ভগবৎ-স্বরূপের রূপ-গুণ-লীলাদিতেই তাহার আভিব্যক্তি ; মাধুর্য্যের এই অভিব্যক্তিকে তত্রত্য সমধিক-বিকাশময় ঐশ্বর্য্যও ক্ষুণ্ণ বা অপসারিত করিতে পারেন না ; যদি পারিতেন, তাহা হইলে তত্রত্য লীলাই সম্ভব হইত না । লীলাতেই ভগবান্ নিজেও রস আশ্বাদন করেন, তাহার পরিকরণকেও রস আশ্বাদন করান, প্রত্যেক ভগবৎ-স্বরূপেরই রসাস্বাদিকা লীল আছে । বিভিন্ন ভগবৎ-স্বরূপের লীলাতে রস-বিকাশের তারতম্য থাকিলেও রসের বিকাশ আছেই ; মাধুর্য্য না থাকিলে রস-বিকাশ সম্ভব নয় । বৈকুণ্ঠে ঐশ্বর্য্যের প্রাধাত্ত থাকিলেও রূপ-গুণ-লীলাদির মাধুর্য্যকে তাহা ক্ষুণ্ণ করিতে পারেন না ; এই মাধুর্য্যের অমুভবকেও অপসারিত করিতে পারেন না । কিন্তু ব্রজে মাধুর্য্যের প্রভাবে ঐশ্বর্য্যের অমুভবই বিলুপ্ত হইয়া যায় । ইহাতেই বুঝা যায়—ব্রজে পূর্ণ ঐশ্বর্য্যের উপরেও মাধুর্য্য যে প্রভাব বিস্তার করে, বৈকুণ্ঠে অল্পপরিমাণে বিকশিত মাধুর্য্যের উপরেও তত্রত্য সমধিক ঐশ্বর্য্য সেই প্রভাব বিস্তার করিতে পারেন না । অধিকন্তু, ব্রজে ঐশ্বর্য্য যে ভাবে মাধুর্য্যের সেবা করেন, বৈকুণ্ঠাদি ধামে মাধুর্য্য কখনও সে ভাবে ঐশ্বর্য্যের সেবা করেন না । ইহাতে মাধুর্য্যের এক অপূৰ্ণ বৈশিষ্ট্য সূচিত হইতেছে ।

নিজের স্বরূপ রক্ষার জন্ত কোনও বস্তুর পক্ষে যাহা অপরিহার্য্য, যাহা তাহার স্বরূপগত, তাহাই হইল সেই বস্তুর সার—যেমন অগ্নির দাহিকা-শক্তি । ভগবান্ হইলেন আনন্দস্বরূপ, রস-স্বরূপ—আনন্দ বা রসই তাহার স্বরূপ ; এই আনন্দকে—রসকে—বাদ দিলে তাহাতে আর কিছুই থাকেনা । সুতরাং আনন্দ বা রসই হইল ভগবন্তার সার—অপরিহার্য্য বস্তু । কিন্তু আনন্দ বা রসও যাহা, মাধুর্য্যও তাহাই । সুতরাং মাধুর্য্যই হইল ভগবন্তার সার ।

রস-স্বরূপ ভগবান্ রস আশ্বাদন করেন এবং পরিকর-ভক্তদিগকেও রস আশ্বাদন করান ; ইহাতেই তাহার রস-স্বরূপত্ব । তিনি আশ্বাদন করেন ভক্তদের প্রেমরস-নির্য্যাস—যাহা লীলাতে উৎসারিত হয় । সুতরাং রস আশ্বাদনের পক্ষে—সুতরাং ভগবানের রস-স্বরূপত্বের পক্ষেও—মাধুর্য্য হইল অপরিহার্য্য । ঐশ্বর্য্যও অপরিহার্য্য বটে ; কিন্তু ঐশ্বর্য্যের অপরিহার্য্যতা হইতেছে গোণ, মাধুর্য্যের পুষ্টির জন্তই সময়বিশেষে ঐশ্বর্য্যের প্রয়োজন হয় ; সুতরাং প্রধান বা মূখ্য অপরিহার্য্য বস্তু হইল মাধুর্য্য । তাই মাধুর্য্যই ভগবন্তার সার ।

ঐশ্বর্য্যের বিকাশ ব্যতীতও কেবল মাধুর্য্যের বিকাশে লীলারসের আশ্বাদন সম্ভব হয় ; কিন্তু মাধুর্য্যের বিকাশ ব্যতীত কেবলমাত্র ঐশ্বর্য্যের বিকাশে লীলা সম্ভব হইলেও সেই লীলাতে আশ্বাত্ত রস উৎসারিত হইতে পারে না—সুতরাং সেই লীলাতে রস-স্বরূপত্বের বিকাশও সম্ভব নয় ; সুতরাং ঐশ্বর্য্যকে ভগবন্তার (রস-স্বরূপত্বের) সার বলা যায় না । ঐশ্বর্য্য ও মাধুর্য্যের স্বরূপের পার্থক্য বুঝাইবার জন্তই এই যুক্তির অবতারণা করা হইল ; বস্তুতঃ মাধুর্য্যহীন ঐশ্বর্য্যের বিকাশ কোনও ভগবৎ-স্বরূপে নাই ; অল্প হইলেও মাধুর্য্যের বিকাশ আছেই । আবার নির্কিশেষ ব্রজে ঐশ্বর্য্যহীন মাধুর্য্যের বিকাশ দৃষ্ট হয় ; শক্তির বিকাশ নাই বলিয়া নির্কিশেষ ব্রজে ঐশ্বর্য্য নাই ; কিন্তু আনন্দস্বরূপ বলিয়া মাধুর্য্য তাহাতে আছে ; তাহাতে রসত্বের ন্যূনতম বিকাশ ।

নির্কিশেষ ব্রজ হইতে স্বয়ং ভগবান্ শ্রীকৃষ্ণ পর্য্যন্ত সকল স্বরূপই যখন সচ্চিদানন্দ, আনন্দ (সুতরাং মাধুর্য্য) যখন সকল স্বরূপেই বিद्यমান, আনন্দ ব্যতীত যখন কোনও স্বরূপেরই সচ্চিদানন্দত্ব সিদ্ধ হইতে পারে না, তখন আনন্দ বা মাধুর্য্যই যে ব্রজের বা ভগবন্তার সার, তাহাতে কোনও সন্দেহই থাকিতে পারে না ।

ব্রজে কৈল পরচার—ভগবন্তার সার যে মাধুর্য্য, তাহা একমাত্র শ্রীকৃষ্ণের ব্রজলীলাতেই পূর্ণরূপে প্রকটিত হইয়াছে । তাহা—ভগবন্তার সার যে মাধুর্য্য তাহা । শুক—শ্রীমদভাগবত-বক্তা-শুকদেব গোস্বামী । স্থানে স্থানে ভাগবতে—শ্রীমদভাগবতের স্থানে স্থানে শ্রীকৃষ্ণের চতুর্কিধ মাধুর্য্যের কথা এবং ঐ মাধুর্য্যই যে ভগবন্তার সার, তাহার বর্ণনা করিয়াছেন । দামবন্ধন, মৃদভক্ষণ, ব্রজার মোহ অপনোদন প্রভৃতিতে ঐশ্বর্য্য-মাধুর্য্য ; বঙ্গহরণ ও

গোর-কৃপা-তরঙ্গিণী টীকা ।

রাসলীলাদিতে লীলামাধুর্য ও রূপমাধুর্যাদির বর্ণনা করিয়াছেন । যাহা শুনি মাতে ভক্তগণ—ঐ সমস্ত মধুর লীলার এবং শ্রীকৃষ্ণ-মাধুর্যের এমনি মোহিনী শক্তি যে, তাহা দর্শন করা দূরে থাকুক, শ্রীমদ্ভাগবতাদিতে তাহার বর্ণনা শ্রবণ করিলেও ভক্তগণ আনন্দে উন্নত হইয়া যায় এবং ঐ লীলারস-আস্বাদনের এবং যথাযোগ্যভাবে সেই লীলাকারী শ্রীকৃষ্ণের সেবা করার জন্ত উৎকণ্ঠিত হয় ; “খন জন পুত্র দার, বিষয় বাসনা আর” সমস্ত ত্যাগ করিয়া একমাত্র ঐ লীলার সেবাতেই মন প্রাণ ঢালিয়া দেয় । মাধুর্যই যে ভগবন্তার সার, ইহাই তাহার একটি প্রমাণ ।

শ্রীশুকদেবের দ্বারা শ্রীমদ্ভাগবত-কথা প্রচারের গূঢ় উদ্দেশ্য । মহারাজ পরীক্ষিতের বাসনা-পূরণ হইতেছে শ্রীশুকদেব কর্তৃক শ্রীমদ্ভাগবত-কীর্তনের একটি উদ্দেশ্য ; কিন্তু ইহার আরও একটি গূঢ় উদ্দেশ্য আছে বলিয়া মনে হয় । যুগয়ার পরিশ্রমে শ্রান্ত, ক্লান্ত, পিপাসার্ত পরীক্ষিত স্বজন-চ্যুত হইয়া শমীক ঋষির আশ্রমে যাইয়া ঋষির নিকটে পানীয় জল যাচঞা করিলেন ; কিন্তু ঋষি ছিলেন তখন নিবিড় ধ্যানে নিমগ্ন : পরীক্ষিতের কথা শুনিতে পাইলেন না ; পুনঃ পুনঃ জল প্রার্থনা করিয়াও জল না পাইয়া পরীক্ষিত রুষ্ট হইয়া ঋষির গলায় একটি মৃত সর্প বুলাইয়া দিয়া চলিয়া গেলেন । কতক্ষণ পরে ঋষির পুত্র সমবয়স্ক বালকদের সঙ্গে খেলা হইতে ফিরিয়া আসিয়া পিতার গলে মৃত সর্প দেখিয়া অতিশয় রুষ্ট হইলেন এবং যে ব্যক্তি এই ভাবে পিতার অমর্যাদা করিয়াছে, তাহার উদ্দেশ্যে অভিসম্পাত দিলেন—সপ্তাহ মধ্যে তক্ষক-দংশনে তাহার মৃত্যু হইবে । ঠিক এই সময়ে শমীকের ধ্যান অন্তর্হিত হইল । অভিসম্পাতের কথা জানিয়া শমীক অত্যন্ত দুঃখিত হইলেন । পরে যখন জানিতে পারিলেন, মহারাজ পরীক্ষিতই তাহার গলায় মৃত সর্প দিয়াছেন, তখন পরীক্ষিতের নিকটে অভিসম্পাতের সংবাদ পাঠাইলেন—যেন তিনি প্রস্তুত হইতে পারেন । পরীক্ষিত তখন রাজত্ব ত্যাগ করিয়া গঙ্গাতীরে যাইয়া প্রায়োপবেশন-রত হইলেন । ভগবৎ-প্রেরণায় রাজর্ষি, মহর্ষি, দেবর্ষি, ব্রহ্মর্ষিগণও সেখানে আসিয়া উপনীত হইলেন । সকলের যথাযোগ্য সম্বর্দ্ধনা করিয়া পরীক্ষিত তাঁহাদের নিকটে সর্বজীবের সর্বাবস্থায়—বিশেষতঃ মুমূর্ষু-পরমকর্তব্য সম্বন্ধে জিজ্ঞাসু হইলেন । তাঁহাদের মধ্যে মতভেদ উপস্থিত হইল । পরে যদৃচ্ছাক্রমে শ্রীশুকদেব আসিয়া সেই সভায় উপনীত হইলেন । তাঁহারও যথোচিত সম্বর্দ্ধনা করিয়া পরীক্ষিত তাঁহার নিকটেও উল্লিখিত ভাবে জিজ্ঞাসু হইলেন । তখন শ্রীশুকদেব শ্রীমদ্ভাগবত বর্ণনা করেন । শ্রীমদ্ভাগবত-কথা শ্রবণই সর্বজীবের সর্বাবস্থায়—বিশেষতঃ মুমূর্ষু—পরম কর্তব্য ।

ইহাই শুকদেব কর্তৃক ভগবৎ-কথা বর্ণনের একটি উদ্দেশ্য । গূঢ় উদ্দেশ্যটি নিম্নলিখিতরূপ বলিয়া মনে হয় ।

শ্রীমদ্ভাগবত হইতে জানা যায়—শ্রীকৃষ্ণ ব্রজে অবতীর্ণ হইয়া এমন সব মনোহারিণী লীলা করিলেন, যাহাদের কথা শুনিয়া জীব ভগবৎ-পরায়ণ হইতে পারে । “অমুগ্রহায় ভক্তানাং মাহুং দেহমাস্রিতঃ । ভজতে তাদৃশীঃ ক্রীড়াঃ যাঃ শ্রদ্ধা তৎপরো ভবেৎ ॥ শ্রীভা, ১০।৩০।৩৬ ॥” “ব্রজের নির্মল রাগ শুনি ভক্তগণ । রাগমার্গে ভজে যেন ছাড়ি ধর্ম-কর্ম ॥ ১।৪।৩০ ॥” কিন্তু কৃষ্ণ ব্রজে যে লীলা করিয়াছেন, বাহিরের লোক তাহা সাধারণতঃ জানিতে পারে নাই ; ব্রজসুন্দরীদিগের সহিত লীলার কথা ব্রজসুন্দরীগণ এবং শ্রীকৃষ্ণ ব্যতীত অপর ব্রজবাসীরাও জানিতেন না ; অবশ্য শ্রীকৃষ্ণের প্রিয় নন্দসখাগণ কিছু কিছু জানিতেন ; তাঁহারাও তাহা প্রকাশ করিতেন না । এই অবস্থায় শ্রীকৃষ্ণের ব্রজলীলার কথা সাধারণ লোক কিরূপে জানিবে ? জানিয়া কিরূপেই বা ভগবৎ-পরায়ণ হইবে ? শ্রীকৃষ্ণই সেই ব্যবস্থা করিলেন । ব্যাসদেবের দ্বারা তিনি শ্রীমদ্ভাগবত লিখাইলেন ; ব্যাসদেবের নিকটে শুকদেব তাহা অধ্যয়ন করিলেন এবং রাজর্ষি, মহর্ষি, দেবর্ষি, ব্রহ্মর্ষিদের সমক্ষে পরীক্ষিতের সভায় তাহা বর্ণন করিলেন । এই সকল ঋষিবর্গ এবং তাঁহাদের শিষ্য-পরম্পরাধারাই শ্রীমদ্ভাগবত-কথা জগতে ব্যাপ্ত হইল, তাহাতেই সাধারণ লোকের পক্ষেও তাহা অবগত হওয়ার সুযোগ হইল । এই ভাবে জগতে ভগবানের লীলার কথা প্রচারই শুকদেবের দ্বারা ভাগবত-কথা প্রচারের গূঢ় উদ্দেশ্য বলিয়া মনে হয় এবং এই উদ্দেশ্য-সিদ্ধির জন্তই (অবশ্য মহারাজ পরীক্ষিতকে

কহিতে কৃষ্ণের রসে, শ্লোক পড়ে প্রেমাবেশে,
প্রেমে সনাতনের হাথে ধরি ।

গোপীভাগ্য কৃষ্ণগুণ, যে করিল বর্ণন
ভাবাবেশে মথুরানাগরী ॥ ৯৩

তথাহি (ভাঃ ১০।৪৪।১৪)—

গোপ্যস্তপঃ কিমচরন্ যদমুখ্য রূপং
লালণ্যসারমসমোক্তমনুসিদ্ধন ।

দৃগ্ভিঃ পিবন্ত্যমুসবাভিনবং দুরাপ-
মেকান্তধাম যশসঃ শ্রিয় ঈশ্বরশ্রু ॥ ১৯ ॥

যথারাগঃ—

তারুণ্যামৃত পারাবার, তরঙ্গ লাবণ্য সার,
তাতে সে আবর্ত ভাবোদগম ।

বংশীধ্বনি চক্রেবাত, নারীর মন তৃণ-পাত,
তাহাঁ ডুবায়, না হয় উদগম ॥ ৯৪

গৌর-রূপা-তরঙ্গিণী টীকা ।

শ্রীকৃষ্ণের স্বচরণান্তিকে নেওয়ার জন্তও) পরীক্ষিতের দ্বারা ঋষির গলদেশে মৃতসর্প অর্পণের ব্যবস্থাও করা হইয়াছিল । পরমকরণ শ্রীকৃষ্ণের প্রেরণাতেই এ সমস্ত সংঘটিত হইয়াছে । নতুবা, গর্তাবস্থাতেও শ্রীকৃষ্ণ যাহাকে রক্ষা করিয়াছেন, পরম-ভাগবত কৃষ্ণগত-প্রাণ সেই পরীক্ষিতের দ্বারা ঋষির অমর্যাদা সম্ভব হইতে পারে না । “এক লীলায় করে প্রভু কার্য পাঁচ সাত ॥”

৯৩। কৃষ্ণের রসে—শ্রীকৃষ্ণের মাধুর্যের কথা । শ্লোক পড়ে—শ্রীমন্ মহাপ্রভু নিম্নোক্ত “গোপ্যস্তপঃ”—ইত্যাদি শ্লোক পড়িলেন । কৃষ্ণের মাধুর্যের কথা বলিতে বলিতে প্রভু প্রেমে আবিষ্ট হইলেন এবং দৈন্তবশতঃ সেই মাধুর্যের আশ্বাদনে স্বীয় অক্ষমতা ও ব্রজগোপীদের সৌভাগ্য অমুভব করিয়া, মথুরানাগরীদিগের উচ্চারিত কথাতেই শ্রীকৃষ্ণের গুণ বর্ণনা করিতে লাগিলেন । গোপীভাগ্য—শ্রীকৃষ্ণের মাধুর্য আশ্বাদনের যোগ্যতারূপ সৌভাগ্য ।

মথুরানাগরী—কংসবধ করিবার নিমিত্ত শ্রীকৃষ্ণ যখন মথুরায় গমন করেন, তখন তাঁহার রূপমাধুর্য দর্শন করিয়া মথুরানাগরীগণ যাহা বলিয়াছিলেন, তাহা নিম্নের শ্লোকে বর্ণিত হইয়াছে । শ্রীমন্মহাপ্রভু এই শ্লোকটা আশ্বাদন করিতেছেন । মথুরানাগরীদের উক্তির মর্ম্ম এই :—শ্রীকৃষ্ণের এমন অপরূপ রূপ আশ্বাদন করিবার সৌভাগ্য ও যোগ্যতা আমাদের নাই ; ব্রজগোপীরাই উহা আশ্বাদন করিয়া জন্মজীবন সার্থক করিতেছে ; পূর্বজন্মে তাহারা নিশ্চয়ই কোনও তপশ্চা করিয়াছিল, যাহার ফলে গোপীগণ এই সৌভাগ্য লাভ করিয়াছে । সেই তপশ্চার কথা যদি জানিতাম, তাহা হইলে আমরাও তাহার অনুষ্ঠান করিতাম ।

শ্লো। ১৯। অম্বর । অম্বাদি ১৪।২৪ শ্লোকে দ্রষ্টব্য ।

শ্রীমন্মহাপ্রভু নিজে এই শ্লোকের যেরূপ ব্যাখ্যা করিয়াছেন, নিম্নবর্তী পয়ার-সমূহে তাহা ব্যক্ত হইয়াছে ।

৯৪। গোপ্যস্তপঃ কিমচরন্মিত্যাди শ্লোকের অর্থ করিতেছেন । তারুণ্যামৃত-পারাবারাদি দ্বারা শ্লোকের “লাবণ্যসার” শব্দের অর্থ করিয়া শ্রীকৃষ্ণরূপের মহিমা বর্ণন করিতেছেন । তারুণ্য—তরুণতা, নবযৌবনোচিত মাধুর্যাদি । পারাবার—সমুদ্র । তারুণ্যামৃত-পারাবার—নবযৌবনোচিত মাধুর্যাদিরূপ যে অমৃত, সেই অমৃতের সমুদ্রস্বরূপই শ্রীকৃষ্ণরূপ । সমুদ্রের জলের যেমন ইয়ত্তা নাই, শ্রীকৃষ্ণের নবযৌবনোচিত মাধুর্যাদিরও ইয়ত্তা নাই । অমৃত বলার তাৎপর্য এই যে, সমুদ্রে সাধারণতঃ জল—লোণাজল—থাকে, তাহা বিষাদ ; কিন্তু শ্রীকৃষ্ণের তারুণ্য-রূপ-সমুদ্র অমৃতে পরিপূর্ণ ; অমৃত অতি সুস্বাদু, লোণাজলের মত বিষাদ নহে । অমৃতপানে জীব অমর হয়, দেহের সৌন্দর্য, লাবণ্য, কাস্তি বৃদ্ধি প্রাপ্ত হয় । শ্রীকৃষ্ণের রূপসুখা পান করা দূরে থাকুক, যাহারা এই রূপ-সুখার বিষয় চিন্তা করেন, তাঁহারাও অমরত্ব লাভ করেন, তাঁহারাও নিত্যদেহ লাভ করিয়া নিত্যসৌন্দর্য, নিত্যলাবণ্য, নিত্যকাস্তি, নিত্য নিরবচ্ছিন্ন আনন্দ লাভ করিতে সমর্থ হইবেন ।

তরঙ্গ লাবণ্যসার—শ্রীকৃষ্ণের দেহের যে অপরূপ লাবণ্য (চাক্চিক্য), তাহাই ঐ তারুণ্যামৃত-সমুদ্রের তরঙ্গ (ঢেউ)-সদৃশ । শ্রীকৃষ্ণের দেহের লাবণ্য এত বেশী যে; দেখিলে মনে হয় যেন রূপের ঢেউ খেলিতেছে ।

সখি হে । কোন তপ কৈল গোপীগণ ?

কৃষ্ণ-রূপ-মাধুরী, পিবি-পিবি নেত্র ভরি,

শ্লাঘ্য করে জন্ম তমু মন ॥ শ্রু ॥ ৯৫

গোর-কৃপা-তরঙ্গিনী টীকা ।

লাবণ্যসার—লাবণ্যের সার ; খনীভূত লাবণ্য । **তাতে**—সেই সমুদ্রে । **আবর্ত**—জলের পাক ; সমুদ্রে বা নদীতে, একই স্থানে নানা দিক্ হইতে স্রোত আসিয়া যদি মিলিত হয়, তবে ঐ স্থানে জলের একটা আবর্ত বা পাক উৎপন্ন হয় ; সেই স্থানে জল ঘুরিতে থাকে, একটা গর্তের মত হয়, ঐ গর্তে জল দ্রুতবেগে নিম্নগামী হয় ; এই আবর্তে যদি কোনও জিনিস পতিত হয়, তাহা আর কোনও দিকেই যাইতে পারে না ; অতি দ্রুতবেগে নিম্নগামী, হইয়া জলের মধ্যে নিমগ্ন হইয়া যায় । **ভাবোদগম**—ভাবের উদগম ; মূহুহাস্ত, কটাক্ষ, জননভূতাদি ভাব । **আবর্ত-ভাবোদগম**—শ্রীকৃষ্ণের মূহুহাস্ত, কটাক্ষ, জননভূতাদি চিত্তোন্মাদকর ভাবসমূহই ঐ সমুদ্রের আবর্ত (পাক)-স্বরূপ । **বংশীধ্বনি-চক্রবাত**—বংশীধ্বনিরূপ চক্রবাত ; চক্রাকার বায়ুকে চক্রবাত বা ঘূর্ণীবায়ু বলে । খুব গরমের সময় এই চক্রবাতের উৎপত্তি হয় । প্রথমে উত্তাপে কোনও স্থানের বায়ু হালকা হইয়া উর্দ্ধে উত্থিত হইয়া গেলে, ঐ স্থান পূর্ণ করিবার জন্য চারিদিক্ হইতে বায়ু আসিতে থাকে ; সেই বায়ুও আবার উত্তপ্ত হইয়া উর্দ্ধে উত্থিত হয় ; আবার চারিদিক্ হইতে বায়ু আসে ; এইরূপে ঐ স্থানের বায়ুর একটি উর্দ্ধগামী ঘূর্ণীপাক জন্মে । সেই স্থানে তৃণকুটাদি কিছু থাকিলে ঐ ঘূর্ণায়মান বায়ুর শক্তিতে তাহা বেগে উর্দ্ধে উত্থিত হইয়া যায় ।

শ্রীকৃষ্ণের বংশীধ্বনিকে চক্রবাতের সঙ্গে তুলনা দেওয়া হইয়াছে ।

নারীর মন তৃণপাত—আর নারীর মনকে চক্রবাতে পতিত তৃণের সঙ্গে তুলনা করা হইয়াছে । চক্রবাতের মধ্যে কোনও তৃণ পতিত হইলে তাহা যেমন আর ভূমি স্পর্শ করিতে পারে না, শ্রীকৃষ্ণের বংশীধ্বনিতে যাহাদের মন পতিত হয়, অর্থাৎ শ্রীকৃষ্ণের বংশীধ্বনি যে রমণীর কানের ভিতর দিয়া মরমে প্রবেশ করিয়াছে, তাহার মনও আর দেহগেহাদিতে আবদ্ধ থাকিতে পারে না ।

চক্রবাতের শক্তিতে উর্দ্ধে উত্থিত তৃণও সমুদ্রগর্ভস্থ আবর্তে পতিত হইলে তাহা যেমন আর সমুদ্র হইতে উত্থিত হইতে পারে না, সমুদ্রের জলেই চিরতরে নিমগ্ন হইয়া থাকে, শ্রীকৃষ্ণের বংশীধ্বনিরূপ চক্রবাতের শক্তিতে যে রমণীর মনরূপ তৃণ দেহগেহাদি ত্যাগ করিয়া শ্রীকৃষ্ণের তারুণ্যমৃত-সমুদ্রের হাবভাব-কাটাক্ষাদিরূপ আবর্তে পতিত হইয়াছে, তাহার মনও আর দেহগেহাদিতে ফিরিয়া আসিতে পারে না, চিরতরেই ঐ তারুণ্যমৃত-সমুদ্রে ডুবিয়া থাকে । মর্ম্মার্থ এই যে, শ্রীকৃষ্ণের বংশীধ্বনি যে রমণী শুনিয়াছেন, তিনি আর তাঁহার মনকে নিজের আয়ত্তাধীনে রাখিতে পারেন না, দেহগেহাদির কাজে, আত্মীয় স্বজনদের সেবায় নিয়োজিত করিতে পারেন না । তাঁহার মন তখন উধাও হইয়া শ্রীকৃষ্ণের দিকেই ধাবিত হয় । শ্রীকৃষ্ণের নিকটে যাইয়া শ্রীকৃষ্ণের অপরূপ রূপ, নবযৌবনোচিত সৌন্দর্য্য-মাধুর্য্যাদি, দেহের অনির্ব্বচনীয় চলচল লাবণ্য এবং তাঁহার হাস্ত, মধুর কটাক্ষ সহ দৈবদ্ জননভূত, হাবভাবাদি দর্শন করিলে, তিনি আর কোনও প্রকারেই তাঁহার মনকে ফিরাইয়া আনিতে পারেন না ; মন তখন শ্রীকৃষ্ণের অপরূপ রূপসমুদ্রেই চিরতরে ডুবিয়া থাকে ।

তাহা ডুবায়—সেই আবর্তে ডুবায় । **না হয় উদগম**—ঐ আবর্ত হইতে মনরূপ তৃণ আর উঠিতে পারে না ।

এই ত্রিপদীতে “নারী” শব্দে কৃষ্ণকান্তা ব্রজমন্দরীগণকেই বুঝাইতেছে ; যেহেতু, শ্রীকৃষ্ণের মাধুর্য্য লম্বাক্রমে অনুভব করার উপযোগী প্রেম অস্ত্র রমণীর থাকিতে পারে না ।

৯৫ । **সখি হে !**—“গোপ্যস্তপঃ কিমচরন্” এই শ্লোকাংশের অর্থ করিতেছেন । শ্রীকৃষ্ণের রূপ দেখিয়া মথুরা-নাগরীগণ পরস্পরকে সন্মোদন করিয়া বলিতেছেন—“হে সখি ! ব্রজের গোপরমণীগণ এমন কি তপশ্রা করিয়াছিল,

যে-মাধুরী-উর্দ্ধ আন, নাহি যার সমান,
পরব্যোমে স্বরূপের গণে ।

যেঁহো সব অবতারী, পরব্যোমে অধিকারী,
এ মাধুর্য নাহি নারায়ণে ॥ ৯৬

গৌর-কৃপা-তরঙ্গিণী টীকা ।

যাহার ফলে, শ্রীকৃষ্ণের এই অপরূপ রূপ-মাধুর্য নেত্রদ্বারা পান (দর্শন) করিয়া তাহাদের জন্ম, তাহাদের দেহ ও তাহাদের মনকে শ্লাঘ্য করিতেছে ।”

পিবিপিবী—পান করিয়া করিয়া, প্রতিক্ষণে অতৃপ্ত লালসার সহিত পান করিয়া করিয়া ।

নেত্রভরি—চক্ষুরূপ ভাণ্ড পূর্ণ করিয়া । “দৃগ্ভিঃ পিবন্তি” অংশের অর্থ । অত্যন্ত পিপাসিত ব্যক্তি স্নিগ্ধ, মিশ্রল, স্নানীতল ও স্নানাদি জলরাশি পাইলে যেমন অত্যন্ত উৎকণ্ঠার সহিত পাত্রপূর্ণ করিয়া করিয়া পান করিতে থাকে, শ্রীকৃষ্ণ-রূপ-পিপাসু গোপীগণও শ্রীকৃষ্ণের রূপ-মাধুর্য সেই ভাবে নেত্র দ্বারা পান করিতে থাকেন । পার্থক্য এই যে, জলপান করিতে করিতে পিপাসা-নিবৃত্তি হইয়া যায় ; কিন্তু ব্রজগোপীদিগের শ্রীকৃষ্ণ-রূপ-সুধাপানের দ্বারা, পানের পিপাসার নিবৃত্তি হওয়া দূরের কথা, ঐ পিপাসা বরং আরও উত্তরোত্তর বর্দ্ধিত হইয়া থাকে ; কাজেই অত্যন্ত আগ্রহ ও উৎকণ্ঠার সহিত তাঁহারা প্রতিক্ষণেই উহা পান করিতে থাকেন । ইহাই “পিব পিব” শব্দের ধ্বংসার্থ । ইহার অপর ধ্বংসার্থ এই যে, দূর হইতে দর্শনের সৌভাগ্যই এত শ্লাঘ্য, স্পর্শালিঙ্গনাদির সৌভাগ্যের কথা আর কি বলিব ?

শ্লাঘ্য—প্রশংসনীয় । গোপীগণ শ্রীকৃষ্ণরূপ-সুধা পান করিয়া তাঁহাদের জন্ম-তনু মন শ্লাঘ্য করিলেন ।

জন্ম—জন্ম কিরূপে শ্লাঘ্য বা সার্থক করিলেন ? গোপীদের জন্ম অর্থাৎ গোপীজন্ম । গোপী কাকে বলে ? গুপ্-ধাতু হইতে গোপী ; গুপ্-ধাতু রক্ষণে ; তাহা হইলে রক্ষা করেন যে রমণী, তিনি গোপী । কি রক্ষা করেন, তাহার কোনও উল্লেখ নাই যখন, তখন মুক্ত-প্রগ্রহাবৃত্তিতে অর্থ করিলে—যাহা রক্ষণীয় বস্তু, যাহা রক্ষা করিলে সমস্তই রক্ষিত হয়, রক্ষণীয় বস্তুর সেই চরম পরিণতি যে প্রেম, সেই প্রেমের চরম-বিকাশকে যে রমণী রক্ষা করেন, তিনিই গোপী । গোপ (পুরুষ) না বলিয়া গোপী (রমণী) বলিলেন কেন ? গোপরমণী শ্রীকৃষ্ণকান্তাদের মধ্যেই প্রেম চরমবিকাশ লাভ করিয়াছে (কান্তাপ্রেম সর্বসাধ্যসার । ২.৮।৩০ ॥ পরিপূর্ণ স্বষ্টিপ্রাপ্তি এই প্রেমা হৈতে । ২।৮।৬৯) ॥ এজন্ত ব্রজগোপীজন্মই প্রেমের চরম-বিকাশের স্থান । শ্রীকৃষ্ণের মাধুর্য আশ্বাদনের একমাত্র উপায়ও আবার প্রেম ; “আমার মাধুর্য নিত্য নব নব হয় । স্ব স্ব প্রেম অমুরূপ ভক্ত আশ্বাদয় । ১।৪।১২৫ ॥” যেখানে প্রেমের চরম বিকাশ, সেখানেই শ্রীকৃষ্ণ-মাধুর্যেরও চরম-আশ্বাদন । ব্রজগোপীগণ তাঁহাদের অসমোর্দ্ধ প্রেমের দ্বারা শ্রীকৃষ্ণের অসমোর্দ্ধ রূপমাধুর্য আশ্বাদন করিয়াই তাঁহাদের প্রেমকে এবং গোপী-জন্মকে সার্থক করিয়াছেন ।

তনু—দেহ । ব্রজগোপীগণ নিজেদের দেহ দ্বারা অসমোর্দ্ধ রূপের সমুদ্র শ্রীকৃষ্ণের সেবা করিয়া তাঁহাদের দেহ সার্থক করিয়াছেন : চক্ষুদ্বারা তাঁহার রূপ দর্শন, কর্ণদ্বারা তাঁহার মধুর কণ্ঠস্বর, রসময় মধুর বাক্যাবলী, মধুর গুরলীলানি, মধুর ভূষণ-শিজিত শ্রবণ ; নাসিকা দ্বারা তাঁহার মৃগমদ-নীলোৎপল-গন্ধধরকারি অঙ্গগন্ধ গ্রহণ, জিহ্বা দ্বারা তাঁহার ইতর-রাগবিস্মারণ অধরামৃত ও চক্ষিত তাষূলদির আশ্বাদন এবং ত্বক্ দ্বারা তাঁহার বেণামূল-কপূর-শীতল-স্নিগ্ধদেহের স্পর্শ করিয়া ব্রজগোপীগণ তাঁহাদের পঞ্চেন্দ্রিয়েরও সার্থকতা লাভ করিয়াছেন ।

মন—মন চায় সুখ, সুখলাভেই মনের সার্থকতা । এই সুখবাসনার পরম-সার্থকতা—শ্রীকৃষ্ণসুখ-বাসনায়, নিজের সুখ-বাসনায় নহে । ব্রজগোপীগণ তাঁহাদের মনের সমস্ত বৃত্তিই শ্রীকৃষ্ণসুখের উদ্দেশ্যে নিয়োজিত করিয়া তাঁহাদের মনের সার্থকতা লাভ করিয়াছেন ।

৯৬ । অসমোর্দ্ধমিত্যাতির অর্থ করিতেছেন ।

যে মাধুরী উর্দ্ধ আন ইত্যাদি—পরব্যোমে শ্রীকৃষ্ণের যে সমস্ত স্বরূপ আছেন, তাঁহাদের কাহারও মধ্যেই শ্রীকৃষ্ণের মাধুর্যের অপেক্ষা বেশী মাধুর্য তো নাইই, সমান মাধুর্যও নাই ।

তাতে সাক্ষী সেই রমা, নারায়ণের প্রিয়তমা,
পতিব্রতাগণের উপাস্তা ।

তৈঁহো যে মাধুর্য্যালোভে, ছাড়ি সব কামভোগে,
ব্রত করি করিল তপস্তু ॥ ৯৭

সেই ত মাধুর্য্যসার, অগ্নি সিদ্ধি নাহি তার,
তৈঁহো মাধুর্য্যাদি-গুণখনি ॥

আর সব প্রকাশে, তাঁর দত্ত গুণ ভাসে,
যাঁহা যত প্রকাশে কার্য্য জানি ॥ ৯৮

গোপীভাব দর্পণ, নবনব ক্ষণেক্ষণ
তার আগে কৃষ্ণের মাধুর্য্য ।

দৌহে করে ছড়ালুড়ি, বাড়ে, মুখ নাহি মুড়ি,
নবনব দৌহার প্রাচুর্য্য ॥ ৯৯

গৌর-কৃপা-তরঙ্গিণী কা ।

যেঁহো সব অবতারি ইত্যাদি—অগ্নি স্বরূপের কথা দূরে থাকুক, যিনি সমস্ত অবতারের মূল (সব অবতারী,)
যিনি অনন্ত বৈকুণ্ঠময় পরব্যোম-ধামের অধিপতি, শ্রীকৃষ্ণের বিলাসমূর্ত্তি সেই নারায়ণেও শ্রীকৃষ্ণের সমান মাধুর্য্য নাই ।

৯৭। পরব্যোমাদিপতি নারায়ণেও যে শ্রীকৃষ্ণের তুল্য মাধুর্য্য নাই, তাহার প্রমাণ দিতেছেন। যিনি
পরব্যোমাদিপতি নারায়ণের অত্যন্ত প্রিয়তমা; যিনি সতত নারায়ণের বক্ষোবিলাসিনী হইয়া শ্রীনারায়ণের প্রেম ও
মাধুর্য্য আশ্বাদন করিতেছেন, নারায়ণগতপ্রাণা বলিয়া নারায়ণ ছাড়া আর কিছু জানেন না বলিয়া যিনি সমস্ত
পতিব্রতা-রমণীগণেরও উপাস্তা, সেই লক্ষ্মীঠাকুরাণীও শ্রীকৃষ্ণের মাধুর্য্যের কথা শুনিয়া তাহা আশ্বাদনের অগ্নি এতই
প্রবুদ্ধ হইয়াছিলেন যে, তিনি ঐ মাধুর্য্য আশ্বাদনের যোগ্যতা লাভের জন্ত বৈকুণ্ঠের সমস্ত ঐশ্বর্য্যাদি উপেক্ষা করিয়া,
নারায়ণের মাধুর্য্যাস্বাদনে বীতস্পৃহ হইয়া কঠোর তপস্তু করিয়াছিলেন। যদি নারায়ণে শ্রীকৃষ্ণের মত মাধুর্য্য থাকিত,
তবে লক্ষ্মীর এইরূপ আচরণ হইত না ।

ব্রত করি—অবগু-কর্তব্যজ্ঞানে কঠোরতার সহিত তপস্তু করিয়াছিলেন। “ব্রত করি”-স্থলে “ব্রত ধরি”-
পাঠান্তর দৃষ্ট হয় ।

৯৮। শ্লোকোক্ত “অনন্তসিদ্ধম্” এর অর্থ করিতেছেন ।

সেই ত মাধুর্য্যসার—শ্রীকৃষ্ণের যে মাধুর্য্য, তাহাই সমস্ত মাধুর্য্যের সার। অগ্নি সিদ্ধি নাহি তার—শ্রীকৃষ্ণ-
মাধুর্য্য অনন্তসিদ্ধ ; যাহা অগ্নি বস্তুর দ্বারা সাধিত হয় না, তাহাকে অনন্তসিদ্ধ বলে। শ্রীকৃষ্ণের মাধুর্য্য অলঙ্কারাদি
অন্ত কোনও বস্তুর দ্বারা উপজাত নহে, অগ্নি কাহারও প্রদত্তও নহে। তাহার মাধুর্য্য অগ্নির দাহিকাশক্তির দ্বারা, তাহার
দেহের স্বরূপগত ধর্ম্ম ; সুতরাং অনন্তসিদ্ধ বা স্বয়ংসিদ্ধ ।

মাধুর্য্যাদি গুণখনি—খনি অর্থ আকর বা জন্মস্থান। জগতে মণিরত্নাদি যত দেখা যায়, সমস্তই যেমন
আকর হইতে আনীত, যাহাদের অধিকারে ঐ মণিরত্নাদি দেখা যায়, তাহারা যেমন ঐ মণিরত্নাদির উৎপাদক নহে,
তদ্রূপ প্রাকৃত কি অপ্রাকৃত জগতে সৌন্দর্য্য-মাধুর্য্যাদি যে সমস্ত শ্লাঘ্যগুণ দেখা যায়, তৎসমস্তের আকর বা
জন্মস্থানই শ্রীকৃষ্ণ ।

আর সব প্রকাশে ইত্যাদি—শ্রীকৃষ্ণের অগ্নি স্বরূপেও যে সৌন্দর্য্য-মাধুর্য্যাদি দেখা যায়, তাহা তাহাদের
স্বয়ংসিদ্ধ সৌন্দর্য্য-মাধুর্য্য নহে ; সৌন্দর্য্য-মাধুর্য্যের খনিরূপ শ্রীকৃষ্ণ হইতেই তাহারা ঐ সৌন্দর্য্য-মাধুর্য্যাদি লাভ
করিয়াছেন (তাহাদের মধ্যে কৃষ্ণ-দত্ত গুণ ভাসে অর্থাৎ প্রকাশ পায়) ।

যাঁহা যত প্রকাশে কার্য্য জানি—যে স্বরূপে সৌন্দর্য্য-মাধুর্য্যাদির যেরূপ প্রকাশ, কার্য্যদ্বারা তাহা জানিতে
পারা যায়। যেমন লক্ষ্মীর তপস্তুরূপ কার্য্য দ্বারা জানা যায় যে, শ্রীকৃষ্ণ অপেক্ষা নারায়ণে অল্প মাধুর্য্যের প্রকাশ।
শ্রীকৃষ্ণ “লক্ষ্মীকান্ত আদি অবতারের হরে মন। ২।৮।১১৩ ॥” ; ইহা হইতেই বুঝা যায়, লক্ষ্মীকান্ত-আদিতে শ্রীকৃষ্ণ
অপেক্ষা কম মাধুর্য্যের প্রকাশ। “দ্বিজাঙ্গজা মে যুবয়োর্দিদক্ষুণা”-ইত্যাদি শ্রীভা, ১০।৮০।৫৮ শ্লোকও তাহারই প্রমাণ।

৯৯। “অনুসবাভিনবঃ” এর অর্থ করিতেছেন। অনুসবাভিনব শব্দের অর্থ—প্রতিক্ষেপে নিত্যনূতন।

কর্ম জপ যোগ জ্ঞান, বিধি ভক্তি তপ ধ্যান,
ইহা হৈতে মাধুর্য্য দুর্লভ ।

কেবল যে রাগমার্গে, ভজে কৃষ্ণ অনুরাগে,
তারে কৃষ্ণ-মাধুর্য্য সুলভ ॥ ১০০

সেই রূপ ব্রজাশ্রয়, ঐশ্বর্য্যমাধুর্য্যময়,
দিব্যগুণগণ রত্নালয় ॥

আনের বৈভব-সত্তা, কৃষ্ণদত্ত-ভগবত্তা,
কৃষ্ণ সর্ব-অংশী সর্ববিশ্রয় ॥ ১০১

গৌর-কৃপা-তরঙ্গিনীকা ।

শ্রীকৃষ্ণ-মাধুর্য্যের একটি অদ্ভুত ধর্ম্ম এই যে, প্রতিফলনে আশ্বাদিত হইলেও ইহা পুরাতন বলিয়া মনে হয় না, যখনই আশ্বাদন করা যায়, তখনই মনে হয় যেন, এইমাত্র প্রথম আশ্বাদন; পূর্ব্বের আশ্বাদনের অস্পষ্ট ধারণা মনে জাগরিত হইলেও, পূর্ব্বের এত অধিক মধুর ছিল বলিয়া মনে হয় না । বাস্তবিক শ্রীকৃষ্ণ-মাধুর্য্য পূর্ণতার চরম পরিণতি প্রাপ্ত হইলেও, বিরুদ্ধ-ধর্ম্মাশ্রয়ত্ববশতঃ প্রতিফলনেই যেন নূতন নূতন ভাবে বৃদ্ধিপ্রাপ্ত হইতেছে । গোপীদিগের প্রেমও এইরূপ ।

গোপীভাবদর্পণ—গোপীদিগের ভাব (প্রেম)-রূপ দর্পণ । স্বচ্ছতাবশতঃ দর্পণে যেমন সন্মুখস্থ বস্তু প্রতিফলিত হয়, গোপীদিগের প্রেমরূপ দর্পণেও তদ্রূপ শ্রীকৃষ্ণের মাধুর্য্য প্রতিফলিত হয় ; দর্পণ যেমন নির্মল থাকে, গোপীদিগের প্রেমও সন্মুখবাসনারূপ মলিনতাশূন্য, সর্ব্বতোভাবে নির্মল । আবার দর্পণের আলোকে যেমন সন্মুখস্থ বস্তুর উজ্জলতা সম্পাদিত হয়, গোপীপ্রেমের প্রভাবেও শ্রীকৃষ্ণ-মাধুর্য্যের উজ্জলতা ও চাক্ষুশ্য বৃদ্ধি প্রাপ্ত হয় ।

নব নব ক্ষণে ক্ষণে—গোপীদিগের-প্রেমরূপ দর্পণের স্বচ্ছতা, নির্মলতা ও মধুরতা পূর্ণ-পরিণতিযুক্ত হইলেও প্রতিফলনেই বৃদ্ধি প্রাপ্ত হইতেছে । “যতপি নির্মল-রাধার সংপ্রেমদর্পণ । তথাপি স্বচ্ছতা তার বাঢ়ে ক্ষণে ক্ষণ ॥ ১৪১২২ ॥”

অথবা, “তার আগে কৃষ্ণের মাধুর্য্য” এই অংশের যোগ করিয়াও “নব নব ক্ষণে ক্ষণে” অংশের অর্থ করা যায় । গোপীদিগের প্রেমরূপ দর্পণের আগে (তার আগে) শ্রীকৃষ্ণের মাধুর্য্য প্রতিফলনেই নূতন নূতন রূপে বিকশিত হয় ।

অথবা “দর্পণ” ও “মাধুর্য্য” উভয়ের সঙ্গে যোগ করিয়াও “নব নব ক্ষণে ক্ষণে”র অর্থ করা যায় ; এই স্থানে এইরূপই অতিপ্রায় বলিয়া মনে হয় । গোপীদিগের প্রেমে শ্রীকৃষ্ণের মাধুর্য্য প্রতিফলনে বৃদ্ধি প্রাপ্ত হয়, আবার শ্রীকৃষ্ণের মাধুর্য্য দেখিয়াও গোপীদিগের প্রেম প্রতিফলনে বর্দ্ধিত হইয়া থাকে ; আবার বর্দ্ধিত প্রেম দেখিয়া শ্রীকৃষ্ণ-মাধুর্য্য আরও বর্দ্ধিত হয় ; এই বর্দ্ধিত মাধুর্য্য দেখিয়া গোপীপ্রেম আবার বর্দ্ধিত হয় ; এইরূপে পরস্পরের প্রভাবে পরস্পর বৃদ্ধি প্রাপ্ত হইয়া থাকে যেন জেদাজেদি করিয়া বর্দ্ধিত হইতে থাকে, কেহই পরাজয় স্বীকার করিতে প্রস্তুত নহে । ‘আমার মাধুর্য্যের নাহি বাড়িতে অবকাশে । এ দর্পণের আগে নব নব রূপে ভাসে । মন্মাধুর্য্য রাধাপ্রেম দৌঁছে হোড় করি । ক্ষণে ক্ষণে বাঢ়ে দৌঁছে কেহো নাহি হারি ॥ ১৪১৩০-৪ ॥’ **দৌঁছে**—গোপীভাব ও কৃষ্ণ-মাধুর্য্য । **ছড়াছড়ি**—কে কাহা অপেক্ষা বেশী বাড়িতে পারিবে, তজ্জন্ত জেদাজেদি করিয়া, যেন একে অপরকে সরাইয়া দিয়া নিজেই বাড়িবার চেষ্টা করিতেছে । **বাঢ়ে**—বৃদ্ধি প্রাপ্ত হয় । **মুখ নাহি মুড়ি**—বৃদ্ধি পাওয়ার চেষ্টায় পরাজিত হইয়া মুখ হেট করে না । **প্রাচুর্য্য**—গোপীভাব ও কৃষ্ণ-মাধুর্য্যের আধিক্য প্রতিফলনেই নূতন নূতন হইতেছে ।

১০০ । শ্লোকোক্ত “দুরাপং” শব্দের অর্থ করিতেছেন, দুরাপং অর্থ দুর্লভ । কর্ম-জপাদি দ্বারা শ্রীকৃষ্ণ-মাধুর্য্য পাওয়া যায় না । “ন সাধয়তি মাং যোগো ন সাংখ্যং ধর্ম্ম উদ্ধব । শ্রীভা, ১১১৪২১ ॥” যাহারা অনুরাগের সহিত রাগানুগামার্গে শ্রীকৃষ্ণ ভজন করেন, একমাত্র তাঁহাদের পক্ষেই শ্রীকৃষ্ণের মাধুর্য্যাস্বাদন সম্ভব ।

রাগমার্গে—রাগানুগামার্গে । অন্তর্নিহিত দেহে ব্রজপরিকরদিগের আনুগত্য স্বীকার করিয়া ব্রজেন্দ্রনন্দনের ভাবানুকূল সেবা এবং যথাবস্থিত-দেহে শ্রবণকীর্ত্তনাদিরূপ সেবাদ্বারা । বিশেষ বিবরণ পরবর্ত্তী দ্বাবিংশ পরিচ্ছেদে দ্রষ্টব্য ।

১০১ । শ্লোকস্থ “একান্তধাম যশসঃ শ্রিয় ঈশ্বরন্ত” ইহার অর্থ করিতেছেন । **সেই রূপ**—পূর্ব্ববর্ণিত শ্রীকৃষ্ণরূপ, যাহা মাধুর্য্যময় এবং যাহা বহুবিধ গুণসম্পন্ন । **ব্রজাশ্রয়**—ব্রজই আশ্রয় যাহার ; ঐ রূপ একমাত্র ব্রজেই বিরাজিত, অত্ৰ কোনও ধামে বা অত্ৰ কোনও স্বরূপে তাহা নাই । **ব্রজেন্দ্র-নন্দন** শ্রীকৃষ্ণই সৌন্দর্য্য-মাধুর্য্যের চরমতম

শ্রী লজ্জা দ্বা কীর্তি, ধৈর্য্য বৈশারদী-মতি,
এসব কৃষ্ণে প্রতিষ্ঠিত ।

সুশীল মূহ বদান্ত, কৃষ্ণসম নাহি অন্ত,
কৃষ্ণ করে জগতের হিত ॥ ১০২

কৃষ্ণ দেখি নানা জন, কৈল নিমিষ-নিন্দন,
ব্রজে বিধি নিন্দে গোপীগণ ।

সেই সব শ্লোক পড়ি, মহাপ্রভু অর্থ করি,
সুখে মাধুর্য্য করে আশ্বাদন ॥ ১০৩

তথা'হি (ভাঃ ৯.২৪।৬৫)—
যজ্ঞাননং মকরকুণ্ডলচাক্ষুর্কর্ণ-
ভ্রাজৎকপোলসুভগং সুবিলাসহাসম্ ।
নিত্যোৎসবং ন তত্পুদ্দৃশিভিঃ পিবন্ত্যো
নার্যো নরাশ্চ মুদিতাঃ কুপিতা নিমেষচ ॥ ২০

শ্লোকের সংস্কৃত টীকা

তৎপ্রদর্শনাথঃ মুখশোভামাহ । যজ্ঞাননং দৃশিভি নৈত্রেঃ পিবন্ত্যো নার্যঃ নরাশ্চ ন তত্পুর্নতৃপ্তাঃ ।
নিমিষোন্মেষমাত্রব্যবধানমপি অসহ্যমানাঃ তৎকর্তৃনিমেষে কুপিতাশ্চ বভূবুঃ । কথঞ্চুতমাননং মকরকুণ্ডলাভ্যাং চাক্ষুর্কর্ণৌ
ভ্রাজন্তৌ কপোলৌ চ তৈঃ সুভগং সুবিলাসো যস্মিন্ নিত্যমুৎসবো যস্মিন্ । ইতি । স্বামী । ২০

গৌর-কৃপা-ভরঙ্গিণী টীকা ।

বিকাশ ; তাই এই সৌন্দর্য্য-মাধুর্য্য “কোটি ব্রহ্মাণ্ড পরব্যোম, তাহাঁ যে স্বরূপগণ, বলে হরে তা সভার মন । পতিব্রতা
শিরোমণি ধারে কহে বেদবাণী, আকর্ষয়ে সেই লক্ষ্মীগণ ॥ ২।২।৮৮ ॥” আবার, কৃষ্ণের মাধুর্য্য দেখিয়া বাসুদেবেরও
ক্ষোভ জন্মে (২।২।১৫০) । বিশেষতঃ কৃষ্ণের “আপন মাধুর্য্য হরে আপনার মন ॥” অত্ কখনও ভগবৎ-স্বরূপে
এরূপ সৌন্দর্য্য-মাধুর্য্যের বিকাশ নাই । ব্রজেন্দ্র-নন্দন শ্রীকৃষ্ণই মদন-মোহন, অত্ কখনও স্বরূপ মদন-মোহন নহেন ।
ঐশ্বর্য্য-মাধুর্য্যময়—ব্রজাশ্রয় সেই রূপ ঐশ্বর্য্য-মাধুর্য্যময় । ব্রজেন্দ্র-নন্দন শ্রীকৃষ্ণে ঐশ্বর্য্যেরও পূর্ণতম বিকাশ এবং
মাধুর্য্যেরও পূর্ণতম বিকাশ ; প্রাচুর্য্যার্থে ময়ট্ । অথবা, ব্রজেন্দ্র-নন্দনের ঐশ্বর্য্যও মাধুর্য্যময়, পরম আশ্চর্য্য । ২।২।৯২
ত্রিপদীর অন্তর্গত “মাধুর্য্য ভগবত্তাসার” অংশের টীকা জটিল । দিব্যগুণগণ-রত্নালয়—দিব্যগুণ-সমূহ-রূপ রত্নের
আলয় । দিব্য—অপ্রাকৃত । আলয়—আবাসস্থান ।

আনের—অন্তের, অত্ স্বরূপের । বৈভব-সত্তা—বৈভব (মহিমা) এবং সত্তা (অস্তিত্ব) অথবা, বৈভবের
(মহিমার) সত্তা । কৃষ্ণদত্ত—কৃষ্ণকর্তৃক প্রদত্ত ; অত্ ভগবৎ-স্বরূপের মহিমা, অস্তিত্ব ও ভগবত্তা শ্রীকৃষ্ণ হইতেই
তাঁহারা পাইয়াছেন । কৃষ্ণ সর্ব-অংশী সর্বাশ্রয়—অত্ স্বরূপাদি সকলেই শ্রীকৃষ্ণের অংশ, শ্রীকৃষ্ণই সকলের
অংশী এবং শ্রীকৃষ্ণই সকলের আশ্রয় ।

১০২ । শ্রী—সৌন্দর্য্য । বৈশারদী মতি—নিপুণা বুদ্ধি । বদান্ত—দাতা ।

১০৩ । নিমিষ—চক্ষুর পলক । বিধি—বিধাতা, যিনি চক্ষুর পলক সৃষ্টি করিয়াছেন । শ্রীকৃষ্ণের রূপ
দেখিবার অত্ এতই উৎকর্ষা যে, চক্ষুর পলকের বিচ্ছেদও সহ হয় না ; তাই তাঁহারা চক্ষুর পলকে নিন্দা করিয়াছেন
এবং পলকের সৃষ্টিকর্তা বিধাতাকেও নিন্দা করিয়াছেন । ব্রজে বিধি নিন্দে গোপীগণ—ব্রজে গোপীগণ বিধাতাকে
(চক্ষুর পলক সৃষ্টি করিয়াছেন বলিয়া) নিন্দা করিয়াছেন । সেই সব শ্লোক—যে সকল শ্লোকে নিমিষের এবং
নিমিষের নিষ্ঠুরতা বিধাতার নিন্দার উল্লেখ আছে, এই সকল শ্লোক । নিম্নে এইরূপ দুইটি শ্লোক উল্লিখিত হইয়াছে ।
মহাপ্রভু এই শ্লোকের অর্থ করিয়া মাধুর্য্য আশ্বাদন করিতেছেন ।

শ্লো। ২০ । অন্বয় । নার্য্যঃ (নারীগণ) নরাঃ চ (এবং নরগণ) মকর-কুণ্ডল-চাক্ষুর্কর্ণ-ভ্রাজৎ-কপোল-
সুভগং (মকর-কুণ্ডল-পরিশোভিত কর্ণ ও দীপ্তিমান্ গওদ্বয় দ্বারা সূশোভিত) সুবিলাসহাসং (বিলাসময়হাসশোভিত)
নিত্যোৎসবং (নিত্য-উৎসবময়) যজ্ঞ (ঐহার) আননং (বদন—মুখ) দৃশিভিঃ (দৃষ্টিদ্বারা) পিবন্ত্যঃ (পান করিয়া)

তথাহি তত্রৈব (ভাঃ ১০।৩১।১৫)—

অটতি যন্তবানহি কাননং

ক্ৰটীযুগায়তে স্বামপশুতাম্ ।

কুটিলকুন্তলং শ্রীমুখঞ্চ তে

জড় উদিক্ষিতাং পশ্মকৃদৃশাম্ ॥ ২১

যথারাগঃ—

কামগায়ত্রীমন্তরূপ, হয় কৃষ্ণস্বরূপ,

সার্কি চবিশ অক্ষর তার হয় ।

সে অক্ষর চন্দ্র হয়, কৃষ্ণে করি উদয়,

ত্রিজগৎ কৈল কামময় ॥ ১০৪

গৌর-কৃপা-তরঙ্গিণী টীকা ।

মুদিতাঃ (আনন্দিত হইয়াও) ন তত্পুঃ (তৃপ্তিলাভ করেন নাই), নিমেষঃ চ (এবং নিমিষ-নিশ্বাস-নিমির প্রতি)
কুপিতাঃ (রুষ্ট হইয়াছিলেন) ।

অনুবাদ । মকর-কুণ্ডলদ্বারা পরিশোভিত কর্ণদ্বয় এবং তদ্বারা দীপ্তিমান গুণদ্বয়দ্বারা যাহার সৌন্দর্য্য বৃদ্ধি প্রাপ্ত হইয়াছে, (হর্ষোৎস্রুত্যা-চাপল্যাদি) বিলাসময় হস্ত বাহাতে বিরাজিত এবং যাহা (সর্বসম্ভাপহারক এবং নিত্য আনন্দদায়ক বলিয়া) নিতাই উৎসবময়—শ্রীকৃষ্ণের সেই বদন নেত্রদ্বারা পান করিয়া (শ্রীরাধিকাদি) নারীগণ এবং (স্ত্রবলাদি) নরগণ আনন্দিত হইয়াও তৃপ্তিলাভ করিতে পারেন নাই ; (যেহেতু, তাঁহার নিরবচ্ছিন্ন দর্শনের বিঘ্নকারী নয়নের নিমিষকেও সহ্য করিতে না পারিয়া নিমিষ-নিশ্বাস) নিমির প্রতি কোপ প্রকাশ করিতেছেন । ২০

যাহারা প্রেমিক বা প্রেমিকা, যাহারা অমুরাগবান্ বা অমুরাগবতী—অনবরত শ্রীকৃষ্ণের বদন-চন্দ্র দর্শন করিয়াও তাঁহাদের তৃপ্তি হয় না। দর্শনের আশা মিটে না । চক্ষুর সাধারণ ধর্ম্মই এই যে, কতক্ষণ পর পর তাহাতে পলক পড়ে । যখন চক্ষুর পলক পড়ে, তখন আর কিছু দেখা যায় না ; কিন্তু পলক অতি অল্পসময় মাত্র বাপিযা থাকে ; এই অত্যল্প সময়ের শ্রীকৃষ্ণ-বদন-দর্শনের ব্যাঘাতও কৃষ্ণপ্রেম-সর্বস্ব ভক্তগণ সহ্য করিতে পারেন না ; তাই তাঁহারা পলক-নিশ্বাস বিধাতারও নিন্দা করেন—কেন তিনি পলকের সৃষ্টি করিলেন ; যাহারা শ্রীকৃষ্ণের মুখ দর্শন করিবেন, দুইটা চক্ষুই তাঁহাদের পক্ষে যথেষ্ট নহে । কোটা চক্ষুও বোধ হয় শ্রীকৃষ্ণরূপ দর্শনের পক্ষে যথেষ্ট নহে ; কিন্তু বিধাতা দিয়াছেন মাত্র দুইটা চক্ষু—তাহাতে দিয়াছেন আবার পলক ; ইহাই বিধাতার নিন্দার কারণ ।

শ্রীকৃষ্ণের মুখ কি রকম, তাহা বলিতেছেন । **মকর-কুণ্ডল-চারুকর্ণ-ব্রাজং-কপোল-সুভগং**—মকরাকৃতি কুণ্ডলের দ্বারা (কুণ্ডলের শোভায়) চারু (মনোহর, অত্যন্ত সুন্দর) হইয়াছে যে কর্ণদ্বয় ; সেই কর্ণদ্বয়ের দ্বারা (সেই কর্ণদ্বয়ের শোভায়) এবং (ঐ মকর-কুণ্ডলস্থ মণি-মুক্তাদির দীপ্তিতে) ব্রাজং (দীপ্তিমান) হইয়াছে যে কপোল (গণ্ড)-দ্বয়, সেই গণ্ডদ্বয়ের দ্বারা (সেই গণ্ডদ্বয়ের শোভায়) সুভগ (অত্যন্ত মনোহর, অত্যন্ত সুন্দর) হইয়াছে যাহা, তাদৃশ মুখ । যাহাতে মকর-কুণ্ডল-শোভিত-কর্ণদ্বয় এবং মকর-কুণ্ডলের আভায় দীপ্তিমান গুণদ্বয় শোভা পাইতেছে, তাদৃশ বদন । **সুবিলাসহাসং**—হর্ষ, উৎস্রুত্যা, চাপল্যাদিরূপ বিলাস এবং মধুর হাস্তদ্বারা যে মুখের মনোহারিত্ব বর্দ্ধিত হইয়াছে, তাদৃশ মুখ । **নিত্যোৎসবং**—নিত্য-উৎসবময় । উৎসবে যেমন লোকের নয়ন ও মনের তৃপ্তিদায়ক অনেক জিনিস বিद्यমান থাকে, শ্রীকৃষ্ণের মুখেও মাধুর্য্য হিলোলে অশেষবিধ বৈচিত্রী ভাসিয়া বেড়ায় ; তাহা দর্শন মাঝেই লোকের সমস্ত সন্তাপ দূরীভূত হয়, চিত্ত আনন্দ সাগরে নিমজ্জিত হয় ; শ্রীকৃষ্ণমুখের এই অবস্থা নিতাই—অবিচ্ছিন্নভাবেই বর্ত্তমান । তাই তাঁহার মুখকে নিত্যোৎসবময় বলা হইয়াছে ।

শ্লো। ২১। অম্বয় । অম্বয়াদি ১৪।২১ শ্লোকে দ্রষ্টব্য ।

“ব্রজে বিধি নিন্দে গোপীগণ”—এইরূপ ১০৩ ত্রিপদীর প্রমাণ উক্ত দুই শ্লোক ।

১০৪ । পূর্বোক্ত শ্লোকদ্বয়ের অর্থান্বাদ উপলক্ষ্যে কামগায়ত্রীর স্বরূপ প্রকাশ করিতেছেন ।

কামগায়ত্রী-মন্তরূপ ইত্যাদি—মন্তরূপ কামগায়ত্রী শ্রীকৃষ্ণের স্বরূপ হয় ; যেহেতু—নাম, মন্ত্র, বিগ্রহ ও স্বরূপ এক । **গায়ত্রী**—গানকারীকে যিনি জ্ঞান করেন, তাঁহাকে গায়ত্রী বলে । গায়ন্তং জ্ঞাত্যে যন্তাং গায়ত্রী স্বং

গৌর-কৃপা-তরঙ্গিণী টীকা।

ততঃ স্মৃতঃ। প্রত্যেক দেবতারই মন্ত্র ও গায়ত্রী আছে; কোনও দেবতার পূজা করিতে হইলে, তাঁহার নিজ মন্ত্র ও গায়ত্রীতে পূজা করিতে হয়। শৃঙ্গার-রস-রাজ-মূর্ত্তিধর, অপ্রাকৃত নবীন-মদনরূপ মদনমোহন শ্রীকৃষ্ণের গায়ত্রীর নাম কামগায়ত্রী; এই কামগায়ত্রীতেই তাঁহার উপাসনা। “বৃন্দাবনে অপ্রাকৃত নবীন মদন। কামবীজ কামগায়ত্র্যে যার উপাসন। ২।৮।১০৯।” কামগায়ত্রী মন্ত্রটি এই :—কামদেবায় বিদ্মহে পুষ্পবাণায় ধীমহি তন্নোহনঃ প্রচোদয়াৎ।

এই কামগায়ত্রী বৈদিক জপ্য গায়ত্রীরই রসাত্মক রূপ। ২।৮।১০৯-পয়ারের টীকা এবং ভূমিকায় “প্রণবের অর্থবিকাশ”-প্রবন্ধ দ্রষ্টব্য।

প্রশ্ন হইতে পারে, এই মন্ত্রটিকে শ্রীকৃষ্ণ-গায়ত্রী না বলিয়া কামগায়ত্রী বলে কেন? কামগায়ত্রী বলিলে শ্রীকৃষ্ণকেই যে “কাম” বলা হইল?

উত্তর :—কম্-ধাতু হইতে কামশব্দ নিস্পন্ন হয়। কম্-ধাতুর অর্থ স্পৃহায় বা কামনায়। তাহা হইলে স্পৃহণীয় বস্তুকে, বা কামনার বস্তুকেই কাম বলা যায়। মুক্তপ্রগ্রহাবৃত্তিতে (ব্যাপক-ভাবে) অর্থ করিলে, কাম-শব্দে, সর্বশ্রেষ্ঠ কাম্য বস্তুকেই বুঝায়। সৌন্দর্য্য-মাধুর্য্য-বৈদগ্ধ্যাদিগুণে শ্রীকৃষ্ণই সর্বশ্রেষ্ঠ কাম্যবস্তু; এজ্জ শ্রীকৃষ্ণই কাম। এই সর্বশ্রেষ্ঠ-কাম্যবস্তুটি প্রাকৃত নহে বলিয়া তাহাকে অপ্রাকৃত-কাম বলে; ইনি প্রাকৃত-জীবের প্রাকৃত-ইন্দ্রিয়ের স্পৃহণীয় প্রাকৃত কাম নহেন। এই অপ্রাকৃত-কামরূপ শ্রীকৃষ্ণ নিজের সৌন্দর্য্য-মাধুর্য্যাদি দ্বারা সকলকে এতই মুগ্ধ করেন যে, তাঁহার সৌন্দর্য্য-মাধুর্য্য-সুখা পান করিয়া, অথবা পান করিবার জন্ম, সকলেই উন্মত্তের মত হইয়া যায়; এজ্জ তাঁহাকে “অপ্রাকৃত মদন” বলে। মদন—মত্ততা জন্মায় যে। প্রতিফলিত এই অপ্রাকৃত মদনের সৌন্দর্য্য-মাধুর্য্যাদি যেন নূতন নূতন হইয়া নূতন নূতন ভাবে উচ্ছলিত হইতে থাকে, তাতে দর্শককে নূতন নূতন ভাবে প্রলুব্ধ করে; :এজ্জ তাঁহাকে “অপ্রাকৃত নবীন মদন” বলে। তাহা হইলে ব্যাপক-অর্থে “কাম”-শব্দ দ্বারা এই “অপ্রাকৃত নবীন মদন” শ্রীকৃষ্ণকে বুঝাইতেছে; স্মরণ্য “কাম-গায়ত্রী” দ্বারা সেই অপ্রাকৃত নবীন মদনের গায়ত্রীই স্মৃতি হইতেছে।

এই গায়ত্রীর বিষয়—লক্ষ্য—হইল অপ্রাকৃত-কামদেব শ্রীকৃষ্ণ; এই গায়ত্রী জপ করিলে শ্রীকৃষ্ণেতে কামনা জন্মে—প্রীতির দৃঢ়তা জন্মে। এই গায়ত্রী শ্রীকৃষ্ণে এইরূপ গাঢ়প্রীতিময়ী কামনা জন্মায় বলিয়া ইহার নাম কামগায়ত্রী। বস্তুতঃ এই গায়ত্রীর অর্থে শ্রীকৃষ্ণের যে অনির্কচনীয় অদ্ভুত মাধুর্য্যের চিত্র অর্থ-চিন্তাকারীর চিন্তে ফুটিয়া উঠে, তাহার প্রতি একটু মনোযোগ করিলে তৎপ্রতি চিন্তা আকৃষ্ট না হইয়া পারে না এবং তাহার আশ্বাদনের নিমিত্তও ভাগ্যবান ব্যক্তির চিন্তে বলবতী আকাঙ্ক্ষা না জাগিয়া পারে না। সাধকের ভাবানুরূপ মন্ত্রজপের পূর্বে কামগায়ত্রীজপের অতিপ্রায় বোধ হয় এই যে—মন্ত্রজপের পূর্বে মন্ত্রদেবতা—ঈশ্বর ভাবানুরূপ-লীলাবিলাসী শ্রীকৃষ্ণের রূপ স্তম্বরূপে চিন্তে ফুটিয়া উঠিলে ঈশ্বর ভাবের অমুকুল সেবাচিন্তার সহিত মন্ত্রজপের সুবিধা হয়। কামগায়ত্রী জপের সঙ্গে গায়ত্রীর অর্থচিন্তা করিলে শ্রীকৃষ্ণের মাধুর্য্যময় রূপটি চিন্তে সমুজ্জলরূপে ফুটিয়া উঠার সম্ভাবনা; তাই বোধ হয় মন্ত্রজপের পূর্বে কামগায়ত্রী জপের ব্যবস্থা।

সার্ক চব্বিশ অক্ষর—সাড়ে চব্বিশ অক্ষর। কামগায়ত্রীতে মোট এই কয়টি অক্ষর আছে :—কা, ম, দে, বা, য, বি, দ্ব, হে, পু, প, বা, গা, য, ধী, ম, হি, ত, নো, ন, জ, প্র, চো, দ, রা, ২—মোটামোট গণনায় এতলে মোট পঁচিশটি অক্ষরই হয়; কিন্তু এই পঁচিশটির মধ্যে প্রথম “য়” (কামদেবায়-শব্দের শেষ অক্ষর য) অর্ধেক অক্ষর বলিয়া পরিগণিত। ‘য়ং চন্দ্রাঙ্কং বৈভবঞ্চ বিলাসো দাক্ষণং ভয়মিতি ব্যাডিঃ।—ইতি প্রবোধানন্দ গোস্বামিকথিত কামগায়ত্রী-ব্যাখ্যানধৃত বচন।’ এই “য়”-অক্ষরটি অর্ধাঙ্কর হওয়ায় (পরবর্তী ত্রিপদীসমূহ হইতে দেখা যাইবে—কামগায়ত্রীর এক একটা অক্ষর এক একটা চন্দ্র; কাজেই অর্ধাঙ্করে অর্ধাঙ্করই স্মৃতি হইবে; এইরূপে য-অক্ষরটি অর্ধাঙ্কর হওয়ায়) কামগায়ত্রীতে মোট অক্ষরসংখ্যা হইল সাড়ে চব্বিশ।

সখি হে ! কৃষ্ণমুখ দ্বিজরাজরাজ ।

কৃষ্ণবপু সিংহাসনে, বসি রাজ্যশাসনে,

করে সঙ্গে চন্দ্রের সমাজ ॥ ১০৫ ॥

গৌর-কৃপা-তরঙ্গিনী টীকা ।

কথিত আছে, শ্রীপাদ বিশ্বনাথ চক্রবর্তী কামগায়ত্রীর অর্থপ্রকাশ করিতে যাইয়া কোন্ অক্ষরটী অর্দ্ধাক্ষর, তাঁহা নির্ণয় করিতে পারিতেছিলেন না । তখন তিনি রাত্রিকালে শ্রীশ্রীরাধারাণীর চরণ চিন্তা করিতে করিতে শ্রীরাধাকুণ্ডের তীরে পড়িয়া রহিলেন । কিছুক্ষণ পরে তিনি যেন তন্দ্রাবিষ্ট হইলেন ; সেই অবস্থায় স্বপ্নদৃষ্টার মত আবির্ভূত হইয়া রাধারাণী তাঁহাকে বলিয়াছিলেন—কৃষ্ণদাসকবিরাজ যাহা লিখিয়াছেন, তাহা অশ্রান্ত । কামগায়ত্রীতে সাড়ে চব্বিশটী অক্ষরই আছে । “ব্যন্ত-য়-কারোহর্দ্ধাক্ষরং ললাটেহর্দ্ধচন্দ্রবিম্বঃ । তদিতরং পূর্ণাক্ষরং পূর্ণচন্দ্রঃ”—ইতি । কামগায়ত্রীতে যে য-কারের অন্তে (পরে) বি-অক্ষর আছে, তাহা অর্দ্ধাক্ষর ; (শ্রীকৃষ্ণের) ললাটেই এই অর্দ্ধাক্ষররূপ অর্দ্ধচন্দ্র । এতদ্ব্যতীত অল্প অক্ষরগুলি প্রত্যেকটীই পূর্ণ অক্ষর । যে য-কারের পরে বি-অক্ষর থাকে, তাহা যে অর্দ্ধাক্ষর-রূপে গণ্য হয়, তাহার প্রমাণও শ্রীরাধারাণী চক্রবর্তিপাদকে জানাইয়াছিলেন । “বি-কারান্ত-য়-কারেণ চার্দ্ধাক্ষরং প্রকীৰ্ত্তিতম্ । বর্ণাগমভাস্বদি—বর্ণাগমভাস্বৎ গ্রন্থে আছে,—যে য-কারের অন্তে বি-কার (বি-অক্ষর) আছে, তাহা অর্দ্ধাক্ষর বলিয়া কীর্ত্তিত হয় ।” কামগায়ত্রীর “কামদেবায় বিম্বহে”—অংশে যে য-কার আছে, তাহার পরে বিম্বহে-শব্দের আত্মক্ষর বি-অক্ষর আছে বলিয়া সেই “য়” হইল অর্দ্ধাক্ষর । চক্রবর্তিপাদ বোধ হয় পূর্বে এই প্রমাণ জানিতেন না ; পরে অমুসন্ধান করিয়া বর্ণাগমভাস্বৎ-নামক গ্রন্থ পাইলেন এবং তাহাতে উক্ত প্রমাণ-বচনটীও পাইলেন । “কামদেবায়”—শব্দের শেষ অক্ষর “য়”কে কেন অর্দ্ধাক্ষর মনে করা হয়, উক্ত বিবরণ হইতে তাহা জানা যায় ।

সে অক্ষর চন্দ্র হয়—কামগায়ত্রী শ্রীকৃষ্ণের স্বরূপ ; কামগায়ত্রীতে সাড়ে চব্বিশটী অক্ষর ; ইহাদের প্রত্যেক অক্ষরই এক একটী চন্দ্রস্বরূপ ; সুতরাং এই সাড়ে চব্বিশটী চন্দ্রের সমবায়ই শ্রীকৃষ্ণের স্বরূপ । এই সাড়ে চব্বিশটী চন্দ্রের কোনটী শ্রীকৃষ্ণের দেহের কোন্স্থানে আছে, তাহা পরবর্তী কয় পয়ারে বলা হইয়াছে ।

[শ্রীপাদ প্রবোধানন্দ-গোস্বামী তৎকৃত কামগায়ত্রীর ব্যাখ্যায় যে সকল প্রমাণ উদ্ধৃত করিয়াছেন, তাহা হইতে দেখা যায়—কা, ম, প্রভৃতি অক্ষর-সমূহের প্রত্যেকটীতেই চন্দ্র বুঝায় । এতদ্ব্যতীত তাঁহার ব্যাখ্যায় অল্প কোনও নূতন তথ্য বিশেষ নাই ।]

কৃষ্ণে করি উদয়—কৃষ্ণ ঐ চন্দ্রসমূহকে উদিত করিয়া, অথবা শ্রীকৃষ্ণস্বরূপ কামগায়ত্রী সচ্চিদানন্দ-বিগ্রহরূপে শ্রীকৃষ্ণকে উদয় করিয়া (কামগায়ত্রী-জপের প্রভাবে গায়ত্রী-দেবতা শ্রীকৃষ্ণ সাক্ষাতে প্রকট হইয়েন, ইহাই ধ্বংসার্থ) । অথবা, কামগায়ত্রী শ্রীকৃষ্ণের দেহে (কৃষ্ণে) চন্দ্র উদয় করিয়া (কামগায়ত্রী জপ করিলে শ্রীকৃষ্ণদর্শন ঘটে এবং শ্রীকৃষ্ণদেহস্থ সাড়ে চব্বিশটী চন্দ্রের দর্শনও ঘটে, ইহাই ধ্বংসার্থ) । কামময়—শ্রীকৃষ্ণ-কামনাময় । শ্রীকৃষ্ণদেহের এই চন্দ্রসমূহ এতই সুন্দর, এতই মনোরম, এতই মধুর—এবং ঐ চন্দ্রসমূহের মনঃপ্রাণাকর্ষি নিক্তমধুরতায় শ্রীকৃষ্ণদেহের অসমোর্দ্ধমাধুর্য্য এতই বৃদ্ধি প্রাপ্ত হইয়াছে যে, তাহাতে দর্শকের হিত্ত একান্তভাবে আকৃষ্ট হয় এবং সর্বদা শ্রীকৃষ্ণ-দর্শনের জন্য চিন্তে অদম্য ও পুনঃ পুনঃ দর্শনেও দর্শনের জন্ত অতৃপ্ত বাসনা জন্মে । এই অবস্থা দু'এক জনের নহে ; ত্রিভুগতে যাহাদের সাক্ষাতে শ্রীকৃষ্ণ ঐ চন্দ্রসমূহ উদিত করিয়াছেন (অর্থাৎ যাহাদের ভাগ্যে একবার শ্রীকৃষ্ণ-দর্শন ঘটিয়াছে) তাঁহাদের প্রত্যেকেরই ঐরূপ কামনা বা বাসনা জন্মিয়া থাকে ।

১০৫ । সখি হে—শ্রীকৃষ্ণ-বিরহ-বিধুরা-শ্রীরাধা কোনও সখীর নিকটে যেমন শ্রীকৃষ্ণরূপ বর্ণন করেন, শ্রীমন্-মহাপ্রভুও রাধা-ভাবে ভাবিত হইয়া নিজেকে শ্রীরাধা মনে করিয়া কোনও সখীকে লক্ষ্য করিয়াই যেন এই কথাগুলি বলিতেছেন । শ্রীপাদ-সনাতনগোস্বামী ব্রজের শ্রীরতিমঞ্জরী (বা শ্রীলবঙ্গ-মঞ্জরী) । মহাপ্রভু নিজেকে শ্রীরাধা

গৌর-কৃপা-তরঙ্গিণী টীকা

মনে করিয়া এবং সমুখস্থ সনাতনগোস্থামীকে শ্রীরতিমঞ্জরী মনে করিয়াই হয়তো ভাবাবেশে সম্বোধন করিয়াছেন—
সখি হে ।

দ্বিজরাজ—চন্দ্র : দ্বিজ-শব্দে ব্রাহ্মণ, ক্ষত্রিয়, বৈশ্য এই তিন জাতি এবং পক্ষী ও দন্তকে বুঝায় । দ্বিজরাজ-শব্দে দ্বিজদিগের রাজাকে বুঝায় ।

চন্দ্রকে দ্বিজরাজ বলার হেতু এই—এক সময়ে ব্রহ্মর্ষিগণ চন্দ্রকে দেখিয়া—ইনি আমাদের অধিপতি হউন—
এই কথা বলিয়া পিতৃগণ, দেবগণ, গন্ধর্ব্ব ও ওষধিগণসহ সোমদৈবত-মন্ত্রে সোমকে (চন্দ্রকে) স্তব করিয়াছিলেন ।
স্তবে চন্দ্রের তেজোরশি সমধিক বৃদ্ধি প্রাপ্ত হইল, ঐ তেজঃপুঞ্জ হইতে ভূতলে দিব্যৌষধি-সমূহ উৎপন্ন হইল । চন্দ্র
হইতে জাত বলিয়াই রাত্রিকালে ওষধিসমূহের দীপ্তি সমধিক । সেই হইতেই চন্দ্র ওষধীশ এবং দ্বিজেশ (বা দ্বিজরাজ)
নামে অভিহিত হইতে লাগিলেন । মৎস্যপুরাণ । ২৩।১০।১৩

দ্বিজরাজ-রাজ—দ্বিজরাজসমূহের রাজা, চন্দ্র-সকলের রাজা । সৌন্দর্য্য, মাধুর্য্য ও স্নিগ্ধতা দিতে যিনি
চন্দ্রসমূহের মধ্যে শ্রেষ্ঠ, তিনিই চন্দ্রসকলের রাজা—দ্বিজরাজ-রাজ ।

সাড়ে চব্বিশটি চন্দ্রের কোনটী শ্রীকৃষ্ণের কোন অঙ্গে অধিষ্ঠিত, তাহা বলিতে গিয়া সর্বপ্রথমই শ্রীকৃষ্ণের
মুখের কথা বলিলেন ; শ্রীকৃষ্ণের মুখ সাড়ে চব্বিশ চন্দ্রের একটি চন্দ্র—এবং সৌন্দর্য্য, মাধুর্য্য, স্নিগ্ধতা ও চিত্তের
উন্মাদনকারিত্বে, ইহা সর্বশ্রেষ্ঠ ; এজন্ত দ্বিজরাজ-রাজ বলা হইয়াছে ।

সাধারণ রাজার ছায় শ্রীকৃষ্ণমুখরূপ চন্দ্ররাজারও সিংহাসন, মন্ত্রী, লীলাকমল, নর্তক-নর্তকী, রাজসভা, ধর্ম্মরূপ, ইত্যাদি সমস্তই আছে ; পরবর্তী পদসমূহে তাহা বর্ণিত হইয়াছে ।

বপু—দেহ । কৃষ্ণবপু-সিংহাসনে—কৃষ্ণের দেহরূপ সিংহাসনে । রাজার বসিবার জন্ত সিংহাসনের
প্রয়োজন ; শ্রীকৃষ্ণের দেহই শ্রীকৃষ্ণের মুখরূপ দ্বিজরাজ-রাজের সিংহাসনতুল্য । **বসি—**সিংহাসনে বসিয়া । **করে**
রাজ্য-শাসনে—রাজ্য শাসন করে ; কি রাজ্য শাসন করেন ? উত্তর—কামরাজ্য । কামময় অর্থাৎ শ্রীকৃষ্ণ-কামনাময়
প্রজাবৃন্দকে শাসন করেন । এই রাজা স্বীয় সৌন্দর্য্য-মাধুর্য্যাদি দ্বারা জনগণকে এতই মুগ্ধ করিয়া ফেলেন যে, অত্যন্ত
বশীভূত প্রজার ছায় তাঁহার রাজদর্শনের জন্ত (অর্থাৎ শ্রীকৃষ্ণমুখ-দর্শনের জন্ত) অত্যন্ত লালসান্বিত হইয়া থাকেন এবং
প্রাণভরা আবেগ ও উৎকণ্ঠারূপ উপঢৌকন লইয়া তাঁহার রাজদর্শনে ছুটিয়া আসেন । প্রজাবৎসল রাজাও তাঁহাদের
ভক্তিদস্ত উপঢৌকন সাদরে গ্রহণ করিয়া নিজামৃত দানে তাঁহাদিগকে আপ্যায়িত করেন । এই রাজার শাসনের
গুণে সকলেই তাঁহাতে অনুরক্ত । যদি কেহ রাজদ্রোহী বলিয়া লক্ষিত হয় (অর্থাৎ শ্রীকৃষ্ণমুখ-চন্দ্রের দর্শন-লোভ
ত্যাগ করিয়া যদি কেহ অস্ত্র বস্ত্র লালসায়ুক্ত হয়), তাহা হইলে এই পরমহিতৈষী রাজা কৃপারজ্জ্বারা তাহাকে
বাঁধিয়া আনিয়া তাহার রাজদ্রোহিতারূপ অপরাধ ফালনের নিমিত্ত, ইতর-রাগ বিস্মারণ-নিজামৃত-ধারা দ্বারা তাহাকে
পরিষৌত করিয়া নিজের প্রতি অনুরক্ত করিয়া তোলেন । এমনই অপূর্ণ এই রাজার শাসন ।

সঙ্গে চন্দ্রের সমাজ—চন্দ্রের সমাজ অর্থাৎ বহুচন্দ্র পার্শ্বদরূপে এই রাজার সঙ্গে আছে । অপর সাড়ে
তেইশ চন্দ্র এই মুখ্যচন্দ্ররূপ রাজার পার্শ্বদ ।

অথবা, এই ত্রিপদীর অবয়ব এইরূপও হইতে পারে :—কৃষ্ণমুখ-দ্বিজরাজ-রাজ চন্দ্রের সমাজ সঙ্গে করিয়া
কৃষ্ণবপু-সিংহাসনে বসিয়া রাজ্য শাসন করেন । (সকল চন্দ্রই দেহরূপ সিংহাসনে আসীন) ।

অথবা, রাজ্যশাসন করেন—কামরাজ্য শাসন করেন, সমস্ত কামকে (বা কামনাকে) অস্ত্রবস্ত্র হইতে আকর্ষণ
করিয়া নিজের প্রতি প্রয়োগ করেন ।

গণ্ড—কপোল ; গাল । **সুচিক্ণ—**উত্তম চাক্চিক্যযুক্ত ; যাহা বলমূল্য করে । **মণি-দর্পণ—**যে দর্পণের
(আরসির) চারিধার মণি দ্বারা সাজান থাকে, তাহাকে মণিদর্পণ বলে । এই মণির আভাষ দর্পণের চাক্চিক্য

দুই গণ্ড স্থচিকণ, জিনি মণিদর্পণ,
সেই দুই পূর্ণচন্দ্র জানি ।
ললাট অষ্টমী-ইন্দু, তাহাতে চন্দনবিন্দু,
সেহো এক পূর্ণচন্দ্র মানি ॥ ১০৬
কর-নখ চাঁদের হাট, বংশী-উপর করে নাট,
তার গীত মুরলীর তান ।

পদনখ-চন্দ্রগণ, তলে করে নর্তন,
নুপুরের ধ্বনি যার গান ॥ ১০৭
নাচে মকরকুণ্ডল, নেত্র-লীলাকমল,
বিলাসী রাজা সতত নাচায় ।
ক্র-ধনু, নাসা বাণ, ধনুগুণ দুই কাণ,
নারীগণ লক্ষ্য বিক্ষে তায ॥ ১০৮

গৌর-কৃপা-ভরদ্বীপী চাঁকা ।

বুদ্ধিপ্রাপ্ত হয় । শ্রীকৃষ্ণের গণ্ডস্থল, এইরূপ মণিদর্পণ অপেক্ষাও অনেক বেশী স্বাক্ষর করিয়া থাকে—গণ্ডস্থলের চাক্চিক্য মণিদর্পণকেও পরাজিত করিয়া থাকে (জিনি মণিদর্পণ) । মণিনির্মিত দর্পণকেও মণিদর্পণ বলা যায় ; ইহাও অত্যন্ত উজ্জ্বল ও চাক্চিক্যযুক্ত ।

সেই দুই পূর্ণচন্দ্র জানি—শ্রীকৃষ্ণের দুই গণ্ড দুই পূর্ণচন্দ্র ।

১০৬ । ললাট—কপাল । অষ্টমী ইন্দু—অষ্টমীতিথির চন্দ্র ; অর্দ্ধচন্দ্র । শ্রীকৃষ্ণের ললাট বা কপাল, অর্দ্ধচন্দ্রতুল্য । তাহাতে—কপালে ।

চন্দনবিন্দু—গোল চন্দনের ফোঁটা । সেহো এক—ললাটস্থ চন্দনের ফোঁটাও এক পূর্ণচন্দ্র ;

এই পর্য্যন্ত সাড়ে চারিচন্দ্র পাওয়া গেল ; মুখ এক চন্দ্র, দুই গণ্ড দুই চন্দ্র, ললাট অর্দ্ধচন্দ্র এবং ললাটস্থ চন্দনবিন্দু এক চন্দ্র । আর বিশ চন্দ্রের কথা পরে বলিতেছেন :—হাতের দশ আঙ্গুলে দশটি নখ হইল দশ চন্দ্র এবং পায়ের দশ আঙ্গুলের দশটি নখ বাকী দশ চন্দ্র ; এইরূপে মোট সাড়ে চব্বিশ চন্দ্র হইল । পরমজ্যোতিষ্মান এবং দর্শনে তাপনাশক ও স্নিগ্ধতা-বিধায়ক বলিয়াই চন্দ্রের সঙ্গে ইহাদের সাম্য ।

১০৭ । কর-নখ—হাতের নখ ; হাতের দশটি নখ দশ চন্দ্র । বংশী উপর করে নাট—কর-নখরূপ চন্দ্রগণ বংশীর উপর নৃত্য করে । বংশী বাজাইবার সময় দুই হাতের আঙ্গুলের অগ্রভাগই বার বার উঠাইতে নামাইতে হয় ; ঐ সঙ্গে সঙ্গে অঙ্গুলির অগ্রভাগস্থ নখগুলিও উঠে ও নামে ; এই উঠানামাকেই নখচন্দ্রের নৃত্য (নাট) বলা হইয়াছে । ঠাট—স্থিতি । ঠাট-স্থলে “হাট” পাঠান্তর দৃষ্ট হয় । চাঁদের হাট—চাঁদসমূহ । নাট—নৃত্য । তার গীত মুরলীর তান—নর্তকগণ গানের তালে তালেই নৃত্য করিয়া থাকে । এস্থলে বংশীধ্বনিরূপ গানের তালে তালেই নখচন্দ্রগণ নৃত্য করে । অথবা, নর্তকগণ নৃত্যের সঙ্গে সঙ্গে গানও করিয়া থাকে ; এস্থলে মুরলীর ধ্বনিই নর্তকগণের গান । বংশীর ধ্বনি বংশীছিদ্রোপরি অঙ্গুলি সঞ্চালনের অনুবায়ীই হইয়া থাকে ; সুতরাং নখচন্দ্রের নৃত্যের সঙ্গে মুরলীর গানের সামঞ্জস্য বা একতানতা আছে ।

পদনখ ইত্যাদি—শ্রীকৃষ্ণের পায়ের অঙ্গুলির অগ্রভাগস্থ দশটি নখও দশটি চন্দ্র । পদসঞ্চালনের সঙ্গে সঙ্গে তাহারাও যেন নৃত্য করে ; পদস্থিত নুপুরের ধ্বনিই নর্তকগণের গান ।

বিলাসী-রাজার রাজ-সভায় নর্তকগণও থাকে ; হস্তপদের নখরূপ চন্দ্রগণই কৃষ্ণমুখরূপ দ্বিজরাজ-রাজের সভায় নর্তক ; বংশী ও নুপুরের ধ্বনিই এই রাজ-সভার গান ।

১০৮ । পূর্বোক্ত শ্লোকের “যস্থানন-মকরকুণ্ডল চাক্চিক্য” ইত্যাদি অংশের অর্থ করিতেছেন ।

নাচে মকরকুণ্ডল—মুখসঞ্চালনের সঙ্গে সঙ্গে কণ্ঠস্থিত মকরকুণ্ডলও সঞ্চালিত হয় ; ইহাকেই মকর-কুণ্ডলের নৃত্য বলা হইয়াছে । নেত্র—চক্ষু । লীলাকমল—বিলাসিগণ যে কমল বা পদ্ম হাতে রাখিয়া ঘুরাইয়া থাকে, তাহাকে লীলাকমল বলে । শ্রীকৃষ্ণের চক্ষুরূপ কমলই কৃষ্ণমুখরূপ দ্বিজরাজ-রাজের লীলাকমলতুল্য । স্নিগ্ধতায়, পবিত্রতায় এবং গঠনে শ্রীকৃষ্ণের চক্ষু কমলেরই তুল্য । সতত নাচায়—মুখরূপ চন্দ্র অত্যন্ত বিলাসী ; তিনি চক্ষুরূপ

এই টাঁদের বড় নাট, পসারি টাঁদের হাট,
বিনিমূলে বিলায় নিজামৃত ।

কাঁহো স্মিত-জ্যোৎস্নামৃতে, কাহাকে অধরামৃতে
সব লোক করে আপ্যায়িত ॥ ১০৯

গৌর-কৃপা-ভরঙ্গিণী টাঁকা ।

লীলাকমল সর্ষদাই নৃত্য করাইতে থাকেন । শ্রীকৃষ্ণের চঞ্চল নেত্র ক্ষণেকের জন্তুও স্থির থাকে না ; তাঁহার প্রেমময় পরিকরবর্ণের প্রত্যেকের প্রেমে আকৃষ্ট হইয়া প্রত্যেকের দিকেই তাঁহার দৃষ্টি সঞ্চালিত হয়, এজন্তই তাঁহার নেত্রে চঞ্চলতা—ইহাই ধ্বন্যর্থ । **বিলাসী রাজা**—শ্রীকৃষ্ণমুখকে বিলাসী বলা হইয়াছে । তাহার হেতু এই :—বিলাস আছে যার, তাহাকেই বিলাসী বলে । প্রিয়জনের সঙ্গবশতঃ, গতি, স্থান, আসন, মুখ ও নেত্রাদির চেষ্টায় তৎকালীন যে বৈশিষ্ট্য, তাহাকেই বিলাস বলে । “গতিস্থানাসনাদীনাং মুখনেত্রাদিকর্মণাম্ । তাৎকালিকস্ত বৈশিষ্ট্যং বিলাসঃ প্রিয়সঙ্গঃ ॥ উজ্জল নীলমণি । অমুভাব । ৬৭ ॥ তাৎকালিকো বিশেষস্ত বিলাসোহঙ্গক্রিয়াদিষু । তাৎকালিকো দয়িতালোকনাদিভবঃ । ইতি ভরতঃ ॥” বিগুহ প্রেমবতী গোপীদিগের সান্নিধ্যে প্রেমসমুদ্রে প্রবল তরঙ্গ সমুথিত হয় । সেই তরঙ্গের ঘাত-প্রতিঘাতে—মুখমণ্ডলের সুচারু ভঙ্গিমা, মকর-কুণ্ডলের শোভন নৃত্য, জ্বলতার বিকম্পন, নয়ন-খঞ্জনের সহায় নর্তন, বিষবিনিন্দিত ওষ্ঠাধরের ঈষদুদ্ভিন্নতা, কুন্দবিনিন্দিত-দন্তপংক্তির ঈষদুন্মোষাদিবশতঃ শ্রীকৃষ্ণের বদন-চন্দ্রের অপূর্ণ বিশিষ্টতা সম্পাদিত হইয়া থাকে ; এই বিশিষ্টতাই মুখচন্দ্রের বিলাস ; তজ্জন্তই তাহাকে বিলাসী বলা হইয়াছে ।

ক্রাধু ইত্যাদি—কৃষ্ণের ভুরু-যুগল ধনুর তুল্য ; তাঁহার নাসিকা ঐ ধনুতে যোজন করিবার বাণতুল্য এবং তাঁহার দুইটি কাণ ঐ ধনুর গুণ-(জ্যা)-তুল্য । সুশাসনের বা শাস্তিস্থাপনের নিমিত্ত দুইটির দমনার্থ, অথবা মৃগয়ার কৌতুক অমুভব করার জন্ত রাজার হাতে ধনুর্ধার । কিন্তু ধনুর্ধার দ্বারা এই রাজা কাহাকে বিদ্ধ করেন ?

নারীগণ লক্ষ্য বিদ্ধে ভায়—এই ধনুর্ধার দ্বারা গোপনারীগণকে বিদ্ধ করেন । গোপীগণের অপরাধ ? বোধ হয় চৌর্য্যাপরাধ । গোপীগণ মহাচৌরীণী—তাঁহারা দ্বিজরাজ-রাজের সিংহাসনের একটা অমূল্য রত্ন চুরি করিয়াছেন—সেই রত্নটী শ্রীকৃষ্ণের মন ।

অথবা—মৃগয়ার উদ্দেশ্য কেবল কৌতুক, আর কিছুই নহে । এই রাজা কেবল কৌতুকের নিমিত্তই মৃগীস্বরূপ মৃগনয়না গোপীদিগকে বিদ্ধ করিয়া থাকেন ।

ভুরুর সঙ্গে ধনুর আকৃতি-সাম্য আছে । স্ত্রীকৃষ্ণ বাণের সঙ্গে হস্তাগ্র নাসিকার সাম্য আছে । লক্ষ্য স্থির করিয়া ধনুতে বাণ যোজনা করিয়া যখন বাণের মূলদেশে বারম্বার আকর্ষণ করা হয়, তখন ধনু মুহুমূহঃ কম্পিত হইতে থাকে ; এই কম্পনের সঙ্গে জ্বলতার ঈষৎ কম্পনের সাদৃশ্য আছে ।

মর্ম্মার্থ এই যে, শ্রীকৃষ্ণের ক্রা, নাসা ও কর্ণের অপূর্ণ চারুতায় মুগ্ধ হইয়া কৃষ্ণকাস্তা গোপীগণ বাণবিদ্ধহরিণীর মত অগ্রত গমনের সামর্থ্য হারাইয়া ফেলেন ।

“নারীগণ” স্থলে “নারীমন” পাঠান্তরও আছে ।

১০৯ । এই টাঁদের—কৃষ্ণমুখরূপ চন্দ্রের । **পসারি**—প্রসারিত করিয়া, বিস্তার করিয়া । **নিজামৃত**—এই চন্দ্রের নিজের অমৃত ।

রাজার রাজধানীতে যেমন হাট-বাজার থাকে, কৃষ্ণমুখরূপ দ্বিজরাজের রাজধানীতেও হাট-বাজার আছে ; এই বাজারে দোকানী সব চন্দ্র ; রাজা এই দোকানীদের যোগে বিনামূল্যে রাজধানীতে সমাগত লোকগণকে নিজের অমৃত বিতরণ করিয়া থাকেন । রাজা অত্যন্ত দয়ালু, নচেৎ বিনামূল্যে অমৃত বিতরণ করিবেন কেন ? বৃন্দাবনই তাঁহার রাজধানী ।

বিপুল আয়তাকর্ণ, মদন মদঘূর্ণন,
মন্ত্রী যার এই দুই নয়ন ।
লাবণ্যকেলিসদন, জননেত্র-রসায়ন,
সুখময় গোবিন্দবদন ॥ ১১০

যার পুণ্যপুঞ্জফলে, সে মুখ-দর্শন মিলে,
দুই অক্ষ্যে কি করিবে পানে
দ্বিগুণ বাড়ে তৃষ্ণা-লোভ, পিতে নারে মনঃক্ষোভ
দুঃখে করে বিধির নিন্দনে— ॥ ১১১

গৌর-কৃপা-তরঙ্গিণী চীকা ।

কি অমৃত বিনামূল্যে বিতরণ করেন, তাহা বলিতেছেন । **কাঁহো**—কাহাকেও । **স্মিত**—মৃদুমন হাসি । **জ্যোৎস্নামৃত**—জ্যোৎস্নারূপ অমৃত । **স্মিতজ্যোৎস্নামৃত**—শ্রীকৃষ্ণের মৃদু-মধুর হাসিই তাঁহার মুখরূপ চন্দ্রের জ্যোৎস্না সদৃশ ; মুখরূপ চন্দ্ররাজ এই জ্যোৎস্নারূপ অমৃত কাহাকেও বিনামূল্যে বিতরণ করেন, আর কাহাকেও বা অধরানুতও দেন । **সব লোক করে আপ্যায়িত**—তিনি কাহাকেও অমৃত হইতে বঞ্চিত করেন না, সকলকেই সমুদ্র করেন । **ধ্বত্ব** এই যে, শ্রীকৃষ্ণ তাঁহার কোনও প্রেমসীর প্রতি সপ্রেম দৃষ্টিপাত করিয়া মৃদুমধুর হাস্য করেন, কোনও প্রেমসীকে বা চুষনা দান করেন ; এইরূপে সকলকেই কৃতার্থ করিয়া থাকেন ।

১১০। এই স্থলে ঐ রাজার মন্ত্রীর কথা বলিতেছেন । শ্রীকৃষ্ণের চক্ষু দুইটাই তাঁহার মন্ত্রী ।

বিপুল—বড় । **আয়ত**—বিস্তৃত, দীর্ঘ ; **আকর্ণ**—বিস্তৃত । **অকর্ণ**—ঈষৎ রক্তবর্ণ । **মদন-মদ-ঘূর্ণন**—মদন (কাম)-মত্ততায় ঘূর্ণন যাহার ; যে নয়ন মদন-মদে ঘূর্ণিত হইতেছে । অথবা—মদনের মদের ঘূর্ণন হয় যাহা দ্বারা ; যাহা দ্বারা মদনের গর্ভও খর্ব হয়, এমন নয়ন । শ্রীকৃষ্ণের আকর্ণ-বিস্তৃত, ঈষৎ রক্তাভ, মদনমদঘূর্ণিত বিশাল চক্ষু দুইটাই দ্বিজরাজ-রাজের মন্ত্রী । অমুগ্রহ, বা কোঁতুকাদি বিষয়ে রাজাকে যিনি পরামর্শ দেন এবং যাহার পরামর্শ অনুসারেই রাজা রাজকার্য্য করেন, তাঁহাকেই মন্ত্রী বলে । শ্রীকৃষ্ণের নয়ন যে দিকে ফিরে, তাঁহার মুখও (চন্দ্রসমূহের রাজাও) সেই দিকেই ফিরে ; নয়ন দৃষ্টি দ্বারা যাহাকে লক্ষ্য করেন, বদনরূপ চন্দ্ররাজও তাহাকেই অমুগ্রহাদি করেন, কৃষ্ণমুখরূপ দ্বিজরাজ-রাজ যে কৃষ্ণচিত্তের চৌর্য্যাপরাধের জন্ত ক্রোধ ও নাসা-বাণ দ্বারা গোপীগণকে বিদ্ধ করেন, কিম্বা মৃগয়ায় গোপনারীকৃপা হরিণীগণকে বিদ্ধ করেন, অথবা স্মিতজ্যোৎস্নামৃতে কি অধরানুতে গোপ-ললনাদিগকে আপ্যায়িত করেন, তাহাও শ্রীকৃষ্ণের চক্ষুর ইচ্ছিতেই—চক্ষুর পরামর্শেই ; চক্ষু দৃষ্টি দ্বারা যাহার প্রতি লক্ষ্য করেন, তাহার প্রতিই কৃষ্ণ-মুখের ঐরূপ ব্যবহার ; স্তবরাং চক্ষুই মন্ত্রীর কাজ করিতেছে ।

লাবণ্য—চাক্চিক্য ও স্নিগ্ধতা । **কেলি**—ক্রীড়া বা লীলা । **সদন**—বাসস্থান । **লাবণ্য-কেলি-সদন**—শ্রীকৃষ্ণের মুখ লাবণ্যের লীলাস্থল । শ্রীকৃষ্ণের মধুর বদনে লাবণ্যের তরঙ্গ নিত্যই বিরাজমান । অমুগ্রহও বলা হইয়াছে, শ্রীকৃষ্ণের মুখ “লাবণ্যামৃত জন্মস্থান ২২২৪ ॥” **জননেত্র-রসায়ন**—লোক-সমূহের নয়নের স্নিগ্ধতার ও তৃপ্তির বিধায়ক । যাহারা শ্রীকৃষ্ণ-বদন দর্শন করেন, তাঁহাদের নয়নের সকল সম্ভাপ দূরীভূত হয় ও নয়ন অপূর্ণ তৃপ্তিলাভ করে ; **সুখময়**—আনন্দময় ; আনন্দরূপ শ্রীগোবিন্দের বদনও আনন্দময়—যেন ঘনীভূত আনন্দদ্বারা গঠিত ; এজন্তই ঐ শ্রীবদন-সম্বন্ধীয় সকলই আনন্দময়—বদনের অধিকারী আনন্দময়, যাহারা ঐ শ্রীবদন দর্শন করেন, যাহারা তাহা স্মরণ করেন, যাহারা বদন-মহিমা শ্রবণ করেন, কি কীর্তন করেন—সকলেই অপূর্ণ আনন্দলাভ করিয়া থাকেন । **গোবিন্দ**—গো-পালনকারী শ্রীকৃষ্ণ ; **ব্রজেন্দ্র-নন্দন** । **গোবিন্দ-বদন**—গোপবেশ-বেণুধর, নবকিশোর নটবর ব্রজেন্দ্র-নন্দনের বদন ; ব্রজেন্দ্র-নন্দনের সৌন্দর্য্য-মাধুর্য্যই সর্বাপেক্ষা বেশী, অসমোক্ষ ; এই সত্যটী প্রকাশ করিবার জন্তই “গোবিন্দ”-শব্দ প্রয়োগ করিয়াছেন । অথবা, গোবিন্দ—গো অর্থাৎ ইন্দ্রিয়-সমূহকে পালন করেন যিনি । যাহার রূপ, রস, গন্ধ, স্পর্শ, শব্দ দ্বারা চক্ষু, কর্ণ, নাসিকা, জিহ্বা, ত্বকাদি সমুদয় ইন্দ্রিয় নিজেদের অমুকুল আশ্বাচ্ছ বস্তু লাভ করিয়া পরিতৃপ্তি ও সার্থকতা লাভ করে, তিনিই গোবিন্দ । বদনের সৌন্দর্য্য-মাধুর্য্যাদি দ্বারা নয়নের পরিতৃপ্তি ও সার্থকতা সাধিত হয় বলিয়াই “গোবিন্দ-বদন” শব্দ প্রয়োগ করা হইয়াছে ।

১১১। **পুণ্যপুঞ্জফলে**—বহু জন্মের পুণ্যের প্রভাবে । **পুণ্য** অর্থ এ স্থলে স্বর্গাদিভোগলোক-প্রাপক সংকর্ম্ম

গৌর-কৃপা-তরঙ্গিণী টীকা ।

নহে । চিত্তের পবিত্রতা-সম্পাদক কর্মকেই পুণ্যকর্ম বলা যায় (পু+ডুণ্য) ; স্বর্গাদি-ভোগলোক-প্রাপক কর্ম দ্বারা চিত্তের প্রকৃত পবিত্রতা সাধিত হয় না ; কারণ, ভোগসুখ বাসনাদি অন্তর্হিত হয় না ; এইরূপ সুখ-ভোগ-বাসনাকে শাস্ত্রে পিশাচী বলা হইয়াছে । “ভুক্তিমুক্তিম্পৃহা যাবৎ পিশাচী হৃদি বর্ততে । তাবৎ ভক্তিসুখস্তাত্র কথমভ্যাদয়ো ভবেৎ ॥ ভ, র, সি, ১।২।১৫॥” যদ্বারা অন্তঃকরণ হইতে পিশাচী দূরীভূত হয় না, তাহাকে পবিত্রতা-সম্পাদক বস্তু বলা যায় না । এখানে ‘পুণ্য’ অর্থ মহৎকৃপার প্রভাবে শুদ্ধা-ভক্তির অমুষ্ঠানজাত সৌভাগ্য । কারণ, শুদ্ধাভক্তির অমুষ্ঠানে স্বসুখ-বাসনারূপ অনর্থ দূরীভূত হয়, চিত্তের পবিত্রতা সাধিত হয় । এই ভাবে চিত্তের বিশুদ্ধতা সাধিত হইলে নিত্য-সিদ্ধ কৃষ্ণপ্রেম হৃদয়ে স্ফুরিত হয় । (শ্রবণাদি-শুদ্ধ চিত্তে করয়ে উদয় ॥২।২।৫৭॥) ; কৃষ্ণপ্রেম স্ফুরিত হইলেই কৃষ্ণকৃপায় যথাসময়ে শ্রীকৃষ্ণসান্নিধ্য ও শ্রীকৃষ্ণ-সেবা মিলিতে পারে । **দুই অক্ষ্যে—**দুই চক্ষুতে । কি করিবে পানে—শ্রীকৃষ্ণের মুখ যেন মাধুর্য্যের সমুদ্র ; চক্ষুরূপ পানপাত্র ভরিয়া ভরিয়া দর্শক সেই মাধুর্য্যসুখ পান করিয়া থাকেন । কিন্তু মাধুর্য্যসুখের পরিমাণ এতবেশী—সেই সুখের মধুরতা ও লোভনীয়তাও এতবেশী যে, চক্ষুরূপ কেবল দুইটি পান পাত্র দ্বারা ঐ সুখ কিরূপে পান করিবে ? অর্থাৎ পান করিয়া তৃপ্তিলাভ করা যায় না । **দ্বিগুণ বাড়ে** ইত্যাদি—বহুকাল যাবৎ অনাহারক্লিষ্ট লোক, খাওয়ার অভাবে এক রকম কষ্টে সৃষ্টে মরার মত পড়িয়া থাকিতে পারে । কিন্তু তাহাদের সাক্ষাতে যদি প্রচুর পরিমাণে উপাদেয় খাদ্যাদি উপস্থিত করা হয়, তখন আর তাহারা উদাসীন ভাবে পড়িয়া থাকিতে পারে না—প্রচুর স্বতাহতি প্রাপ্ত অগ্নির মত, ঐ সকল খাদ্য-বস্তু-দর্শনে তাহাদের বভুক্ষা শতগুণে বৃদ্ধি প্রাপ্ত হয় । কিন্তু সেই সময়ে যদি তাহাদিগকে পেট ভরিয়া থাহতে না দিয়া ঐ সমুদ্র চর্য্যচুষ্য-লেখ-পেয় বস্তুর অতি সামান্য ছ এক গ্রাস মাত্র তাহাদিগকে দিয়া আর না দেওয়া হয়, অথচ দ্রব্যসত্তার তাহাদের সাক্ষাতেই রাখা হয়, তখন তাহাদের যেরূপ মানসিক অবস্থা হয়, বাহারা বহু সৌভাগ্যের ফলে শ্রীকৃষ্ণ দর্শন পাইয়াছেন, অথচ মাত্র দুইটি চক্ষু দ্বারা শ্রীকৃষ্ণ-মাধুর্য্য-সুখ পান করিতে হইতেছে, তাহাদের অবস্থাও তদ্রূপ—তদ্রূপ কেন, তদপেক্ষাও বেশী আক্ষেপ-জনক । বেশী বলার হেতু এই যে, প্রাকৃত ভোগ্য বস্তু ভোগ করিতে করিতে ভোগ-বাসনা অন্ততঃ সামান্যক ভাবে প্রশমিত হইয়া আসে ; কিন্তু শ্রীকৃষ্ণ-মাধুর্য্যের স্বাভাবিক ধর্ম্মই এই যে, ইহা পান করার সময় হইতেই পান করার বাসনা প্রশমিত না হইয়া বরং উত্তরোত্তর বৃদ্ধি প্রাপ্ত হয় । **তৃষ্ণা—**পানের তৃষ্ণা, পান করিবার ইচ্ছা । **লোভ—**পান করিবার অল্প লালসা । **পিণ্ডে নারে—**পান-পাত্রের অভাবে ইচ্ছামত পান করিতে পারে না বলিয়া মনে ক্ষোভ (দুঃখ) জন্মে । **দুঃখে করে বিধির নিন্দন**—পান করিতে পারেনা বলিয়া দুঃখে বিধির নিন্দা করে । নিন্দার হেতু এই :—যান শ্রীকৃষ্ণ-বদন দর্শন কারবেন, বিধি তাঁকে মাত্র দুটি চক্ষু দিল কেন ? লক্ষ-কোটি চক্ষু দিলেও যে তাঁর পান করার সাধ মিটে না ! বিধি যোগ্য সৃষ্টি জানে না, নিতান্ত অবোধ ।

বিধি—বিধাতা, সৃষ্টি-কর্ত্তা । এখানে পূর্বোক্ত শ্লোকের “জড় উদীক্ষতাং পশ্মকৃদ্ধশাং” এর অর্থ করিতেছেন ।

এই স্থানে স্মরণ রাখিতে হইবে যে, এই উক্তিগুলি শ্রীকৃষ্ণ-প্রেমগী-গোপীগণের ; তাহারা প্রাকৃত জীব নহেন ; স্ততরাং সৃষ্টিকর্ত্তা বিধাতার সৃষ্টি নহেন ; তাই লক্ষকোটি চক্ষু না দিয়া তাহাদিগকে দুটি চক্ষু দেওয়ার অল্প বাস্তবিক বিধি দায়ী নহেন । তথাপি যে তাহারা বিধিকে নিন্দা করিতেছেন, তাহার হেতু এই যে, তাহারা যে আনন্দাচময়রস-প্রতিভাবতা নিত্যকৃষ্ণ-কান্তা, এই জ্ঞান যোগমায়ায় প্রভাবে ব্রজে তাহাদের ছিগ না । মাধুস-লীলা-সম্পাদনার্থ যোগমায়া এই ভ্রান্তি জন্মাইয়াছেন । এই ভ্রান্তিবশতঃ গোপীদিগের ধারণা যে, তাহারা প্রাকৃত মাধুস, সাধারণ গোয়ালার মেয়ে—প্রাকৃত ব্রহ্মাণ্ডের সৃষ্টি-কর্ত্তা, অত্যাশ্রয় প্রাকৃত জীবের সঙ্গে তাহাদিগকেও সৃষ্টি করিয়াছেন । এই ধারণাবশতঃই তাহারা বিধাতার নিন্দা করিতেছেন । পরবর্ত্তী পদসমূহে নিন্দার প্রকার বলিতেছেন ।

না দিলেক লক্ষ কোটি, তবে দিল আঁখি দুটি,
তাতে দিল নিমিষ-আচ্ছাদন ।
বিধি জড় তপোধন রসশূণ্য তার মন,
নাহি জানে যোগ্য সৃজন ॥ ১১২
যে দেখিবে কৃষ্ণানন, তার করে দিনয়ন
বিধি হঞা হেন অবিচার ।

মোর যদি বোল ধরে, কোটি আঁখি তার করে,
তবে জানি যোগ্য সৃষ্টি তার ॥ ১১৩
কৃষ্ণাঙ্গমাধুর্য্য-সিন্দু মুখ-সুমধুর ইন্দু,
অতিমধুর স্মিত-সুকিরণে ।
এ-তিনে লাগিল মন, লোভে করে আশ্বাদন,
শ্লোক পড়ে স্বহস্তচালনে ॥ ১১৪

গৌর-কৃপা-ভরসিঙ্গী টীকা

১১২। না দিলেক লক্ষ কোটি ইত্যাদি—বিধি এমন অবোধ যে, কোটি নয়ন ত দিলই না, লক্ষ নয়নও দিল না! দিল মাত্র দুইটি নয়ন!! দিল দিল দুইটি নয়ন, তাতেও আবার নিরবচ্ছিন্ন ভাবে দর্শনের সুযোগটা দিল না!!! চক্ষুর আবার পলক দিল! যে সময়টায় চক্ষুর পলক পড়ে, সেই সময়টাতে তো ঐ সামান্য দুই চক্ষু দ্বারাও শ্রীকৃষ্ণ-দর্শন ঘটে না। (ইহা শ্লোকোক্ত “ক্রটিযুগায়তে” অংশের অর্থ)। এক পলকের অদর্শন তাঁহাদের নিকট এক যুগের অদর্শনের মতই কষ্টদায়ক হয়। এই নিমিষের অসহিষ্ণুতা রূঢ়-মহাভাবের লক্ষণ। নিমিষ-আচ্ছাদন—চক্ষুর পলক। বিধি জড় ইত্যাদি—বিধি যোগ্য সৃষ্টি জানেনা; তাতে বুঝা যায়, বিধি জড়, বিধি তপোধন, বিধির মন রসশূণ্য। জড়—চেতনা-শূণ্য, হিতাহিত জ্ঞানশূণ্য; মৃত কাষ্ঠপ্রস্তরাদির মত মানসিক শক্তি-শূণ্য বস্তু। তপোধন—তপঃ (তপস্বী) ধন যাহার; দুষ্কর-কঠোর-তপস্বী-পরায়ণ। কঠোর তপস্বীর প্রভাবে, বিধির চিত্ত কঠোরত্ব লাভ করিয়াছে, কাষ্ঠ-প্রস্তরের মত ওক্ষ নীরস হইয়া গিয়াছে। রস-গ্রহণের বা রসবোধের শক্তি তাহার নাই; তা যদি থাকিত, তবে সে বুঝিতে পারিত, যাহারা কৃষ্ণমাধুর্য্য-রস পান করিবে, তাহাদের পক্ষে যে লক্ষকোটি নয়নও যথেষ্ট নহে, স্তব্রাং তাহাদিগকে সে দুইটি মাত্র চক্ষু দিত না।

১১৩। অবিচার—যার যাহা প্রাপ্য, তাকে তাহা না দেওয়াই অবিচার। বিধি স্রবিচার করিতে জানে না। একথা বলার হেতু এই:—কর্মফল অনুসারেই বিধাতা জীব সৃষ্টি করেন। গোপীগণ মনে করিতেছেন, তাঁহারা পূর্ব পূর্ব জন্মে হয়ত বহু পুণ্য করিয়া থাকিবেন, তাই তাঁহারা শ্রীকৃষ্ণদর্শন পাইয়াছেন। বিধাতা, তাঁহাদের সেই সমস্ত পুণ্যকর্মের বিচার করিয়াই, শ্রীকৃষ্ণদর্শনের যোগ্য স্থানে তাঁহাদের জন্মবিধান করিয়াছেন; এই পর্য্যন্ত সম্ভবতঃ বিধাতার বিচার প্রায় সঙ্গতই হইয়াছিল। কিন্তু, কৃষ্ণদর্শনের সৌভাগ্য যাহাদের আছে, কৃষ্ণদর্শনের অন্তর্কুল-স্থানে তাঁদের জন্ম হইয়াছে, তাঁহাদের কয়টি চক্ষু দেওয়া উচিত, তাহা বিধাতা ঠিক মত বিচার করিয়া উঠিতে পারেন নাই। তাঁহাদিগকে কোটি-নয়ন দেওয়া উচিত ছিল; তাহা হইলেই তাঁহাদের দর্শনের যোগ্যতার, তাঁহাদের পূর্ব পূর্ব জন্মকৃত পুণ্যপুঞ্জের অনুরূপ হইত। তাহা না করিয়াই বিধি অবিচার করিয়াছেন।

১১৪। কৃষ্ণাঙ্গ-মাধুর্য্য-সিন্দু—শ্রীকৃষ্ণের দেহ মাধুর্য্যের সমুদ্র তুল্য। সর্বাবস্থাতেই চেষ্টার চাকতা ও আশ্বাদতাকে মাধুর্য্য বলে। মুখ সুমধুর ইন্দু—সমুদ্রে যেমন চন্দ্রের উদ্ভব, এই মাধুর্য্যের সমুদ্রেও শ্রীকৃষ্ণের মুখরূপ চন্দ্রের উদ্ভব। ইন্দু—চন্দ্র।

বিশ্বাদ লবণ-সমুদ্র হইতে আকাশস্থ প্রাকৃত চন্দ্রের উদ্ভব; কিন্তু চন্দ্রে সমুদ্রের বিশ্বাদৃতা নাই; চন্দ্র অতি রমণীয়, আশ্বাদ। ইহাতে বুঝা যায়, চন্দ্রের জন্মস্থান হইতে চন্দ্রের মধুরতা অনেক বেশী। কৃষ্ণমুখচন্দ্র সম্বন্ধেও এই কথা। শ্রীকৃষ্ণের দেহ অপেক্ষা শ্রীকৃষ্ণের মুখের রমণীয়তা ও মধুরতা অনেক বেশী। তাই বলা হইয়াছে “মুখ সুমধুর ইন্দু”—কেবল মধুর নহে, সুমধুর; দেহ মধুর, মুখ সুমধুর।

এ স্থলে সিন্দুর সঙ্গে শ্রীকৃষ্ণদেহের তুলনা, সিন্দুর লবণাক্ততা বা বিশ্বাদৃতাংশে নহে; সিন্দু অপেক্ষা সিন্দুদ্রব চন্দ্রের মধুরতার আধিকাংশেই তুলনা।

তথাহি কর্ণামৃতে (৯২)

মধুরং মধুরং বপুঃস্ত বিভো-

মধুরং মধুরং বদনং মধুরম্।

মধুগন্ধি মৃদুস্মিতমেতদহো

মধুরং মধুরং মধুরং মধুরম্ ॥ ২২ ॥

যথারাগঃ—

সনাতন ! কৃষ্ণমাধুর্য্য অমৃতের সিন্ধু।

মোর মন সান্নিপাতি, সব পিতে করে মতি,

দুর্দৈব-বৈজ্ঞ না দেয় একবিন্দু ॥ প্র ১১৫

শ্লোকের সংস্কৃত টীকা

তাদৃশানন্ততমাধুর্য্যবিশেষমমুভূয় সাস্চর্য্যমাহ। অশ্রু বিভোর্বপু মধুরং অতিসুমধুরমিত্যর্থঃ। পুনঃ শ্রীমুখমালোক্য সশিরশ্চালনমাহ বদনন্ত মধুরং মধুরং মধুরমতিতরাং মধুরমিত্যর্থঃ। তত্রস্মিতমমুভূয় সসীংকারং তন্নির্দেশকতর্জনীচালনপূর্ব্বকমাহ এতন্মৃদুস্মিতন্ত মধুরং মধুরং মধুরং মধুরমতিতরাং সুমধুরমিত্যর্থঃ। কীদৃশং মধুগন্ধি মধুসৌরভবুজ্জন্ম। মুখাক্রান্ত মকরন্দরূপদ্বাং সর্ব্বমাদকমিত্যর্থঃ। স্মরতে কৃতমধুপানদ্বাং তদীয়গন্ধি বা। ইতি সারঙ্গরসদা ২২

গৌর-কৃপা-তরঙ্গিণী টীকা।

স্মিত-সুকিরণ—কৃষ্ণের মন্দহাসিই (স্মিতই) মুখরূপ চন্দ্রের কিরণ বা জ্যোৎস্না। সুকিরণ বলার তাৎপর্য্য এই যে, ইহা সকলের পক্ষেই “সু”—মঙ্গল-জনক, বা আনন্দবর্ধক। কিন্তু প্রাকৃত সমুদ্রোদ্ভব প্রাকৃত চন্দ্রের কিরণ সকলের আনন্দদায়ক নহে, সকলের মঙ্গলজনক নহে—চন্দ্রের কিরণে পদ্মিনী ছুঁখে মুদিতা হয়। এই কিরণ অতি মধুর; কারণ, ইহাতে মুখরূপ চন্দ্রের মাধুর্য্যও বর্ধিত হইয়া থাকে।

এ তিনে—শ্রীকৃষ্ণের অঙ্গের মাধুর্য্য, শ্রীকৃষ্ণের মুখের মাধুর্য্য ও শ্রীকৃষ্ণের মন্দহাস্যের মাধুর্য্য, এই তিন মাধুর্য্যে। লাগিল মন—সনাতন-গোস্বামীর নিকটে শ্রীকৃষ্ণ-মাধুর্য্য বর্ণন করিতে করিতে ঐ তিনটি মাধুর্য্যে শ্রীমন্মহাপ্রভুর মন আবিষ্ট হইল। লোভে করে আশ্বাদন—মাধুর্য্যে মন আবিষ্ট হওয়ায় ঐ মাধুর্য্য আশ্বাদন করার জন্ত লোভ জন্মিল; ঐ লোভের বশবর্ত্তী হইয়া মাধুর্য্য আশ্বাদন করিবার উদ্দেশ্যে হস্ত দ্বারা অভিনয় করিতে করিতে (স্বহস্তচালনে) নিম্নলিখিত “মধুরং মধুরং” শ্লোকটি পড়িতে লাগিলেন। শ্লোক পড়ে—নিম্নোক্ত “মধুরং মধুরং” শ্লোক। স্বহস্ত চালনে—নিজের হস্ত চালনা করিতে করিতে; হাতের ভঙ্গীদ্বারা অভিনয় করিতে করিতে। এমন সব ভঙ্গী করিতেছেন, যেন হাতের দ্বারা শ্রীকৃষ্ণের মুখাদির স্পর্শাদি করিতেছেন, যেন তাঁহার মন্দহাসির সুধা পান করিতেছেন।

শ্লো। ২২। অম্বয়। অশ্রু (এই) বিভোঃ (বিভু-শ্রীকৃষ্ণের) বপুঃ (দেহ) মধুরং মধুরং (মধুর মধুর—অতি সুমধুর); বদনং (বদন, মধুরং মধুরং মধুরং (মধুর, মধুর, মধুর—অতিতর সুমধুর); অহো (অহো)! মধুগন্ধি (মধুগন্ধি) এতং (এই) মৃদুস্মিতং (মন্দহাসি) মধুরং মধুরং মধুরং মধুরং (মধুর, মধুর, মধুর, মধুর—অতিতম সুমধুর)।

অমুবাদ। অহো! এই বিভু শ্রীকৃষ্ণের দেহখানি অতি সুমধুর; বদনখানি তাহা হইতেও সুমধুর এবং ইহার এই মধুগন্ধি মন্দহাসি তাহা হইতেও সুমধুর—মধুরতম। ২২

১১৫। “মধুরং মধুরং” শ্লোকের অর্থ করিতেছেন।

অমৃতের সিন্ধু—শ্রীকৃষ্ণের মাধুর্য্য অমৃতের সিন্ধুর মত অসীম। এই কথাগুলি শ্রীমন্মহাপ্রভু সনাতন-গোস্বামীকে বলিতেছেন।

মোর মন সান্নিপাতি—আমার মন যেন সান্নিপাত-রোগগ্রস্ত। সান্নিপাত-রোগে বায়ু, পিত্ত ও কফ এই তিনটিই কুপিত হয়। বায়ু, পিত্ত ও কফের প্রবলতার ভারতম্যানুসারে সান্নিপাতরোগ অনেক

কৃষ্ণাঙ্গ লাবণ্যপূর, মধুর হৈতে সুমধুর,
তাতে যেই মুখ-সুধাকর ।

মধুর হৈতে সুমধুর, তাহা হৈতে সুমধুর,
তার যেই স্মিত-জ্যোৎস্নাভর ॥ ১১৬

মধুর হৈতে সুমধুর, তাহা হৈতে সুমধুর,
তাহা হৈতে অতি সুমধুর ।

আপনার এক কণে, ব্যাপে সব ত্রিভুবনে,
দশ দিকে বহে যার পূর ॥ ১১৭

গৌর-কৃপা-তরঙ্গিণী টীকা ।

রকমের ; এই রোগের কোনও অবস্থায় প্রবল পিপাসা হয় ; এত পিপাসা যে, জলপাত্র দেখিলে পাত্রগুদ্ধ যেন পান করিতে ইচ্ছা হয় ; পুকুর দেখিলে পুকুর-গুদ্ধ যেন পান করিতে ইচ্ছা হয় । কিন্তু অল্প উপসর্গের ভয়ে চিকিৎসক রোগীকে বেশী জল দেন না, যাহা কিছু দিয়া থাকেন, রোগীর প্রবল পিপাসার নিকটে, মরুভূমিতে জলবিন্দুর ছায় (তাতল সৈকতে বারিবিন্দু সম) তাহা যেন উড়িয়া যায় ; রোগীর মনে হয়, তাহাকে চিকিৎসক যেন মোটেই জল দিতেছেন না ।

এস্থলে, শ্রীমন্মহাপ্রভু সনাতন-গোস্বামীকে বলিতেছেন—“সনাতন, আমার মনের যেন সান্নিপাত-রোগ হইয়াছে । শ্রীকৃষ্ণের দেহের মাধুর্য্য আশ্বাদনের আকাঙ্ক্ষা, তাঁহার বদনের মাধুর্য্য আশ্বাদনের আকাঙ্ক্ষা ও তাঁহার মন্দহাসির মাধুর্য্য আশ্বাদনের আকাঙ্ক্ষা,—এই তিনটি আকাঙ্ক্ষার প্রবলতাই বোধ হয়, বায়ুপিপ্ত-কফের প্রবলতার সাদৃশ্যে মনের সান্নিপাত-রোগের লক্ষণ প্রকাশ করিতেছে ।” সব পিতে করে মতি—শ্রীকৃষ্ণ-মাধুর্য্য-সিদ্ধুর সমস্তই যেন পান করিবার ইচ্ছা (মতি) করিতেছে । ইহাতে সান্নিপাত-রোগের অবস্থা-বিশেষের লক্ষণ—বলবতী পিপাসা—ব্যক্ত করিতেছেন । **তুর্দৈব-বৈথ**—আমার হৃভাগ্যরূপ বৈথ বা চিকিৎসক । সনাতন ! সমস্ত মাধুর্য্য-সিদ্ধু যেন এক চুমুকে পান করার জন্তই আমার মনের বলবতী আকাঙ্ক্ষা ; কিন্তু সমগ্র মাধুর্য্য-সিদ্ধু তো দূরের কথা, আমার তুর্দৈবরূপ বৈথ আমাকে এক বিন্দুও পান করিতে দিতেছেন না ; এক কণিকাও আশ্বাদন করিতে পারিতেছি না ।

বাস্তবিকই যে মহাপ্রভু শ্রীকৃষ্ণ-মাধুর্য্যের এক বিন্দুও পান করিতে পাইতেছেন না, তাহা নহে ; তিনি পূর্ণতমরূপেই শ্রীকৃষ্ণমাধুর্য্য পান করিতেছেন ; কারণ, শ্রীকৃষ্ণ-মাধুর্য্য আশ্বাদনের একমাত্র উপায়ই হইল প্রেম ; এই প্রেম শ্রীমতী রাধিকাতেই চরম-বিকাশ লাভ করিয়াছে ; সুতরাং শ্রীরাধিকার ভাবই হইল শ্রীকৃষ্ণ-মাধুর্য্য পূর্ণতমরূপে আশ্বাদন করিবার একমাত্র উপায় ; শ্রীমন্মহাপ্রভু শ্রীরাধিকার ভাব নিয়াই প্রকট হইয়াছেন ; সুতরাং তিনি যে শ্রীকৃষ্ণ-মাধুর্য্য পূর্ণতমরূপেই আশ্বাদন করিতেছেন, তদ্বিশয়ে বিন্দুমাত্রও সন্দেহ নাই । তথাপি যে তিনি বলিতেছেন, “আমি এক বিন্দুও পান করিতে পাইতেছি না”—ইহা তাঁহার রাধাভাবোচিত অনুরাগের লক্ষণ । এই অনুরাগে, সর্বদা অনুভূত বস্তুও যেন নিত্য নূতন বলিয়া মনে হয়, যেন উহা কখনও আর অনুভূত হয় নাই, এইরূপই মনে হয় ।

১১৬। **কৃষ্ণাঙ্গ লাবণ্যপূর**—শ্রীকৃষ্ণের অঙ্গ লাবণ্যের সমুদ্রতুল্য । **পূর**—সমুদ্র (পূর—জল সমূহ—ইতি মেদিনী) । **তাতে যেই মুখ-সুধাকর**—এ সমুদ্রে শ্রীকৃষ্ণের মুখই হইল চন্দ্র-সদৃশ । পূর্ববর্তী ১১৪ ত্রিপদীর টীকা দ্রষ্টব্য । **স্মিত-জ্যোৎস্নাভর**—মন্দহাসিই ঐ চন্দ্রের জ্যোৎস্নাতুল্য । পূর্ববর্তী ১১৪ ত্রিপদীর “স্মিত-সুকিরণ” শব্দের অর্থ দ্রষ্টব্য ।

১১৭। এ স্থলে এক অঙ্গ হইতে আর এক অঙ্গের অধিক মাধুর্য্য, তাহা হইতে আর এক অঙ্গের আরও অধিক মাধুর্য্য—এইরূপ বলা হইয়াছে । পরপর আশ্বাদন-জনিত আনন্দাধিক্য-বশতঃ এইরূপ উক্তি । শ্রীকৃষ্ণ-মাধুর্য্য যে কত মধুর, তাহা ব্যক্ত করিবার উপযুক্ত ভাষা যেন পাইতেছেন না ; তাই বলিতেছেন, মধুর, অতি মধুর, অতি সুমধুর, আরও সুমধুর ইত্যাদি ।

আপনার এক কণে—সেই শ্রীকৃষ্ণ-মাধুর্য্যের এক কণিকাই সমস্ত ত্রিভুবনকে মাধুর্য্যে প্লাবিত করিতে সমর্থ । **যারপূর**—সেই মাধুর্য্যসিদ্ধুর প্রবাহ দশদিকে প্রবাহিত হইতেছে ।

স্মিতকিরণ স্নকপূরে, পৈশে অধর-মধুরে,
সেই মধু মাতায় ত্রিভুবনে ।
বংশীছিন্ন-আকাশে, তার গুণ শব্দে পৈশে,
ধ্বনিক্রমে পাণ্ডা পরিণামে ॥ ১১৮

সে ধ্বনি চৌদিকে ধায়, অণ্ড ভেদি বৈকুণ্ঠে যায়,
জগতের বলে পৈশে কাণে ।
সভা মাতোয়ারা করি, বলাৎকারে আনে ধরি,
বিশেষত যুবতীর গণে ॥ ১১৯

গৌর-কৃপা-ভরস্বিনী চীকা ।

১১৮ । মধুর সঙ্গে কর্পূর মিশ্রিত হইলে মধুর মাদকতা-শক্তি অনেক বর্দ্ধিত হয় । শ্রীকৃষ্ণের অধর-সুধার সঙ্গে তাঁহার মন্দ-হাসিরূপ উত্তম কর্পূর মিশ্রিত হওয়ায় অধর-সুধার মাদকতা বহুগুণে বর্দ্ধিত হইয়াছে, ইহাই এস্থলে ব্যক্ত করিতেছেন । স্মিতকিরণ স্নকপূরে—মন্দ-হাসিরূপ যে মুখচন্দ্রের কিরণ, তাহাই স্ন (উত্তম)-কর্পূরতুল্য । কর্পূরের শুভ্রতায় মন্দহাসির নির্মলতা এবং কর্পূরের স্নগন্ধে মন্দহাসির মাধুর্য সূচিত হইতেছে । পৈশে—প্রবেশ করে । অধর-মধুরে—অধরের মধুতে বা মাধুর্যে । কোনও কোনও গ্রন্থে “অধর-মধুপূরে” পাঠ আছে; অধর-মধুপূরে—অধর-মধুর বা অধর-সুধার সমুদ্রে । স্মিত-কিরণরূপ স্নকপূর, শ্রীকৃষ্ণের অধর-মাধুর্যে প্রবেশ করে । সেই মধু—স্নকপূর-মিশ্রিত মধু । মাতায় ত্রিভুবনে—মন্দহাসিরূপ কর্পূর-মিশ্রিত অধর-সুধার মাদকতা এত বেশী যে, তাহাতে ত্রিভুবনবাসীই মাতোয়ারা হইয়া যায় ।

সেই মধু কিরূপে ত্রিভুবনকে মাতোয়ারা করে, তাহা বলিতেছেন । বংশীছিন্ন আকাশে—শ্রীকৃষ্ণের বাঁশরীতে যে ছিন্ন আছে, সেই ছিন্নরূপ আকাশে । বাঁশরীর ছিন্নের কাঁকাহানকেই আকাশ বলা হইয়াছে । তার গুণ শব্দে—“তার” অর্থ ঐ আকাশের । পঞ্চভূতের মধ্যে আকাশ (ব্যোম) একটা; এই আকাশের গুণ হইল শব্দ । শ্রীকৃষ্ণের বাঁশরীর ছিন্নস্থিত যে আকাশ, সেই আকাশের গুণ যে শব্দ—শ্রীকৃষ্ণের মন্দহাসিসমূহ অধরসুধা সেই শব্দে প্রবেশ করিয়া, (বংশী)-ধ্বনিক্রমে পরিণত হয় । পৈশে—প্রবেশ করে । ধ্বনিক্রমে—বংশীধ্বনিক্রমে । পাণ্ডা পরিণামে—(অধর-মধু) ধ্বনি রূপে পরিণত হয় ।

১১৯ । সে ধ্বনি—বংশীধ্বনি । অণ্ডভেদি—ব্রহ্মাণ্ড ভেদ করিয়া । বৈকুণ্ঠে যায়—সেই বংশীধ্বনি ব্রহ্মাণ্ড ভেদ করিয়া চিন্ময় মায়াতীত ভগবদ্ধামে গিয়া উপনীত হয় । “অণ্ড ভেদি”—বাক্যের তাৎপর্য এই যে, প্রকট-লীলা-কালে ব্রহ্মাণ্ডে যখন বংশীধ্বনি হয়, তখন সেই ধ্বনি ব্রহ্মাণ্ডেই সীমাবদ্ধ হইয়া থাকে না; তাহা বৈকুণ্ঠাদি ভগবদ্ধামে বাইয়া তদ্রূপ সকলকেও বিচলিত করে । ব্রহ্মাণ্ড ভেদ করিয়া যাওয়ার সময় জগতের—জগদ্বাসীর । বলে পৈশে কানে—জোর করিয়া সেই ধ্বনি জগদ্বাসীর কানে প্রবেশ করে । কেহ সেই ধ্বনি শুনিতে ইচ্ছা না করিলেও ধ্বনি আপনা-আপনিই তাহার কানে প্রবেশ করে ।

শ্রীকৃষ্ণের মন্দহাসিসমূহ-অধরসুধা বাঁশরীর শব্দের সঙ্গে মিশ্রিত হইয়া, যখন লোকের কানে প্রবেশ করে, তখন কেহ আর স্থির থাকিতে পারে না; সকলেই মাতোয়ারা হইয়া যায়; লোকধর্ম-বেদধর্ম-আদি সমস্ত ত্যাগ করিয়া শ্রীকৃষ্ণসমীপে আসিয়া উপস্থিত হয়, ঐ ধ্বনিই যেন তাহাদিগকে জোর করিয়া টানিয়া আনে ।

এ স্থলের মর্মার্থ বোধ হয় এই যে, শ্রীকৃষ্ণের বাঁশরীর ধ্বনি যে এমন ভাবে সকলকে মাতোয়ারা করিয়া তোলে, ইহা তাঁহার বাঁশরী, বা বাঁশরীর শব্দের স্বাভাবিক গুণ নহে; ইহা শ্রীকৃষ্ণের মন্দ-হাসি-মিশ্রিত অধর-সুধার গুণ; শ্রীকৃষ্ণের অধর-স্পর্শেই বাঁশরী এই গুণ পাইয়াছে; অথবা শ্রীকৃষ্ণের অধরের ফুৎকার হইতে উৎপন্ন হইয়াছে বলিয়াই বাঁশরীর ধ্বনি এইরূপ বন-প্রাণ-মাতোয়ারা-করা গুণ পাইয়াছে ।

সভা—সকলকে । বলাৎকারে—বলপূর্বক । বলাৎকারে আনে ধরি—জোর করিয়া ধরিয়া আনে—বংশীধ্বনি শুনিয়া তাহারা এতই উতলা হইয়া পড়ে যে, তাহারা আর শ্রীকৃষ্ণের নিকটে না আসিয়া থাকিতে পারে না । তাহাদের ইচ্ছা না থাকিলেও যে তাহাদিগকে ধরিয়া লইয়া আসে, “বলাৎকার” শব্দে, তাহাই সূচিত হইতেছে ।

ধ্বনি বড় উদ্ধত, পতিব্রতার ভাঙ্গে ব্রত,
পতিকোলে হৈতে কাটি আনে ।

বৈকুণ্ঠের লক্ষ্মীগণে, যেই করে আকর্ষণে,
তার আগে কেবা গোপীগণে ॥ ১২০

গৌর-কৃপা-তরঙ্গিণী টকা ।

যাহাকে কেহ অতিক্রান্ত ভাবে বলপূর্ব্বক ধরিয়া লইয়া আসে, তাহার যেমন নিজের শক্তি প্রয়োগ করিবার কোনও সুযোগ থাকেনা, কিম্বা নিজেকে রক্ষা করিবার জন্ত অপরের সাহায্য প্রার্থনা করিবারও কোনও সুযোগ থাকে না, সেইরূপ এই বংশীধ্বনি যাহার কানে প্রবেশ করে, প্রবেশ করিয়া নিজের মোহিনী শক্তিতে যাহাকে শ্রীকৃষ্ণ-সমীপে আকর্ষণ করে, তখন শ্রীকৃষ্ণ-সমীপে যাওয়ার জন্ত আগ্রহে, উৎকণ্ঠায় ও আনন্দে সে এতই উতলা হইয়া পড়ে যে, তাহার লোক-ধর্ম্ম, বেদধর্ম্ম, গৃহধর্ম্ম ইত্যাদির কোনও কিছুই তাখন আর তাহাকে ফিরাইয়া আনিবার সুযোগ পায় না । “বলাৎকার”-শব্দের মর্ম্ম বোধ হয় ইহাই । বিশেষতঃ যুবতীর গণে - পরবর্ত্তী ত্রিপদীর টকা দ্রষ্টব্য । যুবতী-শব্দে এস্থলে শ্রীকৃষ্ণপ্রেমসী ব্রজসুন্দরীগণকে লক্ষ্য করা হইয়াছে ; অতের পক্ষে শ্রীকৃষ্ণের বংশীধ্বনি শ্রবণ সম্ভব নহে ।

১২০ । ধ্বনি বড় উদ্ধত—সেই বংশীধ্বনি একেবারেই হিতাহিত-জ্ঞানশূন্য, নিজের অভিপ্রেত কাজ সে করিবেই—তাতে অপরের ভাল হউক, কি মন্দ হউক, তা সে সে-বিচার করিবে না ।

পতিব্রতার ভাঙ্গে ব্রত—পতিব্রতা রমণীর পতিব্রত-ধর্ম্মও নষ্ট করিয়া দেয় । এস্থলে শ্রীকৃষ্ণের বংশীধ্বনির অসাধারণ শক্তির কথা বলিতেছেন । পুরুষ অনেক সময় নানা কারণে লোক-ধর্ম্মাদিতে জলাঞ্জলি দিতে পারে ; কিন্তু পতিব্রতা-রমণী নিজের প্রাণ দিয়াও তাহার পতিব্রত বা সতীত্ব রক্ষা করিয়া থাকে । স্ত্রীলোকের পক্ষে ইহা অপেক্ষা বড় আর কিছুই নাই ; কিন্তু শ্রীকৃষ্ণের বংশীধ্বনির এমনই শক্তি যে, পতিব্রতা রমণীগণ পর্য্যন্ত ঐ বংশীধ্বনি শুনিয়া পতিসেবাদি পতিব্রত-ধর্ম্মে জলাঞ্জলি দিতে বিন্দুমাত্রও কুণ্ঠিত হয় না । পূর্ব্ব পদে “বিশেষতঃ যুবতীর গণে” বলার তাৎপর্য্যও ইহাই । যুবতী-স্ত্রীর পক্ষেই সর্ব্বপ্রকারে পতির মনোরঞ্জন করা সম্ভব হয় ; পতির মনোরঞ্জনই পতিব্রত-ধর্ম্মের সার বস্তু ; পতিব্রতা রমণীর পক্ষে যৌবনেই পূর্ণ মাত্রায় পতিব্রত-ধর্ম্ম পালন করা সম্ভব ; এজন্ত পতিব্রতা রমণীর পক্ষে যৌবনেই পতির প্রতি সর্ব্বাপেক্ষা বেশী আসক্তি প্রকাশ পায় - অনেক সময় এতই পত্যভুরাগ দেখা যায় যে, অত্ন ধর্ম্ম-কর্ম্মাদি পর্য্যন্তও উপেক্ষিত হইতে দেখা যায় । কিন্তু শ্রীকৃষ্ণের বংশীধ্বনির এমনি আশ্চর্য্য শক্তি যে, অত্ন তো দূরের কথা, এইরূপ পতিতে অত্যাশক্তিয়ুক্ত পতিব্রতা যুবতী নারীগণকে পর্য্যন্ত পতি-কোল হইতে আকর্ষণ করিয়া কৃষ্ণ-সমীপে লইয়া আসে ।

অথবা—যুবতীদিগের চিত্ত সাধারণতঃ প্রেমপূর্ণ থাকে ; প্রেমময়ের বংশীধ্বনি, যখন প্রেমিকগণকে স্তম্ভুর স্বরে আহ্বান করিতে থাকে, তখন প্রেমবতী রমণীগণের চিত্তই বিশেষভাবে আলোড়িত হইতে থাকে ।

অথবা—শ্রীমন্মহাপ্রভু ব্রজকিশোরী শ্রীমতী রাধিকার ভাবে বিভাবিত হইয়াই এই শ্লোকের মাধুর্য্য আশ্বাদন করিতেছেন । শ্রীমতী রাধিকা এবং তাঁহার সঙ্গিনী ব্রজসুন্দরীগণই শ্রীকৃষ্ণের বংশীধ্বনির প্রভাবে আর্ধ্য-পথাদি ত্যাগ করিয়া শ্রীকৃষ্ণ-সেবার জন্ত ধাবিত হইয়াছিলেন—তাঁহাদের বিশ্বাস (প্রকৃত-প্রস্তাবেও ইহা সত্য যে), এইরূপ গুরুতর কাজ আর কেহই করেন নাই ; এজন্তই রাধা ভাবে ভাবিত শ্রীমন্মহাপ্রভু বলিতেছেন,—কৃষ্ণের বংশীর প্রভাব যুবতী-নারীগণের উপরেই বিশেষরূপে ক্রিয়া করিয়া থাকে ।

তার আগে কেবা গোপীগণে—ব্রজের গোপীগণ স্বয়ং-ভগবান্ শ্রীকৃষ্ণের নিত্যকান্তা ; সুতরাং বৈকুণ্ঠের লক্ষ্মীগণ অপেক্ষা স্বরূপতঃ তাঁহারা শ্রেষ্ঠ ; কিন্তু শ্রীকৃষ্ণের নর-লীলার পরিকররূপে তাঁহাদেরও সহজ নর-ভাব ; এজন্তই তাঁহাদের চক্ষে লক্ষ্মী হইলেন দেবী, আর তাঁহারা মানবী ; তাই তাঁহারা আপনাদিগকে লক্ষ্মীগণ অপেক্ষা হেয় মনে করিতেছেন । “বৈকুণ্ঠের লক্ষ্মীগণই কৃষ্ণের বংশীধ্বনিতে আকৃষ্ট হইয়া নারায়ণের বক্ষঃ ত্যাগের জন্ত উৎকণ্ঠিত হন, আর আমরা তো সাধারণ গোয়ালার মেয়ে, আমরা কিরূপে স্থির থাকিব ?”—এইরূপই গোপীগণের মনের ভাব ।

নৌবি থমায় পতি-আগে, গৃহকর্ম করায় ত্যাগে,
বলে ধরি আনে কৃষ্ণ-স্থানে।

লোকধর্ম লজ্জা ভয়, সব জ্ঞান লুপ্ত-হয়,
এঁছে নাচায় সব নারীগণে ॥ ১২১
কাণের ভিতর বাসা করে,

আপনে তাই সदा স্ফুরে,
অণু শব্দ না দেয় প্রবেশিতে।

আন কথা না শুনে কাণ,
আন বুলিতে বোলায় আন,
এই কৃষ্ণের বংশীর চরিতে ॥ ১২২

পুন কহে বাহু জ্ঞানে, আন কহিতে কহি আনে,
কৃষ্ণকৃপা তোমার উপরে।

মোর চিত্তভ্রম করি, নিজৈশ্বর্যমাধুরী,
মোর মুখে শুনায় তোমারে ॥ ১২৩

আমি ত বাউল, আন কহিতে আন কহি।
কৃষ্ণের মাধুর্য্যামৃতস্রোতে যাই বহি ॥ ১২৪

তবে প্রভু ক্ষণ এক মৌন করি রহে।
মনে ধৈর্য্য করি পুন সনাতনে কহে ॥ ১২৫

কৃষ্ণের মাধুরী আর মহাপ্রভুর মুখে।
যেই ইহা শুনে সেই ভাসে প্রেমসুখে ॥ ১২৬

শ্রীরূপ-রঘুনাথ-পদে যার আশ।
চৈতন্যচরিতামৃত কহে কৃষ্ণদাস ॥ ১২৭

ইতি শ্রীচৈতন্যচরিতামৃতে মধ্যখণ্ডে সম্বন্ধতত্ত্ব-

বিচারে শ্রীকৃষ্ণৈশ্বর্য্যমাধুর্য্যবর্ণনং নাম
একবিংশপরিচ্ছেদঃ ॥

গৌর-কৃপা-তরঙ্গিণী টীকা।

এই ত্রিপদীতে “পতিব্রতা”-শব্দে এবং পরবর্তী ত্রিপদীতে “নারীগণ”-শব্দে শ্রীকৃষ্ণপ্রেমসী ব্রজমুন্দরীগণকেই বুঝাইতেছে।

১২২। কাণের ভিতর ইত্যাদি—শ্রীকৃষ্ণের বাঁশীর শব্দ এক বার যাহার কানে প্রবেশ করে, তাহার কানে আর অণু কোনও শব্দই যেন প্রবেশ করিতে পারে না। ঐ বাঁশীর শব্দই যেন সর্বদা তাহার কানে ধ্বনিত হইতে থাকে; যখন বাস্তবিক বাঁশীর শব্দ হয় না, তখনও যেন তাহার কানে ঐ বাঁশীর শব্দই শুনা যায়; অণু শব্দ যখন হয়, তখনও তাহার কানে বাঁশীর শব্দই শুনা যায়। শব্দ যেন কানের মধ্যে বাসা করিয়া নিজের স্থায়ী বাসস্থান করিয়া লইয়াছে। আন বুলিতে বোলায় আন—ইহা দ্বারা বংশীধ্বনি-জনিত তন্ময়তা সূচিত হইতেছে। যিনি একবার ঐ বংশীর ধ্বনি শুনে, ঐ ধ্বনিতেই তাঁহার চিত্ত আবিষ্ট হইয়া যায়; অণু বিষয়ে আর কিছুতেই তিনি মনোনিবেশ করিতে পারেন না; তাই শ্রীকৃষ্ণ-বিষয়ক কথা ব্যতীত অপর কোনও কথা বলিতে গেলে তাঁহার মুখে অসংলগ্ন কথা বাহির হইয়া পড়ে, এক কথা বলিতে আর এক কথা বলিয়া ফেলেন।

১২৩। পুন কহে ইত্যাদি—কৃষ্ণের মাধুর্য্যে আকৃষ্ট হইয়াই এতক্ষণ শ্রীমন্ মহাপ্রভু যেন প্রলাপোক্তি করিতেছিলেন। এক্ষণে তাঁহার বাহুজ্ঞান হওয়ায় নিজের দৈন্ত জ্ঞাপন করিয়া নিম্নোক্ত কথাগুলি বলিতেছেন।

মোর চিত্তভ্রম করি—শ্রীকৃষ্ণ তোমার প্রতি কৃপা করিয়া আমার চিত্তভ্রম জন্মাইয়া। প্রভু বলিলেন—“সনাতন! তোমার প্রতি শ্রীকৃষ্ণের বিশেষ কৃপা; এই কৃপাবশতঃই তাঁহার স্বীয় ঐশ্বর্য্য ও মাধুর্য্যের কথা তোমাকে শুনাইবার জন্ত তাঁহার ইচ্ছা হইয়াছে। আমাকে যত্ন করিয়া, আমার চিত্তভ্রান্তি জন্মাইয়া, আমার মুখেই তাঁহার ঐশ্বর্য্য-মাধুর্য্যের কথা প্রকাশ করাইয়া তিনি তোমাকে তাহা শুনাইয়াছেন।”

১২৪। বাউল—বাতুল; পাগল। যাই বহি—প্রবাহিত হইয়া যাই।

১২৫। পুনঃ সনাতনে কহে—পুনর্বার যাহা বলিলেন, তাহা পরবর্তী পরিচ্ছেদে লিখিত হইয়াছে।